




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
84/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
84/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
84/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
84/A

84/A





42550
PARADOXE
S V R

L'INCERTITVDE
VANITE', ET
abus des Sciences.

*Traduite en François, du Latin de
Henry Corneille Agr.*

Oeuure qui peut profiter, & qui
apporte merueilleux contente-
ment à ceux qui frequentent
les Cours des grands Seigneurs,
& qui veulent apprendre à dis-
courir d'une infinité de choses
contre la commune opinion.

M. DC. III.



R E F A C E A V
L E C T E U R.



NE te semble-il point (Lecteur
studieux) que ce que i'entre-
prends est vn fait hardy, magna-
nime & totalement Herculien,
de prendre les armes pour com-
battre toute cette armée de Geants? Desfier dy-
ie, & tirer en champ de bataille tous ces puis-
sans veneurs & pourchasseurs de tous arts &
sciences? Le sourcil refrogné des Docteurs, l'e-
rudition des Licentiez, l'autorité de nos Mai-
stres, les essais & efforts des Bacheliers, le zele
des Scholastiques, & avec eux toute la troupe
des mutins artisans, fremiront & se banderont
cōtre moy. Que s'il aduient que ie les surmōte,
n'auray-ie pas fait autant ou plus, que si i'a-
uois occy d'une massue le Lion Nemeen, estaint
par le feu le serpēt Hydra du lac de Lerne, ex-
terminé le sanglier d'Erymante, pris à force
la biche au cornes d'or au mont Menale, percé
dans les nuës à coups de traits les oyseaux de
Stymphale, suffoqué entre mes bras Antée,
planté les colonnes dās la mer Oceane, vaincu
Gerion à trois corps, emmené ses bœufs, tué vn
taureau, surmonté corps à corps Achelous le

à ij

P R E F A C E.

fleuve, emmené les cheuaux de Diomedes, entraîné Cerberus lié d'une triple chaisne, enlevé les Pommes d'Or du iardin des Hesperides. Et fait autres telles promesses que l'on escrit auoir esté exécutées avec grand travail, Et non moindre danger par Hercules; attendu que le labour n'est point moindre, Et si le peril en est beaucoup plus grand, d'entreprendre de venir au dessus de ces monstres des Escholes Et Vniuersitez, places, Et ateliers. Or apperceoy ie assez quel sanglant combat il faut que ie soustienne Et de pres, Et quelle dangereuse guerre me sera liuree estant environné d'une si grande Et si puissante armee d'ennemis. Vray Dieu avec cōbié d'engins seray ie battu! quels rudes assauts me seront liurez cōbien de bonte Et de vituperes s'essayera l'on de me faire! Au premier rang se presenteront les Grammairiens pouilleux, lesquels par leur Ethymologie tireront de mon nom Agrippa un podagre, Et ainsi m'appelleront: Les forcenez Poëtes me diffameront par leurs vers ainsi qu'un Momus, ou que le bouc d'Esopé: Les Historiens vendeurs de bourdes me descrieront plus propbane qu'ils n'ont fait Pausanias ou Herodote: Les Harangueurs hautains Et bruyans avec un visage serrible, regard furieux, Et gestes enragez, m'accuseront comme rebelle, Et ennemy de la

P R E F A C E.

patric: Les monstrueux professeurs de memoire
me rompront la ceruelle avec leurs phantosmes
& lieux imaginaires: Les comentieux Diale-
cticiens lascheront sur moy infinis traitt d'ar-
guments & syllogismes: L'obscur & ambigu
Sophiste par les laos inexplicables de ses paroles
me voudra brider ainsi que d'un frein: Le bar-
bare Lulliste m'escrueuera par ses paroles mal
accouplées & par ses absurditez: le seray bāni
du Ciel & de la terre par les Mathematiciens
Atheistes: les Arithmeticiens calculateurs de
minutes inciteront contre moy les usuriers, qui
me cōtrairont de payer mes debtes. L'obstiné
ioieur me reduira au licol par desesper. Le
Pythagorien Sorcier me somnera quelque nōbre
malencōtreux: Le Geomantien me liuera quel-
que prison, tristesse, ou autre malheur par ses
figures punctuaires: Les Musiciens farcis de
ions ferōt des chansons de moy pour entretenir
& donner passe-temps à la populace par les
carrefours: on sifflera, l'on ronflera apres moy,
& me fera l'on vn charinari de poëlls, bassins,
& chaudrons plus qu'à ceux qui se remarient:
Les Dames pompeuses me chasseront des dan-
ces: Les ieunes pucelles me refuseront le baiser:
Je seray mocqué par les babillardes seruantes
comme vn Chameau qui danse, ou vn Asne
qui se veut faire de feste: Le Bastleur, faiseur

PREFACE.

de son bresauts, fera de moy quelque sorte farce,
ou de honnestes Tragedie : Je seray assaillly de
toutes mains & de tous costez par le prompt &
adroit escrimeur : Les Geometriens empestrez
m'enveloperont dans leurs cercles quarrez &
triangles dont ie ne me pourray deffaire non
plus que du nœud Gordien. Je seray peint plus
laid qu'un singe, ou que Thersite mesme, par
le vain perspectif : Les vagabonds Cosmogra-
phes me confineront outre les Moscouites &
la mer glaciale : L'inuentif & ingenieux Ar-
chitecte m'assiègera par ses forts & machines
inexpugnables, & m'embrouillera es erreurs de
ses deuoyez labyrinthes : Les infernaux foûil-
leurs de mines me condamneront à travailler
dans les creux & cauernes de la terre : Les A-
strologues avec leurs destinées m'enuoyeront au
gibet, & par les tournoyemens de leurs sphares
& cercles empeschent que ie ne pourray gra-
uir au Ciel : Les deuins menasseurs ne me predi-
ront que tout malheur : Par l'habitude du corps
& du visage ils me diffameront comme froid
& impuissant aux ieux de Venus. Par mon
front ie seray remarqué pour un asnier escer-
nelé : Par les traits & marques de mes mains
ils me presageront tout sinistre accident. Je se-
ray degradé par quelque triste augure, foudre
& feu Celeste me consumera selon leurs mon-

PREFACE.

struenses observations: Le tenebreux interprete de songes m'effouuatera par visions & fantasmes nocturnes: Le forcené Prophete me prononceraquelque oracle ambigu auquel ie seray deceu: Le Magicien prodigieux me transformera ainsi qu'un autre Apulée ou Lucien en Asne, non pas doré, mais possible embrené: Le diabolique Goëtien ou Necromancien me persécutera par visions infernales & horribles: Le sacrilege Theurgien mugueteur des esprits bien-heureux m'ennoyera aux corbeaux en la malheure: Les Cabalistes Circoncis me chargeront des maledictions de leur quartenaire: L'enchanteur niais me fera paroistre sans teste ou sans queue: Les Philosophes contentieux me desmembreront par leurs contrariantes opinions: Les vagabonds Pythagoriens me feront pourmener entre le Chien & le Crocodile. Les Cyniques mordans & infames m'enfermeront dans un tonneau ou sepulcre: Les pestiferes Academiques crieront apres moy qu'il faut que ma femme soit commune à un chacun: Les Epicuriens gloutons me creueront à force de boire & de manger: Les irreligieux Peripatetiques m'exclurront de Paradis, disans que mon ame mourra avec le corps: Les Stoïciens seueres, arrachans de moy toutes affections naturelles me transformeront en un caillou: Les

PREFACE.

Bauards Metaphisiciens ne cesseront de m'écœ-
ueler par paradoxes de choses qui ne sont, ne
furent, & ne seront iamaïs tirées du chaos de
Demogorgon & de ses phantosmes. Les Epi-
ques censeurs me d'graderont de tous hōneurs
& suffrages. Le politique Legislateur me re-
iettera de toute charge & administration: Je
seray chassé de la Cour par le Prince volu-
ptueux: le n'auray aucune place en l'estat &
gouvernement de pen de riches ambitieux. Le
populaire insencé me sifflera apres, & me char-
gera d'outrages par les ruës: Le cruel tyrann
ainsi que Phalaris m'enfermera dans vn Tau-
reau de fonte pour y estre tourmenté: Je seray
banni par la ligue des factieux: La populace
mutine beste à plusieurs testles, me condamnera,
& m'enuoyera en exil sans m'ouyr. Toute Re-
publique affligée dira que ie l'auray trahie:
L'auare prestrise me chassera des Temples &
Autels: Je seray diffamé & persecuté en plaine
chaire par les cagots masquez, & iniurieux
hypocrites. Les Papes de leur plaine puissance
retiendront mes pechez, & m'enuoyeront au
feu d'Enfer: Les putains lubriques me menas-
seront de la grosse verolle:: Le macquereau nais-
sable, & la maquerelle yurongne feroit ab-
baisser le ventre à ma bource: Les belistres
ulcerenx me chasseront des hospitaux: Les

P R E F A C E.

questeurs tournoyans & rodans par tout, me
liureront au feu S. Anthoine, & ne m'eslargi-
ront aucunes indulgences, & m'inciteront apres
les chiens enragez: Le despensier fervera la
mule, & m'engagera à la boucherie: Le blas-
phemateur nautonnier m'ira iettier dans le gouf-
fre de Scylla: Le rusé & trompeur marchand
me consumera en vsure: Le larron thresorier
me retiendra mes gages. Je seray chassé des
plaisans & delieux iardins par les mal gra-
cieux paisans: Les Pasteurs oisifs souhaitteront
que ie soye mangé des Loups: Le pescheur va-
gabond par les ondes me tendra quelque hame-
çon couuert: Le criard chasseur me laschera ses
chiens & ses oyseaux. Je seray pillé par le puis-
sant gendarme. Les Gentilshommes braues &
biens vestus me chasseront de leur rang. Je
seray degradé des armes & enseignes de mes
predecesseurs par les berants vestus de cottes
d'armes, reietté des lices & tournois, & decla-
ré vilain taillable: Les Medecins machemerde
me verseront dessus les poëlles & pots à pisser:
Entre iceux le causeur rational par ses dispu-
tes dilayera les remedes opportuns: Le teme-
raire & bazardeux empirique en faisant son
coup d'essay me mettra au danger de la mort.
Le methodique abuseur differant de iour à au-
tre, prolongera ma maladie pour faire son pro-

P R E F A C E.

fit : Les ords & sales Apothicaires me feront
vuider les entrailles par leurs clysters : Les
Chirurgiens chatreux feront la guerre à mes
coüilles ou à mes dents. Les cruels Anatomistes
me demanderont pour estre basché par leurs
mains : Les Mareschaux & immondes Mede-
cins de bestail, m'enfermeront dans vn travail
& m'auengleront de poussiere. L'on me fera
mourir de faim par regimes & reigles de
viure, mesprisées cependant par leurs Au-
theurs, tendans à autre fin qu'à ma santé : Le
cuisinier alteré me fera potage qui vaille : Le
prodigue Alchymiste me chassera d'autour de
ses fourneaux, & m'interdira des richesses :
Les invincibles Iuristes m'accableront à force
de glosses & de leur grand volumes : Les Le-
gistes outrecuidez & hautains m'accuseront
de lese Maïesté : Les Canonistes arrogans m'ex-
communivont, & me chargeront de leurs male-
dictions, & execrations. Les litigieux Aduo-
cats m'imposeront mille calomnies & faussetez :
Le Procureur trompereau me lairra tomber en
defaut, s'entendant avec ma partie aduerse. Le
Notaire de mauuaise foy fera quelque faux
Contract à mon dommage. Le Iuge rigoureux
me condamnera, & ordonnera que l'on passe ou-
tre nonobstant l'appel : Le hautain & impe-
rieux Chancellier mettra le canivet dans mes

P R E F A C E

lettres, & ne le vouldra sceller: Les opiniaftres
Theosophtes me declareront heretique, & me
voudront contraindre d'adorer leurs idoles.
Nos Maiftres sourcilleux me voudront faire
retracter & desdire, & seray magistralement
dechassé par les geants de Sorbonne. Voyla
Le Lecteur de combien de dangers ie me voy me-
nassé: Ce nonobstant i'ay bon courage, & pour-
ueu que tu endures que l'on te die la verité, &
qu'estant despoüillé de toute mal-vueillance &
rancune tu te mettes à lire ces discours avec
esprit pur, & sans malice, i'espere bien d'en
eschapper: Car avec ce i'ay la parole de Dieu
pour ma defense, que ie leur opposeray hardi-
ment pour bouclier. Et quand besoin seroit, puis-
qu'à cause d'icelle ie me seray volontairement
acquis tant d'ennemis, ie mourray aussi volon-
tairement plustost que quitter le champ. Or
veux ie bien que tu scaches que haine, ambi-
tion, fraude, ny erreur, ne m'ont induit à escri-
re ces choses, & n'y ay point esté poussé par vn
desir sacrilege, ny par vn cœur fier & felon:
ains par raison autant iuste & certaine que
l'õ sçauroit penser. Car i'ay apperceu plusieurs
estre deuenus si insolents & orgueilleux à cause
de quelques sciences & disciplines humaines,
qu'ils ont dédaigné & méprisé, voire blasme
& persecuté les Sainctz Liures des Escriptu-

P R E F A C E.

res Canoniques, dictées par le S. & spirit, comme choses rustiques & sans aucune doctrine, pour auant qu'elles sont conceues d'un stil simple & nud sans enrichissements de paroles, force de syllogismes, affectation ny attrait aucun de langage, & sans erudition estrangere prinse de la Philosophie: ains sont soustenuës seulement par le moyen de la vertu, & de la foy. Et si en auons veu d'autres, lesquels avec quelque peu plus d'apparence de pieté ont voulu establir & renforcer les ordonnances de nostre Seigneur Iesus Christ par les decrets des Philosophes prophanes, se seruant plus de l'autorité d'iceux que de celle des saints Prophetes, Apostres & Euangelistes, nonobstant qu'ils soyent opposites & eslongnez en toute distance les uns des autres. Outre qu'il y a vne coustume peruerse & damnable receüe en toutes les Vniuersitez & Colleges, d'abstraire par serment tous ceux qui viennent à prendre quelque degré, qu'ils ne contrenuendront ny repugneront iamais à Aristote, Boëce, Thomas, Albert, ou autre semblable Dieu de leurs Escholes: & s'il aduient à quelqu'un de s'esloigner tant soit peu des opinions & reigles de ceux là, l'on oyt incōtinent crier à l'heretique, aux scandaleux, au blasphemateur & le condamner au feu. Il est donc necessaire d'assaillir ces outreuides geants, &

P R E F A C E.

ennemis des Saintes Lettres, demolir leurs remparts & forteresses, & descouvrir quel auenglement est és esprits humains, tousiours errans & se desuoyans de la verité, nonobstant si grand nombre d'arts & sciences, & de maistres Autheurs & Professeurs de chacune d'icelles: & quelle temeraire & arrogante presomptiõ c'est de preferer à l'Eglise de Dieu les Ecoles des Philosophes: faire plus de compte des opinions des hommes, que de la sainte parole: En somme quelle impieté tyrannique c'est de vouloir restraindre & comme emprisonner les esprits des gens d'estude à certains Autheurs, & oster le moyen à ceux qui sont desireux d'apprendre, de chercher & ensuyure la verité. Estant doncques ces choses si claires & apparentes à l'œil, que l'on ne peut dire le contraire, ie deuray estre excusé si en quelque endroit ie me monstre libre ou possible aspre & rigoureux contre certaine sorte de science & les professeurs d'icelles.

De la Grande
De la P
De l'Hij
De la R
De la D
De la S
De l'art
De la
Des
De l'A
De la G
Des
Du
De l'
De la
De la
De la

T A B L E
DES CHAPITRES DV
present Liure.

D Es Sciences en general, ch. I. p. I	
Des elemens des lettres. II.	16
De la Grammaire. III.	21
De la Poësie. IIII.	38
De l'Histoire. V.	47
De la Rhetorique. VI.	61
De la Dialectique. VII.	74
De la Sophistique. VIII.	81
De l'art de Lullius. IX.	90
De la Memoire artificielle. X.	92
Des Mathematiques en general. XI.	94
De l'Arithmetique. XII.	95
De la Geomantie. XIII.	96
Des Jeux de hazard. XIV.	97
Du sort Pythagorien. XV.	100
De l'Arithmetique derechef. XVI.	102
De la Musique. XVII.	104
De la danse ou bal. XVIII.	105
De la danse armée. XIX.	121

TABLE.

Des Bastelours, & de leurs sants & danses. xx.	122
Du Rhetorisme, ou bal retoric. xxxi.	125
De la Geometrie. xxii.	127
De l'Optique ou Perspective. xxiii.	131
De la Peinture. xxiv.	134
De la Statuaire, Sculpture, ou taille en bosse, & de la Poterie & Fonte. xxv.	137
De la Speculaire, ou art de faire des miroirs. xxvi.	141
De la Cosmimetrie, ou consideration des mesures du monde. xxvii.	145
De l'Architecture. xxviii.	150
Des Metaux, & de la recherche de leurs mines. xxix.	155
De l'Astronomie. xxx.	159
De l'Astrologie iudiciaire. xxxi.	162
Des diuinations en general. xxxii.	182
De la Phisionomie. xxxiii.	184
De la Metoposcopie. xxxiv.	185
De la Chiromantie. xxxv.	ibid.
De la Geomatie derechef. xxxvi.	188
Des auspices ou augures, & des diuinations.	

T A B L E.

De la Speculation par les entrailles des animaux. XXXVII.	189
De la Speculatoire. XXXVIII.	192
De l'Onirocritique. XXXIX. <i>ibid.</i>	
De la fureur ou forcenerie de uinereſſe. XL.	195
De la Magie en general. XLI.	199
De la Magie naturelle. XLII.	200
De la Magie Mathematique. XLIII.	204
De la Magie qui empoisonne. XLIV.	206
De la Goëtie & necromantie. XLV.	210
De la Theurgie. XLVI.	218
De la Caballe. XLVII.	220
Des impostures & illusions dont vsent les Basteleurs & ioüeurs de passe-passe. XLVIII.	230
De la Philosophie naturelle. XLIX.	236
Des Principes naturels. L.	238
Du monde, de sa pluralité & durée. LI.	240.
De l'Ame. LII.	243
De la Metaphysique. LIII.	260
De la Philosophie morale. LIV	267

TABLE.

Des Polices ou gouvnernemens des Ci- tez & Republ. LV.	284
De la Religion en general LVI.	297
Des Images. LVII.	304
Des Temples. LVIII.	313
Des Festes. LIX.	317
Des Ceremonies. LX.	322
Des Prelats de l'Eglise. LXI.	331
Des Sectes Monastiques. LXII.	343
Des Putains. LXIII.	351
Du Maquerelage. LXIV.	372
De la Mendicité & Belistrerie. LXV.	403
De l'Oeconomie, ou mesnage en gene- ral. LXVI.	415
De l'Oeconomie prinée. LXVII.	419
Des Courtisans, ou Oeconomie de la Cour. LXVIII.	430
Des gentilhommes Courtisans. LXIX.	435
Des roturiers, negociateurs, & autres gens de bas estat servans ou suivans la Cour. LXX.	442
Des Femmes de Cour. LXXI.	450

T A B L E.

De la Marchandise. LXXII.	456
Oes Financiers. LXXIII.	465
De l'Agriculture. LXXIV.	467
De la Bergerie & pasture du bestail. LXXV.	468
De la Pesche. LXXVI.	471
De la Chasse. LXXVII.	472
Conclusion du discours de l'Agriculture & de ses adherâtes. LXXVIII.	481
De l'Art Militaire. LXXIX.	487
De la Noblesse. LXXX.	497
Des Herants. LXXXI.	539
De la Medecine en general. LXXXII.	550
De la Medecine operat. LXXXIII.	559
De l'Apothicairerie. LXXXIII.	591
De la Chirurgie. LXXXV.	599
De l'Anatomie. LXXXVI.	601
De la Mareschallerie, & medecine pour le bestail. LXXXVII.	602
De la diette ou reigle de viure. LXXXVIII.	604
De la Cuisine. LXXXIX.	607
De l'Alchemie. XC.	617

TABLE.

Du droit & des Loix. xci.	626
Du droit Canon. xcii.	636
Des Advocats. xciii.	645
Des Notaires & Procureurs. xciiii.	647
De la Jurisprudence. xcv.	649
De l'Inquisition. xcvi.	652
De la Theologie Scolastique. xcvi.	662
De la Theologie interpretative. xcvi.	674
De la Theologie Prophetique. xcix.	682
De la parole de Dieu. c.	699
Des Maistres des Sciences. ci.	716
Disgression sur la louange de l'Asne. cii.	730
Conclusion de l'œuvre. ciii.	732

FIN DE LA TABLE.



DE

LA VANITE

INCERTITUDE,
& abus des Sciences.

Des Sciences en general.

CHAPITRE I.

L'OPINION ancienne, & l'aduis commun & accordant presque de tous ceux qui se sont messés de philosopher, a esté que chaque science, à laquelle l'homme selon sa capacité & naturelle facultés s'est voulu addonner, a peu acquerir à iceluy quelque divinité, & tellement le surhausser par dessus la condition humaine, qu'il a peu atteindre & paruenir au rang des Dieux bien-heureux. De là sont procedees les diuerses & infinies loüanges que l'on a donnees aux sciences : s'estant vn

A

2 *Des Sciences en general.*

chacun esvertué de magnifier par longues & ornees paroles l'art ou discipline en laquelle il auoit par long exercice esguisé le fil de son entendement : non seulement la preſerant aux autres, ains la mettant outre & par deſſus les cieux meſmes. Quant à moy, ie ſuis perſuadé par autres & differentes raiſons, qu'il n'y a choſe plus pernicieuſe & dommageable à la vie commune, rien plus peſtilentieux au ſalut de nos ames, que les arts & ſciences. Parquoy i'entés proceder d'une façon toute contraire: Car au lieu de tant magnifier ces ſciences, ma deliberatiō eſt de les blaſmer & deſpriſer pour la pluſpart. Et dis qu'il ne s'en trouue aucune qui ſoit nette de tache reprehēſible, ny qui merite de ſoy-meſme louange aucune, ſinon entāt qu'elle l'emprunte de la bōté & preud'homme de celuy qui la poſſede. Ie requiers cependant que ce mien aduis ſoit prins en bonne part, & cōme dit en telle modeſtie que ie n'enten reprendre aucun de ceux qui prouēt auoir diuerſe opinion, ny attribuer arrogāment à la miēne aduantage quelconque. Seulement ie deſire eſtre excuſé en ce que ie ſeray diſ-

Des Sciences en general. 2

cordant d'auec les autres, iusques a ce
que i'aye discouru sur chaque espee &
faculté de lettres, & donné commence-
ment à ceste mienne opinion par argu-
ments qui ne seront ny communs, ny le-
gers, ny prins de l'apparence ou super-
ficie des choses, mais tirés des plus fer-
mes & certaines raisons, & (par manie-
re de dire) des plus profōdes entrailles
de la nature d'icelles. Sās que ie les far-
de d'aucune subtile eloquence, comme
d'vn Demosthene, ou d'vn Chrysippe:
Car cela seroit mal seant à moy, qui fay
profesion des saintes lettres, & ne pour-
rois fuyr le blasme de flatteur, si ie me
complaisois en ces couleurs & desguise-
mens: attendu que le Theologien doit
chercher & se contenter de paroles plu-
tost propres que elegantes; & suyure la
verité des choses, non pas l'ornemēt du
lāgage. Le siege de la verité est au cœur
& non en la lāgue, & peu nous doit cha-
loir par quelles parolles elle est dite &
deposee: laquelle (cōme dit Euripides)
est simple, & ne veut estre peinte ny far-
dee. Mais le mensonge a besoin d'estre
voilé d'eloq̃e & de paroles exquisas,
à fin qu'il soit mieux receu des entende-

A ij

4 *Des Sciences en general*

mens humains. Si doncques i'expose & es pans à vos délicates oreilles l'affaire que i'ay entrepris nud & desgarny de toutes fleurs d'eloquence (laquelle mesme vous verrez par effect que ie negligé point tant que ie la blasme & cōdamne) ie vous prie d'auoir la mesme patience qu'eust cēt Empereur Romain, lequel voulut bien arrester & faire alte à toute sō armée pour écouter vne femmelette; & le Roy Archésilaus, qui vouloit ouyr quelquefois des hommes enroüez & ayans la voix rude & mal plaisante, afin qu'il receut plus de delectation quād il oiroit apres ceux qui estoient eloquēts. Reduisez en memoire cette sentence de Theophraste, que les hommes rudes & rustiques peuuent bien parler deuant les plus eloquēts personnages, pourueu qu'ils parlent avec raison & verité. Or afin que ie ne vous tienne longuement en suspens, ie vous declareray presentement par quelles etres i'ay poursuiuy ainsi qu'un chien courant & acquis l'opinion sus mentionnée, vous ayant premieremēt aduertis que les sciences d'elles mesmes sont autant mauvaises que bonnes; & que d'icelles nous ne pouuōs

Des Sciences en general. 5

acquerir aucune condition plus qu'humaine, ny aucun autre heur ou deité, si non par aduenture celle que le serpent ancien promit à nos premiers parés, disant: Vous serez ainsi que Dieu scachans le bien & le mal. Celuy doncques qui se voudra glorifier d'estre scauant, qu'il se glorifie en ce serpent: ainsi que nous lisons auoir fort bien accõpli les Ophites heretiques, lesquels adorent en leurs sacrifices vn serpēt, disant qu'il auoit premierement induite & amenée au paradis la cognoissance de la vertu: à quoy s'accorde l'histoire platonique d'un certain demon Theut, ennemi du genre humain, lequel inuenta premierement les sciences nō moins dōmageables que viles, selon que tres-prudemment discourroit ce Roy de toute l'Egypte Thamus, touchant les inuenteurs de lettres & des sciences. C'est pourquoy les Grammairiens exposent ce mot de demon pour scauant. Mais laissons ces fables à leurs poëtes ou philosophes, & posons qu'autres n'ont inuenté les sciences que les hommes, & ceux d'entr'eux que nous scauons estre issus de tres mauuaise race, à scauoir les enfans de Caïn; desquels

A iij

Des Sciences en general.

a bō droit il est dit: Les enfans de ce sie-
cle sont plus prudents que les enfans de
lumiere en ceste generation. Si donques
ainsi est que les inventeurs des sciences
sont hommes, ne sont ils pas tous men-
teurs, sās qu'il y en aye aucun entre eux
qui face bien, non iusqu'à vn, Et quand
bien il s'en trouueroit quelques vns qui
fussent bons, quelle bōté ou verité peu-
rēt auoir pour cela les sciences en elles?
Nulle pour certain que celles qu'elles
empruntent & acquierent de leurs in-
uenteurs ou possesseurs. Et est plus que
assuré que si elles escheent en vn mau-
uais homme, elles sont nuisantes, & de
mauuais le rendent encor pire. Comme
vn Grammairien deuiendra malin, vn
Poète compteur de bourdes; vn Histo-
rien mensonger, vn Rhetoriciē flatteur.
Lon verra vn ostentateur professeur de
memoire, vn dialecticien querelleux, vn
brouillon sophiste, vn babillard lulliste,
vn arithmeticiē sorcier, vn voluptueux
& lascif musiciē, vn baladin impudique,
vn geometrien vanteur, vn cosmogra-
phe vagabond, vn pernicieux & destru-
cteur architecte, vn nautōnier corsaire
& escumeur de mer, vn astronome trō-

Des Sciences en general. 7

peut vn magicien meschant & malsafant, vn cabaliste perfide, vn physicien refuseur, vn monstrueux metaphysicien, vn echique mal gracieux & difficile, vn inique politique, vn prince tiran, vn magistrat oppresseur, vn mutin populaire, vn prestre schismatique, vn moyne superstitieux, vn ceconome prodigue, vn marchand pariure, vn financier larron, vn laboureur paresseux, vn depaisera & destournera furtiuelement le bestial, vn pescheur outragera vn chacun, vn veneur brigandera, vn gendarme viura de proye, vn gentilhomme foulera ses subjects, vn medecin deuiendra meurtrier, vn apothicaire empoisonneur, vn cuisinier gourmand, vn alchimiste imposteur. Lon verra aussi vn fin & rusé iuriconsulte, vn aduocat fauteur de mille meschancetés vn notaire faussaire, vn iuge corrompu, brigader avec autorité dans son siege tribunal, vn theologiẽ heretique seduire tout vn peuple. En somme il n'y a rien plus meschant & malencontreux que la science armee & enuironnee d'impietẽ: & ceux d'entre les homes qui sont plus experts & scauãs, sont les plus dangereux ouuriers de meschancetez,

A iiii

8 *Des Sciences en general.*

Que s'il aduient quelles tombent en vn homme qu'il ne soit du tout malin, mais fol & sans ceruelle, ce sera pitié de l'insolence & importunité incomparable d'iceluy: car outre ce qu'il n'a que trop de la sotrise & folie naturelle, il sera pourueu d'abondant de moyen de la maintenir & defendre par l'autorité des lettres desquelles les autres fols estans destituez sont menez d'une plus douce folie, ainsi que dit Plato du rhetoricien: car tant plus, dit-il, sera indocte & mal adroit, il vous fera plus de comptes, imitera toutes choses, & n'estimera riē indigne de luy. En somme il n'y a riē plus perilleux que de folier par raison. Mais s'il se trouue quelque bon & sage personnage, qui soit avec cela sçauant, possible qu'en cettuy-là les sciences seront bonnes & profitables à la republique. Il est neantmoins bien certain que celuy qui les possedera ne sera point plus heureux. La multitude des paroles (disent Porphirius & Iamblicus) & l'amas des sciences, n'est pas felicité: car pour beaucoup de paroles ni de raisons la felicité ne prend aucun accroissement: & s'il estoit autrement, rien n'épesceroit

Des Sciences en general.

9

ceux qui ont voulu sçauoir de toutes sciences d'estre tres-heureux, & ainsi seroient plus heureux les philosophes que les religieux & prestres. Or la vraye beatitude ne gist point en la cognoissance du bien, mais en l'accomplissement d'iceluy & en la bonne vie: elle ne consiste point en intelligence, mais en la vie intelligente: car la bonne intelligence ne conioint point les hommes avec Dieu, ains la bonne volonté. Et ne nous seruent les sciences exterieurement acquises, sinon d'une certaine preparation & purification aidant aucunement à la beatitude, mais non pas que ce soient elles qui nous rendent bien heureux, si quant & quant la bonne vie n'y est coniointe, voire passée & transmuée en la mesme nature du bien. Souuent on a veu (dit Ciceron en l'oraison pour Archias le poëte) que la nature sans les lettres a plus serui à acquerir vertu & louange, que n'ont fait les lettres sans la nature. Il n'est doncques besoin d'amuser nos entendemens à vne si longue trainée de sciences presque impossibles à nous à comprendre pour estre bienheureux: ce que nous pouuons obtenir facilement par

A y

10 *Des Sciences en general.*

autre voye, (ainsi que Aristote mesmes
 afferme) comme chose qui est offerte à
 chacun, & par le moyen d'une discipline
 aisee & cōmune: c'est en adressant nos
 esprits à la contēplatiō du plus excellēt
 object qui soit, à sçauoir à dieu. Et est la
 faculté de ce faire si facile, qu'il n'y est
 requis aucuns argumēts ny demonstra-
 tions, ains la seule soy: en somme il ne
 faut que croire & adorer. Quelle felici-
 té y a il donques aux sciences; de quoy se
 peuent vanter les philosophes? Quelle
 est leur beatitude, dont les escholes en
 general font tant de bruit, publiant tant
 de loüanges de ceux, les ames desquels
 souffrent griefs tourments aux enfers?
 Saint Augustin a bien cogneu cela, &
 s'en est effrayé, criant avec Saint Paul,
 Les indoctes s'esleuent & rauissent les
 Cieux, & nous avec toute nostre scien-
 ce sommes plongés au fonds d'enfer.
 Bref, s'il faut parler en pure verité la
 cognoissance qui nous est baillee par les
 sciences, quelle elles soient, est tant
 perilleuse & incertaine, qu'il seroit
 meilleur sans cōparaison de les ignorer
 que de les sçauoir. Adam n'eust iamais
 esté chassé de Paradis, s'il n'eust esté en-

Des Sciences en general. II

seigné par le serpent en la cognoissance
du biē & mal, & Paul rejette de l'Eglise
ceux qui veulent sçauoir plus qu'il n'est
besoing: & ayant Socrates discouru par
toutes les sciences, & recherché chaque
ne discipline, fut estimé tressage entre
les hommes, lors seulement qu'il confes-
sa haut & clair qu'il ne sçauoit aucune
chose. Outre que la cognoissance de tou-
tes les sciēces est si difficile, pour ne di-
re impossible, que la vie de l'homme est
plustost à la fin, qu'il n'a peu parfaitem-
ment comprendre les moindres raisons
& fondemens d'une seule science. Ce
qui me semble estre inferé par l'Eccle-
siaste, disant: l'ay entendu que de toutes
les œuvres de Dieu aucun homme ne
peut donner raison, ny de tout ce qui se
fait sous le soleil, & tāt plus il se travail-
lera à chercher, moins il trouuera, ores
que le sage die qu'il en a cognoissance,
neātmoins il ne le trouuera point. Rien
pour certain ne peut aduenir à l'hom-
me plus pestilentieux que la science:
c'est ceste vraye contagion qui destruit
entièrement tout le genre humain, sans
espargner vn seul homme: qui a dechas-
sé toute innocence, nous a accablés de

A vj

tant de pechez, & liurez es mains de la mort: qui a esteint la lumiere de la foy, abismant nos ames és gouffres de tenebres; qui ayant condané la verité a haufsé & esleué en thrône les erreurs. Parquoyie n'estime point qu'il faille blâmer Valentinien Empereur, ny ses semblables, ennemis iurez des lettres, comme Licinius Empereur, qui les apelloit poisons & pestes publiques, veu que Cicéron mesme, fontaine tres abondante des lettres se mit en fin à les mépriser, ainsi que dit Valere. Telle & si grande est la spacieuse liberté de la verité, qu'aucune speculation des sciences, aucun iugement rafiné par nos sens, nul artifice d'arguments de dialectique, nulle preuve evidente, nul syllogisme demonstratif; bref nul discours de l'entendement humain ne la peut aprehender: La seule foy est celle qui la comprend, & celuy qui en est garni est (au raport d'Aristote mesme) mieux pourueu & mieux disposé, que s'il estoit scauant: Ce que Philoponus expose signifier que la cognoissance que l'on a par la foy est meilleure, que n'est la demonstration que l'on fait par les causes. Et Theophraste en son traité

des choses outre nature, Nous pouuons bien, dit-il, penetrer à quelque cognoissance par les causes, prenās les premiers fondemens sur nos sens: mais estans paruenus aux extremes, & à ce qui est premier & plus haut és choses, nous demeurons courts, & ne voyons plus goutte, soit pour ce que les causes nous defaillent, ou bien l'imbecilité de nos entendemēts. Platon aussi, au dialogue intitulé *Timee*, dit que l'explication des choses qui sont la traitées, passe les forces de nostre entendement: mais qu'il faut croire ceux qui en ont parlé auparauāt, ores qu'ils ne peuvent leur dire par aucun argument demonstratif & necessaire: car les philosophes *Academiques*, qui n'estoient pas des moins prisés, disoient que l'on ne pouuoit affermer aucune chose, ny en parler en assurance. On a veu aussi les *Pyrrhoniens* & autres, qui mettoient tout en doute. Partāt la science n'a rien d'exquis ny de singulier par dessus la creance, lors que la bonté & preud'hōmie de l'auteur incite és disciples vne libre volonté de luy adjouster foy: A raison dequoy les *Pythagoriens* auoient posé cefondement touchāt leur

14 *Des Sciences en general.*

maistre, *Il l'adit.* Et les Peripateticiens leur prouerbe commun entre-eux, qu'il faut croire à chacun qui est expert en son art. Ainsi croit-on au Gramairien touchant la signification des vocables : le dialecticien luy presté foy en la partie d'oraison qu'il reçoit de lui : le Rethoricien prèd du dialecticien les lieux & sources des arguments : le Poète emprunte les nombres & mesures du Musicien : le Geometriè ses proportions de l'Arithmeticien : l'Astrologue s'en fie en tous deux. En outre les supernaturels se lesbuent des cōjectures des naturalistes : Bref, il ny a ouurier ni artisan qui n'aye quelque bōne opinion des reigles d'un autre art que le sien : Car chacune sciēce a ses principes & maximes accordés sans cōtrouerse, sans qu'il soit besoin de les establir par preuues. Lesquelles maximes estās reuoeues en doute, ou niees tout à plat, les professeurs de ces sciences n'ont plus que dire, & sont reduits à s'excuser, & dire qu'il ne faut disputer contre ceux qui nient les principes, ou de renuoier les hommes à choses estranges & hors des bornes de la science dōt est question. Cōme si quelcun leur nioit.

que le feu fust chaud, ils requerroyent que cestuy-là fust jetté dedans, & puis enquis de ce qu'il en croioit: ainsi de Philosophes souuēt ils deuiēnent bourreaux & gehenneurs d'hommes, pour leur faire confesser par force ce qu'eux deuroyent scauoir prouuer & enseigner par raisons. Outre plus il n'y a rien plus contraire ny plus pernicieux à la republique, que les lettres & les sciēces: Car si en vn conseil il y a quelques hommes scauans, ils s'en font à croire, tournent & maniēt toutes choses à leur appetit, estans en credit & bonne opiniō à l'endroit du peuple d'estre gens sages, de sorte qu'estans appuiés sur la simplicité & ignorance d'iceluy, toute l'autorité des magistrats demeure pardeuers eux seuls, & en fin d'un estat populaire ils en font vn gouuernement de peu de gens factieux, dont il tombe facilement en tyrannie, à laquelle aucun n'est iamais paruenue sans lettres & science, excepté L. Sylla le dictateur, lequel seul sans lettres ny doctrine empieta la souueraineté en sa republiq. Elle toute fois receut ce bien de son ignorance, que volontai-
rement il quitta la tyrannie, & se rēdit

en estat priué. Finalement toutes les sciences ne sont autre chose qu'opiniõs d'hommes aussi tost nuisantes que vtilles, aussi bien pestiferes que salutaires, aussi tost meschantes que bonnes, imparfaites, tousiours avec quelque defect, ambiguës, pleines d'erreur & de bats. Or pour le faire mieux apparoir, nous discourons sur chacune espee l'une apres l'autre.

Des Elements des lettres. CHAP. II.

EN premier lieu, aucune ne peut ignorer, que les sciences qui enseignent à bien dire, à sçauoir la Grammaire, Logique & Rethorique, lesquelles on doit plustost appeler entrees & aduenues des sciences, ne soyent bien souuent plus pestiferes que delectables. Elles n'ont cependant autre fondement ny reigle de certitude que le plaisir & la volonté de ceux qui premier les ont inuentées & reduites en art. Ce qui est euident par les petits commencements & instrumens d'icelles, à sçauoir les lettres A, B, C, D, &c. Lesquelles au commencement estoient Chaldai-

ques trouuees, ainsi que dit Philon Iuif, par Abraham, & desquelles les Chaldeens, Assyriens, & Pheniciens se seruoient. Combien que aucuns veulēt que Rhadamanthus bailla premierement leurs lettres aux Assyriens. Moyse apres bailla aux Iuifs les Saincts caracteres, non pas possible tels dont ils vsent aujourd'hui: car l'on tient que ce fut inuētiō de Estras: lequel, à ce que l'on estime, a écrit presque tous les liures de l'anciē testament. Puis vn certain Linus Chalcidien apporta de la Phenicie en Grece certaines lettres Pheniciēne: desquelles vsèrent les Grecs iusques à ce que Cadmus fils d'Agenor leur en donna d'une autre façon en nombre de 16. auxquelles Palamedes en adjousta quatre durant le siege de Troye: & quelque temps apres Simonides poëte lyrique autant. Quant aux Egyptiens, la maniere d'escrire leur fut premieremēt enseignee par vn certain Memnon, avec figures d'animaux cōme l'on void en leurs éguilles ou colonnes pyramidales. Mais Mereure, (celuy que Laetance appelle le cinquième), Roy d'Egypte leur bailla vne forme de lettres: auquel succeda Vulcan fils du

Nil. Les Latins ont receu les leurs d'une femme nommée Nicostrata, & surnommée Carmenta. Or y avoit anciennement sept sortes de lettres plus prisées, à sçavoir Hebraïques, Grecques, Latines, Syriennes, Chaldaïques, Egyptiennes, & Gothiques, desquelles Crinitus dit avoir leu en certain vieil volume des vers de tel sens:

*Moïse fut l'auteur des lettres des Hebreux:
Et les Pheniciens, à l'esprit curieux, (mis
Les Grecques ont trouué. Nicostrate a trās-
Aux Latins celles dōt ils formēt leurs écrits,
Abraham inventa celles des Syriens,
Et fut cil qui trouva celle des Chaldéens.
Isis fit par grād art lettres Hieroglyphiques
Et Galphile forma caracteres Gothiques.*


Pour le regard des autres nations barbares, elles ont inventé chacune des lettres nouvelles es temps plus recēts. Car les Gots ont receu les leurs d'un certain Euesque nommé Gordonius, Les anciens Francois qui conquererent les Gaules sous la conduite de Marcomir, & Pharamond, vsoiēt de lettres presque semblables à celles des Grecs, lesquelles Walstad escriuit en leur langue son histoire il est toutefois incertain qui en

fut l'inventeur. L'on trouue outre ce vne autre sorte de lettres Françoises fort differentes de celles de Walstald, dont l'invention est attribuée à vn certain Doracus, & encor autres trouuées par Hicus François, lequel vint de Sytie avec Marcomir aux emboucheures du Rhin. Beda aussi fait mention d'aucunes lettres Normâdes dont l'auteur est incognu. Plusieurs autres peuples & nations en cette maniere se sont formez des caracteres nouveaux, ou les ayans receus de main en main de leurs ancestres les ont corrompus & changez, ainsi qu'ont fait les Sclauons & Dalmates celles des Grecs, & les Armeniens & Chaldaïques: mais les Gots & Lombards ont diffamé les caracteres Latines. Pareillement plusieurs sortes de lettres sont peries, comme celles des anciens Thuscans, lesquelles estoient neantmoins fort estimées entre les Romains, au rapport de Pline & de T. Liue, & dont on void encor aucunes marques és pierres & vieilles ruines, mais totalenēt inconnues: car les Romains rauageant parmy le monde faisoient estat de racler la memoire de toutes lettres entre les nations, & leur

faisoyent vsfer par force des leurs. Ainsi en fut il fait des premieres lettres Hebraïques, durant la captiuité de Babylone, & leur langue mesme corrompue par la Chaldaïque. Ainsi sont peris & estaincts les caracteres anciens des François, Espagnols, Alemans, & autres nations par l'introduction de lettres Romaines, & les langages de ces peuples corrompus & immués. Comme à leur tour aussi les lettres & la lāgue Romaine ont esté peruertis & changés par les Gots, Lombards, François, & autres peuples: Car ceste façon de parler Latin, dont l'on vse à present, n'est point l'ancienne langue Romaine. Et quant à l'Hebraïque les Thalmudistes, n'en sōt nullemēt d'accord entre eux. Rab. Iuda dit que le premier homme créé, à sçauoir Adam, parloit langage Atameen ou Syriaque. Mais Iutra est d'opiniō que la loy publiee par Moÿse estoit escrite en caracteres appellés Hebrieux, mais que le langage estoit celuy que l'on nommoit Sainct, Lequel fut depuis changé par Estras en Syriaque, & les caracteres en ceux des Assyriēs: apres peu à peu fut reprins la langue sainte, les caracteres Assyriens.

néantmoins retenus, laissant les Hebrayques avec la lāgue Syriaque à ceux qu'il appellèrent Chus, c'est a dire, qui mesloyent la loy parmy le seruice des idoles, ainsi que faisoÿēt les Samaritains. Autres disent que la loy ne fut point es- crite au commencement en autres fa- çons de lettres que celles que l'on a au- iourd'huy. Vray est qu'elles furent au- cunement changees à cause du peché: mais aptes, moyennant repentance, re- stituees. Rab. Simon, fils d'Eleazar, tient que ny le caractere ny le langage n'ont onques esté changés. Voyla où en sont les Hebrieux, & en quelle incertitude ils deuisēt de leurs propres affaires. Tel est donques le tour & l'estat des temps en ce regard: en sorte qu'il n'y a lettres ni nulle propriété de langage où l'on puisse remarquer aucun trait de leur forme & maniere ancienne.

De la Grammaire. CHAP. III.

 R de ces commencements si foibles, incōstans & muables en tous tēps, des lettres dis- ie & des langues, sont pro- cedees & la Grāmaire & les autres arts

de bien dire, dont nous auons fait mention cy dessus: Car il fut aduis aux hommes de ces vieux siecles que c'estoit peu de chose de cognoistre les lettres, si l'on ne trouuoit maniere de les assembler, composer des syllabes, & d'icelles en faconner des mots vocables, puis accoupler iceux, en sorte qu'ils puissent estre entendus. Ces gens d'entendement firent donc des reigles pour sçauoir accompagner les dictions par certain ordre, & selon certaines significations, & par tel moyen briderent les langues, que ce qui seroit proferé selon ces reigles seroit estimé bien dit, d'autant que en icelles consistoit l'art de bien parler, lequel ils appellerent Grammaire. Or l'inventeur de cet art entre les Grecs, fut Promethée, ainsi que l'on dit; & à Rome Crates Mallotes en apporta le premier des nouuelles, enuoyé à cet effect d'Asie par le Roy Attalus au tēps qui passa entre la seconde & troisième guerre d'entre les Romains & Carthaginiens. Iceuluy apres fut enseigné avec grande magnificēce & parade par Palemmon, en sorte que l'art fut surnommé de luy, & appelé l'art de Palemmon, hom-

me si outrecaidé, qu'il se vanioit que les lettres estoient nées avec luy, & deuoient mourir avec luy: lequel par orgueil démesuré mesprisoit tous les plus doctes hommes de son temps, iusques à outrager Varro, l'appellant pour ceau. Neantmoins la Grammaire Latine est demeurée si pauvre & defectueuse, & tant obligée & tenue à celle des Grecs, que celuy qui n'a appris les lettres Grecques ne doit tenir aucun rang entre les Grammairiens. Toute la raison & fondement des lettres & de la Grammaire ne gist donc qu'en l'autorité & vusage de ceux qui nous ont precedé, auxquels il a pleu d'ainsi nommer les choses, d'ainsi escrire les vocables, les arranger, accoupler, & ordonner, & d'appeller l'observation de ces choses bon langage ou bien dire: & à cette cause est la Grammaire nommée art de bien parler, à grand tort toutesfois & faullement: car nous en apprenons plus de nos meres & nourrices, qui ne sont que pauvres femellestes, que des Grammairiens. Cornelia mere des Grecques, forma & façonna le langage de ses enfans, qui furent estimez tres-cloquents. Siles

filz d'Aripithe Roy des Scythes, aprint
la langue Grecque de sa mere Istrina.
C'est chose certaine que en plusieurs
Prouinces où se sont venus habiter
estrangez, qui y ont basti des villes, les
enfans ont tousiours retenu le langage
de leurs meres, à raison dequoy Plato &
Quintilien ont ordonné d'estre tressoi-
gneux & aduisé quand il faut choisir des
nourrices aux enfans. Ne faisons dōques
cette iniure à nos meres, & à nos nour-
rices, de recognoistre, ce que nous re-
ceurons d'elles, des Grammairiens, les-
quels, ores qu'ils ne fassent profession
que de ce seul art, y entendent moins
qu'en chose du monde. Priscien y em-
ploya tout le tēps de sa vie, & n'en sceut
onques venir à bout. Dydimus escriuit
de ce sujet quatre mil volumes, ou six
selon aucuns. Nous lisons que l'Empe-
reur Claude fut si sçauant aux lettres
Grecques, qu'il accreut leur alphabet
de trois lettres nouvelles, lesquelles il
retint tousiours estant paruenue à l'Em-
pire. Charles le Grand voulut reduire
la langue Germanique en reigles, impo-
sa nouueaux noms aux vents & aux mois:
iusques aujour d'huy on ne cesse de tra-
uailer

vailler & suer iour & nuict: l'on cōpose
des memoires & institutions, des questi-
ons, annotatiōs, expositiōs: obseruatiōs,
correctiōs, centuries, mellanges, anti-
quités, paradoxes, recueils, additions,
veilles, reïterees & nouvelles editions,
& de là nous sont enfantees autant de
grammaires qu'il y a de grammairiens,
& toutesfois il ne se trouue aucun entre
eux, soit Grec ou Latin, qui aye encor
sceu donner bonne raison ny maniere
de bien distinguer les parties d'oraison,
ny de l'ordre qu'il faut tenir en l'expli-
cation d'icelle: S'il y a moins de quinze
pronoms, ainsi qu'escriit Prisciē, ou plus,
comme tiennent Diomedes & Phocas:
Si vn participe mis seul & separé retiēt
neantmoins la nature de participe: sça-
uoit si les gerondifs sont nōs ou verbes:
pourquoy les Grecs ioignent les noms
neutres du nombre pluriel aux verbes
de nombre singulier: Pourquoy il est
loisible en la langue Latine prononcer
quelquesfois les noms terminés en *a* &
en *us* par *vm*, comme au lieu de *marga-
rita*, dire *margaritum*, & pour *pūctus*, *pū-
ctum*. Comment se fait que le premier
cas de Iupiter produise le second Iouis:

B

pourquoy c'est que les verbes neutres sont receus pour tels d'aucuns, & nō des autres. A quelle cause aucunes paroles Latines sont escrites par les vns avec la diphthongue Grecque, comme *fœlix*, & *questio*, par autres non: s'il faut en Latin seulement escrire ces diphthongues *æ* & *œ* sans les prononcer, ou bien faire sonner l'une & l'autre voyelle en vne mesme syllabe, ainsi qu'elles sont escrites. Semblablement pourquoy plusieurs mots Latins sont escrits par y lettre Grecque par aucuns, & par autres par i Latin seulement comme en la diction *consydero*. En outre, pourquoy il s'en trouue qui escriuent certains mots par lettres doubles, & non pas les autres, ainsi que *cassa* & *religio*. Pourquoy c'est que en *caccabus*, encor que la premiere syllabe soit longue par la position du double *cc*, neantmoins est le plus souvent abbregee par certains poëtes. Plus si l'Ame d'Aristote doit estre escrite Entelechie par *τ* ou Endelechie par *δ*. Je laisse à parler de leurs noises infinies (desquelles ie croy bien que on ne verra ianais la fin) touchant l'orthographe, la prononciation des let-

res, les figures, les Etymologies, analogies, & autres preceptes & reigles, de déclinaisons, moyens de signifier, changements de cas, variété de temps, de manières, nombres, & personnes, l'ordre de les composer & construire, finalement de l'origine & nombre des lettres Latines mesmes, & si l'h est lettre ou non, & autres lettres semblables en grand nombre. Ainsi estans despourueus de raison, non seulement pour le regard des dictions & syllabes, mais aussi des lettres mesmes, ils sont en perpetuelle discorde les vns contre les autres: De quoy Lucien s'est mocqué plaisamment en la guerre qu'il a escrite d'entre deux consonantes S, & T, de laquelle l'exēple peut estre baillé au mot *Thalassa Thalatta*. Vn certain André Sallustien a pareillement descrit en termes elegā & choisis la guerre grammaticale, Mais ces fautes sont peu, & des moindres. Nous en pourrions bien mettre en auant de plus grandes, & en plus grand nombre commises par eux es interpretations de prauces qu'ils baillent aux noms, dont ils abusent tout le monde, & causent grands destoubiers principalement au repos & tranquillité pu-

blique. Ils disēt que subiect signifie serf: que la liberté d'un peuple s'entend où chacun y peut faire ce qui luy plaist: l'égalité de droit estre là où les honneurs, les dignités, offices, rāgs & deg's, recognoissāces & salaires, sōt pareils en tous sans discretion aucune. Semblablement que vn estat ou royaume tranquille est celuy où toutes choses passent au plaisir & appetit du Prince: Que le pays s'appelle heureux quand le peuple y est fondé en voluptés & oisiveté. Par telles expositions trop frequentes la medecine, les loix, & canons, sont corrompus, & par icelles les saintes escriptures & Iesus Christ mesme forcés en sorte, qu'il sembleroit bien souuent qu'il y aye contrariété, estant destourné le sens d'icelles loing hors de la reigle du S. Esprit, pour la tirer à ce qui leur est commode & profitable, à raison dequoy sont ensuyuis plusieurs dangers, d'autant que volontiers l'erreur qui se commet aux parolles engendre vn autre aux choses mesmes. Ainsi qu'il aduint à Saul à raison du vocable *Zobar*, lequel signifie masse, & pareillement memoire. Car Dieu luy ayant fait entendre qu'il vouloit que la me-

moire d'Amalech fust estainte, Saul pensa que s'il ostoit les masses, qu'il auroit abondamment satisfait au commandement de Dieu. Le mesme erreur aduint à l'endroit des Grecs & Italiens au mot *Phos*, qui signifie homme & lumiere: par laquelle ambiguité deceus ceux qui celebroyent les festes en l'honneur de Saturne, & luy offroyent sacrifices, luy immoloyent tous les ans vn homme. Cependant ils en eussent esté quittes pour luy presenter des flambeaux ardans. Ce qui fut corrigé par Hercules, & par son moyen ces peuples insensés remis en leur bon sens. A la suite des Grammairiens se sont mis avec le temps les Theologiens & les moynes encapuchonnés, debattans des mots & de leurs significations, non sans accrocher plusieurs heresies, inuertiffans les escritures à l'occasion de la grammaire, & se monstrans tres-mauuais interpretes de ce qui est fort proprement dit. Gens pleins de vanité, & vraiment malheureux, lesquels par leur art se creuent les yeux à eux mesmes, fuyans la lumiere de verité, & s'amusans à rechercher trop curieusement le sens & force des parolles, ne

veulent entendre celuy des escritures
& s'arrestent aux vocales nuds, renuer-
sāt & dissipāt la verité des paroles. Ainsi
que l'on racompte d'un certain prestre
(soit verité ou fable) lequel ayant à cō-
sacrer plusieurs hosties, & craignant de
faire quelque incongruité en grammai-
re, dit, *Hæc enim sunt corpora mea*: Ceux cy
sont mes corps. Et d'où est ce que print
occasion l'erreur des Antidicomariani-
tes & Eluidiens, qui nioient la virgini-
té perpetuelle de la Vierge Marie, sinon
de ce qu'il est dit en l'Euangile que Io-
seph ne l'auoit point cognüe quand
elle enfanta son fils premier nay? où la
version latine vse de ce mot *donec*, qui
signifie iusques à ce, suyuant la maniere
de parler & phrase des Hebreux, à la-
quelle ils se sont arrestés? Quelle noise
a esté esmeue entre l'Eglise Latine & la
Grecque par ces deux mots *ex* & *per*, qui
signifient de, & par, les Latins affermans
que le sainct Esprit procede du pere &
du fils, & les Grecs soustenans qu'il ne
procede point du fils, mais du pere par
le fils? Quelle tragedie a excité au con-
cile de Basle ceste parole *Nisi*, à raison
de laquelle les Bohemiens maintenoient

qu'en chacun estoit necessairement tenu de communier sous les deux especes, pour autant qu'il est escrit, *Nisi manducaueritis, &c.* Si vous ne mangez la chair du fils de l'homme, & ne beuvez son sang vous n'aurez point vie en vous.

D'où est venu la controuerse de l'Eglise Romaine avec les Vaudois & leurs semblables sur l'Eucharistie, sinon de ce mot est? Lequel ils maintiennent estre mis là par vne maniere de parler figurée; & l'Eglise Romaine veut qu'il soit entendu selon sa propre signification & essentiellement? Il se trouue plusieurs autres peruettes heresies des Grammairiens: mais tant couuertes & subtiles, que si les Docteurs d'Oxford, tres-aigus Theologiens d'Angleterre, & les Sorbonistes de Paris n'eussent eu bonne veüe, & n'eussent magistralement condanné ces subtilitez, il seroit impossible à aucun de s'en garentir. Comme si l'on vouloit debattre si ces manieres de parler sont aussi bié dites l'une que l'autre: *Christus prædicat*, Christ presche, & *Christus prædicat*, Christ presche: *Ego credis tu credit*, credens est ego, le croy en la seconde personne, tu crois, moy est croyant. Item

B iiii

que le verbe demeureât verbe peut estre priué de tous ces accidens, & qu'aucun nom n'est de la tierce personne, & choses semblables. Que si faute d'observer les regles de Grammaire cause heresie, les Prophetes Isaye & Malachie seront en premier lieu heretiques: car l'un & l'autre fait parler Dieu en cette façon soy mesme. Le premier s'adressant à Ezechias, dit, *Ecce ego addet super dies tuos*, Moy adioustera à tes iours, &c. Il ne dit pas i'adiousteray, mais adioustera. Et en Malachie, *Et si Domini ego*, vbi est timor meus? & si ie suis Seigneurs, où est crainte? Dieu là s'appelle Seigneurs en nombre pluriel. Mais beaucoup plus grands heretiques seroient les Theologiens qui sont en toute l'Eglise Romaine, d'autant qu'ils traictent la doctrine de l'Eglise fidele par vne façon de prononciation nouvelle contre tout vsage & reigles de Grammaire par paroles imaginées, monstrueux vocables, arguments ambigus & perplex: voire osent bié maintenant que la Theologie ne scauroit estre enseignée sinon par langage corrompu. Plusieurs telles choses sont manifestes: & est à déplorer le mal-

heur de nostre aage, auquel tant de con-
tentions & erreurs sont esmeus par les
obstinez Grammairiens & superbes So-
phistes, par leurs peruerfes interpreta-
tions des mots, les vns fondans des sen-
tences sur les paroles, autres au con-
traire, des sentences recueillans des pa-
roles. D'où sont tous les iours esueillées
nouuelles controuerses en la Medecine,
en l'un & l'autre Droit, en la Theolo-
gie, & en toutes les autres Facultez.
Car les Grammairiens ne preuuent
rien, ils n'ont pour tout fondement que
la volonté des auteurs, le plus souuent
si contraires les vns aux autres, qu'il
faut bien s'asseurer que la pluspart de
leurs opinions sont vaines & fausses, &
que ceux qui plus s'abstreignent à leurs
preceptes, sont les moins bien-disans de
tous: pource que toute la loy & autorité
du langage n'est pas és mains des Gram-
mairiës, mais du peuple, & par commun
vsage l'on se faconne à bien parler. Et
quant à la langue Latine, depuis que les
barbares eurent enuahi l'Empire, la pro-
priété naïue en demeura corrompue en-
tre le peuple, & pour l'apprendre il n'a
esté besoin de rechercher les liures des

B v

Grammairiës, mais des bons & suffisans auteurs, comme de Cicero, Cato, Varro, des deux Plines, Quintilien, Seneque Suetone, Q. Curce, T. Liue, Saluste, & semblables, és escrits desquels nous est demeuré l'eschantillon des delices & douceur de la langue latine ancienne, & de la maniere de bien parler, & non pas en ceux des Grammairiens : Lesquels par leurs reigles, declinaisons, compositions, & demises, se demettent beaucoup de la propriété latine, composent & forment bien souuent des vocables qu'un homme latin n'oseroit vsurper en bonne conscience, si ia il n'estoit ainsi déterminé & mis entre les articles de la Sorbonne. Si quelcun dit qu'il ne faut point adiouster foy aux Grammairiens de la verité du langage latin, neärmoins ces tellement quellement lettrés Grammairiens se font eux-mesmes censeurs de tous ceux qui escriuent, & veulent estre les Iuges & interpretes, pour assigner à chacun auteur son rang, ou le rayer, si bon leur semble, du catalogue : & ne s'est onques trouué auteur de si excellent esprit, qui aye sceu eschapper de leurs langues mesdisantes, & lequel

ils n'ayent noté, ou grandement blasmé
& repris. Ils reprochent à Platon le peu
d'ordre & confusion en ses escrits, dont
George Trapezonce a composé des li-
ures, à raison dequoy il est appelé par
aucuns sot moqueur, & furie, ainsi que
recite Crinitus. En Aristote ils requie-
rent vn stil clair & intelligible, & notét
ou taxent ses œuvres de noire obscurité,
l'appellans seiche. Ils reprennent Virgi-
le comme peu ingenieux, ramasseur &
vsurpateur des inuentions d'autrui. A
Cicero, Demosthene n'a point pleu:
mais luy souverain orateur entre les La-
tins est accusé par les Grecs de concu-
sion & pillerie, & outre infamé de plu-
sieurs vices, comme enflé, superflu en
redites, maigre & fade gausseur, lent és
commencements de ses discours, long &
ennuyeux en ses digressions, froid, peu
vehement, & à peine haussant son stile:
mesme plusieurs des nostre l'ont repris,
comme Martianus Capella, qui dit que
son parler est rude & mal sonnant aux
oreilles. Apolinaris le note d'estre mol
& negligent. Les harangues de T. Li-
ue sont pareillement blasmees par Tro-
gus comme feintes. A Horace Plaute

n'est agreable, lequel aussi taxe Lucilius d'auoir fait ses vers sans ornement, le comparant à vn ruisseau bourbeux. Plin ne a le bruit d'auoir entassé plusieurs choses pêle-mêle sans ordre. Ouide est trop sujet à ses appetits. Saluste est repris par Asinius Pollio d'un stil trop affecté. Et dit-on que Terence estoit vn larron, lequel recitoit ce qu'il n'auoit point fait, ains ce que Labeo & Scipion luy furnissoient. Seneque est comparé à de la chaux sans sable, & est noté par Quintilien en telles paroles : S'il eust mesprisé aucunes choses, s'il eust esté peu conuoiteux, s'il n'eust esté amateur de tout ce qui venoit de luy, s'il n'eust brisé & aneanty par sentences menuës & decouppées le poids de la vertu des choses, il eust esté plustost approuué par le iugement & consentement des hommes doctes, que par la bienveillance des enfans. M. Varro a esté appellé porc, & S. Ambroise nommé Corneille, & compteur de fables. Macrobe, qui estoit homme de grand sçauoir, fut reputé impudent, d'esprit mal agreable & déplaisant. Et de tous ceux qui ont escrit en Latin, il n'y en a pas vn qui aye esté es-

espargné par Laurens Valie, le mieux ap-
pris de tous les Grammairiens: luy aussi
esté deschiré par Mancinell. Autrefois
contre les Grammairiens Servius estoit
estimé pour l'un de ceux qui s'estoit bié
employé pour les lestres Latines, neant-
moins Beroalde se banda contre luy, &
luy pareillement a esté reietté par les
Grammairiens qui sont venus apres, com-
me barbare. Ainsi n'y a-il entre eux que
connoissances & débats, & ont pour coustume
de forcener en cette sorte les vns contre
les autres. En somme ils ont tant fait
par leurs altercations, que la sainte Es-
criture mesme est presque toute autre
& differente a elle mesme, ayant tant de
fois changé la traduction d'icelle sous
pretexte de correction. Par les censures
de cette maniere de gens l'on a douté
long temps de l'Apocalypse S. Iean, de
l'Epistre aux Hebreux, de celle de saint
Iude, & plusieurs autres saints Eserits
du Nouveau Testament: & n'ont pas
mesme espargné les Euangiles, qu'ils
n'ayent mis en question & dispute. Mais
laissions les là, & venons aux Poëtes,

De la Poësie. CHAP. IV.

LA Poësie, ainsi que afferme Quintilien, est l'autre partie de la Grammaire, fort haudaine & orgueilleuse de ce que anciennement les Princes & Potentats ont fait bastir aux Poetes des theatres & amphitheatres, edifices les plus magnifiques & somptueux qui ayent esté construits par les hommes, pour y reciter les fables & inuentions poetiques: ce qu'ils n'ont fait pour les Philosophes, ny pour les Medecins, Iuriconsultes, Harangueurs, Mathematiciens, ny Theologiens. Art inventé pour enchanter les esprits des hommes vains & insensés, qui se delectent de fables, leur ramassant force mensonges, chatoüillans & amadoüans leurs oreilles par follaistres richmes, syllabes mesurees & pesees, & par vn vain son de paroles bruyantes. Au moyen de quoy elle a merité le tiltre & nom de souueraine maistresse des menteries & entretien de meschantes doctrines: Pour certain intollerable à tout cœur bien logé, à cause d'v-

ne si temeraire & effrontée assurance
de mentir dont elle fait estat, ores que
nous luy voulussions passer l'impudence
& audace és autres choses, & ses force-
neries & yurongneries. Y a-il place ny
coin où elle n'aye logé quelque sottise fa-
ble? Car commençant mesme dés l'an-
cien chaos, elle nous conte le chastei-
ment du Ciel, les enfantemens de Ve-
nus, la guerre des Titans, l'enfance de
Jupiter, les ruses de Rhea, de la pierre
supposée, les liens de Saturne, la rebel-
lion des Geants, le larcin de Promethée,
& son chastiment, l'Isle vagabonde de
Delos, les travaux de Latone, le serpent
Python occis, les trahisons de Titye, le
deluge de Deucalion, la restauration du
genre humain faite avec des pierres, le
démembrement de Iacchus, le brusle-
ment de Semele, l'un & l'autre lignage
de Bacchus, & tout ce qui est mis en
avant par les fables Attiques de Miner-
ue, Vulcan, Erichthone, Borée, Ori-
thie, Thesee, Egée, Castor & Pollux: du
ravissement d'Heleine, de la mort d'Y-
polite. En outre des erreurs de Ceres,
de Proserpine enlevée, & puis retrou-
vée, & tout ce qu'ils disent de Minos, de

Cadmus, de Niobe, Penchée, Attée, & Oedipe, des travaux & forces d'Hercules, du combat d'entre le Soleil & Neptune, de la forcennerie d'Arhamas, de la conversion de Io en vne vache, & de son gardien Argus mis à mort par Mercure, & les contes de la toison d'or, de Pelée, Iason, Medée: Plus de la mort d'Agamemnon, du supplice de Clitemnestra. Et tout ce qu'ils causent de Danaë, Persée, de la Gorgone, de Cassiope, d'Andromeda, Orphée, Oreste, des nauigations d'Enée & d'Ulysses, de Circe, de Thelagon, d'Eole, Palamedes, Nauplius, Ajax, Daphné, Ariadne, Europe, Phedre, Pasiphaë, Dedale, Icare, Glauque, Atlas, Gerion, Tantale: de Pan, des Centaures, Satyres, Syrenes, & autres tels mensonges qu'elle a forgées & laissées par escrit. Et qui pis est ne se contentant de discourir parmy les choses humaines, elle a bien osé monter au Ciel & faire iouer aux Dieux leur roole en ses fables & Comedies, representant leurs origines & decez, leurs querelles, haines, coleres, guerres, blesseures, lamentations, prisons, amours, maquerellages, lubricitez, paillardises, adulteres,

meſlanges infames avec les hommes,
avec les beſtes brutes, & autres plus
eſtranges & execrables forfaits, lesquele
elle adoucit tant plus par vn dangereux
apaſt de paroles emmiellées, & par vers
ſi artificieusement compoſez, qu'ils ſont
plus eſloignez de nature & de l'vſage
commun. En ſorte que non ſeulement
le ſiecle preſent en eſt infecté, mais auſſi
ſi communiquant ſes mortelles poiſons
par la douceur de ſes carmes à la poſte-
rité, elle induit tous ceux qui ſont at-
teints de ſes opinions & enſeignemens
menſongers à forcener de meſme, com-
me par la morſure d'un chien enragé.
Car leurs menteries ſont forgées par tel
artifice, que ſouvent elles preindicient
aux vrayes hiſtoires, ainſi qu'il eſt euidēt
du faux & controuué aduſtere d'entre
Enée & Didon, & de la priſe de Tröye.
Et ſ'il ſ'en trouue aucuns ſi eſloignez de
bon ſens, qui croyent qu'en cēt art de
poëſie ſoit enclouſe vne certaine faculté
de deuiner & predire les choſes futures,
fondez ſur ce que les anciens oracles e-
ſtoient prononcez en carmes & poëſies
par les eſprits immondes. Partant eſti-
ment & appellent les Poëtes prophetes

menez par l'esprit de Dieu, & se seruent de leurs vers pleins de bout des ainsi que d'oracles & propheties. Dont anciennement prindrent leur nom les predi-
ctions Homériques & Virgiliannes, à cause que l'on se mesloit de donner la bonne aduventure par la rencontre des vers d'Homere & de Virgile, ainsi que Spar-
rianus fait mention en la vie d'Adrian Empereur: laquelle superstition est au-
jourd'huy mesme receue & transferée aux escritures saintes, & y fait-on seruir les vers du saint Psalmiste, sans que plu-
sieurs de nos maistres trouuent cela au-
cunement mauuais. Mais reuenons à la poësie. S. Augustin veut qu'elle soit du tout bannie de la cité de Dieu. Et Platon, tout Ethnique qu'il estoit, ne la veut souffrir en sa republique. Ciceron defend de l'y receuoir en sorte quelcon-
que, & Socrates aduertit vn chacun qui aime son honneur & desire conseruer sa renommée sans tache, de se donner garde de se rendre ennemi aucun poete car il s'en faut beaucoup qu'ils ayent cec-
te vigueur & force à louer & dire bien, qu'ils ont à blasmer & mesdire. Minos Prince tres-equitable, célébré pour tel

par Hesiodore & Homere, n'irrita-il pas
contre luy les Poëtes tragiques, qui l'ont
confiné aux enfers, pour auoir mené la
guerre contre les Atheniens? Penelope,
qui a esté illustree d'une singuliere pu-
dicité par Homere, est diffamée par Ly-
cophron de s'estre abandonnée à quel-
ques amoureux & poursuivans. Ennius
Poëte, chantant les proüesses de Scipiō
escriit que Dido s'amouracha d'Enee, &
toutesfois ce fut vne tres-sage & tres-cō-
tinue vefue, & laquelle (à ce que l'on
peut remarquer par la raison des âges)
ne scauoit onques auoir veu Enee: Le-
quel mensonge a esté depuis tellement
enrichi par Virgile, qu'il a esté creu pour
veritable histoire. Bref les bourdes &
menteries des Poëtes passerent si auant,
& print telle licence leur desir excessif
de mesdire, que l'on fut contraint de les
reprimer par loix & censures. Mais il
est certain qu'à Rome, en ses premiers
aages & commencements, c'estoit cho-
se reprochable que de se mesler de poë-
sie: tellement que ceux qui y mettoient
leur estude estoient estimez comme bri-
gands publics, ainsi que tesmoignent
Gelle & Caton, lequel reprint Q. Ful-

nius à cause que estant enuoié Proconsul en Etolie il mena quant & luy Ennius le Poëte. L'Empereur Iustinien fait si peu de compte des Poëtes, qu'il ne leur a daigné donner immunité, ny priuilege aucun. Homere mesme, que l'on tient le premier entre tous, Poëte philosopphant, ou Philosophe poëtisant, ne fut il pas condamné par les Atheniens en l'amende de cinquante dragmes, comme insensé? Lesquels aussi se mocquerēt du Poëte Tichree comme estant desgarni de ceruelle. Les Lacedemoniens pareillement ne firent-ils pas emporter hors de leurs terres les œuvres du Poëte Archilochus? Ainsi ont tous les plus gens de bien fait peu d'estime de la poësie, & l'ont desprisée comme source de toute faulxeté, à cause de leurs mensonges si monstrueuses & estranges: Car à la verité toute leur estude n'est que d'abuser & entretenir le monde par les desguisements de leurs fables, paissant les oreilles des gens peu accorts par leurs vers entassez, & feroient conscience d'auoir escrit chose, qui fust bonne & salutaire, faisans sur tout estat & pratique de fumee & vaine ostentation, ainsi qu'à es-

crit Campanus en quelque endroit.

Les vers donnent à vivre à tous ces fols
Poëtes

Mais qui leur osterà les vains propos qu'il
ont,

Ils seront à la faim : car mensonges leur
sont

En lieu de grands thresors & de grandes
conquestes,

Chacun feint ce qu'il veut, & le plus
grand bonheur

Qu'un chacun puisse auoir, c'est d'estre
grand menteur.

Il y a aussi bien entre les Poëtes des
querelles tres aspres, non plus seulemēt
de la maniere d'écrire les vers, des picds
des accēts, & de la quātité des syllabes,
car les simples Grammairiens en debat-
tent pareillement entre-eux : mais de
leurs baueries, feintises, & mensonges,
ainsi que du nœud de Hercules, de l'ar-
bre chaste, des lettres de Hyacinte, des
enfans de Niobe, des arbres sous les-
quels Latone accoucha de Diane : en
outre de quel pays estoit Homere, du
lieu de sa sepulture, s'il a esté premier
que Hesiode, ou Hesiode premier que
lui, si Patrocle estoit plus âgé qu'Achil-


le, de quelle façon Anacharsis Scythien se couchoit quand il vouloit dormir, pourquoy Homere n'a daigné faire mention de Palamedes en ses carmes, sçavoir si Lucain doit tenir rang entre les poëtes ou entre les historiens : plus des larcins de Virgile, en quel mois de l'année il mourut, & de l'invention des vers Elegiaques, dont les grammairiens ont si long temps debatue, & en est encor le procès pendant au croc. Or pour conclusion toutes les poësies sont farcies de fables inuentees & feintes, seulement pour flatter & mesdire, recitees & chantees pour dōner plaisir aux fols. Tout ce que les poëtes font, racomptent, loüent, & inuoquent, ne sont que flatteries. D'autre part s'ils mesdisent, reprēnent, mordent, accusent, & vsent de toute autre insolence en leurs fables, ils se montrent forcenés par tout. Partant Democrite avec raison n'appelle point la poësie art, mais forcennerie outre la sentence de Platon, qui dit que celui qui est en son bon sens en vain frappe à la porte de la poësie. C'est alors que les poëtes disent merueilles quand ils entragent à bon escient, ou qu'ils ont bien

heu. Parquoy saint Augustin appelle la poësie vin d'erreur present & baillé par des docteurs yures. Saint Hierosme dit que c'est la viande des diables. Avec ce que c'est vn art maigre, desnüé, & de soy totalement fade, s'il n'est reuestu & assaisonné par quelque autre discipline. Art, dis-je, affamé rongeant ainsi qu'un rat le pain d'autrui, & toutesfois il ose bien promettre parmy les cigales de Tithon, les grenouilles des Lyciens, & les formis des Myrmidons ie ne sçay quelle gloire & renom immortel, & dire.

*Vostre fortune, enfans, est bien heurée,
Si mes vers ont quelque force ou duree;
Car iamais iour du siecle à l'aduenir,
N'abolira de vous le souuenir.*

Gloire qui à la verité est nulle, ou bien de nulle vilité. Mais cet office est propre aux historiens, à ce qu'ils disent, & non aux poetes.

De l'Histoire. CHAP. V.

 R l'on appelle Histoire vne narration de choses qui ont esté faictes, accompagnée de louange ou de blâme: par laquelle les deliberatiōs, & progrès, & is-

les des grandes entreprises, les faits
des Rois & grands personnages, avec
observation de l'ordre des temps & des
lieux, sont remarqués décrits & repre-
sentés deuant les yeux ainsi que par vne
peinture. Parquoy elle a esté estimée
presque entre tous la maistrresse de la
vie humaine tres **propre** & **utile** pour la
dresser & conduire, d'autant que par les
diuers exemples des choses d'ont elle
fait registre, les gens de bié & de cœur
generaux sont enflammés à entrepren-
dre choses belles & honorables pour
acquérir bruit & louange immortelle,
& les méchans retenus & destournés du
vice par la crainte d'infamie perpetuel-
le. Combien que le plus souuent il en ad-
uient autrement: car plusieurs y a qui
aiment mieux auoir grande renommée
que bonne, ainsi que dit T. Liue de Man-
lius Capitolinus, & la pluspart ne pou-
uant se faire congnoistre par actes ver-
tueux, taschent d'estre renommez en
commettant quelque insigne meschan-
ceté, & par ce moyen laissent memoire
d'eux és histoires: Comme fit Pausanias
ieune homme Macedonien, lequel occit
le Roy Philippe, dont Iustin fait men-
tion

tion apres Troge Pompee, & Herostrate, qui mit le feu dans le temple de Diane en Ephese, ouurage excellent par dessus tous, & à la construction duquel auoyent esté employés deux cents ans, tous les peuples d'Asie contribuant aux frais d'iceluy, ainsi que recitent Gelle, Valere, & Solin: & combien que par ordonnance expresse l'on eust defendu sous grandes & rigoureuses peines à tous ceux qui se mesloyent d'escrire de faire aucune mention du nom de ce boutefeu, neantmoins il obtint ce qu'il auoit pretendu par cet acte meschant, à sçauoir renommee: laquelle est paruenue iusques à nostre temps, passant par tant de siecles. Mais retournons à l'histoire, laquelle ores qu'elle requiere grandement que l'ordre & bon accord, la fidelité, & verité en toutes choses soyent gardees, si est-ce que rien moins n'y est obserué, tant sont discordans entre eux ceux qui escriuent les histoires, & si diuerses sont leurs narrations en mesmes subiects: en sorte qu'il est impossible que la pluspart d'entre eux ne soyent faux & mesongers. Je ne veux parler icy des cōmencements & origines du mon-

C

de, du deluge vniuersel, de la fondation de Rome : qui sont les lieux d'où ils prennent volontiers les commencemens de leurs histoires : Car le premier est ignoré de tous eux : le second n'est creu de la pluspart : & le troisieme leur est incertain. Parquoy estans ces choses fort loingtaines & diuersement receuës par les hommes, on leur peut pardonner les fautes qu'ils commettent : Mais en ce qu'ils traictent fausement des temps plus recents, ils ne doyuent estre excusés de coulpe en sorte quelconque. Les causes de la diuersité qui se trouue en leurs escrits, sont pareillement diuerses : plusieurs escriuans choses qui ne sont aduenuës de leurs temps, ou ne s'estans trouués sur les lieux, ny en faict, ny moins conferé avec les personnes lors presentes, s'en tiennēt au commun dire, & escriuent à la relatiō d'autrui choses ramassées, incertaines, & mal rapportees : duquel vice sont notés par Strabo Eratosthenes le sceptique ou l'irresolu, Possidoine, & Patrocle le geographe. Autres auō bien veu partie de ce qu'ils traictent, mais ce sera comme en passant ainsi que font les gensdarmes, pelerins

& mendiens trauerians pays d'hospital en hospital, & par ces moyens escriuent des histoires, comme iadis firent Onesicritus & Aristobulus des choses des Indes. Aucuns ne feront point de difficulté de mesler des bourdes & mensonges parmy les choses veritables, afin de donner plaisir, & bien souuent se passeront du tout de dire la verité: dequoy Herodote est repris par Diodore Sicilien, & Trebellius par Laberien, Vopisque & Tacitus par Tertullien & Orose: au nombre desquels nous adiousterons Dandanes & Philostrate.

Plusieurs transforment les choses vraies en fables, ainsi que Gnidius, Ctesias, & Hecatee, & plusieurs autres historiographes anciens. Et si il n'y a faute de ceux qui se parent & vantent impudemment du nom d'historien, pour ne sembler estre ignorans d'aucune chose, ou d'auoir rien recueilli des autres, lesquels cependant nous racomptent avec grand babil des nouueautés de pays & terres inaccessibles & loingtaines, qui se trouuent en fin autant de belles fables, & merueilles prodigieuses, ainsi que sont les comptes des Arimaspes, des Gry-

C ij

phons, des nains, & de la guerre que leur font les grues, des habitans de certaines contrees qui ont les testes comme chiens des Astromores, Pieds de cheval, Phanties & Troglodites: Aufquelles niaiseries l'on peut adiouster l'erreur de ceux qui afferment que la mer est congelee sous les poles: & toutesfois ils n'ont faute de gens fols & sans iugement qui leur adioustent foy, ainsi que si c'estoyent prophetes. Ephore fut de ces compteurs de nouvelles, lequel disoit que l'Hiberie, qui est vne bonne partie de l'Espagne, n'estoit qu'une cite: & Estienne Grec, qui a faict le catalogue des villes, qui escrit que les François estoient peuples d'Italie, que Vienne est vne cite de Galilee, au lieu qu'il eust peu dire Galatie. Arrien Grec aussi, qui met les Allemans pres la mer Ionique. Denis peut semblablement estre mis en ce rang, pour auoir escrit à la volee des monts Pyrenees. En outre tout ce qu'ont escrit Tacite, Marcel, Orose, & Blonde des peuples & contrees d'Allemagne, ne sont que choses imaginees & eslongees de la verité pour la pluspart. Strabo escrit aussi sans fondement que l'Ister

Le Danube a sa source bien pres de la mer Adriatique, & Herodote le fait couler du costé d'Espagne du pays des Celtes, qui sont, dit-il, les derniers peuples de l'Europe, & dit qu'il prend son cours vers la Scythie ou Tartarie, Derochef Strabbo choppe en ce qu'il dit que les fleuves Lopus & Vezzer se deschargent dans la riuere d'Enis, ce qui est faux: Car Lopus entre dans le Rhin, & le Vezzer s'embouche en la mer. Pline aussi veut que la Meuse coule dans l'Ocean, laquelle toutesfois se mesle dās le Rhin. Par semblables erreurs se fournovent les nouveaux Géographes, comme Sabellicus, qui deduit les Alains des Allemans, & les Hongres de Hunnes, où il se mescompte, ainsi qu'il fait mettant les Gots & Getes entre les Scythes, & confondant les Danois avec ceux qu'on appelloit Daces, qui sont les peuples habitans auourd'huy de la Transylvanie, Bulgarie, & autres circonnoisies, & met le mōt S. Ottilie en Bauiere, lequel toutesfois n'est guere loing de Strasbourg. Volaterran faut aussi confondant Austriane & Auftriche, les Auares & Sauares faisant que Lucerne & Nasium soit tout

vn, disant aussi que Plin a fait mention de Berne en Suisse, laquelle nous sçauons auoir esté long temps apres edifiee par Bertould Duc de Zeringen. Pareille mēt Conrad Celte, qui dit que les Daces & Cimbres estoient mesmes peuples, & les Cherusses & Ceruses tout vn. Il pèse aussi que les monts Riphées soyent en Polongne ou Moscouie, & que l'ambre soit vne gomme distillante de certains arbres. Mais il y a entre les historiens aucuns qui sont coupables de beaucoup plus exécrables mensonges: lesquels s'estans trouués presents aux faicts & euenemens qu'ils escriuent, ou ayans autrement bien au vray entendu comment il sont passés, neantmoins se laissent gagner à l'amitié & bien veillance, ou aux flatteries de ceux de leur parti, desguisent les choses, mettent en auant & assurent le faux. Autres ayans entrepris de mettre par escrit des histoires pour accuser ou defendre en icelles les actions d'autrui, poursuyuent & traictent au long seulement ce qui sert à leur argument, dissimulans, raïsans, ou rendans plus leger ce qui est vn peu esloigné, & ainsi nous baillēt des histoires impar-

faictes & corrompues: duquel vice Blonde note O ose: lequel a passé en silence ce grand ravage des Gots par toute l'Italie, auquel Rauenne, Cadane, Aquilee, Ferrare, & presque toutes les villes d'Italie furent ruinées & renuersees de font en comble, afin qu'il n'affoiblist & ne rendist plus maigre l'argument qu'il s'estoit proposé. Plusieurs taisent la verité par crainte ou par hayne & mal-talent qu'ils ont contre aucuns. Et autres trop partiaux voulans haut louer les faicts & prouesses des hommes de leur nation, reduisent presque à neant ce que les autres ont executé, & ne mettent par escrit les choses ainsi qu'elles sont, mais comme ils vouldroyent qu'elles fussent en somme ce qui leur plaist, s'asseurans qu'ils n'aurent faute de compagnons méteurs comme eux, ni du tesmoignage & faux adueu de ceux qu'ils auront bien flattés en leurs escrits, qui estoit vn vice fort familier aux anciens Grecs, & aujourd'huy presque à tous ceux qui escriuent les chroniques des peuples, ainsi qu'il est euident de Sabellicus & Blondus es histoires des Venitiens, Paul Emyle & Gaguinen celle des François, &

semblables, qui sont entretenus par les Princes, non pour autre raison, que celle que dit Plutarque, à sçauoir que ayans l'entendement bon & à commandement, suffoquas la vertu avec les merites d'autrui, ils celebrent leurs faicts & les surhaussent par babil & fictions sous le nom & maiesté d'histoire. Ainsi les Grecs escriuans des inueteurs des choses se sont attribué tout ce qui n'estoit onques venu d'eux. Encor plus corrompus flatteurs sont certains historiens, lesquels essayans de rapporter & estendre l'origine de leurs Princes aux plus anciens Rois, lors qu'ils se trouuent courts, & se voyent arriues au bout (recherchans leurs linees) outre lequel il n'y a memoire ny tesmoignage qui les puisse conduire, ont leur recours aux fables, forgēt & controuuent des races, noms & pays estranges & incognus sans riē craindre. De ceste espeece est vn certain barbare Hunibauld, qui a escrit l'histoire des Frācois, & s'est imaginé vne Sicambrie Scythique, vn ieune Priam, & autres noms nouueaux de Rois & de lieux, d'ot il ne fut onques faicte mention par aucun auteur: & toutesfois ses baueries ont

esté receuës & imitées par gens de mesme marque. Comme par Gregoire de Tours, Regin, Sigebert, & plusieurs autres. De cette racaille est aussi Vitikindus, qui deduit les anciens Saxons & premiers habitans de la Germanie des Macedoniens, & des vieux soldats d'Alexandre le grand : lequel erreur a esté suiuy par plusieurs. Il y en a pareillement aucuns qui se mettent à escrire des histoires, non tant pour faire rapport de choses vrayes, que pour delecter, ou bien pour escrire le patron d'un Prince iuste & vertueux en la personne de quelqu'un qu'ils choisiront à leur fantaisie, & s'excusent, si l'on les taxe d'estre peu veritables, sur ce qu'ils n'ont pas esté tant soucieux de mettre par escrit ce qui a esté fait, qu'ils ont eu esgard à l'utilité de ceux qui viendront apres, & à monstres quel estoit la renommée du naturel & esprit d'iceluy. Partant n'ont esté curieux de narrer toutes choses ainsi qu'elles ont esté faites, mais plustost en quelle maniere on les a deu faire & exccuter, & qu'ils n'ont entrepris de suiure la verité opiniaistrement, là où le mensonge ou fausse inuention peut apporter quel-


que vtilité au public, allegans pour témoin Fabius, lequel ne trouue point mauuais cette espee de fausseté, qui peut engédrer quelque persuation honneste & vertueuse és esprits humains. Avec ce estiment peu impetrer à la posterité, pour l'instruction de laquelle ils escriuent, sous quels noms ou en quelle maniere luy est proposé l'exemplaire d'un bon Prince, tel que Xenophon a d'escrit Cyrus, non pas ainsi qu'il estoit à la verité, mais tel qu'il deuoit estre, & duquel il a escrit vne tres-elegante & belle histoire, non veritable toute fois, le façonnant & ornant en sorte qu'ils peust seruir de patron original à tous les suyans de tres-bon & excellent Prince. De là se sont enhardis plusieurs qui ont cogneu leur naturel fort propre & industrieux à bien pâlir un mensonge, d'escire tant d'inuentions fabuleuses, ainsi que les contes des Fées Morgain, Maguelonne, Melusine : ceux d'Amadis, Florent, Tirand, Conamore, Artus, Diether, Lancelot, Tristan, & tels liures non moins fots & sans doctrine, que faux: voire plus fabuleux qu'aucune des comedies ou tragedies des anciens

poëtes. Toutesfois aucuns sçauans ont
escriit quelque chose de cét argument,
dont les principaux sont Apulée, Lucie,
& Herodote pere de l'histoire: comme
aussi Diodore Sieilien, & Theopompe,
és liures duquel, selon le rapport de Ci-
ceron, se treuuent plusieurs contes fa-
buleux & pleins de mensonge. Car là
nous lisons, que pendant que le Roy des
Medois disnoit les riuieres estoient beuës
& taries, & que le mont Athos estoit tra-
uersé à la voile, & tout ce que la Grece
mensongere ose mettre en auant sous
pretexté d'histoire. Pour ces causes ne se
trouue il point d'histoires ausquelles on
doine adiouter pleine & entiere foy,
nonobstant que ce soit là où nous la re-
querons & cherchons principalement.
Et est tres difficile d'asseoir le iugemēt.
qu'il conuient pour discerner entre icel-
les. Car n'ayans esté tenus registres ny
actes publics de ce qui s'est passé pour y
auoir recours lors qu'il est besoin de sça-
uoir la verité des choses & pouuoit par
iceux conuaincre les menteurs, chacun a
pris licence de suivre son opinion, & se
sont dispensez d'errer & de ne dire au-
cune verité: dont est procedée la grand

discorde que l'on void entre les historiens, tellement que, ainsi que Iosephe escrit contre Apion, ils combattent leurs liures par leurs liures mesmes, & escriuent de mesme sujet choses totalement differentes. En combien de lieux dit-il, est discordant Hellicanus d'auec Agefilaus sur les genealogies, & Herodote repris par Agefilaus, & Hellanicus argué de mensonge par Ephore, luy par Timée, Timée par ceux qui sont venus apres luy, Herodote par tous en general? Mais Timée n'a daigné ensuiure en chaque endroit Antiochus, Philiste, ou Callias Thucydide est accusé de faux en plusieurs passages, nonobstant qu'il aye reputation d'auoir escrit fort consciencieusement son histoire. C'est ce que Iosephe dit des autres: Mais luy mesme est corrigé par nostre Egesippe. Dauantage il se trouue beaucoup de recits dans plusieurs histoires, qui ne sont pas tous bons ny honnestes, & toutefois ils les approuuent & loüent, encor qu'ils n'en soient dignes: & plusieurs y proposent des exemples qui ne doiuent estre nullement ensuiuis: Car ceux qui magnifient & ornent de tant de loüanges Hercules, A-

chilles, Hector, Thesée, Epaminondas, Lysander, Themistocles, & puis Xerxes, Cyrus, Daire, Alexandre, Pyrrhus, Annibal, Scipion, Pompée, & Cesar, que font-ils autre chose que publier les ruines, rauages, & pilleries de ces grands, fameux, & terribles brigands de tout le monde? & les représenter & descrire? Mais ils ont esté grands & excellens Capitaines. Soit, pourueu que l'on m'accorde qu'ils ont esté tres-méchans hommes. Si quelcun me dit que par la lecture deshistoires on peut acquerir grande prudēce, ie le veux, & ne le nieray point; mais aussi il faut qu'il confesse que l'on y peut apprendre beaucoup de malice & de dommage inestimable: & qu'on y trouue (comme dit Martial en quelque lieu) beaucoup de bien, beaucoup de mal, & beaucoup de choses qui participent de l'un & de l'autre.

De la Rhetorique. CHAP. VI.

 Vant à la Rhetorique, qui suit de prés l'histoire, il n'est encor arresté si c'est vn art ou non, entre gens graues & honorables, qui en sont encor en pro

cez. Socrates mesme, selon que rapporte Platon, par bonnes & asseurees raisons maintient qu'elle n'est ny art ny sciēce, mais vne certaine dexterité d'esprit, qui n'est ny belle ny honneste, ains plustost vne sale & seruille maniere de flatter. Et si, à ce que disent Syfras, Cleantes, & Menedemus, l'eloquence ne peut estre comprise par aucun art, ains faut qu'elle procede de nature, laquelle donne adresse à chacun de bien exposer & donner à entendre ses affaires, de flatter quand il est besoing, & confirmer son dire par raisons & arguments, & que la memoire, la prononciation, l'invention des beaux suiets, tout cela ne vient (disent-ils) que de nature, Ce qui apparut clairement en l'orateur Antoine, le plus estimé qui fut entre les Romains. Et combien que avant Thisias, Corax, & Gorgias il n'y eust aucuns preceptes escripts, ny enseignements de rhetorique, il ne laissoit pourtant d'estre force gens bien parlans naturellement, & de seule bonté d'entendement.

Dauantage, puis que l'on definit l'art estre vn recueil de preceptes tendans à certaine fin, les rhetoriciens sont encor

en debat quelle peut estre cette fin & ce but, sçauoir si c'est de persuader ou de bien dire, & ne se contentans des vrayes causes en imaginēt & feignent des nouvelles. Avec cela tant de theses où questions generales, & particulieres ou hypotheses, figures, couleurs, manieres de parler, persuasives, controuerses, harangues, proëmes, insinuations attraiets de beneuolence, & narrations artificieuses ont esté par eux trouuees, que c'est chose presque infinie: & toutesfois ils n'ont encor sceu attaindre, ny mesme cognoistre cette fin de rhetorique. Les Lacedemoniens l'ont du tout reprobuee, disans que le langage d'un homme de bien doit proceder du cœur, & non d'aucun artifice. Les anciens Romains ont semblablement long-temps tenuë la porte fermee aux rhetoriciens. Et iagoit que Ciceron aye faict tout ce qu'il a peu pour donner à entendre que la faculté de bien dire ne depend point d'art que de prudence, ayant à ceste cause composé son liure du parfait orateur, si est ce que cet orateur, qu'il a formé & façonné pour seruir aux autres de patron, n'est point approuué d'un

chacun : Car mesme il fut suspect à Brutus, homme de singuliere integrité. Tellement que cette sentence est demeurée ferme, que les preceptes & reigles de bien parler ont tousiours porté plus de nuisance à la vie des hommes, que de profit. Et pour en parler à la verité, toute cette discipline de Rhétorique n'est autre chose qu'une maniere ou artifice de bien flatter & amadoüer, ou pour le dire plus clairement, de bien mentir, afin de persuader sous un faux voile ou masque de belles paroles, ce que l'on ne scauroit faire exposant la chose à la verité & à descouvert, ainsi que disoit Archidamus de Pericles le Sophiste (selon que recite Eunapius) Car estant interrogé Archidamus lequel d'eux estoit le plus vaillant; encor (disoit-il) que j'aye vaincu Pericles au combat, si est ce que quand on vient à parler de ces choses, il est si bien pourueu de l'agage, qu'il fait à croire qu'il n'a pas esté vaincu, mais qu'il est le victorieux luy mesme. Plinè aussi dit de Carneades que l'on n'eust sceu presque cōprendre quelle estoit la verité lors qu'il disputoit & argumentoit : Duquel il est semblablement escrit, que

ayant vn iour discoursu de la iustice publiquement, sagement, & en fort beaux termes, le iour apres il se mit à haranguer contre la iustice avec non moindre doctrine & richesse de paroles. En la ville de Syracuse estoit le Rhetoricien Corax, homme d'esprit, prompt, & subtil à bien dire, lequel enseignoit cet art à prix d'argent. A iceluy s'adressa Thisias, qui luy promet double salaire lors qu'il luy auroit appris la Rhetorique (car il n'auoit pour l'heure argent cōptant.) A quoy s'accorda Corax, & l'enseigna. Ayant donques Thisias appris c'est art, il voulut circonuenir son maistre touchant le prix qu'il luy deuoit, & pource luy demanda que c'estoit que Rhetorique. C'est (dit Corax) celle qui fait que nous persuadons ce que nous voulons aux hommes. Alors Thisias argumenta contre son maistre en ceste façon : Si ie te puis persuader (dit-il) ce que ie te diray touchant le salaire que tu pretens de moy, à sçauoir qu'il ne t'est point deu, ie ne te deuray rien, d'autant que ie t'auray ainsi persuadé : Mais si ie ne te le puis persuader tu ne me dois rien demander, pource que tu ne m'as point enseigné

l'art de persuader. A iceluy Corax, reiet-
tant presque le mesme traict, respon-
dit en ceste sorte: Si en disant du salaire
que tu me dois ie te persuade que tu es
tenu de me le payer, il est raisonnable
que ie le recoiue: car ie t'auray persua-
dé qu'il m'est deu: Mais si ie ne te le puis
persuader, tu seras aussi bien tenu de me
le payer, d'autant que ie t'ay si bien en-
seigné que tu en sçais plus que ton mai-
stre. Les Syracusains, qui les auoient
ouys debatre par ces argumens renuer-
sés l'un contre l'autre, s'escrierent, de
mauvais corbeau mauvais œuf (tel mai-
stre tel disciple,) voulant denoter que si
l'un estoit mauvais, l'autre estoit encor
pire. Presque semblable compte est re-
cité par Gelle de Protagoras le sophiste
& de son disciple Euathle. L'on dira que
c'est chose belle, delectable, & vtile, de
sçavoir dire bien, parfaitement, graue-
ment, copieusement, & en beau & riche
langage ce que l'on veut: Si est-ce que
cela est quelquefois mal seant, hors de
raison, & bien souvent dangereux, mais
en tout temps c'est chose soupçonneu-
se. A ceste cause Socrates ne fait aucun
compte des Rhetoriciens, & ne les esti-

me dignes de tenir rang d'honneur ny d'autorité en la chose publique bien ordonnee. Platon les exclud & chasse de la sienne, avec les ioueurs de farces & les Poëtes, & à bon droit. Car il n'y a rien plus dangereux aux charges & affaires publiques que cet artifice, lequel monstre à se vexer & trahir l'un l'autre, par collusions, tergiversations, calomnies, imputations, & autres telles façons desquelles les hommes s'accoustiēt par le moyen de leurs meschantes & malheureuses langues. Les hommes garnis de cet art font souuent des ligue & conspirations par les villes, & y esmeuent des seditions, trompans par leur babil-artificieux, picquans, calomnians, brocardans, flattans ores l'un ores l'autre, vsurpans par ce moyen vne certaine tyrannie sur les innocents. Partant Euripides disoit tres bien, que sçauoir bien parler de beaucoup de choses sentoit son tytan. Et Æschylus, que le mal plus detestable qui soit, est vn langage orné & bien accommodé. Raphaël Volaterran, tres-curieux rechercheur des histoires & exemples, confesse n'auoir remarqué en tout ce qu'il a peu lire, tant és an-

ciens que modernes, auteurs, que bien peu de gens de bien pourueus d'eloquence. Ne lisons nous pas que par cette faculté de bien causer les plus puissantes republiques ont esté troublees grandement & quelques fois du tout destruites? Les Bruts, Casses, Gracches, Catons, Ciceron, Demosthene nous seruent de preuue: lesquels, comme ils ont esté des plus eloquents hommes de la terre, aussi n'en scauroit on trouuer de plus seditieux tant qu'ils ont vescu. Caton le Censeur fut accusé en iugement quarante fois: mais luy intenta plus de septante procès criminels contre autres, ne cessant, tant qu'il eut vie, de troubler la tranquillité publique par harangues & plaidoyers enragés. L'autre Caton, sur nommé d'Utique, irrita tellement Cesar, qu'il luy donna occasion de renuerser de fonds en comble la liberté du peuple Romain. Ciceron prouoqua pareillement Antoine à la destruction de la republique de Rome, & Demosthene le Roy Philippe au grand dommage de celle d'Athenes. En somme il ne se trouuera aucune republique, d'ont l'estat n'aye esté peruertí.

car cest artifice, ny aucun personnage
qui n'aye esté offensé par ce vice d'elo-
quence s'il y a voulu prester l'oreille. Es-
timents l'assurance de bien parler,
la fiance que l'on y met, à pareillemēt
ne grande force, par elle sont souste-
nues les mauvaises causes, & est sauué
le supplice celuy qui est coupable &
convaincu de crime, & l'innocent accu-
sé & bien souuent condamné. Et n'y eut
jamais aucun si bien defendu par cet
artifice, que celuy qui estoit partie con-
traire n'en aye esté offensé. M. Cato, le
plus sage homme qui fut à Rome, em-
peschâ que Carneades, Critolaus, &
Diogenes, qui estoient trois Ambassa-
deurs enuoyés par les Atheniens, ne fus-
sent ouys publiquement dans la ville,
pour ce qu'ils estoient si bien pourueus
de prompt & subtil entendement & de
beau & riche langage, qu'il leur estoit
facile de persuader aussi tost le bien que
le mal. Et est certain que Demosthenes
est vanté quelquefois estant entre les
Grecs, de pouuoir faire tourner & incli-
ner les sentēces des Iuges à volonté par
l'art & force de ses paroles : à l'appe-
nt duquel les Atheniens ont eu souuent

ou paix ou guerre avec le Roy Philippé
& tant auoit il de pouuoir a esmouuoir
ou rasseoir les esprits, affections, & vol
lontés de ses concitoyens, qu'il les ma
nioit & tournoit en parlant la part où il
vouloit, ainsi que s'il eust eu puissance
souveraine par dessus eux. Pour telle
raison Ciceron estoit appellé Roy à Ro
me par aucuns, pource que en disant il
faisoit condescendre le Senat où il luy
plaisoit, & manioit tout par la force de
son oraison. Par ces choses il appert
donques que la republique n'est autre
chose qu'un art de persuader ou faire
croire, d'esmouuoir & conduire les af
fections, rauissant les esprits par subtil
façon de parler, langage fardé, & frau
duleuse verisimilitude : par lesquels
moyens elle subuertit le sens de la verité,
& attire les entendemens humains en
une prison d'erreurs. Mais si par la bon
té & benefice de nature il n'y a chose
que l'on ne puisse bien exprimer de sim
ple voix & langage naïf, de quoy sert ce
ste estude de masquer ainsi les paroles.
Y a il chose plus pestilentielle. La pa
role de verité est simple, mais vifue, &
penetre iusques à l'ame, separant les pen

tees & intentions du cœur, & diuisant ain-
si qu'un glaive tranchant des deux costés
aisément toutes les conceptions & con-
trariétés artificielles des rhetoriciens.
A cette cause Demosthene, lequel ne fai-
soit compte de tous ceux de son temps
qui vsoient d'artifice en leurs harangues
dés qu'il voyoit que Phocion vouloit
parler, se trouuoit estonné, & craignoit
cestuy là seul: car il ne disoit rien de su-
perflu ny hors du propos dont il auoit à
traicter, & ce avec simplicité & brieue-
té. Parquoy il l'appelloit la coignée de
ses oraisons. Les Romains anciens en-
tendoyent possible bien cela quand ils
chasserent par deux fois les orateurs de
leur ville, selon que tesmoigne Sueton-
ne, à sçauoir vne fois sous les consuls C.
Fannius Strabo & M. Valere Messalla,
& derechef estans Censeurs Cn. Do-
mitius Barberousse, & L. Licinius le-
gros, & ce par ordonnance publique. Et
puis regnant Domitian, ils furent iettés
hors, non seulement de la ville de Ro-
me, mais de toute l'Italie, aussi par de-
cret de tout le Senat assemblé. Les A-
theniens leur defendirent la cour, &
l'assemblée, ainsi que à peruertisseurs de


iustice, & condamnerent à mort Timagoras, pource qu'il auoit par grâde flatterie saué le Roy Daire à la façon des Perses. Les Lacedemoniens chasserent Ctesiphon, à cause qu'il s'estoit vanté de pouuoir discourir tout vn iour sur tel subiect qu'on eust voulu: car il n'y auoit chose qui plus leur fust odieuse que cet artifice & curieux arrangement de paroles en ceux qui n'ont aucun soucy de proferer ce qui est veritable: mais se mettans à traicter de quelque chose de petite consequence, employent tout leur estude à l'emmieller & parer de paroles attrayantes & magnifiques, pour endormir les esprits, à fin de mener avec leurs langues les hommes attachés par les oreilles. Parquoy il est euidēt que aucun n'est onques deuenu meilleur par cet artifice, mais que plusieurs y sont empietés. Et quand ainsi seroit qu'ils peussent traicter & discourir des vertus avec paroles ornees & elegātes, ne voyons nous pas qu'ils ont beaucoup plus d'heur, de grace, & d'eloquence quand ils veulent defendre les erreurs, semer des noises, esmouuoir des factions, accumuler injures & outrages, mesdire ou calomnier,

nier, que lors qu'ils se meslent de traiter paix, concorde, & tranquillité entre ceux qui sont diuisez, ou recommander l'amour, la foy, & la religion: D'abondant ce mauuais art a donné cœur à plusieurs de se retirer de la vraye religion, & a fait foisonner plusieurs schismes, superstitions, sectes, & heresies: Car aucuns mesprisans les saintes Lettres, pource qu'elles ne sont enduites de la douceur d'une eloquence Ciceronienne, ont trouué plus de goust aux arguments succez des ethniques & payens, se sont arrestez à iceux, & bandez contre la verité de l'Eglise vniuerselle. Ce qui est euident en ceux que l'on appelloit Tatiens heretiques, & ceux qui furent seduits par Libanius le sophiste, & Symmachus l'orateur, aduocats & protecteurs des idoles, & par Celsus l'Africain, & Iulian l'apostat avec leurs grâds rhetorismes s'esleuans contre nostre Seigneur Iesus Christ. De l'eloquence desquels, pernicieuse & pleine de blasphemmes les heretiques ont prins plusieurs arguments & manieres de persuader, qu'ils ont instillées aux oreilles des simples gens, les destournans de la parole

D

de Dieu : & n'est besoing de chercher exemples entre les anciens : car nostre siecle nous en fournit assez. Bref, les chefs & auteurs de toutes les heresies ont esté pour le plus hommes bien parlans, eloquents & diserts, & pour tels tenus & reputez entre les hommes : & plusieurs encor auourd'huy se voyent, lesquels cuidans deuenir bons Cicero-niens, se trouuent en fin bon payens : & ceux qui sont par trop adonnés à l'estude de Platon & d'Aristote, ne peuvent faillir d'estre superstitieux ou contempteurs de religion : Et quant à ceux qui degoïsent tant de paroles oiseuses, hors de propos, & outre ce que requiert la simple verité, & en réplissent les oreilles des hommes, ils se doiuent assurer qu'ils cōparoistront quelque iour en iugemēt, pour donner raison de leur vain babil, & mensonges controuuees contre Dieu.

De la Dialectique. CHAP. VII.

 Ces Rhetorismes s'adioint pour ayde & secours la dialectique, laquelle n'est semblablement qu'un art de cōtentions & broüillis, & qui rend les autres sciences plus tenebreuses & dif-

faciles à comprendre : & l'appelle on science enseignant à parler par raison. O miserable genre humain, & vraiment despourueu de raison, s'il ne peut parler par raison sans l'aide de ceste discipline. Neantmoins Seruius Sulpitius dit que c'est le plus excellent de tous les arts, & comme vne lumiere, par laquelle on peut voir & cognoistre tout ce que les autres enseignent : d'autant que (comme dit Cicero) il monstre à distribuer toute la chose en ses parties, & descouure ce qui y est de caché en la definissant, donne à entendre ce qu'elle contient d'obscur par interpretation, & enseigne à considerer & distinguer les ambiguites : en somme baille reigles, par lesquelles on peut discerner le vray du faux en tout ce qui propose. D'auantage les dialecticiens se vantent de pouuoir trouuer & bailler la definitiō, qu'ils appellent essentielle, à toutes choses, & toutesfois il ne leur est encor aduenu d'en bailler vne en paroles si claire que l'esprit n'en soit demeuré aussi peu sçauant qu'auparauāt. En sorte que si quelcun parlant d'un homme à un qui ne se-

roit instruit l'appelloit animal raisonnable & mortel, il seroit moins entendu que s'il le nommoit simplement homme. Boece entre les Latins a escrit assez de choses sur cette discipline, lesquelles ne se trouuent toutes: Mais Aristote est celuy qui emporte le prix, parce qu'il a escrit des predicamens, des argumens, & de leur lieux ou sieges, de l'interpretation, des resolutiōs, & autres traiçtez. A la suite duquel les Peripateticiens ont conclu que l'on ne peut sçauoir assurément aucune chose, sinon qu'on la prouue par argument demonstratif, tel qu'Aristote leur enseigne: duquel toutefois il ne s'est seruy en pas vn endroit de ses œuvres, attendu que toutes ses argumentations sont par luy deduites de choses presupposées. Et partant à son exemple tous ces promoteurs de science iusques à présent ne nous ont donné aucunes vrayes demonstrations, ou bien fort rares: non pas mesmes es choses naturelles: mais deduisent celles qu'ils donnent des preceptes & enseignemens de leur Aristote, ou de quelque autre qui en a parlé auparauant: l'autorité desquels leur sert de principes de-

monstratifs. Mais quant à la vraye demonstration, laquelle fait que l'on sçait vne chose, Aristote enseigne que c'est celle qui se fait par lesquiditez, ainsi que parlent les Dialecticiens (c'est l'essence propre de ce que l'on veut demonstrer) & par les differéces peculieres qui nous sont presque toutes cachées & incongneues. Il dit aussi que la demonstration se fait par les causes de celles qui sont de par soy & selon elles mesmes, lesquelles enonciations se peuvent convertir ou renuerfer, & estre rapportées l'une à l'autre : neantmoins il dit, qu'il n'est pas permis ny admis d'vser de demonstration circulaire par les causes. Estant donc les vrais principes, à sçavoir les fondemens des choses & des sciences, dont les demonstrations sont composées, à nous pour la pluspart inconnus, & n'estant receuë la circuition, il s'ensuit que l'on ne peut avoir aucune science, ou s'il y en a, elle est foible & tres-mal asseurée: Car il faut croire à ce qui est demōstré par certains principes fragiles, lesquels sont receus & mis en credit ainsi que communes & generales opinions, à cause de l'autorité des sages

qui les ont premierement mis en auant, ou bien nous conuient fonder nostre science sur l'experience de nos sens. Toute cognoissance, disent-ils, prend son origine des sens, & la verité des paroles se preuue (dit Auerroës) quand les sens s'accordent à icelles. Et ce est plus congnu, & creu estre plus veritable, à quoy plusieurs sens se rapportent. Partant par les choses sensibles, selon l'opinion d'iceux, nous sommes conduits comme par la main à tout ce que nous pouuons sçauoir. Mais veu qu'il est hors de doute que tous nos sens sont souuent trompés, pour certain ils ne sçauroient prouuer que nous ayons aucune vraye ny certaine experience. Dauantage, veu que les sens ne peuvent attaindre à la nature spirituelle & intellectuelle, & que les causes des choses inferieures, par lesquelles leurs natures, effects & proprieté ou passions deuroient estre demonstrez, sont sans contredit incongnues & du tout cachees à nos sens, ne s'ensuyura il pas que aux sens est retranchée la voye de sçauoir la verité? & partant que toutes les deductions & sciences, qui ont leurs fondements plantez

sur l'experience des choses sensibles, seront erronées & trompeuses? Quelle est donc l'utilité de la Dialectique? Quel fruit a on de cette scientifique demonstration par les principes & par l'experience? Auxquels estant de besoin croire necessairement, comme à choses certaines & cogneuës, il s'ensuit que l'on a plus de cognoissance des principes & des experiences, que des choses qui sont démontrées par icelles. Mais espluchons vn peu plus auant cét art. Les Dialecticiens comptent dix predicamens qu'ils appellent genres generaux, à sçauoir, *Substantia, Quantitas, Qualitas, Relatio, Quando, Vbi, Situs, Habitus, Actio, & Passio*: par lesquels ils croyēt pouuoir comprendre & entendre tout ce qui est enclos en la rondeur de ce monde vniuersel. Ils disent en outre qu'en peut parler de toutes ces choses, & de chacune partie d'icelles sous cinq vocables, qui sont Genre, Espece, Difference, Propre, & Accident, qu'ils ont appellé predicables. Ils ont aussi inuenté quatre causes de chacune chose, à sçauoir Materielle, Formelle, Efficiente, & Finale: par lesquelles ils pensent pouuoir trou-

D iij

uer la verité ou fausseté de toutes choses par certaine infaillible demonstration, à sçauoir par vn argument formé selon vne des dixneuf manieres comprises es trois ordres ou figures (qu'ils appellent) de Syllogismes. Et est tout syllogisme ou demonstration composée par eux de trois termes, qu'ils appellent, à sçauoir le sujet de la question dit Mineur, le prononcé de la question, ou Maieur, & le troisieme est appellé Moyen, participant de l'un & de l'autre: desquels termes ils font deux propositions nommées premises ou precedentes, à sçauoir le maieur & la mineur, & d'icelles tirent finalement la conclusion, passant d'une extrême à l'autre, tant qu'ils se trouuent au bout de leur carriere. Voila tout le bel artifice & les dernieres bornes esquelles ils cuident assembler, diuiser & conclurre toutes choses par le moyen de certaines maximes à leur aduis inexpugnables. Tels sont les hauts & estranges mysteres de l'artifice logical recherchez avec longs & ennuyeux traualx par ces maistres abuseurs, & lesquels, ainsi que tres grands secrets, il n'est permis de reueler ny mesme d'apprendre, sinon

De la Dialectique. 81

que l'on aye moyen de payer grand salai-
re à ceux qui les enseignent, & acquérir
à grands frais cette autorité es escoles.
Bref ce sont leurs chiés courans, & leurs
rets, par lesquels ils pourfuiuent & pren-
nent, ce leur semble, la verité en toutes
choses, soient sujettes à nature, comme
celles qui appartiennent à la physique,
soient accompagnantes la nature, com-
me les mathematiques, soient surpassan-
tes icelle, ainsi que les considerations
Metaphysique. Mais il faut plustost dire
que par tels artifices en debatât par trop
de la verité ils la perdent, selon se pro-
uerbe de P. Clodius & de Varron. Jus-
ques icy s'estendent les bornes & limites
des anciens dialecticiens.

De la Sophistique. CHAP. VIII.

MAis l'escole des nouveauz
Sophistes nous a bien
amené des monstres &
prodiges plus estranges &
en plus grand nombre:
Des passions, des termes, de l'infiny, des
comparatifs & superlatifs. De la diffe-
rence d'entre ce que l'on dit estre autre

D v

& ce qui n'est pas de mesme : Des propositions où sont tels mots, *Il commence, Il cesse* : Des formalitez, instans, hecceitez, ampliatiens, restrictions, distributions, intentions, suppositions, appellations, obligations, consequēces, indissolubles : Des propositions qui se peuuent exposer, des reduplicatiues, exclusiues, instances, cas, particularisations, supposez, mediats, immediats, complets, non complets, complex, non complex, & autres vocables intolerables & vains, qu'ils enseignent es traictez qu'ils appellent petitslogicaux; par le ministerede lesquels ils peuuent facilement faire aduoüer & confesser ce qui est faux en effect & impossible en nature : & au contraire consumer & ruiner la verité, faisant vne saillie sur elle au despourueu, ainsi que du cheual de Troye, avec tels engins & foudres de paroles. Il y en a entre eux qui n'admettent que trois predicamens & deux especes de syllogismes, qui se peuuent former en huit manieres. Se moquent des propositions qu'on appelle modales, & des termes dont l'on vse pour distinguer la chose selon les diuerses considerations d'icelles, à scauoir

unie en soy, que l'on dit *Concretum*, ou bié
distincte en ses proprietez, & chacune
d'icelles à part, qu'o appelle *Abstractum*.
Et s'en trouue d'autres qui content ius-
ques à onze predicaments, & vne qua-
trième figure ou ordre de Syllogismes,
accroissent le nombre des predicables &
des causes, & mettét en auant tant d'au-
tres inuincibles subtilitez Scotiques, que
les ruses de Cleanthes & de Chrysippus,
& les attrapaires de Daphitas, Euthyde-
mus & de Dionysiodore seroient trou-
uées lourdes & du tout rustiques au prix
des inuentions de nos nouveaux sophi-
stes : esquelles auourd'huy en tous en-
droits presque toute la troupe des sco-
lastiques s'occupent par mal-heureux &
darnable estude, ny faisans autre profit
sinon d'apprendre à errer en debattant
continuellement, & estans tousiours aux
couteaux entre eux pour deliurer &
mettre au large la verité, laquelle neant-
moins ils enuoloppent & restraignent
dauantage, ou la perdent du tout. Toute
la science desquels n'est autre chose
qu'une trappe construite & façonnée de
certains vocables & manieres de parler
corrompues & depraüées, ayans peruer-

ty cauteleusement la propriété & drom
vſage des mots, & forcé vne langue de
laquelle ils ſont du tout ignorans: trans
formans par ces moyens la verité ſelon
des expositions vray-ſemblables. Tous
l'honneur & gloire deſquels deſpend de
iniures & crieries, comme gens qui ne
cherchent point tant la victoire que de
ſe nourrir en perpetuelle guerre, & ne
ſe ſoucient point tāt de trouver la verité
qued'en débattre: tellement que celuy
eſt eſtimé le plus vaillant, qui fait plus
grand bruit, & eſt plus impudent, auda
cieux, & plus dangereux de la langue que
les autres, & comme dit Petrarque, ſoit
qu'ils ayent hōte de leur ſtil ſot & groſ
ſier, ou qu'ils confeſſent en cela leur
ignorance, ils ſont ſans mercy & impla
cables de la langue: mais ne veulent point
diſputer par eſcrit, de peur qu'on ne cō
ſidere de près les haillons dont ils ſe pa
rent, partant ils combattent toujours en
fuyant, ainſi que faiſoient les Parthes, &
dardēt leurs vaines paroles en l'air, ainſi
que s'ils déploient les voiles aux vêts.
Ce ſont ces braues & rufez diſputeurs
dont fait mention Quintilien, leſquels
eſtans tirez loin de leurs caillationt,

sont du tout mal propres & insuffisans à route autre chose, tant peu soit elle gracie & honneste, ressemblans à certains petits animaux qui sont fort remuans entre les destroits & lieux pressés: mais s'ils sortent vn peu en campagne, sont aussi tost prins: parquoy craignent de venir au large. Et n'y a rié plus vray que ce que l'on dit communément, que les destours sont soulagemens pour les infirmes, en sorte que ceux qui ne sont bons coureurs taschent d'eschapper & decevoir en tournant quelque coing. Ainsi craignent les Sophistes de disputer là où il y a des greffiers qui enregistrent leurs raisons & allegations, ou quand on leur veut confronter les liures & auteurs: mais cherchent de débattre seulement de la langue par clameurs qui ne font que passer legerement à travers la memoire & les oreilles oublieuses, sans vouloit qu'il y aye plume ny escriture aucune. Peu leur chaut par quel ordre & raisons ils procedent, pourueu qu'ils esmeuent procez & debat: encor moins quelles paroles il desgorgent, ny quelles opinions ils mettent en auant, pourueu qu'ils plaident, & débattent fort

& ferme : Car celuy qui a plus de babil
est entr'eux estimé le plus sçauant. Ils
vont d'escole en escole, de place en place,
de table en table garnis de ces abus
& enchantemens, cherchans quelque
aduersaire. L'ayans trouué ils le deffient
& tirent en dispute, l'assaillent, luy cou-
rent sus: s'il leur presse le collet, & qu'il
les secoüe vn peu rudement, ils taschent
d'eschapper, & ont recours à leurs de-
stours & cachettes accoustumées, fai-
sans autant de tours & retours que s'ils
auoient à circuir tout vn labyrinthe. Et
si quelqu'vn les dédaigne, & ne veut en-
trer en conference avec eux, ils luy fe-
ront quelque frauduleuse demande sur
quelque point, auquel il n'aura possi-
ble bien aduisé, afin que s'il respond au-
despourueu, il soit facilement conuin-
cu d'erreur, ou s'il ne veut respondre sur
le champ, ou qu'il die qu'il ne sçait que
c'est, ils luy fassent recevoir vne honte,
& le chassent avec battemens de mains,
& que eux en soient plus estimez, & ob-
tiennent l'honneur d'estre sçauans en
toutes les parties. Mais considerons vn
peu le frui& qu'a apporté ou pourroit
porter à l'Eglise de Iesus Christ la dialg-

Etique avec les Sophistes : lesquels ne s'accordans nullemēt aux traditions divines, les confondent par raisons imaginées à leur appetit, & deduites d'interpretatiōs erronées; ausquelles pendāt qu'ils s'adonnent par trop, & y croient, la lumiere de verité s'en va, s'augmētent les tenebres qui les envelopent & aveuglent en sorte, qu'ils deviennent à bon escient maistres & conducteurs d'aveugles, avec lesquels ils se precipitent en la fosse par leurs fausses argumentations & apparences de raisons frivoles, tousiours navigans sur ce profond gouffre d'erreur & d'ignorance, deceuans ceux qui ne sont bien instruits, se glissans ainsi que couleuvres parmy les simples, lesquels ils attirent à leurs resueries & fausses opinions par ruses & aguets de paroles seduissantes, les faisans sonner si haut, qu'il semble que la sainte Theologie ne scauroit estre retenue entre les hōmes sans la Logique ou Dialectique, sans noises & altercations, & sans sophisteries. De ma part ie ne veux nier que la Dialectique ne donne quelque aide aux exercices Scolastiques: Mais quāt aux contemplations & considerations

de Theologie, ie ne vois quelle y puisse
de rien seruir. Car la souueraine dialectique
du Theologien gist en l'oraison
& ne nous a nostre Seigneur Iesus Christ
promis en vain que nous receurons
nous luy demandons. Et partant ie croy
que auant que les scholastiques contem-
tieux ayent appris leur dialectique, les
fideles Chrestiens ont impetré abondam-
ment la verité qu'ils nous est necessai-
re de sçauoir du maistre de toute verité.
Avec ce la dialectique au plus haut
qu'elle puisse atteindre par tant d'ambi-
guités & circuits de paroles, ne sçauoit
passer outre la philosophie, mais par le
moyen de l'oraison faicte en foy nous
pouuons mōter iusques au sommet de la
sapience diuine & humaine. Partāt ceux
là errent qui pensent que la dialectique
soit vn engin & instrumēt de fort gran-
de efficace pour destruire & renuerfer
les opinions des heretiques, veu qu'au
contraire c'est le rampart & la defense
de tout tant d'heretiques qui ont iamais
esté. Par c'est artifice Arrius & Nesto-
rius se sont rendus si insensez, que l'vn a
maintenu qu'il y auoit en la Trinite di-
uerses substances selon diuers degrez &

diuers tems. L'autre nie que la vierge Marie aye esté enceinte de Dieu, ou enfanté Dieu, d'autant qu'ils ont presumé de mesurer les œuvres de Dieu par leur sophismes logiques, faisans plus d'estat des reigles de dialectique d'Aristote, qu'ils n'ont prins garde de pres aux paroles de la sainte escriture. Car toutes les erreurs des heretiques (dit S. Hierosime) ont trouué giste & repaire entre les broussailles & halliers d'Aristote & de Chrysippus. De là Eunomius infere que ce qui est nay n'a peu estre auant qu'il fust nay. Là s'est fondé Manichée, quand pour vouloir exempter Dieu d'estre auteur du mal, il a dit qu'il y auoit vn autre mauuais Dieu, lequel auoit crée le mal. Nouatus par là s'est confirmé en son opinion, lequel maintient qu'il n'y a aucun pardon apres le peché, afin que la repentance aille pareillement à bas. De ces fontaines & sources toute la doctrine des heretiques tire les ruisseaux de ses argumentations: Car puis qu'il n'y a propos auquel on ne puisse contredire, ny argument qui ne soit repoussé par vn autre argumēt, à quelle science ny verité scauroit on iamais paruenir par les

disputes de dialectique: Mais il aduient
 bien plustost que plusieurs se déuoyent
 de la verité, & tombent en heresie lors
 qu'ils pensent auoir decouuert vne verité
 plus asseurée par les argumens de Dialecti-
 que: ou bien cuidans confuter les heresies
 retiques employent choses qui ne sont
 gueres de meilleure mise: A raison de
 quoy Platon a ordonné que ceux qu'on
 appelle gardes en sa Republique mettront
 leur estude à la Dialectique fort sur-
 tard, d'autant qu'elle tient l'un & l'autre
 party, & sont toutes les disputes à deux
 endroits, & partant ne peut donner rai-
 son bien asseurée de ce qui est honnest
 ou non. Or il suffit quant à la Dialecti-
 que.

De l'art de Lullius. CHAP. IX.



Aymond Lullius de
 puis quelques années
 a inuenté vn art promp-
 digieux, à peu près res-
 semblant à la dialecti-
 que, par le moyen duquel
 quelvn chacun pourroit
 discourir & disputer promptemēt & au-
 long de quelque sujet qu'on luy puisse
 proposer, ainsi que l'on dit de Gorgias.

contin, lequel fut le premier qui osa es
semblees des hommes sçauans deman-
der de quelle matiere l'on vouloit qu'il
parlast. C'est Art donne inuention par
ne ingenieuse façon de broüillet les
oms & paroles, & avec parade d'un
habile affecté de soustenir ores l'un ores
autre party, de quelque proposcurieux
qui puisse estre mis en auant, sans laisser
prise ny moyen à son aduersaire de vain-
cre : & peut estendre & amplifier hors
de mesure choses petites & de peu d'ap-
parence: Duquel il n'est besoing de par-
ler plus au long: car nous auons faict des
commentaires à part sur iceluy assez am-
pliables : par lesquels toutesfois nous ne
voudrions qu'aucun fust deceu ny in-
duict à faire grand compte de chose qui
est assez leger: Combien qu'il puisse
sembler que nous l'ayons fort prisee en
ceux, neantmoins elle se decouure &
fait assez congnoistre d'elle mesme, en
forte qu'il n'est besoing d'en debattre
beaucoup. Il faut cependant que l'on
soit aduertty qu'à la verité cet art sert
beaucoup plus pour faire beau semblant
& monstre d'un bon esprit & doctrine,
que pour acquerir science en effect ny

erudition aucune, & qu'elle est mi-
pouueue d'audace que d'efficace;
surplus est toute barbare, sans grace
douceur, si elle n'est entrichie par quel-
que sçauoir exquis d'ailleurs.

De la Memoire artificielle. CHAP. XX



Ntre les arts susdits l'on
peut nombrer celuy de
memoire locale ou artifi-
cielle, qui n'est autre chose
sinon vne maniere d'ensei-
gnement par certains lieux & images
seruans comme de lettres imprimées ou
escrites en vne peau de parchemin. Elle
fut premierement trouuée par le poëte
Simonides, & depuis reduit à sa perfec-
tion par Metrodore le sceptique ou en-
questeur. Quoy que ce soit elle ne peut
seruir sans la memoire naturelle, laquelle
le bien souuent est tant troublée &
estonnée de ces monstrueuses figures
qu'au lieu de l'accroistre & la rendre
plus ferme, elle induit l'homme à folie
& frenesie. Tellement que ceux qui ne
se veulent contenir és bornes de nature
& surchargent leur memoire naturelle

elle est tant d'imaginacions & si grande di-
versité de choses & de paroles, appren-
ant à deuenir enragez artificiellement.
comme vn iour Simonides ou autre
eust fait feste à Themistocles, s'of-
rant de la luy enseigner. l'aymerois
meux, luy dit il, que tu m'apprinses
à d'oublier : Car plusieurs choses
reuiennent en memoire qui me fas-
sent, lesquelles ie voudrois biē oublier
si ie pouuois. Et Quintilien dit de Me-
todore, que c'estoit à luy vanité & sorte
d'ambition de se vouloir glorifier de la me-
moire artificielle plustost que de la natu-
relle. Ceux qui en ont escrit entre les
anciens, sont Ciceron en ses nouueaux
receptes de Rhetorique, Quintilien
en ses institutions, & Seneque : & des
modernes Franc. Petarque, Mareol-
leronnois, Pierre de Rauenne, Herman-
sch, & plusieurs autres gens indignes
en faire mention, & la pluspart d'es-
prit lourd & de petite renommée. Plus-
ieurs aussi en font profession, & l'ap-
prennent publiquement tous les iours :
mais peu se trouuent qui y fassent fruct,
bien souuent sont leurs precepteurs
ayez de honte : Car l'on void commu-

94 *Des Mathematiques en general.*
nément que ces broüillons abusent les
escoliers és Vniuersitez & Colleges,
taschent d'attraper leur argent par
moyen de cette nouueauté. En somme
c'est vne niaiserie & gloire puerile
faire parade de sa memoire: & chose la
de & impudète de desployer en monst
comme vne mercerie ce que l'on a leu
foison, & que ce pendant la ceruelle so
yuide de iugement & bonne doctrine.


Des Mathematiques en general.

C H A P. XI.

IL est maintenant temps d
dire des disciplines Math
matiques: lesquelles sont
estimees les plus certaines
de toutes. Neantmoins toutes n'ont fon
dement ailleurs qu'és opinions de ceux
qui les ont enseignees: lesquels n'ont
pas failly peu souuent: & toutesfois ont
leur adiousté grand foy. Ce qui est té
moigné par Alubater l'un d'entr'eux
disant que les anciens mesmes iusques
passé l'âge auquel Aristote a vescu, n'ont
point bien entendu les Mathematiques.

Des Mathematiques en general. 95
comme ainsi soit que le principal
sujet de ces sciences soit le rond, tant
par la figure que en nombre, ou en mouue-
ment ils sont toutesfois contraincts de
confesser que le rond, globe, ou sphere
se trouue parfaictement en aucun lieu,
naturellement, ny fait par artifice.
Combien que ces disciplines n'ayent
causé en l'Eglise de Dieu guere d'here-
sies, ou point du tout si est-ce que, com-
me dit S. Augustin, elles sont inutiles à
notre salut, plustost nous destournent
de Dieu, & induisent à pecher, que au-
rement : & ne sont, ainsi que S. Hier-
onime afferme, sciences dignes de per-
sonnes craignans Dieu.

De l'Arithmetique. CHAP. XII.

 Nre icelles l'arithmetique
tient le premier lieu. C'est
la science des nombres, qui
est comme la mere & ori-
gine des autres : non moins
superstitieuse que vaine : de laquelle
est faite aucune estime, à cause du vil
exercice de compter, si ce n'est par mar-
chandises, & pour l'auarice. Car elle traicte

des nombres, lesquels elle enseigne à cō-
 uiser, quel est le nombre pair, quel est le
 nompair, le pairement pair, le pairement
 impair, & quel est l'impairment pair, le
 superflu, le diminué, quel est le nombre
 parfait, le composé & le non composé,
 quel fait nombre de soy ou rapporté par
 autre. Plus traite de la raison ou propor-
 tion d'un nombre à l'autre, ou me-
 me d'une proportion à l'autre, & des ef-
 peces des proportiōs, des nombres har-
 moniques & geometriques, & en somme
 de diuerses reigles & proprietiez de
 nombres, & de leurs brisez & rompus, &
 de la maniere de calculer & compter.

De la Geomantie. CHAP. XIII.



Ette science d'Arithmetique ou des nombres nous
 produit la Geomantie, qui est vne maniere de deuiner
 par casuelle ou fortuite dis-
 position de poincts & figures, & avec ce
 le sort ou deuination qui se fait par le
 ject de dez, comme anciennement en la
 ville de Palestine, lors dite Preneste, par
 les tales, qui estoient presque ressem-
 blans

blans aux osselets des pieds des animaux
& autres telles manieres de hazards &
forcelleries qui se font par nombres,
combien que la plus grand part allient
la Geomantie à l'Astrologie, à cause de
la maniere presque semblable de iuger
des euenements, ioinct qu'ils attribuent
la force & vertu de ses predictions plus
au mouuement que non pas aux nom-
bres, se seruans de ce que dit Aristote au
premier liure de ses apparitions ou im-
pressions aërees. Le mouuement du
Ciel (dit il) est perpetuel, & le com-
mencement & la cause de tous les mou-
uements inferieurs. De cet art Geo-
mantique ont escrit iadis Hali : & es
temps plus recents Gerad de Cremone,
Barthelemi de Parme, & vn certain
Tondin. Je me suis aussi voulu meller
d'escrire d'une maniere de Geomantie
toute differente des autres, mais qui est
bien autant superstitieuse & incertaine,
& pour en parler rondement, menfon-
gere comme les autres.

Des Jeux de hazard. CHAP. XIII.

LE mestier de iouer à tous jeux de
hazard est vne pure forcellerie,
comme il en porte le nom. Et celuy qui
E

y est le plus sçavant & studieux est d'au-
tant plus meschant & mal-heureux: car le iouëur est en perpetuelle con-
uoitise du bien d'autry, cependant qu'il
dissipe le sien, & mesmes sans porter
respect ny reuerence au patrimoine, qui
luy a esté laissé par ses predecesseurs.
C'est l'art des menfonges, des pariure-
ments, l'arrecins, noies & iniures, me-
re des meurtres, inuention diabolique,
qui fut apportee sous diuerses especes
en Grece entre autres despoüilles &
parmy le butin de la ville de Troye,
apres que le Royaume d'Asie fut de-
struit. De là eurent leur origine les dés
les tables le tricole, ou trois points; le ef-
chees, le monarq; le taliorq; le regnard,
les dés à huit faces, & ceux à douze, es-
quels ils disoyent estre ie ne sçay quoy
de diuination. Plusieurs ont eu opinion
que Attalus Roy d'Asie fut celuy qui
trouua cet art de iouër, & qu'il inuenta
avec l'artifice des nombres. L'on trouue
par escrit que Claude Empereur de Ro-
me en composa vn liure, & qu'il y fut
fort addonné, ainsi que auant luy auoit
esté Auguste Cesar. Quoy qu'il en soit,
tout n'en vaut rien, & en est le mestier

lu tout infame & condamné par les loix
de tous peuples & nations. Et à ce pro-
pos on dit que Cobillon estant enuoyé
en ambassade à Corinthe par les Lacc-
emoniens pour traicter alliâce & con-
federation avec eux, s'en retourna sans
rien faire, ayant trouué les chefs & prin-
cipaux administrateurs des affaires de la
ville iouans aux dés, disant qu'il ne vou-
loit point donner cette tache & note
d'infamie à la gloire des Spartiates qu'il
n'est iamais dit qu'il eussent cherché l'al-
liance de gens adonnez au ieu. Et tant
auoyent tous les plus gents de bien &
grands personnages en mauuaise estime,
que mesme le Roy des Parthes voulant
se rapprocher à Demetrius sa legereté, luy
enuoye des tales d'or, qui estoient, com-
me nous auons dit, vne façon de dés
ayans que quatre costés, retoussiez par
les bouts en façon d'osselets. Toutesfois,
en cet âge tels ieux sont les passe-temps
ordinaires, & auxquels s'exercent le plus
les Princes & gentils-hommes. Quoy
passe-temps? mais plustost vne sagesse
remarquee & prisee en ceux qui sont les
plus experts & mieux exercés en ce
dumiable art de tromper.

Du sort Pythagorien. CHAP. XV.



L ne faut passer ce que les Pythagoriens affermoient & que Aristote mesme a creu, & plusieurs autres ont estimé estre veritable à sçauoir que chacune lettre de l'alphabet a son nombre certain, & que par ce moyen on peut deuiner ce qui doit aduenir aux hommes: prenant les lettres de leurs noms propres, & sommans ensemble les nombres portez par chacune d'icelles, en sorte que s'il y a question de sçauoir qui doit estre supérieur & auoir du meilleur en quelque bataille, ou procez, si c'est pour s'enquerir de mariage ou autre entreprise ou de la vie ou de la mort de quelqu'un, celui du nom duquel reuiert plus grande somme l'emporte. Par cette maniere de sort Patroclus demeura vaincu par Hector, & luy par Achilles. Or qui a esté dit en vers par Terentianus en ce sens.

*On tient que les noms sont formés par
tels mystères.*

Du sort Pythagorien. 101

*Qu'en assemblant d'iceux trestous les cha-
racteres,*

*Des vns le nombre est grand, des autres il
est moindre:*

*Que s'il aduient qu'en guerre ils viennent
à se ioindre*

*Le plus grand nombre emporte avec soy
la victoire*

*Et le moindre la mort: & de là vient la
gloire*

*Qu'Hector eut sur Patrocle, & celle là
encor*

*Qu'eust Achille d'auoir tué le preux
Hector.*

Et y en a plusieurs qui se ventent de
trouuer les Horoscopes ou ascendans
& aspects du Ciel tel qu'il est au point
de la natiuité d'un chacun par ceste ma-
niere de calcul, ainsi qu'un certain A-
lexandrin, philosophe de peu d'estime a-
uait écrit d'iceux, lequel on donne à enten-
dre auoir esté disciple d'Aristote. En
autre (à ce que Plin nous compte) l'on
attribuë aux inuentions de Pythagoras
que l'on dit que s'il y a nombre nom-
bré de voyelles au nom propre d'une
personne, cela luy presage perte de la
vie, ou rupture de quelque iambe, ou

De l'Arithmetique derechef. CHAP. XVII



MAIS retournons à l'Arithmetique. Platon dit qu'elle fut premierement enseignée par vn mauvais dēmon avec le ieu des dēs, & tout autre ieu de hazard & Lycurgus, ce grand legiflateur des Lacedemoniens, voulut qu'elle fut bannie de sa republique, comme vn art turbulent: car outre qu'elle requiert que l'on soit de grand loisir pour vacquer à icelle, & retire l'homme de toute honneste & profitable negotiation, elle esmeut souvent grand debat pour choses friuolles & de petite consequence. Telsmoin la guerre irreconciliable d'entre les Arithmeticiens pour la preference du nombre pair ou nombre impair, sçauoir lequel nombre est le plus parfait, celui de trois, de six, ou de dix. Quel nombre l'on appelle pairement pair, en la definition duquel ils soustienent que Euclide, ce grand Geometrien, a lourdement failli. Dauantage il est

difficile à reciter quels mysteres Pythagoriques, quelles magies ils trouuent & longent parmy les nombres, ores qu'ils soyent nuds & separés des choses: & osent bien tant dire, que le monde n'eust sceu estre construct & créé par Dieu sans les instruments & modelles d'iceux, & que la congnoissance de toutes les choses diuines est enclosee es nombres, ainsi que en regle tres-certaine. De là ont eu origine les heresies de Marc l'enchanteur & de Valentin, fondees sur la science des nombres, & par icelle acheminees, se vantans de pouuoir descouurir, manifester, & entendre tous les plus hauts secrets de la diuinité, & tout ce qui appartient à la religion par leurs fades nombres. A quoy l'on peut ioindre le quaternaire Pythagorique estimé entre les plus saincts mysteres, & plusieurs autres choses semblables, lesquelles sont toutes pleines de vanité, fausses & feintes, & ne faut penser que toute la troupe des Arithmeticiens puisse produire chose aucune certaine & veritable, excepté les seuls nombres secs & sans vigueur: neantmoins ils presument de rendre les hommes diuins pour sçauoir nombrer.

E iiii

Ce que toutesfois les Musiciens ne leur accordent : car ils soustiennent que cet honneur appartient à eux & à leur harmonie.

De la Musique. CHAP. XVII.

PArlons doncques maintenant de la musique, de laquelle entre les Grecs Aristoxenus a copieusement écrit, disant que la musique est vne ame ou esprit, & les preceptes de laquelle Boëce a mis en Latin. Je parle de celle qui consiste en accords mesurez, de chant, de voix, & de sons, non de celle qui gist en rythmes & vers faicts par certaine artificieuse mesure, qui s'appelle Poësie : laquelle, au rapport d'Alpharabius, n'est point tant regie par aucune bonne raison ou haute speculation, que par folie & fureur, d'ont nous auons desia discouru cy deuant. Mais quât à celle qui traite des accords proportionnés & melodies de cordes ou de voix delectans l'ouye elle enseigne les raisons des sons, des interualles, des parties, & de leurs genres, des tons,

muances, & mesures. Les anciens en ont fait trois especes; Enharmonique, Chromatique, & Diatonique. La premiere, à sçauoir la enharmonique, est delaisnée du tout, pource qu'elle est pleine de difficultez profondes & presque d'impossible obseruation: La seconde, qui est la Chromatique ou colorée, d'autant qu'elle est par trop lasciue a esté aussi reietée comme infame & deshonneste: & a-on retenu seulement la troisième espece, comme plus ressemblante à l'accord & composition du monde, à leur aduis. Il s'entrouue entre les anciens qui ont distingué les manieres de musique selon les nations qui en ont le plus vsé, à sçauoir en la Phrygienne, Lydienne, & Dorique, lesquelles estoient les plus anciennes, & dont vsoient Sacadas, Argien & Polymetres musiciens, à quoy Sappho de l'isle de Lesbos adiousta vne quatrième maniere, qu'elle appella Lydienne meslée, ainsi que dit Aristoxenus, l'inuention de laquelle est attribuée par aucuns à Tersandre: par autres à Pythoclide le ioueur de flutes: mais Lusias dit que ce fut Lamprocles Athenien qui premier

la mit en avant. Ces quatre manieres de musique en ont esté en prix, & remarquées par l'autorité des anciens, & tout l'assemblage desquelles ils appelloient encyclopedie, ou cercle de toutes sciences, voulans inferer que la musique comprend en elle toutes disciplines: duquel aduis est Plato, au premier dialogue des loix, disant que la memoire ne se peut exercer sans auoir toutes les sciences vniuersellement. Entre ces manieres la Phrygienne n'est par les musiciens approuuée, d'autant qu'elle distrait & rauit l'esprit hors de soy. Parquoy Porphirio l'appelle barbare, pource qu'elle n'est bonne seulement qu'à inciter les personnes à fureur & colere, & au combat: & pource est appellée par autres Bacchique, comme celle qui est furieuse, impetueuse, & pleine de trouble, au son & mesure de laquelle nous lisons que les Candiots & Lacedemoniens alloient aux armes, sonnans par deux breues & vne longue, *tam ram tan, tam ram tan*. Par cette maniere de son l'on dit que Timothée encourageoit Alexandre à la guerre: & vn certain ieune homme Tautomenien en fut tellement esmeu à ce que

Boëce raconte, qu'il ne cessa qu'il n'eust fait brusler du tout vne maison où estoit vne garce cachée. Platon reiette pareillement la Lydienne, comme trop hautaine & aiguë, s'esloignant par trop de la douceur & moderation de la Dorique. Elle est propre pour complaints, & pareillemēt agreable à ceux qui sont de nature alaigre, s'accommodant aussi aux chants de resiouyssance, à raison de quoy on dit que les Lydiens, qui estoient peuples ioyeux & alaigres se delectoient de cette façō de melodie, de laquelle les Toscans, qui sont extraits de Lydie ont aussi usé en leurs dāses. Mais ils ont preferé à toutes la maniere de musique des Doriens, comme celle qui estoit la plus graue, honneste, & conuenable à toute modestie, propre aux affections de l'esprit, & aux mouuemens de la personne graue & posée, s'accordant par vne certaine façō à la maniere de viure des gēs de bien & vertueux. Partant elle estoit en grande estime ordinairement entre les Candiots, Lacedemoniens & Arcades: & par opinion que l'on auoit de la force & effect de cette musique, l'on dit que le Roy Agamemnon esleu chef de

l'armée des Grecs pour la guerre de Troye laissa en sa maison près de sa femme Clytemnestra vn musicien Dorien, afin que par son chant & melodie elle se maintint en modestie, & eust soin de conseruer sa pudicité. La maniere estoit de reïterer souuent le pied & la mesure de deux longues. Et tient on que Ægiste qui la corrompit, n'en sceut oncques iouyr sinon apres qu'il eut malheureusement tué ce musicien. Quant au chant Mixtelydien, il est propre pour esmouvoir à pitié & commiseration, & conuenable aux Tragedies, bon pour inciter & ramener : & a force & commandement sur toute affection triste & douloureuse. A ces quatre manieres de melodie autres sont adioustées par aucuns, lesquelles ils appellent collaterales, à sçauoir Subdorique, Sublydienne & Subphrygienne, en sorte qu'en tout ils en font 7. correspōdantes aux 7. planettes : à quoy Ptolomée a encor adiousté la 8. à sçauoir Supermixtelydienne, aiguë & hautaine par dessus toutes, & attribuée au firmament : mais Apulée au premier de ses discours intitulez Florides, décrit cinq sortes de chāts ou accords mesurez, à sçauoir *Æolien simple*,

Asien diuers, Lydien lamentable, Phrygien belliqueux, & Dorien religieux ou deuot: ausquels autres adioignent le Ionien allaigre & gaillard. Martien ensuiuant ce qu'Aristoxenus enseigne, en compte cinq principales manieres, & dix adioinctes. Or combien que tous confessent que cét art soit plein de grâde douceur, si est ce que l'opinion generale est, & l'experience le monstre à vn chascun, que c'est vn exercice auquel s'adonnent seulement gens de basse estoffe, d'esprit mal propre à autre chose, & d'autant excessifs en intemperance, lesquels ne sçauent tenir moyen ny raison à bien commencer ny bien acheuer, ainsi qu'il est escrit d'Arcabius ioüeur de flutes, à qui il falloit payer plus d'argent pour le faire taire, que pour le faire ioüer ou chanter. De ces importuns musiciens parle Horace en cette sorte:

*Musiciens sont atteints de tel vice,
De s'excuser que leur voix n'est propice,
Si entre amis de chanter sont priez:
Si de leurs chants vous ne vous souciez,
A peine lors les pourrez faire taire.*

Et a esté de tout tēps la musique à louer
& à vendre pour argent, & vagabonde à

la suite & sous la rauce des maquere-
lages d'amour. De laquelle onques hom-
me d'honneur, graue, modeste, chaste,
magnanime, ne fit profession: par qoy
les Grecs appelloient les musiciens ou-
uiers du pere Liber, ou artisans de Bac-
chus, ainsi que Aristote les nomme pour
faire les baccanales, gens la pluspart de
mœurs deprauées & meschantes, passans
leur aage en tout excès, & presque en
perpetuelle disette & pauureté, qui est
mere & nourrice des vices. En la cour
des Rois de Perse les musiciens estoient
tenus au rang des parasites, bouffons, &
basteleurs, ne seruans qu'à donner plaisir
aux autres: de l'art desquels on prenoit
bien delectation, mais quant aux per-
sonnes l'on n'en tenoit aucun compte:
tellement qu'estant vn iour fait grand
cas à Antisthenes tressage philosophe
d'un certain Ismenias, que l'on van-
oit pour estre excellēt ioueur d'instrumēs,
Il ne vaut donques rien, dit-il: car s'il
estoit homme de bien il s'amuseroit à
autre chose, d'autāt que l'art de chanter
ou de iouer d'instrumens n'est point art
d'un personnage modeste & vertueux,
mais d'un saoul d'ouurer, & qui ne de-


mande qu'à iouer & pailer son temps. Cet exercice estoit en mespris a l'endroit d'un Scipion Emilien, d'un Cato, comme du tout estrange des mœurs & maniere de viure des Romains. C'est pourquoy Auguste & Neron furent blasmez de ce qu'ils s'adonnoient plus que mediocrement à la musique : mais Auguste en estant admonnesté s'en retira, & la quitta : Neron au contraire y mit encor plus son estude, & pource il fut en mespris & moqué d'un chacun. Philippe Roy des Macedoniens, aduerti que son fils Alexandre auoit tres-bien châté en quelque endroit, le trouua fort mauuais, & l'en tensa : N'as tu point de honte, dit-il, de scauoir si bien chanter? c'est bien assez, voire trop, si un Prince daigne prendre le loisir d'oïr chanter les autres. Les poëtes Grecs n'ont iamais fait chanter leur Iupiter, ny iouer de luth ou de harpe : la docte Pallas y deteste les flustes. Homere fait iouer un ioueur de luth deuant Alcion & Vlysses, lesquels seulement escoutent : autant en fait Virgile de son Iopas, qui iouë, & ce pendant Aeneas & Dido prestent l'oreille. Antigonus Gou-

uerneur d'Alexandre le Grand, le trou-
uant vn iour qu'il iouoit de la Harpe, la
luy osta, & la mit en pieces: Il est desor-
mais temps, luy dit-il, que tu t'adonnes
à regner & à commander, & non point
que tu t'amuses à iouer & chanter. Les
Egyptiens ayans opinion que la Musi-
que amollissoit la vertu & le cœur des
hommes, ne permettoient point que
leurs ieunes gens y missent leur estude.
Et Ephore au rapport de Polybe, affer-
me qu'elle ne fut oncques introduite si-
non pour tromper & abuser les esprits
humains. Et, pour en parler à la verité, il
n'y a gens plus inutiles, ny de moindre
estime, ny lesquels on doic plus fuyr,
que les chantres & ioueurs d'instrumens,
& en somme tous ceux qui font estat &
profession de Musique, lesquels par le
mélange de tant de voix & accords dif-
ferents, montans & descendans, s'aduan-
çans, retardans, entrelassez, contrechante-
tez, ou assemblez, surpassent les gazouil-
lemens de tous les oiseaux du monde, &
par la douceur enuenimée de leurs folas-
tres chants, mines, & sons, ensorcellent
& corrompent, ainsi que Sirenes, les es-
prits des personnes. Partant à bon droit

Les femmes Thraciennes poursuivirent
Orphee, & luy advancerent ses iours,
d'autant que par ses melodies il effemi-
noit vilainement leurs hommes: & s'il
faut adiouter quelque foy aux fables,
Argus, qui avoit le chef environné de
cent yeux, ne les perdit il pas tous avec
la vie endormy par le son d'une fluste? à
raison dequoy ces maistres se donnent
gloire par dessus les Orateurs mesmes,
se vantans que l'Empire des affections
est en leur art, pour l'émuouvoir & mener
çà & là à leur plaisir, & sont bien si dé-
pourueus de sens, d'oser affermer qu'il y
a vn certain chât & harmonie és Cieux,
laquelle toutesfois aucun n'ouyt iamais,
si ce n'est quelque Musicien songeant
après boire, & pensant que le son des
verres & des bouteilles fust vne melo-
die celeste. Cependant il ne s'est trou-
vé iusques à present aucun entre eux qui
soit descendu du Ciel, & aye bien com-
pris & entendu tous les accords & con-
sonances des voix, ny toutes les raisons
& proportions d'icelles. Neantmoins ils
attribuent à la Musique vne perfection
totale, disans que toutes sciences sont
enclôses en icelle, & qu'elle ne peut estre

enseignée, ny entendue, sans auoir fait vn cours par toutes les autres disciplines vniuersellement. D'auantage luy donnent force & vertu de deuiner, & maintiennent que par icelle on peut faire iugement de la santé & disposition du corps, des affections de l'ame & des mœurs d'un chacun : En outre que c'est vn art infini, que aucun entendement ne peut rechercher ny espuiser du tout: où il y a tousiours à apprendre, & que de iour en iour il se trouue nouuelles manieres d'accords & mesures: confirmans le dire d'Anaxilas, à sçauoir que la musique produisoit tousiours quelque nouvelle & estrange, beste, ainsi que font les deserts de Libye. Or Athanase, congnoissant bien la vanité de cet art, l'interdit aux Eglises. Mais S. Ambroise qui fut plus desireux de pompes & ceremonies, y establit & ordonna depuis la maniere de chanter & psalmodier. S. Augustin tenant la voye du milieu, escrit en ses confessions, qu'il estoit perplex & en grande difficulté à raison de ce. Mais de nostre temps la musique a prins vne priuauté si licentieuse es Eglises, que l'on ne craint point de iouër

Sur les orgues des petites chansons assez vilaines & sales, les accompagnans avec leurs mysteres, & mesmes les saintes prieres y sont châtees par des musiciens dissolus, loüés & tres-bien payés pour cet effect, qui les entonnent d'une façon plus propre à chatoüiller les concupiscences, qu'à esleuer les esprits en l'intelligence des choses diuines, crians & bruyans comme bestes, & non en voix humaines. Là les enfans hannissent vn dessus, autres beuglent vne taille, qui iappe vn contrepoinct, qui hurle vne haute contre, qui gronde le bas, en sorte que l'on y oit plusieurs sons, mais de paroles ny d'intelligence rien n'en parvient aux oreilles ny à l'esprit, & est defendu à l'entendement d'un cognoistre & iuger.

De la Danse ou Bal. CHAP. XVIII.

E la musique depend l'art de danser, sauter, & ballet, tres agreable aux filles, & à tous ceux qui meinent l'amour: lequel ils apprennent avec grad estude, s'y trauaillans & exer-

çās sans se lasser presque toute la nuit,
ayans vn soing merueilleux d'observer
les mesures, & accorder leurs desmar-
ches, sauts, & passages au son d'vn vio-
lon, tabourin, flute, ou autre tel instru-
ment, avec port & contenance graue &
moderee, mettans peine infinie de bien
& sagement contrefaire, ce leur sem-
ble, la chose du monde la plus folle &
approchant de pres à fureur & forcen-
nerie, & qui seroit trouuée le plus ridi-
cule spectacle & malplaisant qu'on scau-
roit voir, si elle n'estoit vn peu assai-
sonnée du son & de la melodie des instru-
ments de Musique, c'est à dire, si vne va-
nité ne soustenoit l'autre, & ne la ren-
doit recommandable. Cet art est vn
desbordement de malice effrontee, sup-
port & tutelle de meschancetez, allu-
mette de paillardise, ennemy de chaste-
té, bref vn passe temps dangereux & in-
digne de toute personne bien nee. Sou-
uent est aduenu, dit Pettarque, qu'à ce
rocher l'honneur & la chasteté de la fem-
me long-temps conseruee a faict bris,
que la vierge a appris à cette eschole
chose qu'il luy eust mieux valu d'igno-
rer, & y a esté du tout estraincte la bon-

ne renommée & la honte de plusieurs. Plusieurs de là sont reuenuës en leurs maisons impudiques tout à fait, plusieurs en doute de ce qu'elles deuoient faire, mais aucune n'y deuint onques plus chaste. En somme, la chasteté est toujours assaillie & sollicitée aux danses, & le plus souuent alterée. Toutes-fois il s'est trouué entre les Grecs des hommes qui l'ont eu en estime; & l'ont louée, ainsi que cette nation a fait de plusieurs autres choses deshonestes & pernicieuses: ils ont donné à entendre qu'elle a pris son origine dès le commencement du monde sur le patron des mouuemens celestes, des astres & planètes, de leurs cours naturels ou retrogrades, des conionctions, & en somme de l'ordre d'iceux, qui n'est qu'une danse mesurée & bien accordante.

Autres disent que c'est vne inuention des Satyres, & que par l'artifice des danses Bacchus surmonta les Thyrreniens, Lydiens, & Indois, peuples tres-belliqueux, & qu'à cette cause on commença à introduire les danses entre les ceremonies saintes, & parmy les actes de deuotion: en sorte qu'en Phrygie les

Corybantes, en Candie les Curetes, & la déesse Rhea voulurent que l'on en vst. En l'isle de Dele nul sacrifice ne se faisoit sans danser & sauter. Bref aucunes festes ny ceremonies n'estoyent celebrees en lieu quelconque sans danse. Les Brachmanes, philosophes Indiens, matin & soit adoroient le Soleil, sautans & dansans: & estoit le bal parmy les Ethiopiens, Egyptiens, Thraces, & Scythes, réputé entre les ceremonies sacrées, comme estant de l'ordonnance d'Orphee & Musée tres bons danseurs Theologiens. A Rome pareillement estoient certains prestres appellés Saliens, pource qu'ils sautoient en l'honneur de Mars. Les Lacedemoniens, qui estoient les plus gés de bien de la Grece, apres qu'ils eurent aprins à sauter & danser de Castor & Pollux, ne firent chose aucune de consequence sans bal. Les Thessaliens l'auoyent en si grande veneration, que leurs gouverneurs & magistrats estoient honorés du tiltre de presulteurs ou meneurs de danses. Mesme Socrates, lequel par le tesmoignage d'Appollo fut estimé le plus sage des humains, voulut bien apprendre à

danſer eſtant deſia fort auant en l'aage,
& n'en eut point de honte, ains la priſa
& excolla par grandes louanges, & luy
aſſigna rang entre les plus vtils & hon-
neſtes diſciplines. En ſomme l'eut en
telle eſtime, qu'il luy ſembla qu'on
n'en pouuoit parler aſſez honorable-
ment, comme de celle qui eſtoit née
auec le monde & auec Amour, le plus
ancien des Dieux, & n'auoit rien qui
ne fuſt diuin. Mais il ne ſe faut eſbahir
ſi les Grecs ont ainſi philoſophé, veu
qu'ils ont bien attribué la pratique &
l'inuention des adulteres, deſparricides
larrecins, & generally de tous vi-
ces, à leurs Dieux, les en faiſant auteurs.
Ils ont eſcrit pluſieurs liures de cét art
de danſer, eſquels ils ont compris les
eſpeces, meſures, & noms de toutes
danſes, en quelle maniere chacune ſe
faiſoit, & qui en a eſté l'inuenteur, dont
ie me paſſeray de dire dauantage. Quant
aux anciens Romains, qui eſtoient
perſonnages d'autre grauité, ſageſſe, &
autorité, ils reſprouerent & reietterent
toutes manieres de danſes, & n'ont don-
né iamais bon bruit ny louangee honne-
ſte à femme aucune pour l'auoir veu

dāser. Parquoy Salluste reprocha à Seneca
pronia qu'elle chantoit & dansoit mieue
qu'il n'estoit conuenable à vne femme
de bien. Et fut attribué à honte & de
honneur à Gabinus & à M. Cœlius
gens Consulaires, de ce qu'ils estoient
trop adroits & experts à baller, & à L.
Murena fut imputé à crime par M. Cato
qu'on l'auoit veu danser en Asie, la cau
se duquel estoit defenduë par Cicero
toutesfois il n'osa oncques excuser le
fait, mais le nia tout à plat, disant en
oultre, qu'aucun personnage sobre ne se
met à sauter & danser s'il n'a perdu le
sens, ny en lieu solitaire, ny en compa
gnie ou banquet honneste & moderé
ny en lieu quelconque: car la danse est
le comble des insolences, excessifs pas
setemps, & sales voluptez d'un banquet
dissolu fait hors de temps & d'heure
opportune. Parquoy il est force que la
dāse soit l'extremité & la dernière main
de tout vice: & ne pourroit-on aisément
dire cōbien de maux sont là attirez par
la veuë, par l'ouye, par les deuis & at
touchemens. Là on saute d'une façon
enragée avec grand trepignement de
pieds au son mol & la scif d'un instrumēt
au

De la Danse armée. 121

au chant de sales chansons & rithmes
deshonestes: les femmes & filles d'hon-
neur y sont rastonnées & maniées d'une
façon lubrique & par mains impudi-
ques, baissées & accollées ainsi que pail-
lar des, mesmes en se remuant & dansant
souuēt sont descouvertes les parties que
nature & la modestie ont voulu voiler.
Bref sous couleur de ieu & passe temps
la meschanceté desguisée vient en pla-
ce. Partant il n'y a doute que cest exer-
cice n'aye esté inuenté par les esprits in-
fernaux, tant s'en faut qu'il soit produit
du Ciel, lequel fut mis en vſage au des-
honneur de Dieu par les enfans d'Israël
apres qu'ils eurent forgé le veau au de-
sert: car il est dit que luy ayant sacrifié
ils commencerent à manger & boire, &
puis se leuerent pour iouer, chantans &
dansans. Mais il suffit d'auoir dit des
dances iusques icy.

De la Danse armée. CHAP. XIX.

IE n'ignore point toutes fois en par-
lant des dances, qu'il n'y en aye plu-
sieurs autres especes iadis celebrées par
les auteurs, qui sont pour la pluspart de-

F

laissées, & aucunes encor aujourd'hui
 en vsage : ainsi que la danse armée, qui
 nous appellons moresque, laquelle est
 fort propre & accommodée aux escrime-
 meurs, bastelleurs, & aux gens de guer-
 re. Mestier, à la verité, tragique auquel
 on ne fait cas de tuer vn homme inno-
 cent, & n'est cela qu'un jeu, & leger pas-
 se temps, & y est imputé à grande infamie
 d'auoir cuidé tant soit peu destour-
 ner vn coup mortel, & ne l'auoir receu
 hardiment dans ses entrailles. A la folie
 de cét execrable artifice est iointe vne
 impieté insigne. Et sont tous tels exerci-
 ces, tant vuides de tout bien, & pleins
 d'impudence, que c'est peu de les blas-
 mer seulement, si quand & quand on ne
 les maudit & de reste: car on n'apprend
 par iceux autre chose que certaines ma-
 nieres estranges & admirables de for-
 cener & perdre tout entendement.

Des Bastelleurs, & de leurs sauts & danses.

CHAP. XX.

IL y auoit aussi vne espece de Baste-
 leurs qui tenoient rang de sauteurs &
 danseurs, lesquels par mines & cōtenan-

es representoient si proprement leurs
conceptiōs, (c'estoient des farces muet-
tes, ou mysteres sans parler) & par ge-
stes & mouuemēs exprimoient si naïfue-
ment les mœurs & affectiōs des per-
sonnes, qu'ils estoient entendus claire-
ment d'un chacun, ores qu'ils ne parla-
ient point. C'est art a cela de singulier,
qu'il n'estoit besoin d'auoir aucun tru-
chement à ceux qui les regardoient. Car
chacun, tant fust il esloigné, pourueu
qu'il peust voir, pouuoit aisemēt enten-
dre l'argument & subiect de la farce par
le branlemēt seul, & par les sauts ou re-
muements de ceux qui jouoient : tant
bien scauoient ils imiter & représenter
un enfāt, un vieillard, une femme, serui-
teur, chambrière, un yurongne, un cho-
sere, & en somme toutes manieres de
gens en toutes leurs façons, mœurs, &
affectiōs, par un plaisant geste. A taifon
dequoy ceux qui faisoient profession
de cet art, ont esté fort prisés & estimés
par les anciens, & dit Macrobe que Ci-
cero s'esprouoit avec Roscius, qui
estoit de ce mestier, & auoit esté aussi
familier de L. Sylla Dictateur, lequel
d'eux deux representeroit ou exptime-

roit en plus de façons vn mesme ſuie,
 vn par diuerſité de paroles & richieſſe
 d'eloquence, l'autre par geſtes variés &
 changés en pluſieurs manieres: ce qui
 donna occaſion à Roſcius d'eſcrire vn
 ſuie de la comparaïſon de l'eloquence
 de l'art de baſteleterie. Toutesfois la ville
 de Maſſeille, à ce que recite Valere, eut
 l'honneur & la reputation ſi recomman
 dée, qu'elle ne donna onques accez à au
 cuns baſteleurs, farceurs, ou ioueurs de
 comedies, pource principalement que
 les ſubiectz & argumens de leurs fables
 & recits n'eſtoient que paillardies &
 actes lubriques: parquoy craignoyent
 que l'accouſtumance de tels ſpectacles
 n'induiſt leur peuple à ſe licencier de
 ſon devoir, Partant le meſtier de reciteur
 ou ioueur de fables & comedies en quel
 que façon que ce ſoit, eſt vne occupation
 meſchante & des honneſtes, & ceux qui
 prennent plaisir d'y aſſiſter & les regar
 der, ſont grandement à reprendre: car
 delectation que l'on prend en choſes
 viciuſes eſt viciuſe & approchant de
 crime. Bref il n'y auoit anciennement
 plus reprochable ny vilain que celui
 de baſteleur ou farceur & eſtoient par

soix notés d'infamie, & reculés de tous honneurs & estats publics, ceux qui s'employent trounés sur vn eschaffaut pour ouer ou contr. faire vne farce.

Du Rhetorisme, ou bal rhetoric.

CHAP. XXI.

N Ne autre maniere de bal se prattiquoit anciennement, qu'ils appelloyent Rhetorisme, à peu près semblable à celuy des basteleurs, vn peu plus posé toutesfois: lequel Socrates, Platon, Cicerone Quintilien, & plusieurs d'entre les Stoïques trouuoient utile & tres necessaire à celuy qui aspiroit d'estre orateur, aduocat, ou harangueur. C'estoit une adresse de biē porter sa persōne en telle, contenance, & visage decent bien composé & adiancé, & d'accompagner son son, à la voix, & à toutes les paroles & sentences que l'on proferoit, la viuacité des yeux, la grauité de la face, & le mouuement & contournement du corps selon qu'il falloit pour leur donner grace & efficace, sans que cest art passast plus outre que d'enseigner les mines & con-

F iij

tenances. Or par succession de temps
ceste bastelerie en matiere de rhetorique
que fut du tout quittée & mise hors d'usage
entre les orateurs, ayant quelquefois
Auguste Cesar admonesté Tiberius
qu'il falloit parler de la lague & non des
doigts, & auourd'huy il n'en est plus de
nouuelles, si ce n'est à l'endroit de quelques
moynes en chaire, (combien qu'anciennement
les basteleurs estoient retranchés de l'Eglise,
& n'estoyent admis à recevoir le saint
Sacrement de l'Eucharistie, (lesquels à
present l'on void se tout remuer & crier
haut à merueilles, faisant diuerses
grimaces du visage, iettas leurs regards,
ça & la, escrimans des bras, trempant
des pieds, remuant les costés lasciuement,
& avec mille autres gestes & contenance
estrange faire leurs prestiges au peuple,
tantost se courbans, tantost se renuersans,
tournoyans, sautans, & en somme monstrans
le peu d'arrest qu'ils ont en leur cerueau
par ces incessans mouuements de leurs
corps, ayant impossible en memoire la
sentence de Demosthenes, lequel interrogé,
ainsi qu'escriit Valere, qu'elle estoit la
chose qui donnoit plus grande efficace
aux paro-

les, respondit que c'estoit l'hypocrisie: enquis derechef de cela mesme: respondit semblablement que c'estoit l'hypocrisie: & ainsi pour la troisieme fois, affermant que tout l'artifice, la force, & vertu de bien dire consistoit en cela. Mais afin que nous ne nous esgarions loing des Mathematiques, venon à la Geometrie.

De la Geometrie. CHAP. XXII.

LA Geometrie, qui est honoree par Philon luiſſe du tiltre de mere & source de toutes les sciences, a cela de bon & digne de loüange en elle, qu'au lieu qu'entre les professeurs des autres disciplines on void infinis debats & contrarietez, les Geometriens sont en tout de bon accord entre eux, si ce n'est qu'ils disputent encor si les poincts, lignes, & superficies, se peuuent partir & diuiser ou non. Au demeurant il n'y a aucun different parmy eux, ny en leur doctrine, ny en la maniere de l'enseigner, seulement chacun tasche par nouvelles inuentions & subtiles

F iij

Speculations de choses qui n'ont encor
esté mises en avant, de surmonter l'un
l'autre. Toutesfois il ne s'est trouué en-
cor aucun geometrien qui aye entendu
la raison de reduire le rond en son quar-
ré egal, ny de faire vne ligne égale à la
circonference ou costé du cercle, com-
bien qu'Archimedes Siracusain eust ia-
dis opinion de l'auoir trouué, & plu-
sieurs apres luy se soyent essayés en vain
d'y paruenir, lesquels possible ont peu
dire quelque chose approchante à cela,
mais non pas cela mesme. Et sont menés
tous de telle ambition, ne se voulans ar-
rester à ce qu'ot escrit & enseigné leurs
predecesseurs geometriens, que es mes-
mes cōsiderations ils pensent tousiours
pouuoit imaginer & adiouster quelque
chose outre ce que leurs precepteurs
ont inuenté, & se mettent en telle resue-
rie, que bien souuēt ils en perdēt le sens,
en maniere que tout l'ellobre du mon-
de ne suffiroit à purger leurs cerueaux.
Or outre que la geometrie cherche les
raisons des lineaments, des figures, di-
stances, magnitudes des corps, & leurs
dimensions & poids: d'icelle dependent
aussi tous les artifices ouurages, instru-

nents, & engins seruans tant à la guerre
& aux batteries des villes, qu'à l'archi-
tecture & autres vsages communs, com-
me sont les belliers, tortuës, scorpiôs, ca-
apultes, sambuques, ponts leuis tours
nobiles, & autres engins & machines
dont vsoient les anciens pour renuer-
ser les murailles, jeter traits ou pierres de
grãd poids, miner ou escheler villes: Plus
les nauires, galeres, ponts, moulins, ou
engins à rouler ou faire tourner meules:
Item les chariots, coches, gruës, polies,
rouës, & autres seruans à enleuer tirer,
& trainer grands fardeaux & poids des-
mesurés à peu de peine. D'auantage les
artifices soy mouuans par le moyen de
contre poids, des eaux, d'air, ou de nerfs
& cordages: ainsi que les Horologes qui
ont leurs mouuements à raison des con-
tre poids, & les instruments qui rendent
sons à cause du vent, & ceux qui iettent,
espuisent, ou attirent l'eau comme pom-
pes & rouës à ce appropriées, en outre
les ouurages qui sont faiçts seulement
pour donner plaisir & admiration, com-
me certaines boules sautans & roulans
d'elles mesmes, des lampes qui tirent
leur mesche sans qu'on y mette la main,

des soufflefeux, & cōme certaine beste, dont parle Politian, laquelle estant servie sur tables, decoupée, & trāchée pour estre mangée, beuvoit neantmoins & avoit les mouuemēs & la voix cōme si elle eust esté en vie: Par semblable artifice dit mercure, les Egyptiens faisoient les images de leurs dieux, auxquelles ils faisoient proferer des voix distinctes, & les faisoient marcher. Ainsi que Architastrantin fit & construisit pareillement sa colōbe par raisons geomettiques, la faisant esleuer haut en l'air & voler. Archimedes aussi fabrica le premier à l'aide de cet artyn ciel de cruyure par telle industrieuse inuention, que l'on y voyoit distinctement les mouuemens de chacune planette, & les tours des cercles & globes celestes, à l'imitation duquel nous en auons veu vn de nostre temps. De cet art est issuë l'inuention de l'artillerie, arquebuses, & autres instruments à feu, desquels i'ay composé vn liure particulier, intitulé Pyrographie ou descriptiō des artifices de feu, dont ie me repens: car il ne contient qu'enseignemēs nuisans & tres-pernicieux. En somme tout l'artifice qui peut estre en la peinture,

en la Cosmographie, en l'agriculture & instruments rustiques, à la guerre, à la fonte, à la sculpture, poterie, menuiserie, orfeurerie, architecture, & autour des mines des meaux, tout, ou la pluspart, est pris de la geometrie.

De l'Optique ou Perspective.

CHAP. XXIII.



A Geometrie est suyvie de pres par l'Optique, que l'on appelle autrement Perspective, puis par la Cosmimetrie & Architecture. La Perspective donques ou Optique a trois parties ou trois considerations en la veüe, à sçauoir quand les rais d'icelle sont iettez directement, quand ils sont reflexchis, ou quand ils sont brisés: elle enseigne que c'est que des lumieres, ombres, & interualles, cōprend les raisons des grandeurs, appetissements, ou des fausses apparences, qui se representent à l'œil, & cause des distāces, recherche pareillement si les rais de l'œil estendus sur diuers corps passent à trauers vn ou plusieurs moyēs clairs & transparents, mōstre où il faut que le iour qu

L'ombrage batte, & tout ce qui auient
pour ce regard aux corps, à la veue, &
au moyen ou air qui est entredeux, &
quels changements peuuent apparoir
en la chose & en la veue, par la diuerse
qualité de cet air ou moyen. Quant à la
raison & maniere de voir, les opinions
sont discordantes & diuerses: Car Platon
est d'aduis que la veue se fait par vne
mutuelle clarté, à sçauoir quand la lu-
miere issant de nos yeux est rencontrée
à my chemin en l'air clair & diaphane par
celle qui sort de la chose que nous re-
gardons, & qu'elles se ioignent exte-
rieurement ensemble: & quant à la lu-
miere qui est en l'air, par lequel passe le
traict de l'œil, qu'elle est facilement per-
due par la vertu d'iceluy resplendissante comme
feu, destournée & esparse. Galien est
accordant à l'opinion de Platon: Mais
Hipparque pense que les rais passans ou-
tre iusques aux corps mesmes, & les tou-
chans legerement dessus, reçoient d'i-
ceux la qualité visible, & le rapportent
aux yeux. Les Epicuriens croyent que
ce sont images & simulacres sortans des
corps, lesquels sont portés dans nos
yeux. Aristote est quasi de mesmes opi-

tion, mais il dit que ces simulacrés, n'ont point de corps, ains sont certaines qualités produites de l'alteration & variété de l'air, qui est autour & en l'entre-deux des corps visibles & de nos yeux. Porphirius dit bien autrement : car il soustient que ce ne sont ny rais ny simulacres ou images ny autres telles choses, qui causent la veue, ains l'ame seule, laquelle estant vne en toutes choses, & visible à elle mesme, se void & cognoit par tout. Mais les Geometriens optiques ou perspectifs, s'accordans à peu pres avec Hipparque, afferment qu'il se fait certains triangles des rais sortās de nos yeux, les lignes laterales desquels venans à s'entrecroiser en font d'autres par le moyen desquels l'œil peut voir en certaine façon plusieurs choses ensemble, mais que la veue certaine se fait à l'endroit où les lignes susdites viennent à se joindre & croiser. Toutefois Alkindus en ce qu'il a escrit des regards, enseigne choses du tout contraires. S. Augustin se contēte de dire que la vertu de l'ame fait quelque operatiō en l'œil, qui n'a point encor esté bien recherchee par les sages & sçauans. Or est cette science

fort vtile à ceux qui essayent de conoistre & comprendre les diuersitez, distances, quantitez, ou grandeurs des mouuemens des corps celestes, leurs reflexions, & refractions. Sert semblablement aux Architectes pour mesurer les bastiméts, comme aussi elle est necessaire aux peintres, & à ceux qui fabriquent les miroirs, & donne grand ornement & belle maniere à leurs ouurages, lesquels sans ignorer ne se peuuent bien parfaire : car elle enseigne tenir moyen & mesure selon les hauteurs & distances, afin de ne faire choses difformes & hors de proportion.

De la Peinture. CHAP. XXIV.

LA peinture est à la verité vn art prodigieux, mais qui imite soigneusement les œuvres de nature, par la bonne disposition & adiancement des traicts & deuë application des couleurs propres à chacune chose. L'on faisoit anciennement si grande estime d'iceluy, qu'il tenoit le premier degré apres les Arts Liberaux. C'est vn art plein de

liberté, non moins que la poësie, ainsi
que Horace a tres-bien dit:

*Toujours de tout oser par main prompte &
hardie*

Ont prins leur liberté Peinture & Poësie.

Aussi dit on que la Peinture n'est au-
tre chose qu'une poësie muette, & la
poësie une peinture parlante, tant sont
elles bien alliees l'une avec l'autre: Car
& peintres & poëtes seignent egale-
ment les uns comme les autres des fa-
bles ou des histoires, & representent
toutes choses: la lumiere & splendeur,
les ombres, les hauteurs, les abaissemëts
des montaignes, & plaines. Davantage la pein-
ture a cela, qu'elle deçoit la veüe en un
mesme obiect, faisant veoir & paroistre
en diuerses sortes une mesme figure, se-
lon le changemët de l'assiette ou d'icel-
le ou des regardans, ce qu'elle emprunte
de l'optique & passe plus outre que la
sculpture ou statuaire, en ce qu'elle con-
refait le feu, les rayons, la lumiere, les
tonnerres, foudres, le poinct du iour, le
soleil couchant, l'entre iour & nuict, les
vues, fait apparostre les passions &
affections de l'homme, & presque fait
parler ses figures, & par fausses mesures

elle racourtit les choses, & fait appar-
roistre ce qui n'est. Ainsi que l'on
trouue escrit és histoires de la gageu-
re d'entre Zeuxis & Parrhasius pein-
tres excellens, qui estoient entrés en
contention pour la prerogative & pree-
minence de leur sçauoir: l'un d'esquels,
qui fut Zeuxis, apporta des raisins
peints avec telle industrie & labeur,
que les oiseaux cuidans que ce fussent
vrais & naturels raisins, y accouroient
pour en manger: l'autre mit en place vn
tableau où estoit peint vn rideau seule-
ment, par lequel son concurrent fut de-
ceu: car il estoit si bien contrefait, qu'il
pësoit que ce ne fust que le voile, & que
la peinture fust dessous, de sorte qu'il
se print à dire tout fier de ce qu'il auoit
trôpé les oiseaux, Descouvre tō tableau
& nous monstre ce que tu as peint. En fin
s'apperceuant de sa faute, il fut cōtraint
de ceder & quitter à Parrhasius, le
champ & la victoire: car Zeuxis auoit
bien deceu les oiseaux, mais Parrhasie
auoit affiné vn maistre ouurier. Plin
racompte qu'à certains ieuX que cele-
broit Claude, il y auoit des tuiles pein-
tes d'un art admirable, sur lesquel-

es les corbeaux decens par l'apparence
ffayoiēt de voler & se poser. Ce mes-
me auteur dit que durant le regne des
Triumvirs vn dragon en peincture fit
aire & perdre le chant aux oiseaux à la
vue d'vn chacun. La peincture a encor
cela de singulier, qu'en tous les ouura-
ges il y a quelque sens & intelligence
autre, ce qui se void, en quoy il faut que
l'esprit & le iugement des regardans
s'exerce, comme fort diligemment a re-
marqué Plutarque en ses images ou dis-
cours de peincture. Et combien que
l'art, l'industrie & exercice de la pein-
ture soit excellent & de grand aduan-
tage à celuy qui en fait estat si est ce que
le naturel luy sert encor dauantage, &
est par dessus tout.

*De la Statuaire, Sculpture, ou taille en bosse,
& de la Poterie & fonte.*

CHAP. XXV.

LA peincture est accompagnée de
l'art de tailler figures en bosse, de la
poterie, fonte & graueure, tous exer-
cices bigeares & fantastiques, lesquels
pourroient estre comprins sous le tiltre

d'Architecture. La sculpture taille ses images en pierre, bois, ou iuoire: la poterie les forme de terre: la fonte iette dans des moules de cuiue & autres metaux, dont sont façonnées ses figures. La graueure les taille au dedās de pierres precieuses ou autres. De ces arts a escrit n'agueres Pōp. Gauric, mais il est croiable que tant ceux cy, que la peinture, ont esté inuentez & mis en auant par les esprits immondes, pour seruir à l'orgueil & parade, esueiller les cupiditez, & engendrer superstition es cœurs humains, & que les premiers ouuriers qui se sont adonnez à iceux furent ceux, dit S. Paul, qui changerent la gloire de Dieu incorruptible à la ressemblance de l'homme corruptible, des oiseaux, des bestes à quatre pieds, & des reptiles: lesquels contre la defense expresse de Dieu, qui rejette toute image taillee & ressemblance des choses qui sont là haut au Ciel ou çà bas en la terre, ont introduit vne detestable idolatrie, & desplaisante à Dieu. Dont le Sage parle ainsi: L'idole est maudit, tant icelle que l'ouurier qui l'a faite: cestuy cy, d'auant qu'il en est l'ouurier; & icelle, pource qu'estant cor-

ruptible elle a receu le nom & tiltre de Dieu. La vanité des hommes, dit-il, a introduit au mode ces arts, pour les tenter, & surprendre leur vie, & leur invention est la corruptiō d'icelle. Neantmoins entre nous Chrestiens sommes en cela desreiglés, & priuez de bon sens par dessus toutes les autres nations, nous laissans déchoir en tel abastardissement de mœurs & de façons de viure, qu'il n'y a chambre, sale, ny cabinet en nos maisons qui ne soit garnie de lubriques & des honnestes peintures, par lesquelles nos femmes & filles ne peuuent estre inuitées qu'à tout impudicité: mesmes en réplissons les Temples, Chapelles, & Oratoires en singuliere veneration, non sans danger de tomber en idolatrie: dequoy nous traicterons plus amplement quā nous viendrons à parler de la religion. Toutesfois i'ay autresfois aprins estant en Italie, que la peinture ne sert pas de peu, & que son autorité n'est pas à mespriser: Car s'estant meu vn grand procez en Cour de Rome entre les freres Augustins & ceux que l'on appelle Chanoines Reguliers, touchant l'habit duquel S. Augustin vloit, sçauoit s'il por-

toit le noir sur vne cotte blanche, ou le blanc sur la noire, & ne trouuant aucun document ny escriture qui peust seruir à esclaireir ceste difficulté, les Iuges furent d'aduis de renuoyer les parties aux peintres & tailleurs d'images, & que le rapport qu'ils feroient par la recherche des anciennes peintures tiendrait lieu de sentence diffinitive. A l'exemple desquels m'estant rangé & atresté, apres m'estre traouillé fort long temps avec continuelle diligence pour trouuer l'origine des capuchons des moines, & n'en pouuant estre esclairey par aucune escriture, en fin i'euy recours aux peintures, mesmes à celles des cloistres & pourmenoirs de leurs Couuents, où volontiers sont peintes les histoires du Vieil & Nouveau Testament, la recherchant soigneusement ie n'apperceus aucuns des Patriarches de l'ancienne alliance, ny des Prestres, ny des Prophetes, ny des Leuites, non pas mesme Helie, que les Carmes disent estre Authent & Instituteur de leur Ordre, qui fust encapuchonné. Venant puis à regarder au nouveau, i'y trouuay Zacharie, Simon, S. Iean Baptiste, Ioseph, nostre Seigneur

Iesus Christ, les Apôtres, les Scribes,
& Pharisiens, les grands Prestres, Anne,
Cayphe Herode, Pilate, & plusieurs au-
tres, entre lesquels ie n'en voyois pas vn
qui eust capuchon en teste. le reuiens, &
fais derechef vne reueue par tout de
chaque chose par le menu, & avec dili-
gence: en fin j'apperceu environ le com-
mencement des histoires du Nouveau
Testament le diable qui tentoit nostre
Seigneur au desert, lequel portoit cet
habillement de teste. Dont ie fus fort
resioy & satisfait, d'auoir appris par les
peintures, ce que ie n'auois sceu trou-
uer par escrit en aucun liure, à scauoir
que l'inuention des capuchons loit ve-
nue du diable, & que d'iceluy, comme
il est croyable, les Moines l'ayent em-
pruntée, s'en accoustrans chacun selon
son ordre & de la couleur qui est requise
à iceluy, ou bien l'ont receüe de luy, &
apprehendée par droit succellit & heredi-
taire.

De la Speculaire, ou art de faire les miroirs.

CHAP. XXVI.

MAis reuenons à l'Optique, qui ai-
de grandement à ceux qui se mes-
lent de fabriquer & cōposer les miroirs:

car par icelle ils sont enseignez, & entendent toutes les impostures, effects, & accidents de la veüe en iceux, qui s'experimentent selon la diuersité de leurs formes & façons : car il y en a de creux ou concaues, d'autres esleuez & courbes en dehors, de plains faits en façon de colonne, de pyramide, de toupie, à sçauoir aigus par le bas en bossle ronds à angles renuersez, reguliers, irreguliers massifs, ou arrestans la veüe, transparents, à trauers lesquels la veüe passe. Nous lisons es leçons antiques de Cælius que du temps d'Auguste vn certain Hostius, homme consommé en toute deshonesteté, faisoit des miroirs ayans ceste propriété de représenter les choses beaucoup plus grandes qu'elles n'estoyent, en sorte qu'une figure de la grosseur du doigt se monstroït aussi grosse & longue que le bras & plus. Il se fait des miroirs où l'on peut voir seulement la forme d'un autre, mais non pas la sienne. Autres posez en certains lieux ne représentent rien, transportez ailleurs on y void toutes choses comme aux autres. Certains rendent les figures renuersees les pieds contre mont, & d'une

seule chose en représenteront plusieurs. Ils s'en trouue aussi qui mōstrēt à droite les parties dextres, à gauche les senestres, au contraire de ce que font communement tous miroirs. L'on fait des miroirs ardans & devant & derriere, & aucuns qui monstrent les figures non au dedans, mais au dehors d'iceux assez esloignées, ressemblans à phantosmes suspendus en l'air, & autres qui recueillent en eux les rais du Soleil, & puis les reiettent roidement sur quelque matiere qui soit propre à brusler, & mettent le feu de fort longue distance la part où l'on veut : & autres de plusieurs sortes, que nous auons veu, sceu faire & composer. Les miroirs transparans, lunettes, & bericles, ont pareillemēt leurs impostures, comme de faire monstrent les choses grandes petites, & au contraire celles qui sont petites tres-grādes: faire voir de pres les choses esloignées, & ce qui est prochain sembler fort esloigné. Ce qui est à nos pieds estre esleué haut & ce qui est par dessus nous apparoitre au dessous ou en quelque autre estrange assiette à nos yeux. Il y en a qui font que pour vne chose qui est, il semblera

d'en voir plusieurs, autres monstreront
les choses colorees diuerſement ainſi
que l'arc en ciel, & ſous diuerſes formes
& apparences. Je ſçay la maniere de faire
ce certains miroirs, leſquels exposez au
clair Soleil repreſentent entierement
en iceux tout ce qui eſt attain des rayons
d'iceluy au pays d'alentour & par lo-
gue eſpace & diſtance, comme d'en-
uiron quatre ou cinq lieues. C'eſt auſſi vne
choſe ſinguliere & admirable que les
miroirs plats, tant plus ils ſont peti-
tant plus petites repreſentent ils les
choſes qu'elles ne ſont. Mais quelque
grands qu'ils ſoyent, elles n'apparoiffent
iamais plus grandes en iceux que leur
naturel : ce que ſaint Auguſtin ayant re-
marqué eſcrivant à N. brilius, dit qu'il
y a en cela quelque ſecret cache. Mais
toutes ces inuentions ſont vaines & in-
utiles, & ne ſeruent qu'à donner plaifir
à ceux qui n'ont guere à faire, ou bien
à vaine gloire. Pluſieurs ont eſcrit de
miroir, tant Grecs que Latins, mais
plus ſuffiſant de tous eſt Vitelle.

De

*De la Cosmimetrie, ou consideration
des mesures du Monde.*

CHAP. XXVII.

E Pluchons maintenant la Cosmimetrie, & sommairement. Elle est diuisee en Cosmographie & Geographie. L'une & l'autre mesure & partage le monde: mais la Cosmographie se reigle par les choses celestes, & rapporte la terre à la raison & proportion d'icelles, mesurant tous les lieux & endroits du globe terrestre par degrez & minutes correspondans à ceux du Ciel, donne les raisons des Climats, de la difference & diuersité des iours & des nuicts, accroissement & diminution d'iceux, les endroits & assiettes des vêts, le leuer diuers des astres sur nostre horizon, l'elevation des Poles, les Paralleles, les Meridiens. Pareillement les ombres des pointes eleuées es horloges ou colonnes, & autres semblables choses sont par cette science enseignées par raisons Mathemati-

G

ques. Quant à la Geographie, sans l'assistance des mouuement du Ciel, ny de ses mesures, elle parait la terre par ses monts ou milles, la diuise par confins de montagnes, fleuues, forests, lacs, mer & riuages: décrit & demonstre les peuples & nations, les Royaumes, Provinces, Citez, Ports, Havres, & autres choses qui sont memorables en icelle.

Nous declarant la disposition

De chaque lieu, & la condition:

Et mesmement fait cognoistre par ruse

Ce qu'un terroir peut porter ou refuse.

Et à l'imitation de la peinture par raisons & obseruations de Geometrie & de perspective figure toute la terre en vne globe ou en vne carte platte. Aucuns comprennent sous icelle la Chorographie, qui est vne description particuliere de certains lieux separez, recherchant par le menu rout ce qui est en iceux, pour le représenter en peinture parfaite accomplie.

De diuers ornemens passémentée & ceinte,

De vignes, de forests, de fontaines enceinte

Rejaillissans es prez, de fleuues tournoyans,

*Et sur les champs herbus par sources & riuieres
moyans,*

Devant penchans, de monts, dont les cimes
cornuës

Surpassent l'épaisseur des vagabondes nuës.

Toutes ces choses, & celles que nous
avons dit cy dessus, nous sont promises
par la Cosmimetrie : mais les auteurs,
qui la nous deuroient enseigner, sont
entr'eux si discordants des limites, lon-
gitudes, latitudes, magnitudes, mesures,
distances, climats, & de leurs tempera-
tures, que nous ne sçavons à quoy nous
en tenir. Ce que Eratosthenes dit, est
autrement enseigné par Strabo : Marin
luy est divers, & Ptolomée ne s'accorde
avec eux : Denys a autre opinion, & ceux
qui escriuent de ce temps vsent de di-
stinctions toutes differentes. Ils ne sont
point d'accord où est le nombril ou mi-
lieu de la terre. Lequel Ptolomée assi-
gne sous le cercle Equinoctial : Strabo
croit que c'est le mont de Parnasse en
Grece, auquel s'accordent Plutarque &
Lactance Grammairien, estimant que du
temps du deluge il fut la separation des
eaux d'avec le Ciel, ainsi que Lucain
chante d'iceluy :

Du chef de ce seul mont, qui les nuës voisine,
Lors que tout estoit mer n'aparut que la cime.

G ij

Que si cette raison eût suffisante pour remarquer le nombril de la terre, ie dis qu'il n'est point en Parnase, mais en ce mont d'Armenie, qui commença premier à se decouvrir lors que les eaux du deluge descreurent, & sur lequel l'arche de Noë s'arresta, ainsi que dit Berosse Chaldee, autres amènent autres raisons & alleguent comme par le vol des aigles le milieu de la terre a esté trouué & cogné. Il y a des Theologiens qui iettent leur faucille en ceste moisson, & afferment que le milieu de la terre est la cité de Hierusalem: car il est escrit par le Prophete, Dieu a fait l'œuvre de nostre salut au milieu de la terre: A ceste censure s'adioignent Lucrece, La Stance, & Augustin, lesquels ont fort & ferme nié qu'il yeust des antipodes. Ceux pareillement qui ont voulu maintenir qu'il n'y auoit aucune terre habitable outre l'Europe, l'Asie, & l'Afrique: ce qui est apparu faux par les navigatiōs des Portugais & Espagnols de nostre temps, lesquels nous ont rendus certains que tout le traict qui est sous le Zodiaque est habité, contre les resueries des anciens poetes, & l'opinion faulse d'Aristote. Plus

siieurs autres erreurs des Geographes
ont esté par nous remarquez cy dessus,
où nous auons parlé de l'histoire. Or
cependant que a l'aide de cet art nous
sommes empeschez à rechercher toute
la terre, & les mers, les endroits & af-
fiettes de chaque region, & des isles, leurs
bornes & limites, Pareillement les ori-
gines, mœurs & coustumes d'une infini-
té de peuples separans les vns d'avec les
autres, nul autre fruit ne nous en re-
uient, sinon qu'en nous enquerant soi-
gneusement des choses qui appartiennent
à autrui, nous apprenons à nous
ignorer nous mesmes. Et selon que d.
sainct Augustin es confessions, les hom-
mes vont admirer le sommet des monta-
gnes, es grands amas des eaux de la mer,
les larges cours des riuieres, le tour &
con enu de la mer Oceane, & le tour-
noyement des estoiles, & cependant ils
s'oublient eux mesmes, & se delaisent.
Pline aussi dit que c'est folie de s'amu-
ser à mesurer la terre: car en la mesu-
rant bien souuent nous outrepassons
mesure,

de l'Architecture. CHAP. XXVIII.



On ne peut douter si l'Architecture est vtile : car il est tout certain, qu'elle apporte plusieurs commoditez, & embellit grandement les edifices, tant publics que particuliers. C'est d'elle que nous auons les parois & les troicts & couuertures d'icelles, les moulins, ponts, nefes, & bateaux, temples, murs, tours, rempars, & toutes sortes d'engins & machines, par lesquelles les lieux & les affaires des hommes, tant publics que priuez, sont gouvernez, maintenus, ornez, & embellis. Discipline honneste & tres necessaire, à la verité, si elle n'auoit enforcélé les esprits humains de telle sorte, qu'à peine s'en trouue il vn qui ne soit espris de la folie de bastir, pourueu que l'argent ne defaille, & ne vueille, quelque accomply & bien construiet que soit son logis, y adiouster encor quelque edifice. Laquelle affection insatiable de bastir a passé toute meüre & raison par telexcez, que rien n'a esté es-

G iiij

des Rois Rampsinet, Sesostris, & Amasis, & l'effigie admirable du Sphinx, où l'on estime qu'estoit enseveli Amasis, qui estoit taillee de pierre naturelle & polie. Le tour de la teste de ce monstre par le frōt estoit de cent deux pieds, la longueur de sept vingts & trois. Mais il y a bien eu d'autres œuures plus grandes, à sçauoir celles de Memnon & la statuë de Semiramis au mont Bagistan au pays des Medois, qui auoit de grādeur dixsept stades qui font deux mil cent vingt cinq pieds. Lesquelles toutesfois eussent esté surpassées par l'entreprise de Stesicrates, ainsi que dit Plutarque, ou de Dinocrates selon Vitruue, ou autre architecte quiconque il fut, qui promettoit de reduire le mont Athos en forme humaine, representant l'effigie d'Alexandre le grand, en la main duquel seroit assise vne ville capable de dix mille habitans. Au rang de ces merueilles on peut mettre l'eschauguette de Babylone, le pied & plan de laquelle, selon Herodore, auoit en chaque sens cent vingr cinq pieds, & la tour bastie en pleine & haute mer soustenuë par des cancrez de verre. L'on y peut aussi adioindre le Palais de Gordien, les arcs

de triomphe, & les temples anciens des dieux, mesme celuy de Diane en Ephese basti aux despens de toutes les nations d'Asie en l'espace de deux cens ans, & la chapelle faite d'une seule piece de pierre au temple de Latone en Egypte, qui avoit de largeur en chaque face quarante coudées, couverte d'une autre pierre entiere. Pareillement la statue d'or fabriquée par le Roy Nabuchodonosor de la hauteur de soixante condées, qu'il vouloit estre adorée sur peine de lavie, & une autre statue faite d'un grand Topase haute de quatre coudées d'une Reine d'Egypte. De nostre temps on peut voir plusieurs edifices bastis avec semblable prodigalité, comme aucuns temples avec leurs festes & domes superbement bastis, monceaux de pierres esleucz en hauteur admirable, cloches dressez iusques aux nues, où sont mal despensées & dissipées grandes sommes de deniers ordonnez à œuvres pies & aumosnes, pendant que innumerables chrestiens, qui sont les vrais temples de Dieu, & son image, meurent de faim, de froid, de maladies, & autres necessitez, lesquels deuroient estre entreteuus, & alimen-

tez de ces deniers là. Au reste, si l'on veut
sçavoir quelles ruines & destructions
ont esté amenées sur le genre humain
par le ministère de cét art d'Archite-
cture, les boulevards, forts, & remparts,
les machines de guerre, canons, doubles
canons, couleuvrines, & autres instru-
ments de ruine en font ample foy, & en
portent certain tesmoignage avec les
villes, peuples, & nations subverties &
aneanties par ces engins: & ne s'est con-
tenu seulement en terre, mais a ensei-
gné à faire des chasteaux & forteresses
sur mer, des navires, dis-je, de guerre, où
les pirates font leur demeure le plus sou-
vent, & sont plustost habitans que navi-
geans les perilleuses mers, lesquelles ils
nous rendent encor plus mal assurées
qu'elles ne sont de leur nature, d'autant
qu'elles sont pleines de mil dangers par
les larcins & brigandages qu'ils y exer-
cent tout ainsi qu'en terre ferme. Ceux
qui ont écrit de l'Architecture sōt Aga-
tharchus Athenien, puis Democrite &
Anaxagoras des premiers; Puis Silene,
Archimede, Aristote, Theophraste, Ca-
ton, Varro, Pline, finalement Vitruve,
Negrigète: & des derniers Leon Bapti

ste, frere Luc, & Albert Durer.

Des Metaux, & de la recherche de leurs mines.

CHAP. XXIX.

L'Art metallique chemiue sous l'Architecture, qui est vn artifice de non mediocre subtilité d'esprit : car en premier lieu elle mōstre a cognoistre les endroits où sont les mines, en considerant seulement le dessus ou superficie de la terre & des montagnes, quelle est leur estendüe, en quelles branches ou rameaux elles se departent, & quelles sont leurs issuës. Pareillement elle enseigne, ayant fouillé & creusé les entrailles de la terre, par quels engins le faix des montagnes, & les tetres qui sont au dessus comme suspenduës, doiuent estre estançonnées, soustenuës & asscurées. De toutes ces choses escriuit iadis Straton de Lampsaque : mais peu d'hommes, ou point du tout, ont iusques à present sceu esclarcir & enseigner par quelle industrie, art, ou sçauoir on peut bien purifier & cuire par le feu les metaux, les separer d'entre les pierres &

G vj

autres matieres qui sont tirées des mines, & s'ils sont meslez entre eux les partir l'un d'auec l'autre ainsi qu'il cōuiēt. Possible que c'est à cause qu'estant cēt art meehanique, & exercé par gens de basse condition, les hommes doctes & de gentil esprit l'ont en mespris. Toutefois ayant esté commis par la maiesté de l'Empereur depuis quelques années sur aucunes mines, & eu moyen de rechercher par le menu tout ce qui appartient à cet artifice selon ma capacité, i'en ay commencé à l'escrire vn liure special & exprez, lequel ievay de iour en iour augmentant & corrigeant, à mesure que i'apprens quelque chose de nouveau, & i'espere traiter en iceluy tout ce qui est requis à l'inuention des metaux, congnissance, essay, & espreuue de leurs mines: plus la maniere de les fondre, extraire, & separer, destayer & appuyer les montagnes, à fin qu'elles ne fondent sur les ouuriers dans leurs creux & concauitez, & de faire toutes sortes de machines pour tirer & enleuer matieres & autres instruments & engins conuenables iusques à present incognus, sans rien obmettre. De cēt art prouiennent

toutes les richesses de ce monde, la con-
 noitise desquelles a incité les hommes
 à estrangement, qu'ils ne craignent
 l'entrer tous vifs sous terre, & pene-
 rer iusques aux enfers, ou par vn re-
 nuement ruyneux des œuutes de natu-
 re cherchent les trefors iusques aux ma-
 noirs des immondes. Dont Ouide chan-
 ce en ces vers:

*Jusques au fons des entrailles allerent
 De terre basse, où prindrent & fouillerent
 Les grands trefors, & les richesses vaines,
 Qu'elle cachoit en ses profondes veines,
 Comme metaux & pierres de valeurs,
 Incitement à tous maux & malheurs.*

*La hors de terre estoit le fer nuisant
 Auecques l'or trop plus que fer cuisant,
 Honneste, Honte, & Verité certaine
 Auecques Foy prinrent fuite loingtaine:
 Au lieu desquels entrèrent flatterie,
 Deception, trahison, menterie,
 Et folle amour, desir & violence
 D'acquérir gloire & mondaine opulence.*

Et vt autre poëte:
*L'or a chassé du monde & foy & loyauté:
 L'or met au plus offrant iustice & equité.
 Celuy donques pourueut la vie humai-
 ne de grandes occasions de crimes &*

meschancetez, qui premier trouua les mines d'or & des autres metaux, & enseigna la maniere de les fouiller, en quoy les homes ont rendu la terre tres-perilleuse (ainsi que dit Plin) surpassant en temerité & folle hardiesse ceux qui se plongent au profond de la mer pour chercher les perles. Or les Historiens sont mal d'accord de cette inuention, laquelle ils attribuent à diuers. Les principaux escriuent que le plomb fut premierement trouué en certaines isles dites anciennement Cassiterides és environs d'Espagne : possible sont-ce celles qu'aujourd'huy l'on nomme Axores : le cuyre en Cypre, le fer en Crete ou Cadië. Mais l'or & l'argent fut descouuert au mont Pangée, dit aujourdhuy Castagna en Thrace ou Romanie, d'où ils ont infecté tout le monde. Les Scythes seuls entre tous peuples, à ce que Solin raconte, rejetterent l'usage de l'or & de l'argent à iamais, se deliurās de la seruitude vniuerselle de l'auarice. Les Romains anciens reprimerent par ordonnance publique les superfluitez de l'or, & Plin fait mention d'une loy & reglement fait aux mines d'Ictomulum au

territoire de Verceil, par laquelle il fut
effendu aux fermiers & peagers de ne
venir plus de cinq ouutiers. Et pleust à
Dieu que les hommes fussent autāt sou-
cieux des choses celestes, comme ils
sont de fouïller aux entrailles de la ter-
re, allechez par la conuoitise des ri-
chesses, desquelles tant s'en faut qu'ils
puissent acquerir heur & repos, que la
plus grand' part au contraire y trouue
occasion de plaindre le temps & la pei-
ne qu'ils y ont employé.

De l'Astronomie. CHAP. XXX.

✠:✠:✠ Pour la derniere des scien-
ces Mathematiques, s'offre
✠:✠:✠ **P** & presente l'Astrologie, di-
te aussi Astronomie, toute fa-
✠:✠:✠ buleuse & trompeuse, plus
que ne sont les imaginations Poëtiques.
Les professeurs & maistres de laquelle,
sans outre cuidez, forgeurs de monstres
& prodiges, ont par curiosité reprou-
uée, ainsi que l'Abraxes de Basilides here-
tique, cōstruit & fabriqué à leur appetit
des cercles & globes au Ciel, des mesures
aux estoiles, des mouuements, figures,

images, accords, & harmonies, les décri-
uans, representās ainsi que s'ils estoient
descendus naguères d'enhaut, où ils
eussent l'onguement hanté & habité.
Par lesquelles choses ils afferment qu'il
n'y a rié qui ne puisse estre, produit, sceu
& cognu: neantmoins sont en si grand
discord entre eux, & si contraires, que ie
peux bien dire avec Pline, que l'incon-
stance de cét art donne evident tesmoi-
gnage qu'il est faux & nul, attendu que
des principes d'iceluy les Indiens iugēt
d'une façon, les Chaldéens d'une autre,
les Egyptiens d'une autre, & que en
iceux Maures, luifs, Arabes, Grecs, &
Latins sont tous diuers en opinions les
vns des autres. Car parlant du nombre
des spheres ou globes celestes, Plato,
Proclus, Arioste, Auerroës & presque
tous les Astrologues qui ont esté devant
Alphonse, peu exceptez, ont tenu qu'il
n'y en auoit que huit. Toutesfois A-
uerroës, & Rabi Isac afferment que
Hermes & quelques Babyloniens en
auoyent obserué vne neuvième. A l'o-
pinion desquels s'accorde Azarcheles
Maure, & Thebith, & le mesme docte
Rabi Isac & Alpetragus, & Albert Teu-

onique, qui fut surnommé le grand par
ne sçay quelle vaillantise : & en som-
ne tous ceux qui ont obserué le mouue-
ment tremblant ou de titubation qu'ils
ppellent. Mais les nouveaux Astrolo-
gues en comptent dix à present : ce que
Albert mesme dit auoit esté creu par
Ptolemee. Quant à Alphonse ensuiuant
quelquesfois l'opinion de Rabi, Rabi
sac surnommé Basam, il a tenu qu'il y
eust neuf Spheres, neantmoins quatre ans
apres qu'il eust publié ses tables, se ioi-
gnant avec Albuhasen Maure & Alba-
egni, il se retracta, & n'en mit que huit.
Pareillement Rabi Abraham Auenazre,
Rabi Leui, & Rabi Abraham Zacut
croient que sur l'octaue Sphere il n'y a
aucun globe mobile. Apres, pour le
regard du mouuement du huitiesme
Ciel & des estoiles fixes, ils sont meruei-
lousement discordans entre eux: Car les
Chaldees & Egyptiens afferment qu'il
est porté que par vne seule sorte de
mouuement, à quoy consentent Alpe-
ragus, & des modernes Alexandre
Aquilin.

Les autres astrologues depuis Hippar-
que iusques à nostre temps, disent qu'il

tournoye de diuers tournoyements. Les Iuifs Talmudistes luy en assignent deux, Azarcheles & Thebit & Iean de Montroyal luy donnent vn mouvement tremblant, qu'ils appellent d'accès & d'esloignement sur deux petits cerceaux es chefs ou commencements du Mouton & de la Balance: sont diuers toutesfois entr'eux, en ce qu'Azarcheles dit que le chef mobile n'est distant de celuy qui est fixe plus de dix degrez, & Thebit soutient que ce n'est que de quatre seulement avec dixneuf minutes. Iean de Montroyal veut qu'il y ait distance de huit degrez, & non plus: & partant que les estoilles fixes ne sont portées tousiours vers mesme endroit du monde, ains retournent quelquefois d'où elles sont parties. Mais Ptolomée, Albategni, Rabi Loui, Auenazre, Zacut, & des plus recents Paul Florentin, & Augustin Rit, lequel i'ay cognu & hanté familièrement en Italie, afferment que les estoilles sont portées selon le mouuement successif des signes tousiours & sans intermission. Mais les plus nouueaux Astrologues attribuent triple mouuement à l'octaue sphere, à sçauoir vn qui luy

Il propre, que nous auons appellé trem-
blant, lequel s'accomplit en sept mil ans
ne fois. Vn second mouuement proce-
dant de la neuuesme sphere, le tour du-
quel ne se paracheue en moins de qua-
rante neuf ans. Le troisieme mouuement
est causé par la dixieme sphere, & fait
son tour en vn iour naturel de vingt
quatre heures, appellé mouuement du
premier mobile, mouuement forcé &
diurne : car tous les iours il retourne à
son point & principe. En outre ceux
qui n'assignent que deux mouuements à
l'octaue sphere, ne sont point tous d'un
mesme aduis : car presque tous les mo-
dernes, & ceux qui accordent le mouue-
ment de titubation, ou tremblant, re-
sistent de leurs obseruations, qu'elle
est rauie par la sphere superieure : mais
Albategny, Albuassen, Alphraganus, A-
uerroës, Rabi Leui, Abraham Zacut, Au-
gustin Rit, pensent que le mouuement
diurne, ou qui se parfait en vn iour, n'est
point peculier à aucune sphere, ains se
fait par tout le Ciel uni, & par toutes les
spheres ensemble. Le mesme Auerroës
dit que Ptolomée en certain liure (le-
quel il intitule les narrations) nie le

deuxiesme mouuement de circution
que nous auons dit s'accomplir en qua-
rante neuf mil ans, & Rabi Leui s'accor-
de avec Auerroës touchant le mouue-
ment diurne, & soustient qu'il se fait par
tout le ciel ensemble, sans qu'un glob
attire les autres. Or touchât les mesure
du mouuement de l'oëtaue sphere & de
estailles fixes, sont-ils de meilleur ac-
cord? Ptolomee pense que les estoiles fi-
xes se mouuent & s'aduancent d'un de-
gré en cent ans, Albategni dit que c'est
en soixante six années Egyptiennes, au-
quel consentent Rabi Leui, Rabi Zacut
& Alphonse en la correction de ses ta-
bles. Azarcheles Maure dit, qu'elles se
meuent d'un degré en septante cinq ans
Hipparque en septante huit. Plusieurs
des Hebrieux, ainsi que Rabi Iosué
Rabi Moyse Maymon, Rabi Abenezra,
& à leur suite Rabi Benroden, croyent
que ce soit en septante ans. Jean de Mon-
troyal en huitante. Augustin Rit tient
le milieu entre les opinions d'Albateg-
ni, & des Hebrieux, & tient que les
estailles fixes courent vne portion du ciel
non plustost qu'en soixante six ans, ny
plus tard que septante. Mais Rabi Abra-

Am'Zacur (selon le rapport de Ritijs)
esmoigne que iouxte les preceptes des
indiens, il y a encor au ciel deux estoil-
les fixes opposees diametralement l'une
à l'autre, qui parfont leurs cours en l'es-
pace de cent quarante quatre ans pour
le moins au rebours & contre l'ordre
des signes. Alpetrag. aussi estime qu'au
ciel sont encor plusieurs sortes de mou-
uemens incognus aux hommes: que si
ainſi est, il est croyable qu'il y a sembla-
blement des estoilles & corps auxquels
ces mouuemens s'approprient, lesquels
ne sont appereus par les hommes, à
cause de leur excessiue hauteur, ou n'ont
peu estre recognus iusques à present par
aucune obseruation astronomique. A
laquelle opinion s'accorde Phauorin
Philosophe, selon que dit Gelle, en sa ha-
rangue contre les Astrologue dresseurs
de natiuitez. Il n'y a doncques rien qui
nous assure, qu'il soit iusques à present
descendu du ciel aucun Astronome, qui
nous aye apporté nouuelles certaines du
vray & assuré mouuement de ce corps
non erratiques. Et quant aux planettes,
le vray mouuement de Mars ne leur est
non plus cognu iusques aujourd'huy:

dont Iean de Montroyal mesme se plaist
en certaine epistre qu'il escrit à Bla-
chin, lequel erreur en ce mouuement
esté laissé par escrit par vn certain Gui-
laume de saint Cloud, grand Astrola-
gue, en ses obseruations faites sont pa-
ssées deux cens ans & plus, ne s'est trou-
uée aucun de ceux qui sont venus apres qu'il
l'aye corrigé. Outre ce l'on tient pour
chose impossible de pouuoir remarquer
certainement, quand le Soleil entre aus
poincts equinoctiaux : ce que monstrent
par plusieurs raisons Rabi Leui. Mais
que dirons-nous des fautes que les plus
anciens ont faites és choses qui ont esté
descouuertes & obseruées apres eux.
Car plusieurs avec Thebit ont pensé
que la plus grande declinaison du Soleil
va tousiours variant, & toutesfois il est
certain que tousiours il va d'une mesme
heure. Ptolomée a eu autre opinion d'il-
celle, & Albagateni, Rabi Leui, Auenaze-
re, & Alphonse, en ont trouué choses di-
uerfes. Le semblable est auenu du cours
du Soleil, & de la mesure de l'an : car il
en trouuent autrement que Ptolomée
& Hipparque n'ont enseigné. Comme
aussy du mouuement de l'auge du Soleil.

Ptolomée en a estimé d'une façon, Albategni d'une autre, & tout diuerfement que les autres. Semblablement des figures & images celestes, & des considerations des estoilles fixes, les Indiens, les Egyptiës, les Chaldéens, les Hebreux, les Arabes, ont chacun leur opinion à part & diuerse: dont Timothée, Arsatile, Hipparchus, & Ptolomée ont donné diuers & discordans enseignements. Je me passe de faire métiõ des folies qu'ils disent du commencement du Ciel dextre ou senestre, dont toutesfois Thomas d'Aquin & Albert Teutonique theologiës superstitieux, s'essaiës de dire quelque chose à propos, n'ont sceu montrer ou enseigner rien du tout, ny sçauront jamais tous ceux qui s'ytravaillerõt. D'auantage, il n'y a aucun Astrologue qui aye encor sceu dire que c'est que le cercle lactée, que l'on apelle le chemin de saint Iaques. Je passe aussi ce qu'ils disent des eccentricques, concentriques, epicycles, retrogradatiõs, trepidations, ou tremblements, accez & esloignement, rauissement, & autres especes de mouuements, & des cereeaux descrits par iceux mouuements, d'autant que

toutes telles choses ne sont œuures de
Dieu ny de nature, ains monstres ima-
ginaires des mathematiciens, & bour-
des prinſes des fables des poëtes, ou de
la bourbe d'une philosophie corrompue
auxquelles neantmoins les maistres pro-
fesseurs de cét art n'ont point de honte
d'adiouſter telle foy, que ſi c'eſtoient
choses très-veritables, créés de Dieu &
eſtablies en nature: voire de rapporter
ces baueries comme à cauſes certaines
tout ce qui ſe fait çà bas parmy nous, af-
firmans que leurs mouvemens imagi-
nés ſont principes & ſources de tous les
mouvemens inferieurs. Ces Aſtrono-
mes furent iadis touchés au vif par la
châbriere d'Anaximenes d'un brocard
poignant & notable, ainſi qu'elle ac-
compagnoit ſon maistre comme elle
auoit de couſtume, lequel eſtoit ſorti de
ſa maiſon de fort grãd matin pour com-
templer les eſtoilles: car comme il cuſt
les yeux tendus au ciel ſans prendre garde
de où il mettoit les pieds, il tomba dans
un foſſé qui eſtoit tout deuant luy, dont
il ne luy ſouuenoit point: alors ſa cham-
briere luy dit, le m'eſmerueille cōme tu
presumes de pouuoir ſçauoir ce qui eſt

au

au Ciel, veu que tu ne peux preuoir les
choses qui sont deuant les pieds. L'on dit
que Thales de Milet fut aussi reprins par
sa chambriere Thracienne par vne sem-
blable sornette. Presque choses sembla-
bles sont dites d'iceux par Cicero: Pendāt
dit il, que les Astrologues cherchent &
courent les espaces du Ciel, nul d'eux ne
prend garde à ce qui est deuant ses pieds.
I'ay apprins cest art, & en ay esté abreu-
ué des mon enfance par mes parens, & y
ay depuis consommé & mal employé
beaucoup de temps & de peine: enfin ie
n'en ay tiré autre profit sinon de co-
gnoistre que tout ce qu'il contient & en-
seigne n'a autre fondement que friuoles
& songes imaginez: & me repens gran-
dement de ce que i'y ay tant perdu de
temps, & de traual, & desirerois pou-
uoir m'exempter & du souuenir & de
l'vsage d'iceluy, & pieça l'eusse-ie du tout
abandonné & chassé de mon esprit,
pour ne m'en mesler iamais, si ie n'estois
contraint de heurter encor souuent à cest
escueil par la violence des prieres des
grands seigneurs, lesquels ont accoustu-
mé d'abuser maintesfois en choses indi-
gnes des bons & gentils esprits, on

H

que ie ne fusse sollicité par le profit de mon mesnage de tirer aucunes fois quelque fruit de leurs follies, & fournir de bourdes à souhait à ceux qui en sont si frians. Je dis de bourdes: car a la verité l'astrologie n'a autre chose en elle que pures bourdes & fables-poëtiques, prodigieuses resueries, & fausses imaginations, dont ils donnent à entendre que les cieux sont remplis, & n'y a estat ny profession qui mieux s'accordent & se ressemblent que l'Astrologie & Poësie, horsmis en ce qu'ils disent de Lucifer & Vesper: car les Poëtes afferment que l'estoile Lucifer apparoiſſant deuant le Soleil leuant, suit iceluy quand il se couche au mesme iour, ce que tous les Astrologues nient pouuoir aduenir en mesme iour, excepté ceux qui logent Venus au dessus du Soleil, d'autant que les estoiles qui sont plus esloignées apparoiſſent plustost sur nostre horizon au leuer, & se cachent plus tard au coucher. Mais ceste contrariété en matiere d'affiette de planettes d'entre les Astrologiens m'eschappoit si ie n'y eusse esté mené par l'occasion de la conference d'iceux avec les Poëtes, car aussi est-ce chose ar-

surtenante plus aux philosophes qu'aux
astrologues. Plato à la verité apres la Lu-
ne met en second rang la sphere du So-
leil. Les Egyptiens font le semblable,
mettant le Soleil entre la Lune & Mer-
curius. Archimedes & les Chaldees assi-
gnent au Soleil le quatriesme rang. Ana-
ximander & Metrodore de Zio, & Cra-
teus disent que le Soleil est le plus haut de
tous, apres luy la Lune, & au dessous tou-
tes les autres estoiles errantes & non er-
rantes. Xenocrates est d'opinion que
toutes les estoiles roulent sur vne mes-
me estendue ou superficie. Ils ne sont
ni si moins discordans de la grandeur du
Soleil & des autres estoiles, & des distan-
ces & intervalles qui sont entre elles, cō-
me il n'y a arrest ny assurance en tout
ce qu'ils disent des choses celestes : & ne
s'en faut esmerveiller : car aussi n'y a il
rien plus inconstant que le ciel qu'ils es-
bluchent & recherchent, ny plus plein
de fables : Car les douze signes & les au-
tres images & figures, tant Septentrio-
nales que Meridionales, n'ont point esté
portées au ciel que par les fables. Cepen-
dant par le moyen de ces fables les Astro-
logues vivent, trompent, & gagnent.

H ij

Pargent, où les poëtes inuenteurs d'icel-
les ieusnent & meurent de faim.

Del' Astrologie iudiciaire. CHAP. XXXI.



Este à parler de l'autre par-
tie de l'Astrologie, qu'ils
appellēt iudiciaire ou diui-
natrice, laquelle traicte des
reuelutions des années du
monde, des natiuitez, des demandes &
questions, des elections, intentions, cogi-
tations, & vertus pour predire, attirer, cui-
rèr, ou repousser les euenements de
toutes choses, encor que futures, voire
des dispositions secretes de la prouiden-
ce diuine. Partant les Astrologues font
leurs comptes & calculs des effects du
Ciel & des astres dès les premieres & plus
esloignées années inmemoriales, & auāt
par maniere de dire que Promethée fust
au monde, les ramenans aux conion-
ctions qui estoient auant le deluge: &
afferment que les effects, forces, vertus,
& mouuements de tous les animaux,
des pierres, herbes, & metaux, &
en somme toutes ces choses inférieu-
res dépendent totalement des influences

es cieux & des estoiles, & que par icel-
les on les peut rechercher & trouuer.
Hommes priez de foy, & du tout
sans religion, ne s'apperceuant point
que par vn seul poinct ils sont redaignez
ce que Dieu auoit desia créé les her-
bes, plantes, arbres, auant qu'il fist les
cieux & les estoiles: & n'y a aucun des
philosophes bien renommez, comme
Pythagoras, Democrite, Bion, Fauorin,
Canece, Carneades, Possidoine, Timée,
Arist. Placo Plotin, Porphyre, Auicenne,
Auerroës, Hippocrates, Galien, Alex.
Aphrodisien, ny Cicero, Seneque, ou
Mutarque, ny autres semblables, les-
quels ont recherché par toutes sciences
les causes & raisons des choses, qui nous
ont oncques renuoyé à ces causes astro-
nomiques, lesquelles, ores qu'elles fus-
sent vrayes causes, est-ce qu'estant le
murs des estoiles & leurs vertus incer-
taines & peu cognuës, ainsi qu'il est appa-
rent & hors de doute entre tous les
hommes, il est impossible aussi de donner
certain iugement de leurs effects, & s'en
assez trouué de leur bande qui ont
confessé ouuertement, que l'on ne peut
trouuer rien de certain en la science des

H iij

iugemens, tant à raison de plusieurs autres causes cooperantes avec le ciel, lesquelles il faut non moins considerer & cognoistre, ce que Ptolomee enioinct que pour les occasions & obstacles infinies qui peuvent empescher leurs effects comme sont les mœurs & coustumes, la nourriture, la honte, les commandemens, le lieu, la conception, le sang, la sorte de viande, la liberte de l'esprit, & la discipline: attendu que ces influxions ne forcent point, disent-ils, mais inclinent seulement. De cest aduis sont Eudoxus, Archelaus, Callandre, Hoychilax, Halicarnasse, tres-sçauans mathematiciens, & plusieurs autres tres-graues auteurs plus recents. Outre plus ceux qui ont escriu les reigles de ces iugemens qui enseignent d'iceux choses si diuerses qu'il est impossible à vn prognostiqueur de recueillir ne determiner choses aucune certaine de tant & si contraires opinions s'il n'est pourueu en soy de quelque congnissance secrette des choses aduenir instinct & faculté de les descouurir & predire, ou pour mieux dire de quelque diabolique inspiration cachee pour pouoir discerner & iuger entre les choses

ou en quelque autre maniere choisir les
opinions auxquelles il se doit tenir. Du-
quel, instinct ou esguillon quiconque est
priué, ne peut, ainsi que tesmoigne Ha-
ly, rien dire de veritable par iugements
astronomiques. Partant il s'ensuit, que
les predictions des astrologues ne se font
point tant par art & reigles, que par cer-
taine obscure sorcelerie : & tout ainsi
qu'en ouvrant vn liure on peut rencon-
trer vn vers qui contient choses verita-
bles, & qui aduiennent bien souuent, aus-
si de l'esprit de l'astrologue non par art
mais par sort les predictions sont pou-
sées hors & proferée, comme tesmoi-
gne Ptolomée mesmes. La science des
estoilles, dit il, gist en toy, & est prinse
d'icelles, donnant à entendre euidem-
ment que les diuinations des choses fu-
tures & cachees ne se font point tant par
l'observation des estoilles, que par le
moyen des affections de nostre esprit.

Il n'y a donques aucune assurance en
cest art, ains est muable, & s'applique à
toutes choses, selon la diuersité des opi-
nions qui sont produites, ou des conie-
ctures & creances, ou d'une incompre-
hensible inspiration ou incitation des

E iijj

esprits immondes, où d'un sort superstitieux : Et n'est cet art en effect autre chose qu'une fausse coniecture de gens superstitieux, qui ont voulu bastir une science sur la longue experience de plusieurs choses de ce qui est incertain & tres douteux, par laquelle ils puissent attraper l'argent des simples, en deceuant & trompant & eux & les autres. Que si leur art estoit veritable, d'où sortiroient tant d'erreurs dont toutes leurs prognostications sont remplies? & s'il ne l'est; pourquoy se vantent-ils d'une science sans subiect, ou de choses qui passent leur intelligence, & y employent le temps en vain avec non moindre impietè que folie? Mais ceux d'entr'eux qui sont les plus rusez, ne mettent iamais en avant que choses obscures & ambiguës, qui se peuvent tirer & appliquer à quelque evenement qui se presente à toutes saisons, & chaque prince & nation: & bastissent ainsi par un malicieux artifice leurs douteuses prognostications. Et tant puis par aventure aduenue quelque chose qu'ils auoient essayé de predire, alors ils recueillent les causes d'icelle, & par nouvelles raisons taschent d'asseurer

leurs vieilles propheties , afin qu'il
semble qu'ils l'ont preueüe & deu-
uëe. Comme font ceux qui se meslent
d'interpreter leurs songes : lesquels lors
qu'ils ont songé ne sçauent à quoy cela
s'ad:mais s'il aduient quelque chose de
semblable , ils appliquent à leur songe
ce qui est aduenü. Ioinct qu'estant le
nombre des estoiles infiny, & leurs effects
tant diuers, il est impossible qu'il n'y aye
de bons & de mauuais aspects & influ-
ences; par où l'occasion leur est produi-
te de dire ce qu'il leur plaist , & pronon-
cent à qui ils veulent, heur , vie santé;
honneur, richesses, dignitez, puissance,
victoire, lignée, amitez, mariages, bene-
fices & offices, & choses semblables, ou
leurs contraites, à ceux qui ne leur sont
aggreables, les menaçans de mort, de gib-
bets, ignominies, deffaites, bannisse-
mens, perte d'enfans, langueurs, maladies,
& autres telles calamitez qui leur sont
suggerées , non tant par leur art re-
prouué , que par leurs meschantes af-
fections par lesquelles e rude & credu-
le populaire est trainé en perdition ,
addonnant à cette curieuse impieté : &
souuent les Princes & Potentats sont

H v

incitez les vns contre les autres, & enue-
loppiez en sanglantes seditions & mor-
relles guerres. Si l'aduenture ameine l'e-
uenement au point de leur presage, Dieu
sçait leurs insolences, & comme ils dres-
sent les crestes, & se vantent. Mais s'ils
mentent perpetuellement, encore qu'ils
soyent conuaincus, ils n'ont faute d'ex-
cuse, & principalement se defendent
par vn blaspheme, courant par vn men-
songe vn autre mensonge, & disent que
le sage commande aux astres: ce qui est
faux: car le sage n'a aucun commande-
ment sur les astres, ny les astres sur luy:
mais l'un & l'autre sont souz l'auctorité
& puissance de Dieu: ou disent que le
subiect qui doit receuoir l'influxion ce-
leste a empesché l'effect d'icelle par im-
becilité, ou pour n'estre bien propre &
conuenable à icelle. Et si on les presse de
donner raisons plus pertinentes, ils se
mettent en cholere. Neantmoins ces
basteleurs & vendeurs de bourdes ne
laissent de trouuer des Princes & magi-
strats qui leur adioustent foy en toutes
choses, les honnorent, leur assignent ga-
ges & salaires du public, encor qu'à la
verité il ny aye qualité ny condition
d'hommes plus pestiferes à la chose publi

que que ces deuins, qui se meslent de donner la bonne aduerture par les astres ou en regardant les mains, ou par interpretations de songes, & autres especes & manieres de deuiner & predire les choses futures, gens reprouués de Dieu, & detestés par tous ceux qui croient en luy. Desquels Cor. Tacitus mesme se plaint ainsi: Aux Mathematiciens, dit-il, ainsi les nomme l'on communément, qui sont vne maniere d'hommes infideles enuers les Princes, & trompeurs enuers ceux qui les croient, est tousiours defendue la ville de Rome: mais n'en sont iamais pourtant deschassés, Varro semblablement, auteur graue & approuué, resmoigne que toutes les superstitions & leurs vanités sont produites par l'astrologie. L'on lit aussi qu'en Alexandrie on leuoit vne gabelle sur les Astrologues, qui estoit appelée par vn mot grec Blacennomion, c'est à dire, le denier des sots, d'autant qu'il n'y a que les sots qui ayent recours aux astrologues, & qu'iceux ne font gaing & profit que des sottises d'autrui, & de leurs temerités. Si la vie & la fortune des hommes depend des astres, que deuons nous.

H vj

craindre ny tant nous soucier : Laissons
plustost ces choses à Dieu & aux cieux,
qui ne peuvent ny errer ny mal faire : &
estans hommes enquerons nous des cho-
ses humaines, sans attenter ce qui est plus
haut, & qui surpasse nostre entendement
& nos forces, voire estans baptizez en nô-
tre Seigneur Iesus-Christ auquel nous
croyons, laissons à Dieu son pere les heu-
res & les moments qui sont en sa seule
main & puissance. Mais si ny nostre vie
ny nos aduétudes ne sont produites & re-
gies par les astres, tout le labeur des astro-
logues n'est-il pas vain? Or est remply le
monde d'une maniere de gens tant timi-
des, aisez à croire & à esmouuoir, ainsi
que sont les petits enfans aux comptes
qu'on leur faict des fantosmes & rabats
qu'ils croient & s'espouuantent plus des
choses qui ne sont point, que de celles qui
sont, voire sont tant plus effrayez qu'il y a
de l'impossibilité, tant plus credules que
ce qu'on leur donne à entendre est plus
esloigné de toute verisimilitude : & si ces
hommes n'estoient, les astrologues pour-
roient bien chercher autre pratique, ou
il leur conuiendrait mourir de faim. Mais
la sorte credulité de ceux-cy, laquelle fait

que les choses passées leur échappent de la mémoire, les présentes soient negligées, & les futures si ardemment poursuivies & recherchées par iceux, donne telle faueur à ces imposteurs qu'au lieu que les autres hommes par vne seule mensonge rendent leur foy suspecte es choses mesmes veritables, au contraire ces forgeurs de mensonges ordinaires par le rencontre casuel d'une seule verité couurent toutes les tromperies & fausserez qu'ils scauroient auoir éparfés publiquement par tout, à raison de quoy ceux qui tant s'y fient sont les plus mal-heureux d'entre tous les hommes: car ces baueries ne peuvent apporter que mal heur à tous ceux qui les ont en estime & s'en meslent, comme il est apparu, ainsi que les anciens tesmoignent, en Zoroastre, Pharaon, Nabuchodonosor, Cesar, Pompée, Crassus, Deiotarus, Neron, & Iulien l'apostat, lesquels comme ils furent tres-addonnez & abusez à icelles, aussi perirent-ils miserablement, & ne vid-on iamais qu'à tous ceux auxquels ces astrologues ont promis heur & ioye, mal & tristesse ne soit aduenue en toutes leurs entreprises, comme à Pompée Crassus & Cesar, auxquels tous auoient

predit que chacun d'eux mourroit en extreme vieillesse, & en sa maison, rempli d'honneurs & de gloire: neantmoins à tout furent leurs iours auancez, & moururent de male mort. A la verité cette espece d'hommes, sont merueilleusement rebour & obstinez, de presumer de sçauoir les choses futures, puis qu'ils sont ignorans des passées & des presentes, & pendant qu'ils donnent à entendre à tout le monde qu'ils les aduertiront & leur prediront les choses les plus cachées ne sçauent ce qui se fait en leurs maisons ny en leurs propres chambres, comme vn certain Astrologue fut noté par Thomas Morus en vn sien epigramme en ce sens.

*Le Ciel de ses secrets, beau deuin, t'a fait part,
Et de l'heur ou malheur qu'aux hommes il despart:*

*Mais d'entre ces brandons n'y a cil qui te die,
Voy tu point que par tout ta femme se publie?
Phebe ton front serain, ton œil clair, noble cœur,*

*Ne void celles de qui Cupidon est vainqueur.
Saturne est loing, & n'a bigle dès sa naissance.
Non pas mesme de pres d'vn caillon congnoissance.*

D'Europe Iupiter, de Daphné Sol, & Mars,
De Venus, & d'Herse Mercure est d'amour ars
si bien que quand d'autrui ta femme s'a-
mourache

Nul Ciel, nul feu astré ne veut que tu le
sçache.

Outre ce il n'y a celuy qui ne sçache
combien sont differents entre eux les
Juifs, Chaldeens, Egyptiens, Perses,
Grecs, & Arabes es reigles & preceptes
de leurs iugements, & comme l'astrolo-
gie de tous les anciens est reiectée par
Ptolomee. Que celuy cy estant sou-
stenu par Auenrodan est d'autre part
ragassé par Albumasar, de tous lesquels
detracte & mesdit Abraham Auenazre
Hebrieu. Bref Dorothee, Paul Alexan-
drin, Ephestion, Materne, Aiomax,
Thebith, AlKindus, Zaël, Messahalla,
& presque tous les autres ont diuers ad-
uis & opinions: & où ils ne peuvent don-
ner preuue de la verité des choses qu'ils
disent, ont recours aux experiences seu-
les, & par raisons d'icelles se defendent:
encor qu'en cela ils ne soyent tous d'un
mesme accord: encor moins sont ils ac-
cordant touchant ces propriétés des

douze manoirs & domiciles celestes, desquels ils pourchassent & tirent les predictions de tous les euenemens futurs: car Ptolomée les assigne en vne façon, Heliodore en autre, & sont diuersement décrits par Paul, Manile, Materne, Porphyre, Abenragel, & chacun d'eux, autrement par les Egyptiens, par les Arabes, par les Grecs, par les Latins, autrement par les anciens, autrement par les modernes: & ne sont encor resolus ny certains en quelle forme ils doiuent fabriquer les principes & extremitéz des maisons: car les anciens leur donnent vne façon, Ptolomee vne autre: & sont autrement tracées par Campanus, & par Iean de Montreal. Parquoy il aduient qu'eux-mesmes se rendent suspect par leurs obseruations propres de vanité & mensonge, attribuant és mesmes endroits diuerses & differentes proprietéz, fins, & principes selon la diuersité de leurs opinions, assignans ces hommes irreligieux, sans aucune reuerence de la Majesté diuine, ce qui appartient à elle seule, aux astres & rendans la liberté des hommes esclau des estoiles, & combien que nous soyons instruits que tout

que Dieu a créé est bon, ils veulent
tantmoins qu'il y aye certains astres
malins, auteurs de crimes & meschance-
z, & de mauuaises influences, faisans
ce tres-grâde iniure au Ciel & à Dieu
mesme, donnans à entendre que es Cieux
par ceste diuine assemblée sont decretez
ordonnez les maux & les excez qui se
font entre les hommes, imputans les cri-
mes que nous commettons de nostre
propre volonté & de gayeté de cœur,
comme l'on dit, & tout ce qui aduient
contre l'ordre de nature par la corrup-
tion d'icelle aux corps & influxions ce-
lestes. Avec cela ces Astrologues presu-
ment bien sans aucune crainte de semer
& enseigner des heresies tres pernicieu-
ses, comme quand ils mainiennent par
l'acrilege temerité que le don de pro-
phetie, la pieté, les secrets de la conscien-
ce, la vertu contre les esprits malings,
les miracles, l'efficace des prieres, & l'e-
stat de la vie aduenir, & toutes telles
choses dependent des astres, sont don-
nées par iceux, & par iceux sont con-
gnues des hommes: Car ils disent que
celuy qui sera nay le signe des lumeaux
ascendant lors que Saturne & Mercure

font conioir & sous le signe du Port
cruche en la neufiesme maison du Cie
fera Prophete, & que à ceste cause no
stre Seigneur Iesus-Christ faisoit tant d
choses merueilleuses d'autant qu'il auo
en tel lieu Saturne & les lumeaux. Pa
reillement donnant la superintendanc
à Iupiter & totale protection des secte
des Religions, faisant vn melage des au
tres estoiles avec iceluy, distribuent &
separét icelles en sorte, que Iupiter avec
Saturne fait la religion Iudaïque: S'il el
joinct à Mars, il fera la Chaldayque, avec
le Soleil celle des Egyptiens: si c'est avec
Venus, il produit la religion des Sarra
fins, avec Mercure la Chrestienne, avec
la Lune celle que Pon dit deuoir estre
mise au monde par Pantechrist. Disen
d'avantage que Moyse institua le iour
du Sabbat & la cessation religieuse de
toutes œuures en iceluy par observa
tions Astrologiques: & partant que les
Chrestiens errent de travailler au Sa
medy, ne le voulans fester à la maniere
des iuifs, veu que c'est le iour de Satur
ne. La foy & fidelité d'un chacun, tant
enuers Dieu que enuers les hommes, &
la profession de religion, & pareillement

les secrets des consciences, disent proceder du Soleil, & pouuoir estre congnus par iceluy & par la troisieme, neuuesiesme, & onzieme maison du Ciel. Pour iuger & scauoir ce que les hommes pensent, ou leurs intentions, comme ils disent, plusieurs baillent des regles en abondance, & assignent les causes des plus merueilleuses œuvres de la Diuinité, comme du deluge vniuersel, de la loy publiée par Moysse, de l'enfantement de la Vierge Marie, aux figures & descriptions de leurs domiciles celestes, controuuans que la mort salutaire à l'humaine generation de nostre Seigneur Iesus-Christ est œuvre de l'estoile de Mars, remarquans que le Seigneur mesme a bien obserué les heures, & icelles sceu choisir, quand il a voulu faire ses miracles, à fin de n'estre offensé par les Iuifs quand il venoit en Hierusalem: & pource quand les disciples le voulurent diuertir, il leur dit, N'y a-il pas douze heures au iour? Outre ce ils disent que si Mars est heureusement logé en la nativité d'aucun en la neuuesiesme maison du Ciel, que cestuy-là chassera par sa seule presence les diables des corps des per-

sonnes. Que celuy qui fera sa priere à Dieu en la conionction de la Lune avec Iupiter au milieu du Ciel en la queue du Dragon, impetreront ce qu'il vouldra demander, & que la felicité de la vie aduenir est octroyée par Iupiter & Saturne. Et si quelqu'un naissant a Saturne colloqué heureusement au signe du Lyon, que l'ame d'iceluy apres ceste vie mortelle deliurée d'innombrables difficultez & travaux, passera aux Cieux d'où elle a prins son origine, & s'adioindra avec les dieux. Lesquelles faussetez, & tres-pernicieuses heresies, sont neantmoins attestées & non sans soupçon d'heresies approuuées par Pierre d'Appon, Roger Bacon, Guido Bonat, Arnold de Villeneuve Philosophes, Aliacense Cardinal & Theologien, & plusieurs autres docteurs Chrestiens, lesquels afferment ces choses estre veritables, & les auoir experimentées, & ont le cœur de les maintenir & defendre. Or contre ces Astrologues diuinateurs a depuis peu d'années en ça écrit douze liures Iean Pic Comte de la Mirandole, si abondamment qu'il n'a rien laissé arriere de tout ce qu'on leur peut opposer, & par telle efficace de

ertinentes raisons, que ny Luc Balant
es aspre defendeur de la vanité de cest
it, ny autre qui l'aye voulu maintenir,
e Pont sceu garentir ny sauuer iusques
present de force de ses arguments. Car
ic prouue avec vehementes raisons
ue c'est vne inuention des diables, &
on des hommes, ce que Firmien dit aus-
par laquelle ces esprits malins ont
oulu peruerter & renuerser toute la
philosophie, Medecine, Loix, & Religio,
a dommage & ruine du genre humain:
ar en premier lieu elle otte la foy de la
Religion, aneantissant les Miracles, ostés
providence, & enseignant que toutes
chosés dependent de la force & vertu
es estoiles, & aduiennent par necessité
ntale & ineuitable de leurs cōstellatiōs,
onuerse en outre aux vices, entāt qu'elle
s excuse, comme descendans du Ciel
a nous: souille & diffame tous les bons
exercices, & les destruit entierement.
la Philosophie, entant qu'elle assigne
es causes fabuleuses & non vrayes aux
chosés: la medecine, en ce qu'elle la de-
tourne des remedes naturels & cer-
ains pour la tirer à ses vaines observa-
tions, & l'amuser à peruerfes & damna-

bles superstitions, & mortelles tant au corps qu'à l'ame. En outre elle foule aux pieds tout ce que la prudence humaine a sceu ordonner & pourvoir aux hommes de bonnes loix, mœurs & coustumes, en tant qu'il faudroit prendre aduis des astrologues selon eux, quand, comment, & par quels moyens on doit faire quelque chose: & dōner, à leur art le sceptre & commandement sur la vie & mœurs de tous en general, & de chacun en particulier, comme ayant seul autorité du Ciel sur toutes choses, & estimer vains tous autres moyens qui ne despendroyent de cestuy, ou ne le recognoistroyent pour maistre. Art, à la verité, digne que les diables mesme l'ayent enseigné iadis au deshonneur de Dieu, & deception des hommes, Car l'heresie des Manicheens, qui despoille l'homme de toute liberté & election es choses, n'a point eu origine d'ailleurs que de l'opinion & fausse doctrine des necessités fatales des Astrologues. De la mesme source est desuite l'heresie de Basilides, qui imaginoit trois cents soixante cinq Cieux, les formant successivement, & à l'imitation l'un de l'autre, & que la mon-

le d'iceux faisoit le nombre des iours
d'un an, assignant à chacun d'eux certains
principes, vertus, & auges, & leur don-
nant des noms, le prince & auteur des-
quels estoit vn Abraxas, nom composé
de lettres grecques: lesquelles selon que
reualuent les Grecs en note de compte
font trois cents soixante cinq, nombre
des positions locales de ses Cieux
controuués & imaginés. Ces choses ont
été par moy deduites, à fin de faire con-
noistre que l'astrologie est aussi mere
des heretiques, Finalement, comme il
a une personne de bon & sain iugement
entre les philosophes, qui ne reiecte ce-
te Astrologie deuinerelle, elle est aussi
destee & condamnée par Moïse, Isaye,
Ieremie, & tous les saincts prophe-
tes, l'ancienne loy: S. Augustin en-
tre les docteurs catholiques est d'aduis
qu'elle soit banie d'entre les Chrestiens:
Hierosime la met au rang des idola-
tries, Basile & Cyprien s'en moquent,
Crisostome la combat, Eusebe, & La-
nce se bandent contre, Gregoire, Am-
brase, Seuerian, & le concile de Toledede
defendent & condamnent, pareille-
ment le synode de Martin & Gregoire

le ieune & Alexandre troisieme Pape
 Pont excommuniée & maudite, & le
 loix ciuiles & imperiales la punissent.
 Rome sous les Empereurs Tibere, V
 telle, Diocletian, Constantin, Gratien
 Valentinien, Theodose, elle fut interd
 re en la ville, chassée & punie: Iustinie
 aussi y ordonna peine de mort, ainsi qu
 appert en son Code.

Des deuinations en general.

CHAP. XXXIII.



Le lieu requiert que
 face aussi mention de
 autres especes de deu
 nations, lesquelles n'ont
 point tant d'esgard au
 choses celestes qu'à ce
 choses basses & terrestres qui ont quel
 que ombre, ressemblance, ou imitation
 des celestes, & par icelles font leur pre
 dictions: à fin que entendus icelles
 puisse mieux congnoistre cest art
 Astrologue, duquel sont produits tel
 poincts, & d'où est engendré ce mon
 stre à plusieurs testes, ainsi que le ser
 pent de Lerne. Entre les arts deuinat
 ces sont donques comptées la Physion
 mie

nie, Metoposcopie, Chiromantie,
Geomantie, de laquelle nous auons
Besia dit quelque chose cy dessus: la diui-
nation par les entrailles des animaux ou
truscipine, par l'observation des fou-
rettes & tonnerres, dite speculaire, Pon-
tification ou interpretation, de songes,
la fureur, oracles, & propheties des
senses. Tout lesquels artifices ne pro-
cedent par aucune bonne ny assée do-
ctrine, & ne sont pourueus de raisons
qui vaillent, mais enquierent des choses
secrettes, ou par aduentures fortuites
ou par l'agitation de l'esprit, ou par quel-
ques apparentes coniectures qui sont
tirées des observations communes ou
de longue main! Car ces arts prodigieux
de deuiner n'ont autre defense que l'ex-
perience des choses qui aduiennent, &
par icelle se despeschent des obiections
qu'on leur fait quand ils promettent ou
enseignent choses estranges hors de foy
et de toute raison. Desquels il est ainsi
parlé en la loy, Nul entre vous ne sera
couuë, qui face passer son fils ou sa fille
par le feu, ny magicien vsant d'art magi-
que, n'homme ayant regard aux temps,
aux oiseaux ny forciers, ny enchan-

teur qui enchante, ny homme demandant
conseil aux esprits familiares, ny deuins
car Dieu a ces choses en abomination.

De la Physionomie.

C H A P. XXXIII.

LA Physionomie entre iceux luy
uant (ainsi qu'elle dit nature pre
sume de pouuoir cognoistre par si
gnes apparents & probables en conside
rant toute la composition du corps, quel
les sont les affections tant d'iceluy que de
l'esprit, & qu'elles seront les aduerture
des personnes entant qu'elle apperçoit
que cestuy cy est Saturnin, cestuy là Io
uial, l'autre Martial, ou Solaire, Venerien
Mercurial, ou Lunaire, & par l'habitud
& complexion des corps dit qu'elle peu
recueillir l'Horoscope au ascendant d'un
chacun, montant peu à peu par les effect
aux causes astrologiques, là ou estant
paruenue elle cause & babilie à plaisir.

De la Metoposcopie. CHAP. XXXIV. ¶

LA Metoposcopie regardant seulement le front avec iugement aigu & docte experience se vante de sentir de loing les commencements, progrès & issues, des hommes ou de leur actions, & se dit nourrie pareillement par Astrologie.

De la Chiromantie.

CHAP. XXXV.

LA Chiromantie remarque en la paume de la main sept monts rapportés au nombre des planettes, & estime pouuoir cognoistre par les lignes qui sont trouuées iceux les cōplexions & affectiōs des hommes, leur vie, sort, & aventures, selon la correspondance ou bon accord des traicts, qui sont comme marques celestes que Dieu & nature ont imprimées en chacun, se seruant mesme du mesmoignage du liure de Iob, où il est dit que Dieu a constitué signe en la main de tout homme, afin qu'vn chacun con-

gnoisse ses œuvres. Lesquelles paroles ne peuvent estre entendues de la vanité de la chiromantie. Dauantage les professeurs de cest art separent & defendent de ce qu'ils disent que ores qu'ils ne iugent point des choses par les vrayes causes, neantmoins que par signes imprimés par elles ou par autres semblables causes, lesquelles sont tousiours semblables en semblables choses, ils peuvent iuger de mesmes effects. Et disent que Pythagoras vsoit de cest artifice, & remarquoit par iceluy les mœurs, le naturel, & les esprits des ieunes gents, considerant la disposition & habitude de tout leur corps, & que ceux qui estoient iuger par luy en ceste sorte propres a la philosophie estoient receus au rang de ses disciples. Et que ce mesme moyen estoit tenu par Pharaotes Roy Indien à ce que racompte Philostrate. Tāt y a que pour reputer la vanité de ces arts, il n'est besoing d'alleguer avec raison, sinon qu'ils n'ont fondement sur aucune raison. Toutesfois plusieurs renommés personnages anciens ont escrit d'iceux comme Hermes, Askindu, Pythagoras, Pharaoto Indien, Zopire, Helenus,

Colomce, Aristote, Alpharabe : En ou-
e Galien, Auicenne, Rasis, Iulien,
laterne, Loxius, Philemon, Palemon,
onstantin Africain : Et entre les Prin-
es Romains L. Sylla, & Cesar dicta-
ur y furent tres-addonnés, Mais des
odernes Pierre d'Appon, Albert Teu-
onic, Michel Scor, Antiochus, Barthe-
my Cochles, Michel Sauonarole, An-
ine Cermison, Pierre de l'Arche, An-
ré Corbeau, Tricasse Mantuan, Iean de
dagine, & plusieurs autres medecins
lustres en ont escrit : Mais pas vn d'en-
eux ne passe outre les coniectures &
quelques obseruations d'euénements &
periences, qui ne sont dignes d'estre
reues : car en toutes celles coniectures
obseruations ne se void aucune reigle
certitude. Ce qui est euident, d'autant
que ce sont routes fictions volontaires,
quelles mesmes ces professeurs & pro-
cteurs de la science & de l'autorité d'i-
lle nes'accordent point ensemble. Par-
oy tous ceux qui par tels signes veu-
nt iuger plus auant que des tempera-
res & complexiōs naturelles des corps,
se mester de predire sur les affections
l'esprit & les aduentures, ou choses

fortuites, sont menez de grande folie & erreur: ce que verifie le iugement de Socrates fait par Zopire. Et que Pon n'a iouste point de foy à ce que Appion Grammairien a laissé par écrit d'un certain Alexandre, qui faisoit des pourtaicts si bien contrefaits, & ensuyuis apres le naturel, que le Metoposcope iugeoit sur iceux le temps du decez ou passé ou futur ce qui est aussi peu croiable pouuoir estre sceu par cest artifice, que veritablement il est impossible. Mais c'est la coustume de ces vendeurs de triacle d'ainsi resuer estans menez à l'appetit des esprits d'ame nez, par lesquels ils sont attirez d'erreur en superstition, & d'icelle peu à peu en infidelité.

De la Geomantie derechef. CHAP. XXXVI

NOus auons parlé de la Geomantie traitant de l'Arithmetique, laquelle marquant certains points casuellement, ou bien en aydant vn peu à la lettre, comme Pon dit, & d'iceux composant certaines figures par nombre pairs ou impairs, attribuées & rapportées aux planettes & estoiles, deuine par iceux

es. A raison de quoy elle par tous les
 auteurs qui en ont escrit est reputée fille
 de l'Astrologie. Mais il y a aussi vne autre
 espece de Geomantie introduite par Al-
 nadal Arabe, laquelle par certaines con-
 jectures faictes sur des ressemblances que
 l'on apperçoit es fentes & creuasses de la
 terre, ou es remuements ou tumeurs d'i-
 celle, qui aduenient d'eux-mesmes, ou
 sont causez par chaleurs, halles & ton-
 nerres, fait les deuinations, & est sem-
 blablement soustenuës par les foibles &
 vains estançons de l'Astrologie, obser-
 uant ensemble les heures, les change-
 ments de la Lune, le leuer des estoiles,
 & les figures & assiettes d'icelles.

*Des Auspices ou augures, & des deuinations
 par les entrailles des animaux.*

CHAP. XXXVII..

QVANT aux augures iadis tant
 recommandez, qu'aucun af-
 faire n'estoit entrepris, fust
 public ou priué, sans iceux,
 il y en a plusieurs especes. C'est vn art

I iiij

tres-ancien selon qu'escriit Pomp. Letus, transmis des Chaldeens aux Grecs, entre lesquels Amphiaræ, Tyresias, Mopsus, Aphilores, & Calchas ont esté ostimés tres-experts augures. Des Grecs la science passa en Tuscane, & de là entre les Latins, & Romulus mesme en estoit maistre, lequel ordonna que les estats & offices seroyent ratifiés & confirmés par augures. Et, à ce que dit Denys, les Aborigenes, ou originaires Latins, auoyent d'ancienneté leurs façons d'augures. Et Ascanius voulant combattre contre Mesence, auant que ranger son armée en bataille, print augure, & le trouuant bon combatit & vainquit. En somme les Phrygiens, Pisidiens, Caramans & Ciliciens, Arabes, Ombres, Tuscans, & plusieurs autres peuples ont suyui & obserué les augures. Les Lacedemoniens pareillement bailloyent pour assesseur vn augur à leurs Rois, lequel assistoit au conseil general des affaires: & à Rome y auoit vn college, cour, ou compagnie d'vn certain nombre d'augurs. La force & vertu de cest art fut enseignée & creüe estre en ce que certains rayons de clarté prophetique tomboyent

En haut des corps celestes, sur chacun
des animaux çà bas, par l'effect desquels
on pouuoit remarquer en leurs mou-
vements, alleure, gestes, & affieres, en
leur vol, manger, couleurs, façons de fai-
, & tous accidents, certains signes, &
par iceux estre aduertis de ce qui estoit
ordonné au ciel de ces choses inferieu-
res, inferant que les animaux ainsi at-
teints de la vertu des estoilles auoyent
quelque intelligence secrette & quel-
que consentement avec icelles, qu'ils
pouuoient communiquer aux hommes.
Par où il appert que ceste science deu-
ineresse ne suit autre chose que les con-
jectures, & ce que les hommes se font à
croire, se fondans en partie sur les influē-
ces des estoilles, partie sur certaines ap-
parences & verisimilitudes, qui sont les
choses du monde les plus incertaines &
deceuantes: & pource à bon droit Pa-
nætius, Carneades, Cicero, Chrysippe,
Diogenes, Antipater, Ioseph, & Philo
s'en moquent, la loy & l'Eglise la con-
damnent. De mesme vanité sont les my-
steres des Chaldeens & egyptiens, que
les Romains, & auant eux les Hetrusques
& encor à present certaine maniere de

gens superstitieux adore comme oracles
& propheties.

De la Speculatoire. CHAP. XXXVIII.



VR le mesme fondement
est bastie la Speculatoire, à
sçauoir l'art d'interpreter
ce que les foudres, tonner-
res, & autres impressions
elementaires, les prodiges, monstres, &
euenements contre l'ordre de nature, si-
gnifient & menassent. & ce par le mesme
moyen des coniectures & apparences des
choses, Suie & tres-incertain, & plein
d'erreurs: car il est euident que ces cho-
ses ne sont point prognostiques, mais
œuvres faictes en nature.

De l'Onirocritique.

CHAP. XXXIX.

★ **L'**Onirocritique, ou art d'interpreter
les songes, suit: les maistres duquel
sont proprement appelez faiseurs de
coniectures, comme Euripide chante:
*Qui coniecture bien grand Prophete soit
dit.*

A cest arrifice plusieurs Philosophes
grands à la verité ont beaucoup fait
d'honneur, principalement Democrite,
Aristote, & son imitateur Themiste, &
Synesius Platonicien, s'attachans telle-
ment aux exemples de ces songes, qui
sont verifiez aucunes fois par quelque
accident, qu'ils ont voulu par là faire à
croire au monde que l'on ne songe rien
en vain: & disent que tout ainsi que par
les influences celestes formes diuerses sont
produites en la matiere corporelle, aussi
par les mesmes influences & disposi-
tions celestes plusieurs phantosmes sont
imprimez en la partie imaginative, qui
est instrumentale, lesquels sont propres,
à produire quelque effect, mesmes en
songeant: car alors l'esprit cessant du mi-
nistere du corps, & soing des choses ex-
ternes, reçoit plus librement ces diui-
nes influences, & partant que plusieurs
choses sont reuelées aux dormans, les-
quelles demeurent cachées à ceux qui
veillent. Par ces telles quelles raisons
ils cuident donner lieu de verité aux
songes. Mais quant aux causes qui nous
font songer, tant celles qui procedent de
nous interieurement, que de celles

qui viennent d'ailleurs exterieurement, ils en sont mal d'accord : car les sectateurs de plato disent que se sont formes, images, & cognoissances de l'ame, lesquelles se conglutinent ou figent par maniere de dire. Auicenna tient qu'ils procedent d'un Ange qui regit le mouvement de la Lune, lequel par les rais de cest astre rayonnant la phantaisie des hommes dormans les leur enuoye. Aristote les rapporte au sens commun, mais imaginatifs. Auerroës à l'imaginatiue. Democrite tient que ce sont Idoles ou formes qui s'esleuent des choses. Albert dit qu'ils viennent d'influxions celles rencontrans entre deux certaines formes, qui fluënt continuellement d'en haut.

Les Medecins en attribuent la cause aux humeurs & vapeurs, autres aux affectiōs & pensées eues en veillant. Les Arabes à la faculté intellectuelle de l'ame. Aucuns disent qu'ils dependent des facultés de l'ame iointes avec les influences celestes & les simulacres ensembles : les astrologues maintiennent qu'ils sont causés par leurs rencontres & constellations : autres que c'est l'air qui nous environne & pe-

midore Daldian a écrit de l'interprétation des songes, & y a certains liures publiés sous le nom d'Abraham, lequel phidolo au liure des Geants & de la vie civile s'affirme auoir esté le premier qui trouua la maniere d'interpreter les songes : autres sous les noms de Salomon, & de Daniel, forgez pour seruir à cette farce, lesquels en matiere de songes ne contiennent que vrais songes. Mais Cicero en ces liures de deuination, dispute par raisons valables & fermes contre ceste vanité & la bestise de ceux qui y adioustent foy, lesquelles ie me passeray de mettre en ce lieu.

De la fureur ou forcenerie deuineresse.

C H A P. XL.

MAis joignons à ces resueurs ou songeurs, ce que i'auois presque oublié à sçauoir ceux qui attribuent quelque faculté deuinatrices aux forcenez, & y croient: cuidans que les hommes, qui ont perdu la cognoissance des choses presentes, & la memoire de celles qui sont passées, & en somme tout sens & tout iuge-

ment és choses humaines, soiét pourueus
d'vne diuine prescience de ce qui est à
venir, & qu'ils puissét preuoir ou sçauoir
ainsi hors du sens & dormans, les choses
que les hommes sages & vigilans ne co-
gnoissent aucunement: comme s'il estoit
bien croyable que Dieu approchast plus
pres de ceux cy que des autres qui sont
sains d'entendement, soigneux, & studieux
de s'enquerir & cognoistre. Gés malheu-
reux à la verité, qui adjoustent foy à ces
vanitez, & s'affuiettissent à telles impo-
stures, qui entretiennét ces maistres, trom-
peurs, lousmettans à leurs ventres, eux,
leurs entendements, & leur creance: car
qu'est ce autre chose ce que Pon appelle
fureur, qu'un estrangement de l'esprit
humain, tourmenté par les anges damnez
par le moyen des astres & de leurs influ-
xions, ou d'autres choses inferieures, con-
duites & adressees par ces diables: Ce
que Lucain a voulu signifier, faisant men-
tion du deuineur Arons Tulcan, disant
qu'il estoit sçauant:

*Aux mouuements du foudre, és veines boiil-
lonnantes,*

*Et plumes des oiseaux parmy l'air tournoyan-
tes.*

stant la ville purgée, les victimes occi-
s, les entrailles considérées, finalement
it que Figulus prononça ce qu'il luy en
sembloit par ces paroles:

De quel grief desarroy, de quels pesteux
desastres.

D'un regard courroucé nous menacez vous
astres?

Est-ce pour retrancher des années le cours,
ou bien d'un cours forcé faire cesser nos iours?
Que si quelque brandō embrasoit de Saturne
Au plus haut la froideur l'échançon de son
urne

Estoilée feroit se renouveler d'eau
Un ondoyant débord, un deluge nouveau.
Titan si tu pressois sur ceste terre basse
Le Lion Nemean, de l'ardeur de ta face
Tu cuirois les humains, & ton char protefear
Embraserait le Ciel. Or cessent lesdits feux.
Toi qui du Scorpion fais embraser Gradine,
Les bras, les aurons, & la queue tardive,
Mars d'ire transporté, quels troubles, quels ora-
ges

(rauages?

Veux-tu vomir sur nous? quels effrois, quels
Iupiter à contrainct en haut son chef voilé
Pour ne plus esclairer, & le feu estoilé
De Venus s'amortit. O postillon Mercure
Tu n'as plus de ton cours ny de tō chemin cure:

198 De la Fureur de Deuiner.

Mars regnes seul au ciel. Les signes irrités
Son tous quittans leur train couuerts d'ob-
scurités.

Le costé d'Orion portespee trop brille,

Le fer, l'harnois l'écu par tout clique & bran-
dille:

Vice chassant vertu met ses voiles aux vents,
Rode par l'vniuers par longue espace d'ans.

Or toutes ces deuinations & leurs arts
ont leurs racines fichées en l'astrologie,
& en icelle leurs fondemens assis &
establis. Car soit que l'on considere le
corps, le visage, ou les mains, soit que par
songes, prodiges, vol des oiseaux, ou par
fureur l'on soit halené ou inspiré, ils veu-
lent tousiours que la figure du ciel soit
dressée, & par les iugemens tirés d'icelle
joincts aux signes & apparences & aux
coniectures qu'il font sur icelles, tirent
leurs opinions des choses qu'ils disent
estre significées. Parquoy reuerans en
toutes diuinations la science & l'vsage
de l'Astrologie, ils confessent qu'elle seu-
le est la clef necessaire à la congnoissance
de tous les secrets futurs. Dont s'ensuit
que leur vanité & fausseté est du tout
hors de doute, & descouuerte à vn cha-
cun, puis que les principes & fondemens

ces arts deuinateurs sont manifestement faux, mensongers, controuuez & reuints par la temerité poëtique, lesquels n'ayans esté, n'estans point, & ne deuant enques auoir estre, sont neantmoins estimez causes & signes des choses qui sont en effect, & à iceux sont rapportez les enuementements d'icelles contre la verité toute euidente.

De la Magie en general.

CHAP. XLI.

Ce lieu requiert que nous traictions aussi de la Magie, car elle est pareillement si conjointe & attachée à l'Astrologie, que celuy qui faict profession de Magie sans l'Astrologie, ne fait rien qui vaille, & cingle du tout hors de la droite route. Suidas pense que la Magie a prins son origine & son nom des Maguseens. La commune opinion c'est que ce soit vn nom Persien : & mesme Porphyre & Apulée sont de cest aduis, & qu'en cette langue Mage signifie sacrificateur, sage, ou Philosophe. La Magie doncques embrassant toute la Philosophie, l'hyfique & Mathematique, y melle

aussi la religion, & ioint les vertus & faculté d'icelle avec les autres sciences. Et outre comprend la Goëtie & Theurgie, à raison dequoy plusieurs la diuisent en deux parties, disant qu'il y a Magie naturelle & Ceremoniale.

De la Magie naturelle. CHAP. XLII.

LA Magie naturelle n'est estimée autre chose sinon la haute & parfaicte vertu, effect & faculté des sciences naturelles, appelée à ceste cause le sommet, consommation, ou dernier degré de la Philosophie naturelle. La partie active & operante d'icelle, laquelle par le moyen des vertus mises es choses que le naturel produit, & par vne mutuelle & bien assaisonnée application de l'une à l'autre d'icelles fait des œuvres plus que merueilleuses. En ceste magie les Ethiopiens & Indiens entre autres estoient studieux & experts, ayans en leurs païs la commodité des herbes, pierres, & autres choses requises à icelle. D'icelle ou pense que Saint Hierosme a faict mention escriuant a Paulin que Apollone Thia-

ceen estoit magicien ou philosophe ,
ainsi que les Pythagoriens. De cette es-
pece de Mages l'on estime auoir esté
ceux qui vindrent visiter nostre Sei-
gneur Iesus Christ nouuellement nay, luy
porterent des presents , & l'adorerent,
desquels les Interpretes des Euangelistes
exposent pour philosophes Chaldeens,
& tels que Hiarchas fut entre les Brach-
manes Tespion entre les Gymnosophi-
stes, Budde entre les Babyloniens, Numa
Pompilius à l'endroit des Romains, Za-
molxides en Thrace, Abbaris aux Hy-
perbotées, Hermes entre les Egyptiens,
Zoroastre fils d'Eromase entre les Per-
ses. En icelle pour certain ont esté ex-
cellents sur tous autres les Indiens ,
Ethiopiens, Chaldées. & Persiens. Et
estoit la science (selon que Plato afferme
au dialogue qu'il a intitulé Alcibiades)
en laquelle on instruisoit les enfans
des Rois de Perse , à fin qu'ils apprins-
sent par le reiglement & bon ordre qui
est en l'assemblage & communauté des
choses naturelles en ce monde , à bien
ordonner , regir , & administrer leurs
royaumes & republiques. Ciceron aussi
es liures de la diuination dit que entre

les Perses nul n'obtenoit le Royaume
s'il n'estoit institué en la Magie. La Ma-
gie naturelle est donques celle qui con-
sidere les vertus & proprietés de toutes
choses en nature & au ciel, & par cu-
rieuse recherche decouvre les accords
& conuenances, & met en euidence les
puissances & facultés qui sont cachees
en icelle, assemblant les choses basses
aux dons & faueurs celestes, comme par
attraiets & alleichements, en sorte que
par ioincture des vnes avec les autres
sont produicts effects admirables & mi-
raculeux, non tant par artifice aucun,
que par la nature mesme, à laquelle cest
art sert comme d'instruments à faire ses
œuvres. Car les Mages ainsi que tres-
diligents enquesteurs de la Nature, con-
duisans & adressans bien à propos les
choses qu'elle a preparées, & appliquant
les actiues avec les passives, bien souuent
font voir des effects extraordinairement
& auant le temps, lesquels le vulgaire
inge estre miracles, combien que ce ne
soyent qu'œuvres naturelles, aduancees
aucunement de temps: ainsi que si quel-
qu'un trouuoit moyen de faire produire
des roses ou des raisins meurs au mois

Mars, ou fist croistre en peu d'heures
les feues semées, le persil, ou autres se-
mences, & les fit deuenir plantes, for-
mées & parfaites, & encor choses plus
grandes, comme d'engendrer nuages,
pluies, tonnerres, foudres, diuerses especes d'a-
nimaux: & transmuier plusieurs choses
l'une en autre, comme Roger Bacon se
vante auoir fait plusieurs fois, seulement
par pure & naturelle magie. Des œuvres
effets de cette science ont escrit Zoroa-
stre, Hermes, Euantes Roy d'Arabie, Ze-
natharie Babylonien, Iosephe Hebreu, Bo-
nus, Aaron, Zenotenus, Kyrannides, Al-
madal, Therel, AlKindus, Abel, Ptole-
mée, Geber, Zaël, Nazabarub, Thebith,
Serith, Salomon, Astaphon, Hipprachus,
Alcmeon, Apollonius, Triphó & plusieurs
autres, dont quelques liures sont encor
entiers, & plusieurs fragments se trouuēt
qui me sont tombés quelquefois entre les
mains: Mais quant aux modernes peu en
ont escrit, & peu de choses, ainsi qu'Al-
bert, Arnold de Villeneuve, Raimond
Lulle, Bacon, & Appon, & celuy qui sous
le nom de Picatrix a adressé son liure au
Roy Alphonse, lequel toutesfois, ainsi
qu'ont fait tous les autres, mesle avec la

172 *De la Magie Mathématique.*
Magie naturelle infinies superstitions.

De la Magie Mathématique,

C H A P. XLIII.

IL se trouue outre ceux-là d'autres imitateurs tres-aigus & tres audacieux chercheurs de nature, lesquels sans se seruir des vertus des choses produites par icelles, promettent de môlter des effects tous semblables à ceux qui se font naturellement, seulement par reigles & raisons Mathématiques, en obseruans, approprians, & appliquans les influences celestes, comme de faire parler & cheminer des corps, sans qu'en iceux soyent aucunes facultez animales, telle que par la colombe de bois d'Architas Tarentin, qui voloit, & les statuës de Mercure parlantes, & la teste d'airain forgée par Albert le grand, que l'on dit auoir parlé. En telles choses fut très-expert Boëce, personnage de grand esprit & bien versé en toutes sciences, auquel Cassiodore escriit telles paroles : Tu fais profession de cognoistre ce qui est haut & difficile, & de faire voir des miracles

sur la subtilité de ton artifice, les métaux
surgissent, & Diomedes en cuivre corne
s'élève haut, la couleur de bronze s'élève, les
oiseaux sont exprimés & imités si bien que
ceux qui ne peuvent mettre hors leurs
propres voix sont ouïs gasouillants en
chants très-plaisans & mélodieux. Nous
faisons peu de choses de celui qui pour-
rait bien contrefaire le ciel même. De
ces artifices à mon avis est dit ce que
nous lisons en l'onzième livre des loix
de Platon, Un art, dit-il, est donné aux
hommes mortels, par lequel ils pourront
engendrer certaines choses successives,
desquelles ne seront pas participantes de
vie ny de divinité aucune: Mais à la sé-
paration d'eux mêmes retireront & con-
féreront des simulacres. Or est passée si a-
vant la temerité des Mages à entreprendre
toutes choses à la faveur & instigation du
serpent ancien prometteur de science,
qu'ils ont ainsi que signes voulu envier
& contrefaire nature & Dieu même.

De la Magie qui empoisonne.

C H A P. XLIV.



Ne autre espee de Magie
se pratique, qui est appel-
lée empoisonneuse, laquel-
le par compositions amou-
reuses, breuuages & diuers
medicaments venimeux, s'accomplit &
fait ses effects: comme celuy que Pon
lit auoir esté faict par Democrite pour
faire engendrer des enfans bös, heureux,
& fortunez. Et vn autre pour faire que
nous entendions les voix & langage des
oiseaux, ainsi que Philostrate & Porphy-
re disent que faisoit Appollonius. Virgile
pareillement parlant de certaines herbes
qui naissent en la contrée de Pont dit,

*J'ay veu souuent par herbes Meris cher,
Estre faict loup, & au bois se cacher:
Souuent i'ay veu exciter les esprits
Hors des enfers, & les bleds estre pris
Pour de ce champ en autre les traduire
Par son venin & herbes dont veut nuire.*

Il line aussi racompte d'une certain De-
marque de Pharthase, lequel assistant au
sacrifice

l'offrande que les Arcades auoyent accoustumée faire à Iupiter Lycee, où ils offroyent des creatures humaines, se mit à degouster & manger les entrailles d'un garçon que l'on y auoit immolé, & soudain se transmua en loup. A raison de laquelle trans-formation d'hommes en loups, S. Augustin pense que les surnoms de Lycee auoyent esté bailliez à Iupiter & à pan. Le mesme S. Augustin escrit, que luy estant en Italie certaines femmes magiciennes, ainsi que Circe estoit, bailloyent vne maniere de poison meslé dans du fromage aux hommes par laquelle ils estoient conuertis en cheuaux: & apres qu'elles s'estoyent seruis d'iceux à porter des charges où elles vouloyent, elles les restituoyent en leur premiere forme humaine & dit que cela aduint lors à vn certain religieux nommé Prestant, Mais à fin que l'on ne pense que ce soyent du tout folies & choses impossibles, que l'on se souuienne de ce qui est narré en la saincte escriture touchant le Roy Nabuchodonosor, lequel fust ainsi que les bœufs mangeât & viuât de foin l'espace de sept annees, enfin par la misericorde de Dieu son sens & sa

K

figure luy furent rendus. Le corps duquel
 apres son decés fut par le commande-
 ment d'Euilmerodach son fils baillé aux
 voutours en pasture, de peur qu'il auoit
 qu'il ne resuscitast, l'ayant veu de beste
 reuenir homme, & plusieurs semblables
 choses faictes par les Mages de Pharaon,
 qui sont narrees au liure d'exode. Or de
 ces Mages ou empoisonneurs, comme
 on les voudra nommer, est écrit par le
 Sage en ceste maniere : *Tu les as eu en*
horreur, pource qu'ils faisoient enuers toy
œuvres qui estoient à hair par emprisonne-
ments. Et est à noter que ces Mages
 ne recherchent point seulement les cho-
 ses naturelles, mais aussi celles qui
 accompagnent la nature, & sont com-
 me hors d'icelle, comme les mouuemens,
 nombre, figures, sons, voix, accords, le-
 miere, & les affections de l'ame & les
 paroles. Par tels moïens les Mages &
 Pilles peuples d'Italie faisoient assem-
 bler les serpens, autres les déchañoient.
 Orphée aussi apaysa la tempeste au voya-
 ge des Argonautes, par vn hymne ou
 chanson : & Homere écrit que par pa-
 roles le sang fut arresté à Vlysses bleillé.
 Es loix de douze tables peine est ordon-

donnée à ceux qui par enchantemens attireroient les moissons de leurs voisins en leurs champs, comme si c'estoit chose hors de doute, que les Mages par paroles seules, par affections, choses semblables produisent en eux-mesmes & ailleurs d'admirables effets, & que par ces moïens ils puissent dissiper les vertus & proprieté qui sont es choses, les attirer à eux, ou les repousser & rejeter, ou en quelque autre façon les manier & disposer tout ainsi que L'aimant attire à soy le fer l'ambre, la paille, ou comme l'ail ou le diamant empeschent la vertu de l'aymât. Outre plus disent Iamblichus, Proclus, & Synesius que par ceste suite, accord, & consentement des choses s'entretenans ainsi que chainons & anneaux, l'on peut receuoir d'en haut à l'appetit des Mages non seulement les dons naturels & celestes, mais les intellectuels & diuins. Ce que Proclus confesse estre vray au liure intitulé du Sacrifice & de la Magie, disant, que par ce consentement & accord qui est entre les choses, les mages auoient de coustume d'appeller & attirer les Dieux. Et s'en est bien trouué entre-eux aucuns menez de si estrange

210 *De la Magie qui empoisonne*
folle, qui presuinoient par diuerses ren-
contres des estoilles ou constellations,
moyennant certains interualles & espa-
ces de temps & quelques proportions
bien & deuëment obseruees, de faire
qu'une image par eux construite pren-
droit par le vouloir celeste esprit de vie
& intelligence, pour pouoir respondre
à ce dont elle seroit interrogée, & re-
ueler la verité des choses occultes & se-
crites. Par où ie conclus qu'il est eu-
ident que ceste Magie naturelle est facil-
lement destournee en Goëtie & Theur-
gie enuuelee en autres tromperies,
ruses, & erreurs diaboliques.

De la Goëtie & Necromantie. CHAP. XLV.

LA Magie, dite Ceremoniale, con-
tient ces impostures, que les Grecs
appellent Goëtie & Teurgie. La
Goëtie maudite & malencontreuse à cau-
se de l'accointance & commerce qu'elle
a avec les esprits immondes, étant com-
posée d'une maniere de faire de curiosi-
té damnable, paroles, enchantemens, &
coniurations illicites, est prohibée & de-
chassée par les loix de toutes nations,

omme chose execrable. D'icelle font
stat ceux que nous appellons aujour-
phuy Necromantians, Sorciers, & En-
hanteurs.

Zents malicieux de Dieu, qui croient d'en-
brouiller

le ciel, & cauteleux sa lueur enrouiller,
Voire tout ce qui est en nature dissoudre,
Comme s'ils manyoient les vents, tonnerres,
foudre.

Quatre plus, imposteurs, du vent de leur parole
Esbranler, affermir or l'un or l'autre pole,
Faire couller les monts, mesler par leurs fureurs
Les feux astré parmy l'element portesteurs

Ce sont ceux qui inuoquent & rap-
pellent les ames des deffuncts, ceux qui
estoit anciennement appelez Epodes
(c'est ce que nous disons enchanteurs)
qui enchantent les enfans, & les indui-
sent à prononcer des oracles, ceux qui
ont des diables familiers asseurs ou
conseillers, tels que nous lisons qu'estoit
celuy de Socrates, qui tiennent des esprits
ainsi qu'ils donnent à entendre, dans
une piece de verre ou cristal, par
lesquels ils prophetisent. Tous lesquels
ont deux voyes & manieres de proce-

der. Car les vns s'essayent de coniuera
& forcer les malings esprits en vertu de
certaines paroles, mesmes des noms &
epithetes diuins, sous pretexte que tou-
te creature craint & reuerse le nom de
celuy qui l'a faicte & cree, a fin qu'il
semble moins estrange, si ces Goëtiens
infideles, Payens, Iuifs & Sarrafins, & en
general toute la troupe & secte de ces
gens prophanes contraignent les diables
par l'innocation du nom de Dieu. Au-
tres meschans en routes extremitez, par
crime horrible, detestable, & punissable
par mille feux, se soustmetans aux dia-
bles les adorent & leur font des sacrifi-
ces, s'abbaisans en ordre & abomina-
ble idolatrie. Ausquels crimes iacoit que
les premiers susmentionnés ne s'addon-
nent, si est-ce qu'ils s'exposent en mani-
feste danger de glisser en iceux. Car les
diables, quelques contraints qu'on les
imagine, ne cessent neantmoins de veil-
ler tousiours pour tromper ceux qui se
fouruoyent & cherchent des destours.
De ce borbier Goëtique sont escoulés
tous les liures tenebreux qui courent au-
iourd'huy par le monde, lesquels Vlpian
Iureconsulte appelle de meschante les

ture & ordonne estre bruslés sur le
champ aussi tost qu'ils seront trouués.
Tels que ceux qui premierement furent
inuentée par vn certain Zabulus homme
baddonné à tout art illicite : & apres luy
ceux de Barnabas Cypriot, & à present
sous tiltres faux & controuués plusieurs
que l'on dit auoir esté composés par A-
dam, Abel, Enoch, Abraham, Salomon :
& autres par Paul, Honnoré, Cyprien,
Albert, Thomas, Hierosime, & par vn
certain d'Yorck Anglois : les reueries
desquels ont esté suyuis & imitées par
Alphonse Roy de Castille, Robert An-
glois, Bacon, & Pierre d'Appone, & plu-
sieurs autres gents abandonnés & perdus.
Et, plus est, l'on ne s'est contenté d'at-
tribuer tels meschans liures aux hom-
mes mortels, & saints Patriarches, com-
me dit est, mais at'on voulu faire auteurs
de telles doctrines execrables mesmes
les anges Dieu, & en a l'on intitulé au-
cuns des noms de Raziol & Raphaël
anges d'Adam, & de Thobie. Lesquels li-
ures s'ils sont considerés de bien pres &
auec iugement, seront aisement congnus
par leurs reigles & preceptes, par les
coustumes & ceremonies dont ils tray-

K iij

rent, par la maniere de leurs caractères, figures, & langage, ordre de leurs discours, & sots termes & manieres de parler, estre pleins de pures refueries & impostures, & auoir esté forgez depuis peu d'annees par gens ignorans de toute la magie vstée entre les anciens, mechans artisans de tout artifice mauuais, d'un mélange d'acunes ceremonies prises de la Religion Chrestienne avec paroles & signes estranges & incongnus, pour effroyer les simples & estourdis, les insensez, & ceux qui n'ont appris les bonnes lettres. Mais nonobstant tout cela il ne s'ensuit pas que ces arts soient fabuleux, & qu'ils ne produisent quelque effect. car s'ils n'estoient point, & que par iceux l'on n'effectuast plusieurs choses admirables, meschantes, & dommageables, ils ne seroyent prohibez tant estroitement & expressément par les loix diuines & humaines, pour estre du tout chasséz & exterminéz de la terre. Or la raison pour laquelle ces Goëtiens ne s'addonnent qu'aux esprits malingz & impurs, est d'autant que les bons Anges ne sont point si priuez, & ne se communiquent si euidentement; car

attendent en toutes choses l'expres
commandement de Dieu, ne hantent
ni frequentent que les gens de bien, de
leur pur & de sainte vie mais les Anges
bons & méchans sont prompts &
faciles à comparoistre estans inuoquez,
faisans beau semblant, promettans fa-
veur, & se transfigurans en esprits di-
vins pour decevoir par leurs ruses les
hommes maladeuisez, & les induire à les
honorer & adorer. Et pour ce que les
femmes sont d'un naturel plus curieux
de sçavoir les choses occultes, moins
prudentes, & plus addonnees aux super-
stitions que les hommes, elles sont aussi
plus tost atrapees, & se rendent les dia-
bles plus faciles, familiers, & traictables
à icelles: parquoy elles font des choses
merveilleuses & prodigieuses, ainsi
que nous lisons de Circe, Medée, & au-
tres mentionnees tant par les Poëtes que
par Cicéron, Plin, Seneque, S. Augu-
stin, & plusieurs autres Philosophes &
Docteurs de nostre Religion Chrestienne,
Historiens, & mesmes par les Escritures
sainctes. Car es liures des Rois l'on lit
qu'une femme enchanteresse, laquelle
habitoit en Endor, fit voir Samuël le

K v

prophete à Saül par ses inuocatiōs, combien que plusieurs croient que ce n'est point Samuël mesme, mais quelque diable qui auoit prins sa forme & ressemblance. Toutesfois les Rabins Hebrieux disent, suivant la doctrine de Goëtiens que c'estoit l'esprit de Samuël le prophete, lequel pouuoit estre rapellé facilement ayant l'an reuolu de son decés & département d'avec le corps. Ce que mesme saint Augustin escriuant à Simplicien ne nie pas estre chose impossible. Avec ce que les Mages Nécromantiens soustiennent que par certaines vertus, liaisons & contraintes naturelles cela se peut faire, dont nous auons touché quelque chose en nos liures de la philosophie occulte. Et par tant les anciens peres experts és choses spirituelles n'ont ordonné sans cause que les corps des defuncts seroyent enterrés en lieu saint accompagné de cierges, arrosés d'eau benite, & parfumés d'encens purgés & recommandés par prieres tant qu'ils demeurent sur terre; Car à ce que disent les maistres Hebrieux tout ce qui demeure en nous de matiere mal disposée de cette chair & de ce corps

animal ou charnel, est delaisſé en pasture
au serpent qu'ils appellent Azazel, lequel
est le seigneur & le maistre de la chair &
du sang, le Prince de ce monde, nommé
au Leuitique Prince des deserts, & au-
quel fut dit au commencement, Tu man-
geras la terre tous les iours de ta vie. Et
en Esaye, La poussiere est ton pain : c'est
à dire que nostre corps créé de la pou-
d्रे est la pasture pendant qu'il n'est point
sanctifié & changé en mieux, en sorte
qu'il ne soit plus au serpent, mais de Dieu
à ſçauoir de charnel rendu spirituel, com-
me dit aussi S. Paul, que ce qui est char-
nel ou sensuel est semé, & ce qui est spi-
rituel resuscitera : & aillieurs que tous
pour certain resuscieront, mais tous ne
seront immués, d'autant que plusieurs
demeureront en proye & pasture perpe-
tuelle au serpent. Nous despouillons ve-
ritablement par la mort celle sale & vi-
laine matiere charnelle, ceste viande du
serpent, en esperance de la reprendre
quelque iour en meilleur estat, à ſçauoir
spirituelle ce qui aduiendra en la resur-
rection des morts. Toutesfois ce la est
desia aduenü à aucuns, lesquels par la
vertu diuine de l'esprit de Dieu ont des

K vj

cette vie a commence à gouter l'échantillon de la Resurrection bien-heureuse, comme Enoc, Elie, & Moyses: les corps desquels n'ont senti la corruption à la façon des autres, & ont esté transmueez en corps spirituels, sans que le serpent y aye sceu rien prendre. Et est cestuy l'estrif que S. Iude dit en son Epistre, que le diable eut avec Michel touchant le corps de Moysse. Or c'est assez dit de la Goëtie & Necromantie.

De la Theurgie. C H A P. XLVI.

Quant à la Theurgie, plusieurs estiment qu'elle n'est point illicite, comme estant regie par les Anges bien-heureux & avec Majesté diuine. Si est-ce toutesfois que souuent elle est suiuite aux tromperies & deceptions du diable, qui se contrefait & separe du nom de Dieu & des Anges: Car non seulement elle se sert des facultez des choses naturelles, mais par certaines obseruations de ceremonies veut que nous puissions attirer les vertus celestes, & par icelles les diuines. Or la plus grand' part de ces ceremonies

consiste à se maintenir propres & nets
de toutes souilleure & immondicité,
d'abord remierement en l'esprit, puis au corps,
& consequemment en tout ce qui sert
au corps & autour d'iceluy, en l'apeau,
aux habits, en l'habitation, aux meubles
& vtenfiles, es offrandes, dons, & sacrifi-
ces: car ils estiment que la mondicité dis-
pose l'homme à contempler la diuinité,
& communiquer à icelle, & que mes-
mes es choses religieuses & saintes elle
n'est grandement requise, allegans ce que
il dit Isaye, *soyez lauz & nets, & otez la*
malice de vos pensees. Mais que les or-
dures infectans souuent l'air & les hom-
mes destournent ces influences celestes,
& dissipent les diuines inspirations tres-
mondes & tres-pures. Toutesfois les ma-
lins esprits & puissances tromperesses
appettent aussi souuent vne telle mon-
dicité, pour ce faire honorer & adorer
comme Dieu: partant il faut bien ouurir
les yeux: & de ce nous auons amplement
traicté en nos liures de la Philosophie
occulte. De ceste Theurgie ou Magie di-
uine Porphyre ayant au long discours
finalement conclud que par Theurgi-
ques consecrations l'on peut preparer

Paine humayne, & la rendre propre à recevoir les esprits angeliques, & à voir les dieux, mais nie du tout que par c'est art elle puisse approcher ny retourner à Dieu. Les escholes d'iceluy sont l'art d'Almadel, l'art notoire, l'art Paulin, l'art des revelations, & semblables traictés superstitieux, qui sont d'autant plus dangereux, qu'ils ont plus d'apparence de divinité à l'endroit des ignorans.

De la Caballe. CHAP. XLVII.



Mais ce propos me fait souvenir des paroles de pline. Il y a, dit-il, vne autre espee & factio de Magiciens, dependas de Moyse & latopée Iuifs. Lesquelles paroles m'admônester de la Caballe iudayque, que les Hebreux croiét fermement auoir est baillee par Dieu mesme à Moïse au mont de Sina, & depuis transmise aux successeurs de pere en fils sans aucune escriture, & enseignee de vive voix seulement iusques au temps d'Esras, ainsi que les preceptes de Pythagoras estoient iadis enseignés par Archippes & Lisades, qui en te-

Enoyent escole à Thebes en Grece, où il
falloit que les escoliers se seruissent de
leur esprit & memoire au lieu de liures,
aprinrent, & retinrent par cœur les do-
cumens de leurs maistres. Aussi certains
Iuifs delaisans l'vsage des lettres establi-
rent ceste science en la memoire & ob-
seruation des choses enseignées de vive
voix, & dont elle print le nom de Ca-
balle lequel denote comme vne doctri-
ne prince & receuë l'un de l'autre par la
seule ouïe. L'art, à ce que l'on dit, est
tresancien: mais quant au nom, il a esté
incongneu iusques au temps plus recents,
qu'il a esté mis en vsage entre les Chre-
tiens. La doctrine & science d'iceluy
est doublement enseignée, ou a deux
parties. L'une dite de Beresith, appelée
aussi Cosmologie: c'est celle qui expli-
que les verrus des choses crees, naturel-
les, & celestes, expose & donne à enten-
dre les secrets de la loy & de la Bible par
raisons philosophiques: laquelle pour
ce regard n'est à mon aduis en rien dif-
ferente à la Magie naturelle, en laquel-
le il est croyable que Salomon fust tres
expert: car nous lisonsés histoires sacrees
des Hebreux qu'il estoit coustumier de

discourir depuis le cedre du Liban ius-
ques à Phisope, plus des cheuaux & be-
stes à quatre pieds, oiseaux, serpents, &
poissons: toutes lesquelles choses peu-
uent porter en elles des vertus magi-
ques. Selon icelle Moyse Egyptien entre
les modernes Hebreux a faict ses expo-
sitions sur les cinq liures de Moyse, & a
esté ensuiuie & imitée par plusieurs
Thalmodistes. L'autre partie de cest art
est appelée de Mercana, traictant des
vertus plus hautes, Angeliques, & diui-
nes, des contemplations des noms & si-
gnes sacrez, presque comme vne Theo-
logie allegorique ou enigmatique, con-
sistant en notes & marques: en laquelle
toutes les lettres, nombres, figures, &
noms, les sommets & coings des lettres
traictés, lignes, poincts & accents deno-
tent & signifient grâds mysteres de cho-
ses tres-profondes & cachees. Ceste-cy
est derrechef par eux partie en deux, à
sçauoir Arithmantie, qui est celle qu'ils
appellent Notariacou, traictant des ver-
tus angeliques, noms, & signes, & aussi
de l'estat & cōdition des ames & esprits:
& Theomantie, qui comprend les my-
steres de la Majesté diuine, & les reuela-

ens & choses procedantes d'icelle, ses
sacres & pentacules: la congnois-
sance de laquelle, ainsi qu'ils afferment,
rend l'homme admirable en vertus, tel-
lement qu'il peut scauoir quand il veut
conuerter les choses futures, commander
la naturelle, exercer pouuoir & iuris-
diction sur les anges & sur les diables, &
faire miracles. Par icelle, croyent que
Moysé fit tant de signes merueilleux trās-
forma la verge en serpent, l'eau en sang, at-
tra en Egypte les grenouilles, mouches,
craux, locustes, & chenilles, y fit descen-
dre le feu & la gresle, affligea les hom-
mes d'ulceres & langueurs, mit à mort
tous les premiers mais des hommes & des
bestes, & conduisant son peuple fit en-
trouuer la mer, fit saillir les eaux du ro-
cher, amena du ciel les cailles, addoucit
les eaux ameres, bailla pour guide à son
armée la nuée de iour, le feu la nuict at-
tra du ciel la voix de Dieu pour la faire
ouyr au peuple, consumma par feu les
orgueilleux, frappa de lepre les murmu-
rateurs, abatit de mort subite, les ingrats;
& fit engloutir par la terre les autres re-
belles, repent le peuple és deserts du
pain du ciel, appaysa les serpents, guerit

ceux qui estoient picqués, & empoisonnés, conserva ceste grande multitude de peuple d'infinies maladies, & maintint leurs habillements entiers par tant d'années en fin la rendit victorieuse de ses ennemis. Par ce mesme art de faire miracles disent aussi que Iosué arresta le Soleil, qu'Elie fit tomber le feu du ciel sur les aduersaires, & resuscita l'enfant mort, que Daniel ferma la gueule des lions, que les trois enfans chantoient dans la fournaise ardante. Bref, les perfides & meschans Iuifs soustiennent que par cest artifice caballiste Iesus-Christ aussi faisoit tant de merueilleuses ceuures, que Salomon pareillement y estoit tressçauant, & que par iceluy il enseigna des coniurations & enchantements contre les diables & leurs liens, & contre les maladies, selon que tesmoigne Ioseph. Quant à moy ie croy que le vray Dieu reuela à Moïse & aux autres Prophetes plusieurs grands mysteres & secrets contenus sous l'escorce de la loy, lesquels il n'estoit besoing de communiquer au commun peuple prophane : mais ie ne doute nullement aussi que cest art de Caballe, dont les Iuifs se parent & se van-

ent, & auquel ie me suis quelquesfois
travaillé & abusé, ne soit autre cho-
se qu'une amas de superstitions: & ne le
cognois que pour Theurgie magi-
que. Car si ainsi estoit, comme les Iuifs
ferment, qu'elle fust procedee de
Dieu pour rendre la vie des hommes
perfecte pour le salut d'eux, pour le
service de sa maiesté, & la congnoissance
de la verité, il est certain que cest esprit
de verité, lequel laissant la synagogue
nous est venu enseigner toute verité, ne
eust pas celée à son Eglise iusques à ces
temps derniers, veu que c'est elle qui
congnoit tout ce qui est de Dieu, la bene-
diction duquel, la purgation qu'il a
faicte de nos pechez & les mysteres de
ses sacremens luy sont reuelez en toutes
langues entre toutes nations. A la verité
celle & semblable vertu est en vn langa-
ge qu'en l'autre, pourueu que la piété &
religion soit de mesme, & n'y a nom ny
vocalable au ciel ny en terre en vertu du-
quel nous receuons salut, ny puissions
ouurer vertueusement, que le nom seul
de Iesus Christ, lequel embrasse & con-
tient toutes choses. Et partant les Iuifs
avec leur grand science des noms diuins

ne font pas grande chose, ou plustost rien du tout, apres Iesus Christ, ainsi que faisoient leurs peres. vieux. Quant à ce que nous voyons que par les reuolutions, qu'ils appellent, de cest art l'on tire sens & interpretations merueilleuses de grands mysteres des saintes escritures, tout cela n'est autre chose qu'un plaisir que prennent gens de sejour & grand loisir à feindre & controuuer des allegories à leurs appetit sur chacune lettre, poincts, & accents: ce qui leur est aisé de faire en ceste langue & façon d'écriture des hebreux: & combien qu'il semble que ce soyent grands secrets, neantmoins ils ne scauroyent rien prouuer, ny conuaincre ceux qui leur voudroyent contredire: & peuuent avec la mesme facilité estre mesprisees & reiectees toutes les choses qu'ils disent, qu'il leur est aisé de les mettre en auant. Vn art presque semblable à esté mis par escrit par Rabanus moine, mais avec caracteres & vers latins accompagnez de diuerses figures, lesquels en quelques sens qu'ils soient tournez & lens au droit des superficies & ligne de chacune figure, sonnent & prononcent certain mystere sacré represen-

ratif de l'histoire qui est peincte illec. Ce qui se peut aussi bien faire & tirer de quelque liure prophane que ce soit, tel-
moins les vers composez par Valeria Proba de nostre Seigneur Iesus Christ recueillis de pieces & morceaux ramassez des œuvres de Virgile : toutes lesquelles choses sont occupations & recherches de gents qui n'ont guere à faire. Pour le regard des œuvres miraculeuses, ie croy qu'il n'y a aucun de si lourd entendement qui vueille penser qu'il y aye art aucun ny science qui enseigne à les faire. Parquoy nous concluons que cette Caballe des Iuifs n'est qu'une superstition trespernicieuse, par laquelle ils recueillent, departent, & transportent ainsi qu'il leur plaist de lieu à autre les paroles noms, & lettres esparces ça & là es escritures saintes & changeant vne chose en vne autre deshoignent & separent les membres & sentences d'icelles, & corrompent la verité, controuuans & songeans là dessus certaines allegories & fixions, certains arguments & discours à leur fantasie, à quoy voulans apliquer la parole de Dieu ils diffament les escritures, donnans à entendre que leurs resueries sont tirées

d'icelles. & par ce moyen publient & infamēt la loy de Dieu pour source de leurs calomnies, erreurs, & infidelitez, lesquelles ils s'essayent de pouuoir & soustenir par certaines supputations forcées & pleines de blaspheme, de mots, de syllabes, lettres, & de nombres.

Estans puis enfléz & enorgueillis de ces bourdes & braueries se vantant de scauoir & pouuoir desconurir les plus hauts & indicibles secrets de la sapience de Dieu, surpassans tout ce qui est contenu es escriptures, voire se font forts de prophetiser & produire oeuvres, vertus, & miracles par cest art, sans rougir ny auoir aucune honte de mentir si audacieusement. Mais il en prend à ces gens ainsi qu'au chien d'esope, lequel voulant mordre l'ombre du pain qu'il portoit en sa gueule, laquelle il voyoit dans l'eau, laissa cheoir & eschapper le pain mesme, & le perdit. Aussi ce peuple perfide & obstiné, pendant qu'il s'occupe aux ombres de l'escriture sainte, & se traouaille autour d'icelles par son artificieuse : mais superstitieuse Caballe, perd le vray pain de la vie eternelle, & se laisse eschapper la parole de verité, qu'il auoit commen-

te à gouter. Du Iudaïque leuain de ce-
ste superstition Caballistique furent in-
fectez & se mirent en auant à mon iu-
gement les Ophites, Gnostiques, & Va-
lentinien heretiques, lesquels avec leurs
sectateurs controuuerent aussi vne espece
de Caballe Grecque, peruertissans tous
les Mysteres de la Religion Chrestien-
ne, & par malicieuse heresie les attirans
à leurs caractères & nombres Grecs,
dont ils construirent vn corps qu'ils ap-
pellerent corps de verité, soustenans que
sans la cognoissance de ces lettres &
notes & de leurs secrets l'on ne peut auer-
r la verité des Euangiles, ny de tout ce
qui est escrit en iceux, attendu qu'il s'y
trouue des diuersitez & quelques repu-
gnances, disent-ils, & en outre sont
pleins de fictions, similitudes ou para-
boles, en sorte que les voyans n'y puis-
sent voir, ceux qui oyent ne puissent
ouyr ny entendre, & sont publiées aux
aueugles & errans selon la capacité de
leur aueuglement & erreur: mais que
sous icelles la pure verité est cachée, or-
donnée, & baillée en garde seulement à
ceux qui sont parfaicts, qui l'enseignent
succisement de main-en main & de vive-

voix, & que ceste là est Palphabetaire
arithmatique Theologie, que nostre Se-
igneur bailla & manifesta secrettement
aux Apostres, & de laquelle S. Paul n'
soit qu'entre les parfaits. Car à cause que
ces mysteres sont treshauts, il n'a esté ex-
pedient de les mettre au long par escri-
& ne faut les escrire en sorte quelcon-
que, mais doiuent estre tenus & gardés en
silence par les sages, lesquels les gardent
bien clos & cachez. Or selon eux ces se-
ges ne sont recognus sinon qu'à bien
sçauoir forger des plus monstrueuses he-
resies.

*Des impostures & illusions dont vsent les ba-
steleurs, & ioueurs de passeffe.*

CHAP. XLVIII.

Mais retournons à la Magie, de
laquelle l'imposture, illu-
sion, ou esblouissement est vn
partie, c'est à sçauoir quand on faict pa-
roistre ce qui n'est pas. Par où les magi-
ciens produisent des phantosmes, & font
plusieurs merueilles, induisans par caute-
leux.

Leux bastelage les hōmes en resueries & songes. Ce qu'ils ne fōt point rāt par Goë-
priques enchantements & imprecations,
ou par diaboliques tromperie, que par
ce moyen de certaines vapeurs de par-
fums, lumières, breuages, onctions,
breuets, & attaches: ou par anneaux,
images, miroirs, & semblables drogues
& instruments magiques, pourueu,
néanmoins de vertu naturelle & cele-
ste, & executent en outre plusieurs cho-
ses par subtilité & industrie des mains,
ainsi que l'on void ordinairement faire
aux basteleurs & ioieurs de passe passe
desquels estoient à ceste cause & sont ap-
pellés Chirosofes, c'est à dire experts
& sçauans à iouer de la main. De cest
artifice se treuent liures escrits par Her-
cules, & quelques autres. Nous lisons
d'un certain imposteur nommé Pasete,
lequel auoit de coustume de faire paroi-
tre vn beau banquet, bi édresse, & four-
ny copieusement de bonnes viandes:
mais quand chacun estoit assis, à table,
soudain faisoit tout esuanouyr, & laissoit
la cōpagnie affamee sans viures ny breu-
age. L'on dit que Numa Pompilius se
mesloit pareillement de cest art. Et que

L

ce grand philosophe Pythagoras faisoit
quelquesfois vne semblable mocquerie
pour rire : il escriuoit dessus vn miroir
ou pourtrayoit avec du sang ce que bon
luy sembloit , lequel estant opposé à la
lune pleine faisoit sembler à ceux qui
regardoyent au reuers d'iceluy , que ces
traicts , figures , ou lettres fussent tracees
dans le rond de la Lune , A cest artifice
est attribué tout ce que l'on lit és poësies
des transformations des hommes , creu
& receu pour veritable entre les histo-
riens & mesmes par aucuns Theologiens
chrestiens , fondés sur quelques passages
des sainctes escritures. Par iceluy on
fait paroistre les hommes en forme de
cheuaux : d'asnes , ou d'autres animaux
aux yeux esblouys & enforcellez , ou par
le troublement de l'air mitoyen , à tra-
uers lequel passent les rais visuels , &
tout par le moyen de choses naturelles.
Quelquesfois telles choses sont faictes
par les esprits & bons & mauuais, ou par
Dieu à la priere des saints personnages,
ainsi que nous lisons en l'histoire sacrée
qu'il aduint lors que l'armee du Roy de
Syrie assiegeoit le Prophete Elisee en
Dothain. Mais ces impostures ne peu-

ient decevoir ceux qui ont les yeux purs
& ouuerts de par Dieu. Partant ceste
femme là, qui sembloit estre iument, &
estoit estimee telle par vn chacun, n'ap-
paroissoit autre que femme à Hilarion
comme à la verité elle estoit. Ces cho-
ses donques, qui ne se font qu'en appa-
rance seulement, s'appellent impostures
& esblouyssements. Quant aux autres
qui se font par vrais changements &
transmutations, comme ce qui est dit de
Nabuchodonosor, & des bleds & mois-
sons attirées d'un champ en vn autre,
nous en auons parlé cy dessus. De cest
art de faire paroistre ce qui n'est point
Iamblichus parle en ceste sorte, Les
choses qui sont imaginees par ceux qui
ont les yeux liés & empeschés par artifi-
ce, osté l'imaginatiue n'ont ou surplus
ny action ny estre aucun veritable: Car
le but où tend cest art est seulement de
faire non simplement que la chose soit
en effect, mais de conduire ce que l'on
s'est imaginé iusques à vne certaine ap-
parence, dont peu apres il ne se trouue
marque ny trace aucune. Or par ce qui
dessus est dit il appert que la magie n'est
autre chose qu'un amas & assemblage

L ij

d'idolatrie, d'astrologie, & superstitieuse medecine. Et partant iadis d'entre les magiciens s'est debâdee vne grande troupe d'heretiques contre l'Eglise de Dieu, lesquels, ainsi que Iannes & Mambres resisterent à Moise, sont opposés à la verité apostolique. De ceux cy fut chef Simon Samaritain, lequel fut honoré d'une statue à Rome, à cause de cest art, sous l'Empereur Claude, avec telle inscription, *au saint Dieu*. Les blasphemes duquel sont copieusement n'arrés par Eusebe, Clement, & Irenee. De ce Simon comme d'une fourmilliere plusieurs aages apres sortirent les monstrueux Ophites, les deshonestes Gnostiques, les blasphemateurs Valentinien, Cerdoniens, Marcionistes, Montanistes, & plusieurs autres especes d'heretiques meus de vaine gloire & d'avarice à semer leurs mensonges contre Dieu, sans faire proffit ny benefice aucun au genre humain, ains deceuans & poussans vn chacun en erreur & ruine. Et pour ce ceux qui s'amusent & croient à leurs ruses & abusions, seront confus en iugement deuant Dieu. Je confesse qu'estant encor ieune ie me suis mis à escrire

trois liures d'assez grand volume de la
magie, que i'ay intitulées de l'occulte
philosophie, esquels tout ce que ie peux
nuoir forfaict par curiosité de ieunesse
je veux bien amender par ceste miene
retractation, Car à la verité i'ay autres-
fois mal employé beaucoup de temps
en ces vanités. Toutesfois i'y ay au moins
tant profité que i'ay appris à sçavoir
dissuader les autres d'y mettre leur estu-
de. Partant quiconque presume de vou-
loir deuiner non par la vertu & selon la
verité de Dieu mais par abus diaboli-
ques & operations des esprits malins :
Ceux qui se vantent de faire des miracles
par vanités de magie, exorcismes, en-
chantements, compositions amoureu-
ses & attrayantes, & autres artifices dia-
boliques, & en exerçant idolatres frau-
duleuses esblouissent les yeux, & font
apparoir des phantomes qui bien tost
apres s'esuanouissent tous ceux là, dis-ie
avec Iannes, Mambres, & Simon le ma-
gicien seront destinés au feu en perpe-
uel torment.

De la Philosophie naturelle.

CHAP. XLIX

OR passons maintenant outre aux decrets & ordonnances de la Philosophie, & discours de ces sciences qui recherchent la nature des choses, & s'enquierent des commencements & fins d'icelles avec arguments pleins de ruse & de cautelle. Desquelles certitude autre que la foy que l'on adjouste aux Auteurs & Docteurs d'icelles, est ignorée d'un chacun. Ceux qui premiers en ont fait profession estoient Poëtes, & entre iceux Promethée, Linus, Musée, Ophée, & Homere, sont remarquez pour en auoir esté les premiers inuenteurs. Pensez doncques quelle verité nous peut apporter la Philosophie, puis qu'elle est issuë des bourdes & fables Poëtiques. Et qu'ainsi soit, Plutarque le tesmoigne, prouuant par certains & euidents indices que toutes les sectes des Philosophes sont deriuées, & ont pris leur commencement d'Homere. Et Aristote mesme confesse que les Philosophes sont naturellement philomytes, c'est à dire amateurs de fables.

Le nombre des sectes est diuersement de-
terminé: car aucuns en comptent neuf, au-
tres dix: mais Varro les diuise en beau-
coup plus de parts, Or quād tous les Phi-
losophes seroient assemblez en vn lieu, si
ne scauroient ils encor s'accorder entre
eux quelle secte doit être estimée la meil-
leure, aux preceptes de laquelle on doit
plustost se tenir, tant sont-ils discordans
en chacun point les vns d'auec les autres,
entretenans & nourrissans ce procez eter-
nellement. Et, comme dit Lactance, cha-
que secte renuerse toutes les autres, pour
se donner lieu & establir ses opinions, &
nulle d'icelles approuue ny recognoit sa-
gesse aucun es autres, de peur que sa
folie ne soit tenue pour cōfessée. Et jacoit
que la Philosophie discoure de toutes
choses, si est-ce qu'elle n'est asseurée ny
bien resoluë de pas vne. Parquoy ie suis
en doute si ie dois assigner rang aux Phi-
losophes entre les bestes brutes, ou entre
les hōmes: car il semble bien qu'ils ayent
quelque chose plus que les bestes, d'au-
tant qu'ils ont quelque discours de raisō
& d'intelligēce. Mais comme les peut on
estimer hōmes, veu que leur raisō ne leur
peut persuader rien de certain & asseuré,

L. iiij

mais balance perpetuellement entre des opinions glissantes & variables. L'entendement desquels incertain & muable en toutes choses n'a à quoy s'arrester, & ne sçait ce qu'il doit suyure ? Ce qu'il nous faut monstrier estre veritable plus amplement.

Des Principes naturels. C H A P. L.



E Premier lieu le fondement de toute la faculté philosophique, qui est assis sur les principes naturels, cause vn debat entre les plus aduises & grades philosophes si aspre qu'il n'a peu iusques à present s'ensuyure aucun arrest ny decision: ains en est encore le procès pèdant, & en sçait on qui d'entre eux à mieux dit, tant sont persuasives & inuicibles les raisons contradictoires qu'ils alleguent. Car Thales Milet, le premier homme qui aye esté estimé sage par l'oracle, soustenoit que de Peau chaque chose prend son commencement. Son disciple & successeur en son eschole Anaximander mettoit infinité de principes. Anaximenes, qui fut

Ion escolier, vouloit que les choses eussent leur origine d'air, lequel il affermoit estre infini. Hipparque & Heraclite Ephesien maintenoient que toutes choses se faisoient de feu, & à ces deux s'accordoit aucunement Archelaus Athenien. Anaxagoras de Clazomene disoit bien que les principes des choses estoient infinies petites parcelles mesles & confuses, mais que le diuin esprit les disposoit & mettoit par ordre. Xenophanes, que de toutes choses estoient vne vanité immobile. Parmenides, que le chaut & le froid estoient les principes, le feu comme donnant mouuement, & la terre formante. Leucipe, Diodore, & Democrite disoient que c'est le plein & le vuide. Diogenes l'affranchi, l'air, pourueu neantmoins de raison diuine. Pythagoras de Samos establissoit le principe des choses au nombre, lequel fut ensuyui par Alcmeon de Crotone. Empedocles d'Agrigent affermoit que c'est amitié & discord avec les quatre elements. Epicure les atomes en place vuide. Piaton & Socrates disoient que c'est Dieu, les idées, & la matiere, Zenocrate, Dieu, la matiere, & les elements: mais Aristote ensei-

gne que c'est la matiere appetant la forme, de laquelle elle est pruee, ou moyennant la priuation, qu'il establit pour troisieme principe, se conterdisant à soy mesme en ce qu'ailleurs il auoit dit que les noms Equiuoques ou ambigues & significans choses de diuerse nature, ne se doiuent compter entre les principes: par quoy ceux qui sont venus apres luy, les nouueaux Peripateticiens, dis ie, au lieu de la priuation assignen assigner vn mouuement qui contraint la forme & la matiere à se joindre, neantmoins estant le mouuement vn accident qui ne peut auoir lieu qu'en la substace, comme peut il estre principe des substances, ou qui sera le moteur de ce mouuement. A ceste cause les philosophes Hebreux ont establis pour principes la matiere, la forme, & l'esprit.

Du monde, de sa pluralité & duree.

CHAP. LI.

Venant apres à disputer du monde, ils sont en pareille controuerse. Thales dit qu'il n'y a qu'un monde, la facture duquel il attribue à Dieu. Empedocles

en met pareillement qu'un, mais que
n'est qu'une petite portion de ce qu'il
appelloit Vniuers. Au contraire Demo-
critte & Epicure maintiennent qu'ils y a
plusieurs mondes, voire sans nombre,
cette opinion desquels est receuë par Me-
trodore leur disciple, affermant qu'il y a
des mondes innombrables, pour autant
que les causes d'iceux sont sans nombre,
& qu'il n'y auroit moins d'absurdité
qu'en l'univers n'y eust qu'un seul mon-
de, que de voir naistre un seul espi en
tout un champ. Parlant apres de sa duree
Aristote, Auerroës, Cicero, Xénopha-
nes disent qu'il est eternal, franc, & exépt
de toute corruption: Car ne pouuant
iceux bonnement entendre & scauoir
(comme dit Censorin) lequel deuoit
estre le premier engendré de l'œuf ou
de la poule, attendu que l'œuf ne peut
estre engendré que d'un oiseau, & l'oi-
seau aussi ne peut sortir que d'un œuf, ils
se sont despestés de ceste difficulté en
establissans vne eternité en ce monde,
disans que le commencement & la fin
de tout ce qui s'y engendre est vne per-
petuelle reuolution, tour, & retour. Py-
thagoras & les Stoïques veulent qu'il

aye esté engendré de Dieu, & que quel-
que iour il sentira corruption en sa na-
ture : avec iceux s'accordent Anaxago-
ras, Thales, Hierocles, Auincenna, Alga-
zel, Alcinous, & Philon Iuif. Mais Plato
soustient que Dieu l'a faict au patron de
soy-mesme, & qu'il n'aura iamaïs fin.
Contre luy, maintient Epicure qu'il pe-
rira du tout. Democrite dit que le mon-
de a esté vne fois engendré, & qu'il pren-
dra fin, sans qu'il soit iamaïs restauré à
iamaïs. Empedocles & Heraclite ensei-
gnoient que le monde n'a pas esté en-
gendré vne fois seulement, mais que
tous les iours il s'engēdre & se corrompt.
Mais parlons d'un seul effect que ces
Philosophes disent proceder principa-
lement de cause naturelle, comme seroit
le tremblement de terre : ont-ils encore
peu d'un commun consentement trou-
uer ce qui en est ? ny d'où il vient ? aussi
peu assurez sont-ils en cela qu'au de-
meurant : car ayant sondé plusieurs cau-
ses, Anaxagoras dit qu'il est causé par le
haut element du feu, qu'il appelle æther :
Empedocles par le feu : Democrite &
Thales de Milet par l'eau ; Aristote,
Theophraste, & Albert par les vents, ou

rapeurs encloses sous terre: Asclepiades
 dit qu'il procede de cheutes ou ruines:
 Ossiadinie, Metrodore, & Calisthenes
 des Parques: Seneque & autres varians
 en opinions se sont en vain trauallez à
 rechercher la cause de cet effect. Partant
 les anciens Romains auoient de coustu-
 me toutes les fois que la terre auoit
 tremblé, & qu'on les en auoit aduertis,
 d'ordonner des festes: mais sans dire à
 quels Dieux, d'autant qu'ils n'auoient
 encor' sceu apprendre par quel Dieu la
 terre estoit ainsi esmeuë, ny par quelle
 puissance elle trembloit.

De l'Ame. CHAP. LII.



VE si nous nous voulons
 enquerir d'iceux, que c'est
 que de l'ame, nous les trou-
 uerons autant & plus dis-
 cordants: Car le Thebain
 Crates croit qu'il n'y a point d'ame, &
 afferme que les corps sont menz & me-
 nez ainsi que nous voyons par la nature.
 Ceux qui ont confessé qu'il y a ame, ont
 opinion que c'est le plus subtil de tous
 les corps, qui est infus ou espars par l'es-

païlleur de ce corps grossier, mais entre eux aucuns maintiennent qu'elle est de feu, comme Hipparque & Leucippe, avec lesquels s'accordent aucunement les Stoyques, disans que l'ame est vn esprit bouillant, & Democrite qui pense que c'est vn esprit remuant & enflammé, meslé parmy les atomes. Autres ont creu que c'est air, comme Anaximenes & Anaxagoras, Diogenees le Cynique, & Critias, ausquels se joint Varro, disant que l'ame est vn air receu par la bouche eschauffé & fait bouillir aux poulmons rempé par le cœur, & espars par tout le corps. Autres disent que c'est vne substance acqueuse, ainsi que Hippias. Autres terrestres, comme Hesiode & Protopides : ausquels consentent en certaine façon Anaximander & Thales, tous deux concitoyens de Mile. Autres afferment que c'est vn esprit meslé de feu & d'air, comme Boëtes & Epicure. Autres, vn meslange d'eau & de terre, comme Xenophon. Autres, de terre & de feu, comme Parmanides. Autres disent que c'est vn esprit de sang, comme Empedocles & Circias. Autres, vn subtil esprit espandu par tout le corps, ainsi qu'

Medecin Hipocrates. Autres, la chair
oyennant l'exercice & operations des
sens, comme Asclepiades. Plusieurs ont
l'opinion que l'ame ne soit point ce
corps mince & menu, ains certaine
qualité & complexion esparse par les
parties corporelles, ainsi que Zeno Ci-
cique & Dicearque, lequel definit l'ame
estre vn embrasement & assemblage
des quatre elements : & Cleanthes, An-
tipater, Possidoine, disans que c'est vne
chaleur ou complexion chaude, à quoy
s'accorde Galien le Medecin. Il y en a
eu d'autres qui ont estimé que ce n'e-
stoit cette qualité ny complexion va-
gante, ains vne adresse & rapport d'i-
celle à vn certain poinct estably en
quelque endroit du corps, comme le
cœur ou le cerueau, & que de là com-
me de son siege elle regit tout le corps:
du nombre desquels est Chrysippe, Ar-
chelaus, & Heraclite de Pont, lequel
a appellé l'ame lumiere. Outre plus il
s'en est trouué d'autres, qui ont donné
plus de liberté à l'ame : car ils n'ont vou-
lu que ce poinct, but, ou adresse fust
resident en aucune partie determinée
du corps, ains present & tout vny en

chacun membre, lequel, ou soit engendré par la complexion susdite, ou soit que Dieu l'aye créé, est neantmoins tiré du sein de la matiere : & de ceste opinion ont esté. Xenophanes de Colophon, Aristoxenes, & Asclepiades medicin disant que l'ame estoit vn commun exercice de tout le sens, & Critolaus peripateticien, qui dit que c'est vne quinte essence, & Thales de Milet vne nature le mouuant sans repos, & Xenocrates, qui l'appelle vn nombre qui se meut, lequel est suiuy par les Egyptiens qui afferment l'ame estre vne certaine vertu passant & repassant à trauers tous les corps, & les Chaldeens disent que c'est vne faculté & vertu n'ayant aucune certaine forme de soy, mais qui reçoit toutes celles des autres choses estans cependant tous d'accord en ce point, que l'ame soit vne puissance & faculté prompte & habille à mouoir ou bien vne exquisite harmonie & accord des parties & membres corporels dependant toutes fois de la nature du corps : & mesme ce demoniaque d'Aristote ensuit les traces de ceux cy appellent l'ame par vn vocable nouveau &

Il luy controuuë à sçauoir Endelechie,
qui denote vne perfection d'un corps
naturel pourueu d'organes & instru-
ments appropriez pour pouuoir auoir
la vie, donnant à iceluy le commencement
d'entendre, de sentir & de soy mou-
uoir.

Voilà la belle definition que le meilleur
plus approuuë philosophe donne à
l'Âme, laquelle ne declare nullement son
essence ou nature, mais seulement ses ef-
fects. Bref, outre ceux cy il y a eu d'au-
tres philosophes qui ont eu opinion que
l'Âme estoit vne certaine diuine substan-
ce vnice & indiuisée, presente en tout le
corps, & en chacune parcelle d'iceluy,
roduitte par vn auteur exempt de corps,
qui ne depend que d'elle despend seulement de
la vertu de celuy qui la pousse, & non de
la matiere. De laquelle opinion ont
esté Zoroastre, Hermes, Trismegiste,
Orphee, Aglaophemus; Pythagoras,
Numenius, Hammon Plutarque, Porphy-
re, Timée, Locie, & Platon, que l'on
appelle le diuin, lequel dit que l'Âme est
une essence soy mouuante elle-mesme,
pourueuë d'entendement. Eunome
quelques s'accordant partie avec Ari-

Aristote, definit l'ame estre vne substance
sans corps, faicte neantmoins dans v
corps : sur laquelle definition il a apre
basti le surplus de sa doctrine. Cicero
Seneque, & Lactance, disent franche
ment que l'on ne peut scauoir que c'e
que l'ame. Or voyez vous comme il
sont discordans touchant l'essence d
l'ame, mais ils ne sont non plus d'ac
cord du lieu & endroit où elle gist &
reside, ains sont si differents entre eu
que c'est vne mocquerie : Car Hippoc
rates & Herophile la logent dans le
concauités du cerueau ou ventricules
Demoncrites luy assigne tout le corps
Erasistrate dit qu'elle est autour de l'ey
raye qui couure le test, qu'il appell
membrane epicranide : Strato en l'entre
deux des sourcils : Epicure en toute la
poitrine : Diogenes en la concauité du
cœur, d'où part l'artere : les Stoïque
avec Chrysippus entour le cœur, &
l'esprit qui hanie autour d'iceluy : Em
pedocles au sang, l'opinion duquel est
confirmée par Moïse, lequel semble pou
cette raison defendre de manger le sang
des animaux, pour ce que l'ame gist en
iceluy Platon & Aristote, & les autres

principaux philosophes disent quelle
est en tout le corps. Mais Galien pense
que chaque membre & parcelle du corps
a son ame particuliere : car voyla ses
propos au liure de l'vtilité des parties :
plusieurs sont les parties des animaux,
les vnes plus grande, les autres moins,
aucunes totalement indivisibles
quelque autre espece que ce soit. Or
toutes & chacune de ces parties sont
necessairement à l'ame, d'autant
que le corps est l'organe & instrument
d'icelle, & pource les parties des animaux
sont fort diuerses entre elles, ainsi que
sont les ames. Je ne dois oublier de mettre
icy l'opinion de Beda Theologien,
lequel escriuant sur S. Marc dit ainsi,
Le siege principal de l'ame n'est point,
comme dit Platon, au cerueau : mais,
selon que dit Iesus-Christ, au cœur.
Quant à la duree de l'ame, Democrite,
& Epicure tiennent, qu'elle meurt avec
le corps Pythagoras & Plato afferment
qu'elle est du tout immortelle, & que
ayant laisse le corps elle s'en va & passe
aux natures qui sont de mesme elle. Les
Stoiques tiennent entre l'un & l'autre
opinion la moyenne, & disent que

l'ame estant sur le poinct de partir du corps, si elle ne s'est esleuée par aucunes vertus en cette vie, en sorte qu'elle se trouue infirme, elle meurt avec iceluy ? Mais si elle est façonnée & soustenuë par vertus heroyques, elle est accompagnée avec les natures permanentes, & peut paruenir aux lieux & domiciles sublimes & celestes, Aristote dit que certaines parties de l'ame, lesquelles ont leurs sieges & assiettes corporelles, d'autant qu'elles sont inseparables d'auec icelles, meurent quant & quand : Mais que l'entendement, qui n'est assigné à aucun organe ou instrument corporel, est separé de ce qui est corruptible, comme estant perpeuel dont toutesfois il parle si obscurément ou si peu clairement, que ses interpretes en demeurent irresolus, & en sont encor en dispute. Alexandre Aphrodisien dit ouuertement qu'il a eu opinion que l'ame fust mortelle, & Gregoire Nazianzene entre les nostres est de mesme aduis. Contre iceux Platon, & des nostres Thomas d'Aquin combattent pour Aristote, & disent qu'il sentoit tres-bien de l'immortalité de

me. Finalement Auerroës cet excellent commentateur d'Aristote, pense que chaque homme est pourueu d'une ame propre, laquelle est perissable & mortelle, mais que l'entendement ou faculté intellectuelle est de toutes parts eternelle, toutesfois que ce n'est qu'une seule ame accompagnant toute espece humaine, de laquelle vn chacun prend l'usage durant qu'il vit: mais Theophraste dit qu'Aristote a estimé qu'il y a vn seul esprit agissant ou mouuant, mais que ce qui est capable est de plusieurs ames, & que l'un & l'autre est perpetuel. Auantage ces Philosophes ont si bien couru, qu'ils ont induit les Theologiens Chrestiens à disputer par contrarietez de l'origine de l'ame. Entre lesquels auantiers ont eu opinion quelles ont esté toutes créées dès le commencement du monde: & de ce nombre est Origene Pres-docte entre iceux.

S. Augustin dit que l'ame de nostre premiere pere d'origine celeste estoit plus ancienne que le corps, & que l'ame contemplant & cognéu propre domicile pour executer ses vertus & facultez, elle fut meue volontairement à le de-

litter: combien qu'il en parle assez douteu-
sement, sans Poser affermer pour chose
veritable.

Autres ont creu que l'ame se prouigne
& que l'une passe en l'autre, & que les a-
mes sont engendrées des ames, tout ainsi
que les corps; & de cet aduis fut l'Euesque
de Laodicée. & Tertullien, Cyrille, &
Luciferien: contre l'Herésie desquel-
sainct Hierosme dispute. Autres croyent
que les ames sont créées de Dieu de iour
en iour, auxquels se joint Thomas d'A-
quin, se fortifiant de cet argument Peri-
patetique, à sçauoir, Qu'estant l'ame
celle qui donne la forme & l'estre au
corps, elle ne doit estre créée à part
mais avec le corps: & de cette opinion
sont à present tous les Theologiens, &
scholastiques nouveaux. Je laisse les de-
grez des ames, leurs montées & descentes
mises en auant par les Origenistes
mais nullement prouuées par les sainctes
Escritures, ny accordantes à ce que l'E-
glise Chrestienne en enseigne. Bref, il
ne faut penser de trouuer ny entre les
Philosophes ny entre les Theologiens
aucune certitude touchant l'ame: Car
epicure & Aristote l'estiment mortelle,

Pythagore l'a faict pourmener & tournoyer : & y en a (ainsi que dit Petrarque) qui la restraignent en leurs corps, autres qui dépendent par tous les animaux, autres qui dépendent au Ciel, aucuns la bannissent aux extrémités de la terre, aucuns la chassent aux enfers, aucuns la nient tout à fait. Il y en a qui pensent que chaque âme soit créée à part, autres toutes ensemble.

Il s'est trouué Averroës, qui a osé dire choses plus merueilleuses : car il établit l'unité de l'ame intellectuelle. Les manicheens, hérétiques, ont maintenant dit qu'il n'y a qu'une seule ame en tout l'univers, dispersée par tous les corps, tant ceux qui ont vie, que ceux qui en sont privés : mais que ceux-cy, qui nous ressemblent estre sans ame, en participent moins que les autres que nous voyons animées : & sur tout que les corps celestes en tiennent copieusement : & concluent que l'ame d'un chacun n'est qu'une portion de l'ame universelle.

Plato à la vérité met bien une ame en l'univers, mais en assigne aussi à chacun particulier une autre, comme estant l'univers séparément animé par sa pro-

pre ame, & pareillen ent chaque corps
nimé par la sienne à part. En outre, au-
cuns ont maintenu qu'il n'y a qu'une e-
pece d'ames, autres en ont estably deux
à sçavoir vne raisonnable, & vne autre
priuée de raison: autres en ont constitu-
plusieurs, voire d'autant de sortes qu'il
a d'espece d'animaux. Galien, Medecin
non seulement assigne diuerses ames, se-
lon la diuersité des especes, mais met plu-
ralité d'ames en vn mesme corps.

Il y en a qui estiment deux ames estre en
l'homme, l'une sensitiue procedant de ce-
luy qui engendre, l'autre intellectuelle
venant du Createur: entre lesquels es-
Occan Theologien. Plotin met differen-
ce entre ame & intellect, & dit que ce sōt
deux choses, auquel s'adjoit Appolli-
naire. Aucuns n'admettent point cette
distinction: mais disent que l'intellect
est la principale partie de la substance de
l'ame. Aristote a opinion que l'hom-
me est seulement creature capable de
pouuoir entendre, mais que l'intelligen-
ce actuelle luy vient d'ailleurs, & que
l'intellect ne communique rien à la natu-
re & essence de l'homme, mais sert seule-
ment

ment à la perfection de cognoistre & compléter. Partant afferme que peu d'hommes se trouuent qui ayent intellect de fait & actuellement, & que les seuls Philosophes ont ce don. Il y a aussi vne grande controuuerse entre les Theologiens, sçavoir si les ames ayans laissé leurs corps retiennent encor quelque memoire ou sentiment des choses qu'ils ont laissées ou faictes en ce monde, ou bien si elles en oublient & perdent toute cognoissance, ainsi que les Thomistes avec leur Aristotele, afferment & maintiennent assurement, & les Chartreux en amènent vn exemple de ce Docteur de Paris, qui remonta des enfers, lequel interrogé de ce qu'il luy estoit demeuré de son sçauoir, respondit qu'il ne sçauoit autre chose que peine & travail, proferant ce que dit Salomon, qu'il n'y a raison, sçauoir, ny richesse aux Enfers, par où il leur sembloit conclurre qu'il ne demouroit aux morts plus ancienne cognoissance. Ce qui est non seulement contre ce qu'affirme Plato, mais aussi repugnant à l'Escripture sainte, laquelle tesmoigne que les pecheurs verront & cognoistront qu'il y a vn Dieu, & qu'ils rendront compte.

M

tant de leurs faicts & œuvres, que mesmes de leurs paroles infructueuses & inutiles.

Plusieurs se trouuent aussi qui ont bien osé escrire & faire rapport des apparitions des ames des trespassez, & mettre en auant choses contraires à la parole de Dieu & articles de nostre foy. Et combien que l'Apostre prononce haut & clair qu'il ne faut point croire mesme à vn Ange du Ciel s'il met en auant autre doctrine que ce qui est escrit : l'Euangile est neantmoins en si peu d'estime & de reuerence à l'endroit de ceux-cy, qu'ils s'arrestent plustost à ce que leur raconte vn mort, qu'ils ne seront aux Prophetes, à Moïse, aux apostres & Euangelistes. C'estoit l'opinion & doctrine de ce mauvais riche enseveli aux enfers, lequel pensoit que ses parens & amis, qui viuoient au monde, croiroient si on leur enuoyoit quelque mort qui leur fist foy de ce qu'il faloit qu'ils crussent: auquel Abraham en l'Euangile contredit, disant, que s'ils ne croyoient à Moïse & aux Prophetes, qu'ils ne croiroient non plus à aucun des morts qui leur pourroit estre enuoyé. Toutesfois ie n'oserois du tout nier les

indictes, apparitions, admonitions, & re-
velations des morts: mais i'aduertis le le-
ueur de les auoir pour grandement sus-
pectes, car Sathan souuent sous ce mas-
que se transforme en Ange de lumiere &
en facon d'ame, partant ne faut establir
article de foy en ce qui vient de ce costé
, mais s'il y a chose qui puisse edifier,
on s'en peut seruir ainsi que des autres
choses qui se trouuent hors les escritures
canoniques, & és liures que l'on appelle
pocriphes.

De ces bourdes ont esté publiez plu-
sieurs liurets & traictez fabuleux, com-
me Tondal, & celuy qui est intitulé, Le
consolateur des ames, & semblables, par
les comptes desquels aucuns prescheurs
ont de coustume de faire peur au sot &
ignorant populaire, d'où ils tirent touf-
ours quelque bribe. Il n'y a pas long-
temps qu'un certain protonotaire Fran-
çois, homme de mauuaise conscience, &
imposteur, escriuit vne semblable sornet-
te d'un esprit Lionnois. Entre ceux qui
ne sont du tout à blasmer ont escrit de ces
choses Daffianus & Iacques de Paradis
Chartreux, mais tout sans fondement as-
suré en verité, ny aucune sapience

M ij

exquise : & ne se trouue en toutes ces apparitions & reuelations de chose qui puisse engendrer ny maintenir vraye charité , ny adresser l'homme au salut de son ame , ains seulement quelques aumosnes, pelerinages, prieres, oraisons , ieufnes, & semblables œuures religieuses & communes , lesquelles toutesfois sont beaucoup mieux à propos, & plus salutairement enseignées par la doctrine Euangelique, & commandées en l'Eglise.

Or nous auons assez amplement escriu de ces apparitions au dialogue que nous auons inscrit de l'homme, & és liures de la Philosophie occulte : mais reuenons aux philosophes. Tous les Ethniques qui ont eu opinion que l'ame soit immortelle , ont aussi tous receu d'un commun consentement la transmigration d'icelle de corps en corps, voire logeant souvent l'ame raisonnable és corps des bestes irrraisonnables & des plantes , à certains temps & périodes, ou ainsi qu'il peut aduenir autrement. Desquelles transmutations Pythagoras fut le premier auteur , dont Ouide chante ainsi en ses transformations:

Les âmes sont de telle qualité,
 que leur cours tend à immortalité:
 en laissant leurs demeures premières
 à aller toujours elles sont coutumieres
 en nouveaux corps, où elles sont reçues.
 Car moy sont bien ces choses apperceues.
 me souuiant encor que j'estois
 comme Euphorbe, & que ie combattois
 pres d'Iliou en la guerre ancienne
 des Grecs armés contre la gent Troyenne,
 ou Menelaë adonc me rencontra,
 et de son fer mortel me penetra.
 J'ay reconnu mon vieil bouclier encor
 N'a pas long-temps dedans Argos, ou ores
 on le peut voir dans le temple sacre
 Et en l'honneur de Iuno consacré.

Plusieurs autres choses ont esté escri-
 tes de ceste transmigration Pythagorique
 par Timon, Xenophanes, Cratin, Aristo-
 phon, Hermippus, Lucien, & Diogenes
 Laërce: mais Iamblichus & plusieurs au-
 tres avec Trismegistement que les âmes
 passent des hommes és bestes, ny des be-
 stes aux choses qui n'ont point de senti-
 ment: mais disent & accordent que celles
 des hommes passent és hommes, & celles

M. iij

des autres animaux és animaux brutes
seulement. Et y a eu des Philosophes, du
nombre desquels est Euripides compa-
gnon d'Anaxagoras, & Archelaus le na-
turaliste, & depuis Auicenne, qui disent
que les premiers hommes ont esté pro-
duicts de la terre ainsi que choux, en ce
encor plus ridicules que ne sont les Poë-
tes qui feignent, qu'il y en a eu aucuns
qui ont esté semez de dents de serpents,
qui ont germé. Pyrrho Elie n'en mesmes
qu'il y aye eu aucune generation: & Zeno,
aucun moment,

De la Metaphysique.

CHAP. LIII.



Ais passions avant aux au-
tres sciences, & donnons à
congnostre que les Philo-
sophes ne débattent point
entre eux seulement de ce
qui se void en nature, mais aussi des
fictions de leurs cerueaux, & des choses
qui ne sont appuyées sur aucuns prin-
cipes, & dont il n'y a certitude si elles
sont ou non, lesquelles ils pensent auoir

être sans corps ny matiere, & sont nom-
mées par eux formes separées.

Lesquelles, pour autant qu'elles ne sont
de nature, mais l'outrepassent, comme
ils pensent, sont appellees methaphy-
siques. De là est parti si grand nombre
d'opinions contraires l'une à l'autre non
moins lourdes que pleines d'impiété
touchant la diuinité. Car Diagoras de
Milet & Theodore Cyrenéen ont main-
tenu fort & ferme qu'il n'y a aucun
Dieu. Epicure confessoit bien qu'il y a
un Dieu, mais sans soing ny cure de ce
qui se fait ça bas. Protagoras disoit que
l'homme ne pouuoit sçauoir en sorte aucune
s'il est ou non. Anaximander pensoit
qu'il y eust des dieux naissans & mou-
rans par longs interualles. Xenocrates
comptoit huit Dieux.

Antisthenes en croyoit plusieurs vulgai-
res, mais disoit qu'il y en auoit vn seul
naturel, souuerain ouurier de toutes cho-
ses. Or s'est il trouué plusieurs d'entre
eux saisis de telle forcennerie, qu'ils se
sont forgés de leurs propres mains des
dieux, à fin de les adorer ainsi que la sta-
tue de Bel en Assirie: lesquels dieux façõ-
nés de main d'homme, c'est merueille cõbié.

M iij

ils sont exaltés & magnifiés par Her-
mes Trismegiste en son dialogue d'Es-
culape. Quant à l'essence diuine, Thales
Mileisien disoit que Dieu est vn esprit
lequel a formé toutes choses d'eau:
Cleonthes & Anaximenes que l'air est
Dieu : Chrysippus que c'est vne vertu
naturelle pourueüe de raison, ou bien
vne diuine necessité : Zeno vne loy di-
uine & naturelle: Anaxagoras vn esprit
infini se mouuant soy mesme: Pythago-
ras que c'est vn esprit esparts sur tout ce
qui est en nature, cheminant & passant
par tout, duquel, toutes choses prennent
vie: Alcmeon de Crotonne disoit que le
Soleil, la Lune, & les autres estoiles
estoyent dieux: Xenophanes affermoit
que tout ce qui a estre est Dieu: Parme-
nides posoit au lieu de Dieu vn certain
rond plein de lumière, qu'elle appelle
Stephane, c'est a dire Couronne: & A-
ristote, comme si par le mouuement
des dieux on pouuoit estre à plein in-
formé de Dieu, s'est forgé de la nature
d'iceux des Dieux, & partant attribue
diuinité ores à l'esprit, ores à l'ardeur
du ciel: En vn endroit il dit que le mon-
de est Dieu, en autre il met quelque au-

le Dieu par dessus le monde, lequel
par mesme inconstance est suyui par
Theophraste. Je passe ce qu'en ont dit
Pyrrato, Perse, Aristo disciple de Zeno,
Plato, Xenophon, Speusippus, Demo-
critte, Heraclides, Diogenes Babylonien,
Hermes Trismegiste, Ciceron, Seneque,
Pline, & autres, les opinions desquels
ne sont toutesfois guere esloignees
de celles que nous auons recitees cy des-
sus. Je pourrois faire icy vn recit de
plusieurs autres leurs contentions, &
des prodiges de paroles d'ont ils vsent
comme des idees, des atomes, des ma-
tiieres, de la forme, du vuide, de l'infini:
de l'eternité, de la destinee, des voix
tout vniuerselles, qu'ils appellent trans-
cendantes, de l'introduction des for-
mes, de la matiere du ciel, si les astres
sont de matiere elementaire, ou bien
faicts d'une quinte essence introduite
par Aristote, & de semblables choses
autour desquelles les hommes insensés
exercent leur manie par opinions, dou-
tes & contentions. Par où il me semble
deuoir estre euident & prouué, que les
Philosophes ne scauent où ils en sont
& sont du tout discordans touchant la

verité des choses , & que ceux qui approchent plus près de leurs traditions, s'esloignent d'autant plus de la verité & de la religion catholique.

A ceste occasion nous scauons que Jean vingt-deuxieme euesque de Rome se desuoya , se persuadant que les ames des bien heureux ne verroyent la face de Dieu auant le iour du iugement , que Iulien l'Apostat delaisa Iesus Christ non pour autre raison qu'estant par trop studieux de la philosophie il auoit en mespris la simplicité de la doctrine de la foy Chrestienne, & s'en mocquoit. Par mesme cause Celse, Porphyre, Lucien, Pelage, Arrien, Manichee, Auerroës, & plusieurs autres se sont mis à abboyer comme chiens enragés contre Iesus-Christ & son eglise. D'où est procedé le prouerbe vulgaire, que ceux qui sont plus grands philosophes sont les plus grands heretiques.

et sainct Hierosme les appelle patriarches des heretiques, premiers nais d'egypte, & porres de Damas: ce qui n'est que trop veritable. Car tout tant qu'il y a iamaïs eu d'heresies, ont bouillonné de la philosophie comme de leur propre force,

Car icelle la Theologie à esté presque
toute faïssiee & abastardie, & ont esté
deceus des faux prophetes, des hereti-
ques, en somme des philosophes au
dieu des docteurs Euangeliques, lesquels
ont égalé les inuentions humaines à
l'expresse parole de Dieu, ont triom-
phé & dit merueilles en matiere des
preigles & enseignements humains, &
comme dit Gerson: ont reduite la pure
& simple Theologie en sophisteries
pleines de babil, & en vne chimere ma-
thematique. Ce qui estant preueu par
l'Apostre saint Paul nous a en tant d'en-
droits admonestés de nous donner
garde d'estre pillés & deceus par la Phi-
losophie. Sainct Augustin munit sa Cité
de Dieu & la defend contre icelle: & les
autres saints Peres, & presque tous les
bons Theologiens ont esté d'aduís de le
reiecter au loing de leurs escholes, &
en desraciner du tout. Ce qui a esté
faïet & executé aussi par les mesmes
payens, dont nous n'auons faute d'ex-
emples. Car les Atheniens condam-
nerent à mort Socrates pere de la phi-
losophie. Les Rommains chasserent de
leur ville tous philosophes. Les Messe-

niens & Lacedemoniens ne les voula-
rent oncques recevoir ny souffrir par-
my eux. Derechef sous l'Empire de Do-
mitien ils furent bannis de la ville de
Rome, & de toute l'Italie. L'on void
encore vn arrest du Roy Anthiochus,
contre la jeunesse qui s'amusoit à Phi-
losopher, & leurs peres qui les y pouf-
soient & le leur permettoient. Et n'ont
esté condamnez & deschassez seulement
par les Rois & Potentats, mais pareille-
ment reprouuez par les hommes doctes,
& pour suivis par leurs liures & escritu-
res, entre lesquels est Timon Philiasien,
qui composa l'œuvre intitulé Syllos en
derision des Philosophes. Aristophanes
l'un d'entre-eux, qui a escrit la Comedie
intitulée Nubes, & Dion Prusien, le-
quel fit vne oraison eloquente au pos-
sible contre les philosophes. pareille-
ment Aristides a escrit contre platon
pour quatre grands personnages Athe-
niens, vne oraison tres-eloquente. Et
des Romains Hortense, homme de tres-
noble race & tres-loquent, a combat-
tu les philosophes par viues & fortes
raisons. Mais c'est assez dire de la phi-
losophie.

De la Philosophie Morale.

CHAP. LIII

AV surplus, s'il y a quelque philosophie ou discipline qui traite des mœurs (ainsi qu'aucuns croyent) j'estime qu'elle ne consiste point tant en raisons philosophiques, qu'en diversité d'usage, de coustume, d'observations, de commune conversation, & de maniere de viure d'entre les hommes: desquelles choses se changent, selon que les lieux, les temps, & les poinions diverses le requierent. En somme, c'est vne philosophie que les menaces ou les flatteries & amadoüements enseignent aux enfans, les loix & les chastiments d'icelles aux plus grands, où plusieurs choses sont mises en avant par l'industrie naturelle des hommes, qui ne peuvent estre enseignées, & puis apres avec le temps & par long usage & commun consentement sont receuës & retenuës, soit à droit ou à tort, soient bonnes ou mauvaises. Parquoy souvent il aduient

que ce qui en vn temps aura esté trouué mauuais & vicieux, sera en autre estimé bon & de vertu: & ce qui est vertu en vn lieu, ailleurs, est estimé vice: ce que l'un trouue honneste, semble l'autre deshonneste: ce qui est iuste à nostre aduis, au iugement d'une autre sera iniuste, selon la diuersité des opinions & des loix, des lieux, du temps & des personnes.

En Athenes il estoit permis à l'homme d'espouser sa propre sœur: ce qui estoit illicite à Romme, Iadis entre les Iuifs au iourd'huy entre les Turcs l'on peut auoir plusieurs femmes espousées, & avec icelles des concubines: à present entre nous Chrestiens cela n'est pas seulement defendu, ains est reputé crime detestable. En Grece on tenoit pour chose louable d'estre aymé des ieunes hommes: & n'estima l'on onques mal seant aux hommes ny aux femmes de se montrer sur vn eschafaut pour iouer son rolle és Comedies, & donner plaisir & passe-temps au peuple: mais à Romme cela estoit estimé infame, & vn exercice de gens de basse & vile condition & du tout sans honneur. Au lieu de cela à

omme ils ne trouuoient point imper-
ment de mener leurs femmes és ban-
quets , & grandes assemblées , & leur
fre hanter & tenir les plus honnora-
les lieux en la maison & principaux
membres : ce qui estoit du tout reprou-
entre les Grecs : Car les femmes ne
trouuoient iamais en banquet sinon
entre parents , & n'estoyent veuës qu'és
eux plus retirez & cachez au dedans
des maisons , où personne n'auoit accez
que les parents plus proches. Le larcin
estoit exercice honorable entre les Egy-
ptiens & Lacedemoniens. En ces pays
nous enuoyons au gibet ceux qui y sont
surprins.

Iulius Ermicus, en ses discours astrolo-
giques, qu'il escrit à Lollianus , dit que
aucunes nations sont tellemēt faconnées
par les cieux, que l'on les peut remarquer
d'entre les autres a certains mœurs & fa-
çons propres & particulieres. Les Scy-
thes ou Tartares brigandent avec cruel-
le & farouche inhumanité. Les Italiens
ont esté de tout temps apparens entre les
autres par vne royale noblesse : les Gau-
lois sont simples & sots : les Siciliens ru-
ses : les Espagnols aduantageux & har-

dis en vanterie : les peuples d'Asie fondus en volupés & toutes superfluités. Et est chaque nation diuisee en mœurs & façons par la nature & d'en haut, en sorte que l'on peut aisément congnoistre de quelle region ou pais est l'homme, à la voix, au parler & discours, au iugement, à la conuersation, au viure au negotier, aux amours, aux querelles à la cholere, à la guerre, & en tous exercices.

Qui est celuy qui verra vn homme marcher en coq, d'un pas comme s'il vouloit combattre, avec vne face esgarée, vne voix bouine, vn parler aspre & rude, de mœurs farouches, habillé dissolument avec force dechiqnetures, qui ne iuge soudain que c'est vn Allemand? Ne congnissons nous pas les François à leur marcher moderé, leurs contenances molles, visage gracieux, douces voix, parler agreable, façons modestes, & leur large & ample habillement. Les Espagnols à leur marcher, mœurs & gestes plaisantes & gaillardes, visage esleué, voix plaintiue, paroles elegantes, hait curieux cōme aussi nous voyons que les Italiens ont vn marcher aucunement pesant, sont graues

omœurs, inconstans en visage, ont la
voix basse, le parler ambigu & captieux,
signifiques en leur façons de faire, &
propres en habits.

Encore nous sçauons aussi pareillement qu'en
tantant les Italiens bestent, les Espa-
gnols gemissent, les Allemans hurlent, les
François chantent vrayement. Au parler
et discourir les Italiens sont graues, mais
sçus : les Espagnols ornés, mais van-
s : les François prompts & hautains :
les Allemans durs, mais ronds & simples.
En conseil l'Italien est prudent & adui-
s : l'Espagnol : le François
otourdi : l'Allemand utile & profita-
ble. En son viure l'Italien est net & pro-
pre : l'Espagnol delicat, le François co-
sieux & abundant : l'Allemand sans or-
re ny artifice quelconque, Les Italiens
ont officieux & humains enuers les
strangers : les Espagnols doux & payfi-
bles : les François benignes : les Allemans
rustiques & sans accès. Au conuerser
les Italiens sont prudents ; les Espagnols
cauts & fins : les François doux & amia-
bles : les Allemans aduantageux & in-
supportables. Es amours l'Italien est en
continuelle ialousie : l'Espagnol impa-

vient : les François legers : les Allemands
 ambitieux. Et inimitiez l'Italien est cou-
 uert : l'Espagnol obstiné : le François
 plein de menaces : l'Allemand se vang-
 sans remission. En maniemens d'affai-
 res les Italiens sont accorts & soigneux
 les Allemands de grand travail : les Es-
 pagnols vigilans : les François diligents
 A la guerre l'Italien est vaillant, mais
 cruel : l'Espagnol ruzé, mais larron
 l'Allemand in humain, & à qui plus luy
 donne : le François magnanime, mais
 soudain & hastif. En somme les Italiens
 sont remarquables pour les lettres : les
 Espagnols pour la navigation : les Fran-
 çois en civilitez : les Allemands en reli-
 gion, & à cause des arts mechaniques.
 Et à chaque nation, pour petite qu'elle
 soit, soit civile & bien apprise, ou bar-
 bare, ie ne scay quoy de particulier en
 ses mœurs & façons de faire, qui la rend
 differente des autres, & qui ne se peut
 assigner ny comprendre sous aucune
 partie de la Philosophie, ains luy vient
 des influences celestes, & par vertu na-
 turelle, dès leur origine, sans aucune
 discipline humaine. Mais dressons no-
 stre propos à ceux qui nous ont baillé

regles de ces choses, & les ont voulu recevoir en art. Ceux cy, à la verité, ont faict nostre endroict ce que fit le serpent aux premiers hommes : car ils nous ont fillé vn fruit, au goust & vsage duquel nous apprenons à cognoistre le bien & le mal.

Voila la premiere de leurs pestilencieuses opinions, à sçauoir que l'on ne doit connoître le bien & le mal, estimants que les hommes par cela suivront mieux la place de vertu, & eviteront celle du vice. Mais combien plus seroit-il requis, non seulement de ne faire point de mal, mais de sçavoir le bien & le mal, & l'apprendre? Qui est celuy qui ne sçait que ce fut le commencement de nos malheurs, lors que nos premiers peres yrirent enuie de sçavoir que c'estoit le bien & de mal, & l'apprirent? Mais ils ne seroient aucunement excusables si les Philosophes de cét erreur, si au lieu de nous enseigner la vertu, & sous le voile d'icelle, il ne nous produisoient & enseignoient bien souvent des vices detestables, & maux tres-pernicieux.

Or les sectes de ceux qui ont traicté de cette Philosophie ethique, ou Morale, sont diverses : à sçavoir l'Academique,

Cyrenayque, E liaque, Megarique, Eroytique, Stoyque, Peripatetique, & autres en grand nombre: Theodore, surnommé Dieu, l'un d'iceux, a en cet endroit ainsi philosophé: Le sage peut s'adonner aux larrecins, adulteres, & sacrileges en temps opportun, & quand il est besoin: Car dit-il, aucune de ces choses n'est deshonneste par nature, & l'opinion commune que l'on en a estoit ostée, (laquell n'est qu'un phantome du menu peuple, sot & ignorant) il est certain que le sage paillarderoit publiquement sans honte d'estre veu ny apperceu. Voila les beaux enseignements de ce diuin Philosophe, ausquels ie ne sçache villenie qui puisse estre comparée. Si ce n'est Venus masculine approuvée par Aristote, & qui estoit jadis permise par la loy publique en Candie, laquelle Hierosme Peripateticien, louë & magnifie, à cause, dit-il que par le moyen d'icelle on s'est despesché de plusieurs tyrans. Les paroles d'Aristote en ses Politiques, où il estime qu'elle seroit profitable à la Republique, d'autant qu'elle empescheroit que le menu peuple ne seroit tant chargé d'en-

ms, sont telles : Le sage, dit-il, a ordonné
sagement & soigneusement plu-
sieurs choses pour garder temperance
manger, comme chose tres-vile: Pa-
ssablement pour le regard des diuorces
separations des femmes, afin qu'el-
les n'engendrent lignée superflue & en
trop grand nombre, au lieu dequoy il
a introduict l'usage & compagnie des
garçons. C'est cet Aristote, les mœurs
duquel furent reprouuées de Platon,
où s'ouït la haine & ingratitude d'i-
celuy enuers son Maistre & Prece-
pteur. Celuy, dis-je, lequel craignant
les jugemens & la rigueur des loix, à
cause de sa meschante vie, s'enfuit à ca-
chettes en grand' haste de la ville d'A-
thenes. Celuy qui confit en ingrati-
tude enuers tous les bienfaicteurs occit
d'un breuuage infernal Alexandre le
Grand, duquel il auoit receu tant de
bien, & auoit esté si magnifiquement
& honorablement traicté, qui se fioit
du tout en luy de sa vie, & de sa person-
ne, & auoit à sa faueur rebasty & re-
stauré la ville de sa naissance destruite
par les guerres. Celuy, dis-je, lequel par
erreur & mauuaise opinion qu'il auoit

de l'ame , n'yoit qu'il y eust aucun lieu
de resiouyſſance ou bon-heur après cette
vie : Qui ayant pillé les sentences & dit
des anciens , & iceux corrompus par
maligne & enuieuse interpretation , a
cherché l'oüange d'esprit , orné & en-
richy par ces larrecins & calomnies , le-
quel enuieilly , plein & chargé de mau-
uais & malheureux iours , en fin pour
l'exceſſif eſtude & conuoitiſe de ſça-
uoir , deuenü enragé ſe tua ſoy meſme,
faifant de ſoy vn digne ſacrifice à tous
les diables, Très-digne d'eſtre aujour-
d'huy le grand Docteur des Vniuerſitez
Latines , & d'auoir eſté canonisé par mes
compagnons Theologiens de Colon-
gne , qui ont publié en faueur d'iceluy
vn liure imprimé, intitulé du ſalut d'A-
riſtote , & vn Poëme de la vie & mort
d'Ariſtote , avec ſa gloſe tirée de rai-
ſons Theologiques , en la fin duquel ils
concluent , qu'Ariſtote a eſté Precur-
ſeur de noſtre Seigneur Ieſus-Chriſt és
ſciences naturelles, tout ainſi que ſainct
Iean Baptiſte en la doctrine de Grace.
Mais afin que nous ne nous eſloignons
par trop de noſtre chemin, voyons ce que
ces Philoſophes croyent du ſouuerain

ben : & de la felicité. Aucuns l'ont con-
stitué en volupté seule, ainsi qu'Epicure,
Diogenes, Gnidius, Eudoxe, Philoxene, &
Cyreniens. Autres ont jointe avec la
volupté l'honnesteté, comme Dinoma-
che & Calipho. Autre en ce qui est pre-
mier en nature, ou au premier estat de
nature, comme Carneades & Hierosme
Stoïcien. Autres à ne sentir douleur,
ainsi que Iodore. Autre es vertus,
comme Pythagoras, Socrates, Ariston,
Empedocles, Democrite, Zeno Citi-
zain, Cleanthes. Hecaton, Possidoine,
Cicéron, Senys Babylonien, Anthisthene, &
autres les Stoyciens : & aujourd'huy plu-
sieurs de nos Theologiens s'accordants
avec ceux-cy disputent encor des liai-
sons des vertus entre elles, & quel est
le point & fondement de felicité, au-
quel toutes les vertus tendent, & doi-
vent estre rapportées ensemble : d'au-
tant, disent-ils, que l'homme ne peut
estre rendu heureux, sinon que toutes
soient & s'assemblent en vn, ores qu'il
n'en defaillist qu'une seule. Or comme
ainsi soit que entre les vertus soient
diuerses, & presque contraires, la libe-
rauté, & l'espargne, la magnanimité &

humilité, la miséricorde & la justice, la contemplation & la sollicitude de beaucoup d'affaires, & plusieurs autres semblables, si elles ne s'unissent d'accord en un mesme subject, on les pourroit estimer vices & non vertus. Et quant à ce point, auquel toutes les vertus se trouuent assemblées, Ambroise & Lactance avec Macrobe, suiuant Platon, tiennent que c'est la justice. Autres ont opinion que c'est temperance qui donne règle à toutes choses. Autres la piété: ce que Platon dit aussi au Dialogue intitulé Epimenides. Autres charité, sans laquelle nul fruit ny prouffit ne reuiend de la vertu, selon que saint Paul estime & toutesfois encore disputent là dessus Thomas, Henry, l'Escot, & autres. Mais reuenons d'où nous estions partis. Aucuns constituent la felicité en la fortune, ainsi que Theophraste: mais Aristote joint avec la fortune les premières semences naturelles, & les vertus & avec ce les voluptez, mais complétée du fard de vertu, comme si Epicure ne remparoit pas de ces mesmes choses sa volupté. Finalement le surplus de

Les Peripateticiens en la speculation.
Le fertile philosophe Alcidas, & des
arabiques plusieurs estimoyent que
la science fust le souverain bien. Mais
les peuples Tyberins, voylins des Chaly-
bes, desquels Apolloine & Pompo-
lius ont fait mention, auoyent opi-
nion que la superfluité où dissolution
de la vie fussent la souveraine felicité, &
rien a eu qui ont colloqué au Silence le
souverain bien. Les sectateurs de pla-
ton avec luy Plotin, resents tous-
jours leurs diuinité, ont estimé que l'u-
nion avec le souverain bien estoit l'e-
stat de la felicité. Bias Prienien disoit
que c'estoit la sapience : Bion & Bory-
stene la prudence. Thales l'estasement
de ces choses, Pirrhus de Metelin le
bien faire. Ciceron dit qu'elle consiste
en l'exemption ou vacation de toutes
choies, laquelle ne se peut trouuer qu'en
un seul Dieu.

Je laisse les autres philosophes vul-
gaires, qui ont osté toute felicité, ainsi
que Pyrrho Elie, Euriote, & Xeno-
phanes, & ceux qui ont establi toute
felicité es honneurs, gloire puissance,
voyfueté, richesses, & semblables cho-

N

ses, comme aussi Periandre Corinthien
& Lycophon, & les autres desquel
entend parler le psalmiste, disant, La
bouche d'iceux parle chose vaine, &
leur dextre est dextre de fausseté, Le
enfants desquels sont comme petite
plantes bien creissantes en leur ieunes
se & leurs filles comme les encoigneu
res entaillées, à la semblance du temple
leurs greniers pleins, fournissans tou
tes manieres de prouision, leurs trou
peaux multiplient par milliers, & for
tent par millions en nos ruës, leur
beufs refaicts: nulle ruine ny bresch
est en leurs clostures: nul passage ny ci
en leurs places. Ils ont estimé bienheu
reux le peuple auquel il en est ainsi. E
mesme discord sont ils touchant la vo
lupté, laquelle, ainsi que vous auez en
rendu cy dessus. Epicure estime estre le
souuerain bien. Au contraire Archita
Tarentin, Antisthene, & Socrates di
sent que c'est le souuerain mal. Mai
Speusippe & quelques anciens Acade
miques disoyent que la volupté & l
douleur estoient deux maux contra
res l'un à l'autre, & que ce qui est entre
deux est bien. Zene a estimé que l

Volupté ne se deuoit appeller bien ny mal: mais ie ne sçay quoy d'indifferent. Critolaus Peripateticien, & Platon, disoient que la volupté estoit mauuaise, & la mere nourrice de plusieurs mesconuances. Ce seroit chose par trop longue si nous voulons icy amener les opinions d'un chacun touchant la felicité, & faire vn amas de ce dont autres ont rempli plusieurs volumes: Car M. Varro recueillit plus de ccLXXX opinions sur ceste maniere, ainsi que tesmoigne Augustin, les principales desquelles & plus renommées il nous suffit d'auoir icy recitees. Or voyons maintenant qu'elle conuenance elles ont avec nostre Seigneur Iesus Christ, & il nous apparoiſtra clairement que la felicité & beatitude ne nous est nullement acquise par la vertu des Stoiques, ny par la purgation Academique, ny par la speculation Peripatetique, mais par la foy & par la grace en la parole de Dieu. Vous avez bien entendu comme aucuns Philosophes constituent la felicité en volupté: Mais Iesus Christ la met parmi la faim & la soif. Autres en vn estat honorable, en renommée, grandeur

& reputation. Mais Iesus Ch. dit qu'il le est suiue de maledictions, & de la haine du monde & des hommes. Autres au premier estre & condition des choses, ou es choses premieres engendrées, comme la santé, ioye, & absence de douleur: mais Iesus Christ en deuil & pleurs. Autres en prudence, sapience, & vertus morales: Mais Iesus Christ en la simplicité, innocence, & pureté de cœur. Autres en la fortune. Mais Iesus Christ en la miséricorde. Autres en la gloire acquise par armes & conquestes des pays: Mais Iesus Christ en la paix. Autres es honneurs & pompes: Mais Iesus Christ en humilité prononçant bienheureux les doux & debonnaire. Autres en puissance & victoires: Mais Iesus Christ en endurance de persecution. Autres es richesses: Mais Iesus Christ en pauvreté. Iesus Christ enseigne que la parfaite vertu ne s'acquiert point que par graces donnée d'en haut: mais les Philosophes disent qu'elle vient de nos propres forces, & par accoustumance. Iesus Christ enseigne que tout concupiscence est peché: au contraire les Philosophes la mettent au rang des choses moyennes, celles dis-je, qui ne sont ni

ice vice ny de vertu, mais disent qu'elles
sont pour vertus, si l'homme s'y main-
tient par mediocrité. Iesus Christ en sei-
gne qu'il faut bien faire à vn chacun,
de ne point aimer ses ennemis, prester libera-
lement, ne poursuiure aucune vengean-
ce, donner à tous ceux quidemandent: au
contraire les Philosophes ne veulent
qu'on s'employe que pour ceux qui peu-
vent rendre la pareille: au surplus qu'il
est licite de se courroucer, hair, quereller,
guerroyer, & prester à vsure, Avec tout
cela ils nous ont produits par leur franc
arbitre, & ce qui nous est fourny par no-
tre droite raison & lumiere naturelle;
heresie des Pelasgiens. Partant toute la
philosophie morale, au raport de Lacta-
nce est faulse & vaine, ne donnant aucu-
ne adresse à iustice, ny assurance aucu-
ne à l'homme en son deuoir ny en sa rai-
son & est tellement contraire à la loy de
Dieu & à Iesus Christ mesme, que l'on
ne doit attribuer la gloire d'icelle à au-
cun, qu'à Sathan.

N iij

*Des Polices ou Gouvernemens des Citez &
Republiques.*

CHAP. LV.

DE cette Philosophie est membre
part de gouverner & admini-
strer les Republiques. D'iceluy
sont faites trois especes , à sçauoir Mo-
narchie , qui est le gouvernement d'un
seul: Aristocratie, celuy qui est en peu de
personnes, mais nobles, riches, & choisis
des plus gens de bien: & la Democratie,
qui est l'estat populaire. A celles cy res-
semblent la tyrannie: l'oligarchie, qui est
vne faction de peu d'hommes: & l'anar-
chie, à sçauoir quand chacun veut estre
le maistre.

Or n'a t'on sceu iusques à present encore
determiner laquelle sorte de ces regi-
mes & gouvernemens est meilleur &
plus desirable : Car ceux qui soustien-
nent que la Monarchie doit tenir lieu
par dessus les autres , se rengent aux
exemples de nature, & disent qu'ainsi
qu'en l'Vniuers il n'y a qu'un seul Sou-
uerain Dieu, entre les Estoilles un So-

Il, entre les abeilles vn Roy, vn chef
entre les gruës, & vn conducteur des
trouppeaux, aussi qu'il ny doit auoir
vn Roy en la Republique, qui soit
comme vn chef, auquel tous les mem-
bres s'accordent. Et cette maniere d'ad-
ministration a pleu à Platon, Aristote,
Polydore, ausquels consentent Cyprien
et Hierosme entre les nostres.

Mais ceux qui preferent l'Aristocratie
ou gouuernement des gents de bien, di-
sent qu'il n'y a meilleur moyen de
gouuerner les grands affaires que d'as-
sembler les opinions & conseils de
plusieurs vnis & s'accordans à bien fai-
re : Car de plusieurs gents de bien il est
necessaire que les conseils soient tres-
bons & qu'il ne se trouue aucun qui
soit assez sage tout seul : car c'est chose
qui appartient à Dieu seul. A laquelle
opinion consentent Solon, Lycurgue,
Demosthene, & Ciceron, & quasi tous
les anciens Legislatours, & Moysse mes-
me. Platon aussi semble s'y accorder,
disant que la Republique & Cité se
pourra lors dire heureuse, qu'elle sera
gouuernée par les sages : nous y adiou-
stons aussi, s'il luy plaist, qu'ils soient

N iij

nobles, attendu que c'est vne opinion arrestee & fondée sur le consentement presque vniuersel. Quant à ceux qui trouuent meilleur l'estat populaire, ils luy aillent vn nom tres beau & bien sonnant, à se auoir l'Isonomie, c'est à dire egalité de droit, attendu que tout se rapporte là au bien commun, & sont les conseils mieux prins & plus certains entre la multitude en laquelle sans doute aucune gisent toutes choses. Avec ce que la voix du peuple est la voix de Dieu, & partant ce qui plait à tous, ce qui est arresté & ordonné d'un commun consentement du peuple, par nécessité doit estre receu pour tres bon & tres iuste, & cōme venant de Dieu. En outre que ceste espeece d'estat est plus asseuree que celuy qui est regi par petit nombre des plus grands & principaux, d'autant qu'il est moins sujet à seditiō. Car le peuple peu souuent ou iamais se bande en factions, ce que les grands & puissans font ordinairement. D'auantage toute egalité & liberté se trouue au gouuernement populaire, sans qu'elle soit opprimee par aucuns tyrans: là sont pareils tous degres d'honneur, & n'y a

un qui soit plus capable que son voi-
sin : mais vn chacun separement & tous
general à leurs tours commandent
& sont commandés. C'est estat donques
esté sur tous estimé & approuué par
Chanes Persien, Eufates, & Dion Si-
rcusain : & auourd'huy nous en auons
exemples des Venitiens & Suisses, les
republicques desquels sont florissantes
en toutes les principautés de la Chre-
tienté & les premières, tant en pru-
dence, puissance, richesses, & reputation
de bonne iustice de grands exploits
de victoires, Anciennement la republi-
que d'Athenes, l'estat de laquelle estoit
populaire, commandoit sur grande
estendue de pays en tresgrande puissan-
ce, & estoient tous les affaires, & deli-
berations, proposées au peuple, & re-
solues par le peuple. Les Romains
au li ayans esprooué toutes les especes
de regimes & gouuernement, conqui-
rent la plus grande partie de leur Em-
pire sous l'estat populaire, & n'ont ia-
mais esté plus mal administrées leurs
affaires, que lors qu'ils ont esté sous les
Rois, ou maniés par les plus grands &
plus puissans d'entre eux, & encor pis

N v

quand les Empereurs en ont prins le
maniement : car à leur conduite toute
leur puissance a faict bris & naufrage.
Parquoy il est mal-aisé à juger laquelle
de ces trois manieres de gouuernement
est la meilleure & plus asséeurée, atten-
du que chacune a ses partisans & defen-
seurs, & aussi d'autres qui la debattent.
Car les Rois, auxquels il est permis de
faire tout ce qu'il leur plaist à leur ap-
petit, sans crainte d'en estre repris, peu-
souuent commandent bien ainsi qu'ils
doiuent, & quasi jamais ne sont sans
bruit & tumultes de guerres. Et en ou-
ure la Royauté à ce mal pestilent en elle,
que ceux qui en autre estat ont eu re-
nom, & tesmoignage vniuersel d'estre
gents de bien, deuiennent insolents &
meschants en toute extrémité dès qu'ils
sont paruenus à la Couronne, comme
si par cela la porte leur estoit ouuerte
pour se desborder en toute licence de
mal faire. Ce qui est apparu en Caligu-
la, Neron, Domitien, Mithridat, & plu-
sieurs autres. Et mesmes les sainctes Es-
critures monstrent que cela est aduenu
à Saül, Daud, & à Salomon, Rois que
Dieu auoit choisis luy-mesme : & que

Entre tous les Rois de Iuda fort peu se
trouuent de bon renom, entre ceux
de Samarie pas vn. Et auourd'huy les
Roys, Empereurs, & Princes qui domi-
nent, semblent estre establis & nais seu-
lement pour defendre, maintenir, &
confirmer la noblesse, & peu se soucient
du peuple, des bourgeois, des villa-
geois, ny de faire justice, & regnent en
maniere qu'il semble que les biens &
facultez de tout le peuple leur aye esté
baillé, non en garde, mais en pröye &
pillage, butinant toutes choses sur tous
leurs subjects, desquels ils vsent ainsi
que leur semble bon, & quelques fois
comme il leur plaist, abusans de la puis-
sance que Dieu leur a donnée sur les
hommes, chargeant les bourgeois d'em-
prunts, les villageois de tailles & cor-
uées, les vns d'exactions, les autres de
peages & gabelles, entassées l'une sur
l'autre, sans fin ny mesure. Et si quelcun
d'entre eux se monstre plus doux &
modeste, en donnant au peuple quel-
que soulagement & relasche, il est cer-
tain que ce n'est pour le bien commun
qu'ils le font, mais pour leur commo-
dité particuliere, permettant au peuple

N vj

vn peu d'aïse, afin qu'eux s'en sentent,
& puissent trouuer de quoy raiur, quand
il leur en prendra enuie. Et pour le don-
ner bruit d'estre justes, ils font de bon-
nes ordonnance, & establisent des
loix tres-estroittes & difficiles, afin d'ar-
mer leur auarice & cruauté de l'espée
de iustice, punissans ceux qui y contre-
uiennent par rigoureuses peines, extré-
mes tourmens, & confiscations: sem-
blables en cela aux tyrans, entant qu'ils
desirent qu'il y aye beaucoup de contre-
uenants & infracteurs en leurs edicts,
afin d'en auoir profit: Car comme les
forces des tyrans sont les meschance-
tez des delinquans, ainsi la multitude
des transgressions sont les richesses des
Princes. P'ay eu autresfois grande pri-
uauté avec vn Prince Italien grand &
puissant, auquel il m'aduint de donner
conseil, & l'exhorter d'appaiser, & re-
primer en ses terres les factions des
Guelphes & Gibellins: mais il me con-
fessa que par le moyen d'icelles il en-
troit en ses coffres tous les ans plus de
douze mille ducats d'amendes. Toutes-
fois nous parlerons de cecy plus ample-
ment au liure de la noblesse politique,

En l'air où les nobles & plus apparents
tiennent le gouvernement en la Repu-
blique, en icelle logent avec eux fire,
haine, & Penuie, parquoy peu sou-
vent l'estat d'icelle est paisible, ny eux
en bon accord: car voulant vn chacun
non aduis estre receu, & estre estimé par
dessus tous les autres, les inimitiez par-
ticulieres s'engendrent entre-eux, d'où
viennent les ligues & factions, les sedi-
tions & meurtres, & en fin les guerres
civiiles, en ruine & destructiō de la cho-
se publique. Desquels malheurs les hi-
stoires Grecques & Latines nous four-
nissent plusieurs exemples, & à present
beaucoup de villes d'Italie sont expo-
sées en pitoyable spectacle aux hom-
mes. Quant à l'administration populai-
re, chacun la juge tres-mauuaise, laquel-
le maniere de gouvernement Apol-
loine desconseille à Vespasien par plu-
sieurs raisons; & Ciceron dit qu'au peu-
ple n'y a raison ny conseil, ny discre-
tion, ny diligence, &, comme dit le
Poëte.

*La populace est aisee à distraire
D'opinions l'une à l'autre contraire.
Et le Persien Othanes dit qu'il n'y a*

chose au monde plus insolente que la multitude populaire, rien plus fâcheux & ignorant, de qui son propre est de ne rien entendre, & de se précipiter à l'estourdi en l'exécution des affaires, sans conseil, ainsi qu'un torrent. Demosthenes pareillement appelle le peuple une mauvaise beste, & Platon le nomme beste à plusieurs testes comme fait après luy Horace. Phalaris aussi escriuant à Egéscippe, Tout le peuple, dit-il, est temeraire, sans esprit, paresseux, variable à tout propos en opinions, perfide, incertain, hastif, traistre, frauduleux, n'ayant que le babil: tantost se met en cholere, tantost flatte: & de là aduient que ceux qui taschent de complaire au peuple au maniement des affaires de la republique perissent par honnestes outrages. Mais Lycurgus legislateur Lacédemonien interrogé quelquefois pourquoy il n'auoit establi en sa republique l'estat populaire, respondit à cestuy là, qu'il ordonnast premierement sa maison selon cest estat, & puis il en scauroit la raison. Aristote pareillement en ses traictés moraux dit son aduis estre que l'administration du peu-

ce est tresmauvaise, celle d'un seul fort
bonne. Car le menu peuple est le prin-
cipal & grand maistre des erreurs & des
mauvaises coustumes, comble de tous
malheurs, d'autant qu'il n'y a raison,
autorité, ny conseil qui le puisse res-
tenir, car il n'entend aucunement les rai-
sons, il mesprise l'autorité, & est du
tout indocile & obstiné aux persuasions,
ses mœurs duquel sont tres-inconstan-
tes, toujours desirieux de nouveautés:
& ayant en haine les choses presentes,
& en peut estre retenu par aucune do-
ctrine des sages, discipline des ance-
stres, autorité de magistrats, ny Majesté
du prince, & à l'endroit duquel jamais
n'ont eu poids ny vertu ny n'ont ja-
mais esté escoutés sans danger les con-
seils des hommes sages, ayant toujours
plus de force la folie du vulgaire, ainsi
que l'experimenta Socrates, lors qu'il
disoit son opinion touchant les dieux,
Capys, quand il fut question d'intro-
duire le cheval de bois dans la ville de
Troye, Mogius Capouan conseillant
de ne recevoir Hannibal dans la ville,
Paul Emile n'estant d'avis de com-
battre à la journée de Capnes, & tant

de Prophetes de nostre Seigneur, aux predicions desquels le peuple Iudaïque faisoit l'oreille sourde. Comme donques peut-il estre que les statuts & ordonnances du populaire soient bonnes, veu que la multitude ignore presque tout ce qui est bon & juste, attendu que la plus grande partie d'iceux s'ont artisans & manouvriers, puis aussi que tels arrests ne se font point selon la justice & l'equité, mais à la pluralité de voix, & selon le nombre, où se trouvent ordinairement plus de mauvais que de bons, & que le peuple n'est mené de sain & droit iugement, mais par le plus grand nombre, & selon l' inclination & appetit du commun, où les sentences & opinions sont comprées & non pesées, & où ce qui semble bon, non aux plus sages, mais au plus grand nombre, a lieu, & obtient plus de force & vigueur. Entre lesquels, pour autant qu'ils s'estiment égaux les vns aux autres, rien toutesfois n'est si inégal que leur inégalité mesmes. Parquoy par l'impetuosité confuse du commun populaire rien n'est ordonné bien à propos ny salutairement, rien de ce qui est

all'escheu & empire n'est redressé ou re-
mis en meilleur estat, ains au contraire
Comme qui est bien estably & institué est ren-
versé, & perdu le plus souuent par la
merite populaire. Or entre ces tant
liueres manieres d'administration de
la chose publique plusieurs ont trou-
ué bon d'en constituer vn gouuerne-
ment meslé de deux especes, tel que
Solon institua, à sçauoir les plus appa-
rents & nobles, & du menu peuple, leur
communiquant à tous en certaine façon
leurs honneurs. Plusieurs en ont esta-
bly vn meslé de toutes les trois especes,
selon que la Republique des Lacedemo-
niens estoit regie. Car le Roy estoit
entr'eux perpetuel, mais n'auoit com-
mandement qu'en temps de guerre.
Ils auoient le Senat ou Conseil com-
posé des plus riches & puissans, & avec
ce creoyent dix Ephores perpetuels
du menu peuple, qui auoient puissance
de condamner à mort ou absoudre, &
representoient l'estat populaire. La
Republique Romaine estoit vne De-
mocratie meslée avec l'Aristocratie, à
cause de l'autorité du Senat : car plu-
sieurs choses estoient commandées par

le peuple, & aucunes aussi par le Senat.
A present en la pluspart des pays les
Rois & les Princes commandent selon
leur plaisir, neantmoins ils ont pour
conseillers les principaux hommes des
prouinces, & les magistrats auxquels
ils baillent le maneyement des affaires;
Surquoy il se fait vne demâde, à sçauoir
quel estat est le plus assésuré, celuy où
le Prince estant mauuais ses conseillers
neantmoins sont bons, ou bien celuy
auquel le Prince est bon, & ses con-
seillers meschans. Marius, Maximus,
& Iules Capitolin, & plusieurs autres
choisissent le premier: auxquels toutes
fois autres graues auteurs ne s'accordent
nullement, attendu que l'experience
nous fait voir qu'un bon Prince chastie
plus facilement ses mauuais conseillers
que le mauuais Prince n'est amendé
par ses conseillers gens de bien. En
somme il n'y a Philosophie, art ny scien-
ce, qui puisse faire que la republique
soit bien regie, ains seulement la preud'
homme de ceux qui la gouuernent,
Car vn seul, ou petit nombre, ou tout
le peuple peuuent fort bien & sain-
ctement administrer s'ils sont gens

le bien, & s'ils sont meschans tres-mal.
Mais voicy qui passe toute audace en
meschanceté. S'il est besoin de cultiver
vn champ, paistre vn troupeau, gouver-
ner vn navire, regir vne famille, nourrir
& instruire des enfans, on n'aura point
de honte de confesser que l'on ne le sçait
faire, ou que l'on ne le peut faire : Mais
où il est question de commander en vne
ville, & exercer vn magistrat, faire le
Roy ou le Prince, & ce qui est le plus dif-
ficile en ce monde, de commander aux
peuples & nations, il n'y a celuy qui ne
croye d'estre nay à cela. Au reste, ce qui
est considerable pour le regard des loix
ciuiles & la science d'icelles, par lesquel-
les toutes les republiques & citez ont
leur estre, sont gouvernées, augmentées,
& maintenues, nous en traicterons cy-a-
pres.

De la Religion en general.

CHAP. LVI.

AL'accomplissement de la repu-
blique appartient aussi la reli-
gion, qui est vne discipline de
solemnitez & ceremonies externes, par

lesquelles ainsi que par signes & manières
ques nous sommes admonestez des choses
ses interieures & spirituelles. Elle est donc
finie par Ciceron vne discipline, par la
quelle les ceremonies, qui concernent le
seruice diuin, sont exercées avec reuer
rence & soumission, & est, selon le tes
moignage, tant de luy que d'Aristote
chose fort vtile & tres necessaires à rou
tes citez : Il faut (dit Aristote en ses Po
litiques) que le Prince se monstre reli
gieux sur tous autres. d'autant que les
subjects se doutent moins d'estre ini
quement traictez de ceux là : & pource
conspirent ou entreprennent mal-aise
ment contre eux, ayans opinion qu'ils
soient en la sauuegarde & protection
des Dieux. Or la religion est tellement
naturelle en l'homme, que par icelle il
est rendu plus different d'avec les autres
animaux que par la raison mesme.

Que la religion soit plantée en nous
naturellement, outre qu'Aristote le
confesse luy mesme, il appert aussi clai
rement en ce que si nous sommes sur
pris de quelque danger subit, ou trou
blez de frayeur, soudain auant que pren
dre autre conseil, ny rechercher autre

remede, nous auons recours à l'inuoca-
tion de la diuinité (estans enseignez par
la nature, sans autre precepteur, de re-
querir aide & secours de Dieu. Et desia
dès l'origine & commencement du mon-
de, Cayn & Abel sacrifioient à Dieu re-
ligieusement. Mais Enos fut le premier
qui ordonna reigles & manieres com-
me il falloit inuoyer le Nom de Dieu.
Duquel l'Escriture dit ainsi, Alors l'on
commença a inuoyer le Nom de l'E-
ternel. Apres le deluge l'on fit beaucoup
de loix touchant la religion, & y eut
beaucoup de Legislateurs, voire autant
& plus que de peuples & nations. Car
Mercure & Mena Roy, instituerent
celle des Egyptiens: Melisse, nour-
ricier de Iupiter en bailla aux Cretois
ou Candios: Faunus, & deuant luy
Ianus, aux Lutins: Numa pompi-
lius aux Romains: Moyse & Aaron
aux Hebrieux: Orphée aux Grecs: &
puis Cadmus fils d'Agenor apporta de
Phenicie les mysteres & solemnitez des
sacrifices des Dieux, la maniere de leur
consacrer, simulacres, chansons, & au-
tres ceremonies, pompes, & festes en
l'honneur d'iceux, & les enseigna aux

Grecs. Il y eut aussi des Dieux establis sur les larrecins & meschancetez, & ne leur baillerent point tant seulement des tiltres & noms de Dieux, ains aussi leur ordonnerent des sacrifices. Car les Romains adorèrent Iupiter surnommé le paillard & adultere, dedierent vn temple au mont palatin publiquement à la Fiebvre, & au mont Exquilin vn autre au Malencontre. Dauantage chercherent jusques aux Enfers des dieux pour adorer, & mesmes le Prince des diables infernaux Sathan, vil & malheureux sur toutes creatures, l'appellant Dis, ou Pluto, ou Neptune, & l'honorans sous ces noms & tiltres, auquel ils assignerent pour guette & gardien Cerberus avec ses trois testes, c'est à dire charoppier ou gourmand de chair, lequel tousiours rode & tournoye, cherchant proye pour deuorer, sans mercy de personne, nuisant à tous, accusans vn chacun. D'où il a prins le nom de diable, qui signifie imposeur de crimes, ou accusateur, duquel le Poëte chante ainfi:

*Là le prince infernal des forfaits effroyable,
Enflammé de courroux, de nully pitoyable,*

enquiert. Aux chefs hideux les furies alors
Deuant luy sont debous, & mille & mille
morts,
Mille ceps, sous lesquels aux malheureuses
ombres.

Mille feux sulphurez fait souffrir mille en-
combres.

Les Egyptiens iadis avec leurs autres
Dieux, ont pareillement adoré des Be-
stes brutes, & des monstres, & s'en trou-
ue encore auioird'huy qui adorent les
idoles & simulacres. Les Turcs, Sarra-
sins, Arabes, & Maures, & la plus
grand' partie des habitas de la terre ont
en singuliere reuerence Mahomet au-
teur de leur sottise & tres-absurde reli-
gion. Les Iuifs obstinez en leur deslo-
yauté, attendent tousiours la venue
du Messias, Et nous, Chrestiens, auons
receu de plusieurs de nos Pontifes ou
Papes en diuers temps & diuers lieux
diuerses façons & coustumes touchant
la Religion, par loix discordantes à mer-
ueilles entre-elles, pour le regard des
ceremonies, ordre, & manieres de ser-
uir Dieu, des viandes, ieusnes, habits,
questes, pompes : Item touchant les
mitres, & chappeaux, habillement tou-

ge, & semblables choses. Mais sur toutes les merueilles ceste cy est admirable, qu'il croyent de pouuoir monter aux cieux par les mesmes façons & pratiques ambitieuses qui en firent iadis tresbucher lucifer. Cependant toutes ces loix de religions n'ont autre appuy ny soustenement que l'opinion & plaisir de ceux qui les ont instituees, ny autres reigle de certitude & verité que la seule credulité des hommes.

Considerons, ie vous prie, les diuers estudes qu'on a eu dès le commencement du monde pour les religions, combien de manieres de seruices & ceremonies, combien d'heresies, combien d'opinions, de veux, & de loix: toutesfois avec tout cela depuis tant des siecles les hommes n'ont sceu estre bien addressez à la droite foy, à quelque religion qu'ils se foyent abstrains sans la parole de Dieu, laquelle ayant prins chair, & triomphé de ses ennemis par la croix les temples & idoles ont esté renuersees & atterees, les puissances des faux dieux abbatues, & leurs oracles sont demeure muets.

L'oracle Pythien a perdu le parler,

Donc

Dont la voix nul mortel ne scauroit rappeler
Apollo tient muet pieça son temple clos:

Mais pourrâ en ce lieu d'offrir tu n'es forclos:
Offre donc deuïment, puis aux tiens fais
retour.

Car dès que la parolle de Dieu par les
messagers euangeliques commença à
retentir & donner lumiere aux esprits
humains par le monde, tous les dieux
des nations furent renuersees ainsi que
par vn coup de foudre, comme dit le-
sus-Christ en saint Luc, I'ay veu satan
tumbant du ciel ainsi que la foudre.
Quant à ce qui touche la foy & la Theo-
logie, decrets, & canons, nous l'exami-
nerons cy apres: car nous parlons icy de
la religion entant qu'elle fait au profit
des prestres & gens d'Eglise, & que
touche l'ornement quelle apporte à la
republique par les simulacres, statues,
& images, temples, chappelles, & au-
tres edifices, pompes, magnificences,
prelatures, & dignités ecclesiastiques.
Desquelles choses i'ay autresfois dis-
puté amplement à Colongne entre les
decretz Theologiques par moy decla-
més l'an 1510. Parquoy nous en trai-
cterons avec peu de paroles en ce lieu,

Q

& donnerons par mesme moyen à con-
gnoistre qu'és choses qui ont esté intro-
duites pour parer & rendre la Religion
plus honorable, & pour seruir au salut
des hommes, souuentefois se trouue a-
uec la vanité jointe vne malice non le-
gere. Ce que nous monstrerons estre ve-
ritable, discourans de chaque chose à
part.

Des Images.

CHAP. LVII.

L'Honneur que l'on faiet aux ima-
ges n'a pas esté receu ny approu-
ué de tous peuples desia des les
temps plus anciens. Car les Iuifs n'a-
uoient chose du monde en plus grande
horreur que les simulacres, selon que re-
cite Ioseph, & ne representoyent aucu-
nement le Dieu qu'ils adoroyent, ny
ceux dont ils vouloyent conseruer la
memoire, par Images. Car la loy de
Dieu publiée par Moyse leur defendoit
de faire des simulacres, & de les loger
dans leur Tép̄le, & d'adorer deuant iceux.
Entre les Seres peupled'Asie, ainsi que
tesmoigne Eusebe, par loy expresse

estoit prohibee la veneration des simulacres. Nous lisons aussi es escrits de Clement & Plutarque, qu'à Rome par decret & ordonnance de Nume on ne vid es temples aucune image peinte, taillee, ny autrement faconnee par l'espace de cent septante ans apres la fondation d'icelle. Ce que tesmoigne pareillement. S. Augustin suivant Varro, les paroles duquel dit-il, font ample foy qu'il n'y eut en la ville simulacre aucun des Dieux durant cent septante annees, & que depuis par la multitude des statues & Images l'on eust la religion en moindre recommandation, & fut mesprisee. Les Persiens, selon qu'Herodote & Strabo, recitent, ne dressoyent non plus aucunes statues. Mais l'impieté & folie des Egyptiens en cest endroit estoit supreme, & d'eux s'espandit par toutes les nations. Laquelle corruption payenne & fausse Religion est demeurée & a infecté la Chrestienté, mesme depuis que les peuples ont esté conuertis à la foy de Iesus Christ, introduisent en nostre Eglise les Images & simulacres avec plusieurs ceremonies infructueuses & pompes su-

O ij

perlues, du tout ignorées entre les premiers & vrais Chrestiens. A ceste occasion nous auons commencé à faire des statues muettes aux saincts, les porter en nos temples, & les mettre en grande reuerence sur les autels, & là où il ne seroit licite en façon quelconque à l'homme viuant qui porte la vraye Image de Dieu, de monter, nous y auons dressé des Images insensibles, nous en clinons à icelles, les baisons: leur portons des chandelles, leur faisons dons & offrandes, leur appliquons & attribuons la vertu des miracles, rachetons des pardons, entreprenons des pelerinages & longs voyages a cause d'icelles leur faisons des vœux, les honorons & presque les adorons. Et est incroyable & ne scauroit on exprimer par parole combien de superstitions, pour ne les nommer idolatries, sont entre le menu peuple simple & ignorant nourries par le moyen des Images à qui les gens d'Eglise ferment les yeux à cause des grands profits & commodités qu'ils en tirent. Et se remparent des paroles de Gregoïre, qui dit que les Images sont les livres du vulgaire, pour garder

la souuenance des choses passees, à fin
que ceux qui n'ont appris les lettres,
lisent en icelles & à la venë desquel-
les ils soyent incités de penser à Dieu.
Ce sont à la verité les paroles de ce
sainct personnage, lequel cuide aucu-
nement excuser les inuentions humai-
nes, & combien qu'il ne reprouue point
les Images, si n'approuue il point leur
veneration. Mais la voix de Dieu, qui
les defend, sonne bien autre chose. Il
ne nous est nullement permis d'appren-
dre par le liure defendu des Images,
mais par celuy de Dieu, qui est l'escri-
ture sainte. Partant quiconque desire
de cognoistre Dieu ne s'en enquiere
point des Images des peintres ou tail-
leurs mais recherche les escritures, ainsi
que dit saint Iean, car elles portent
tesmoignage d'iceluy. Et ceux qui n'ont
appris à lire escoutent les parolles de
l'escriture: Car la foy d'iceux, dit saint
Paul, est par l'ouye: & Iesus Christ en S.
Iean dit que ses brebis oyent sa voix.
Et si ainsi est que aucun ne peut venir à
Iesus Christ, comme luy mesme tes-
moigne, s'il ny est attiré par le pere: ny
aucun au pere sinon par le moyen de

O. iij.

Iesus Christ, pourquoy priuons nous Dieu de sa gloire pour la bailler aux Images & statuës, comme si elle pouuoient mener nostre esprit à Dieu : Il y a en outre l'excessiue, veneration des reliques. Nous confessons, & ne peut on nier que les reliques des saincts ne soyent saintes, comme celles qui doyuent estre quelque iour reluisantes de gloire immortelle, & partant que les saincts doyuent estre en grande veneration en nostre endroit. Mais s'ils entendent les prieres des bons, ils les peuvent entendre en tous lieux. Et quand ainsi seroit qu'ils y prestassent plus Porreille la part où ils ont quelque gage & reliques, si est ce qu'à cause de l'incertitude qui est en ce regard, attendu que l'on se vante en plusieurs lieux d'auoir les mesmes gages & reliques des mesmes saincts, il est force que ceux cy ou ceux-là y mettent follement leur confiance & deuotion. Parquoy afin d'euiter le danger de tumber en idolatrie ou superstition, le plus seur est de ne colloquer nostre fiance aux choses visibles, mais honorer les Saincts spirituellement, & selon la verité, à cause de no-

Notre seigneur Iesus-Christ. Nous n'a-
uons à la verité reliques plus certaines
ny plus dignes que le sacremēt du corps
& du sang de Iesus-Christ, l'vsage du-
quel est es temples des Chrestiens saint
& sacré : Car par iceluy nous auons le
corps de Iesus-Christ present, lequel se
communique aussi par tout , & l'ado-
rons. Mais les prestres, hommes rapi-
neux & auarés, ont cherché d'entrete-
nir leur auarice, non seulement par le
ministere de la pierre & du bois, mais
aussi en se seruant des os des trespas-
sés & reliques des saints Martyrs, & en
ont fait les outils & instruments de leur
art & boutique. Ils esleuent sepul-
cres de ceux qui sont decedés en la con-
fession du nom de Iesus-Christ. Pro-
duisent les reliques des fideles tesmoins
de la verité, vendent l'attouchement &
le baiser de ces choses, ornent & em-
bellissent leur simulacres, & leur cele-
brent des Festes en grand pompe, pres-
chent hautement les loüanges d'iceux,
la sainte vie desquels cependant ils
fuyent tant loing qu'ils peuuent. N'est-
ce pas à ceux cy à qui le Sauueur a par-
lé? Malheur sur vous, dit-il, qui edifiez

O. iiii

des sepulchres aux Prophetes, estant neantmoins semblables à ceux qui les ont tués. Avec tout cela ils distribuent à la façon des Payens des charges & offices à chacū Saint. L'vn à (selon iceux) pouuoir sur les eaux ainsi que Neptune, & deliure des dangers & naufrages: l'autre iecte le feu & la foudre comme vn Iupiter ou Vulcan: vn autre a charge de garder les moissons avec Ceres: vn autre garentit les vignes, compagnon de Bacchus. Les femmes mesmes ont leurs sainctes, ausquelles elles demandent des enfans, comme on faisoit à Lucine, ou à Venus, ou de faire l'appoinctement d'entre elles & leurs maris courroucés, ou les chastier ainsi que la Iuno des Payens. Il y en a qui decouurent les larrecins, & font recouurer les choses perduës, ou esgarées, & si n'y a maladie qui ne trouue parmy les Saincts son medecin, qui est la cause que les medecins profitent moins que ne font les aduocats: car il n'y a cause si petite ny si iuste qui puisse trouuer Saint qui la veuille soustenir ny defendre. Or dit on, que tout ainsi que nostre ame par le ministere des mem-

Les parties de nostre corps fait diuerſes operations, & qu'iceux reçoient ſelon leur eſtat & diſpoſition diuerſe, diuerſes facultés & uiſſances, comme l'œil: la veüe, l'oreille, l'ouye, auſſi noſtre ſeigneur Ieſus-Chriſt qui eſt l'Ame de ſon corps miſtique par diuers Saincts qui tiennent lieu de membres en iceluy diſtribué & deſpart ça bas diuers dons & graces, tellement que chaque Sainct a quelque office propre & peculier, & nous eſlargie quelque grace ſpeciale, à raiſon de quoy & ſelon laquelle diſtribution de graces recongnues par reuelation faicte à quelque homme de bien ou creüe par Religieuſe coniecture & fiance, l'on implore & requiert l'aide des Saincts par diuerſes prieres. Et qu'il eſt croyable que comme noſtre Seigneur Ieſus-Chriſt ayant racheté noſtre vie par ſa mort a faict que par icelle la mort de tous les ſaincts eſt ſanctifiée: ainſi quelque martyr eſt mort de quelque eſpece de maladie ou autre torment que c'eſt par luy que les hommes ſont deliurés de ſemblables manx, comme les ayant premierement endurés pour amour d'eux: ce qui a quelque

grande apparence. Mais il y a dequoy
rire en ce qu'aucuns par la similitude
que le nom de quelque saint a au
moyen de la confusion des langages à
quelque maladie, & par semblables le-
geres & vaines inuentions, on luy en
attribuë la guerison : Comme en Alle-
magne du mal caduc à Valentin, pour
ce que *Vallen* signifie en Allemand choir,
Et en France de l'hydropisie à Eutrope,
à cause que ces noms sonnent quasi de
mesme. Or ie ne veux en cest endroit
desroger aucunement à la vertu des
Saints & croy que celuy qui mesprise
la pieté Chrestienne, & les vrais mira-
cles des Saints, est meschant : mais ie
dis aussi que ceux sont superstitieux &
mauuais qui nous veulent faire vne hi-
stoire de chaque mensongere nouveau-
té & bourde qui se presente, & la pro-
posent aux simples comme oracle, à fin
qu'ils la croient, & la leur veulent met-
tre en la teste à force de crier, & que
ceux qui croient à ces fables & songes,
sont du tout insensez.

Des Temples.

C H A P. L V I I I.

Disons maintenant des Temples. Nous sçauons que ceste superstition a esté la plus grande qui fust entre les gentils, de baltir à chacun de leurs dieux son temple, à l'imitation desquels les Chrestiens ont voulu dedier temples à leurs Saints. Plusieurs peuples toutesfois ont esté sans aucuns temples, & trouue l'on par escrit que Xerxes par le conseil des Mages iadis brusta tous les Temples de la Grece pour autant qu'ils estimoyent chose ptophane & meschante de vouloir enclorre Dieu entre les parois. Zeno Citique à quelques fois philosophé touchant les Temples en tel termes : Il n'est, disoit-il, nullement necessaire de construire Temples ny Chappelles : car aucune des choses qui sont fabriquées par les mains des hommes ne doit estre estimées sainte ny sacrée. Les Perses iadis n'auoyent aucuns Temples en leur pays, & entre toute la nation des Hebrieux il n'y en auoit qu'un seul construit en Ierusalem.

Q. vj.

par Salomon, duquel toutesfois Isaye parle en cette sorte: Le Seigneur dit ainsi; Le Ciel est mon siege, & la terre mon marchepied. Quelle donques est cette maison que tu me veux bastir? Et saint Estienne premier Martyr dit ainsi: Salomon luy edifia vne maison: mais le Tres-haut n'habite point en logis faicts par main d'homme. S. Paul aussi disoit aux Atheniens, Dieu n'habite point es Temples bastis par les hommes, & n'est point seruy par mains d'hommes, comme ayant necessité d'aucune chose, veu qu'il est Seigneur du Ciel & de la terre. Et ailleurs il enseigne que la nature humaine, à sçauoir les hommes purs, viuants religieusement & saintement, & qui sont du tout dediez à Dieu, sont ses vrais Temples, plaisants & agreables, comme quand il escrit aux Corinthiens: Vous estes, dit-il, le Temple de Dieu, & l'esprit de Dieu habite en vous: or le Temple de Dieu est saint, celuy estes vous. En outre, en la primitive Eglise, aux purs commencements de nostre Religion, & long temps après la mort de nostre Seigneur Iesus Christ, ainsi qu'Origene confesse, escriuant

contre Celse, il n'y auoit aucuns Temples pour l'exercice d'icelle : lequel monstre par plusieurs raisons qu'ils ne conuiennent nullement avec la Religion Chrestienne, ny au vray seruice de Dieu. Il n'est besoin (dit aussi Lactance) d'amonceler pierre sur pierre, pour dresier des Temples à Dieu, mais il faut que chacun luy donne lieu en sa poitrine, & que là il adore Dieu.

De Temple fait par humaine structure,

Tant beau soit il, le Tout-puissant n'acure.

L'homme aimant, droit de cœur, pur, & non feint,

Est de fin or de Dieu le Temple saint.

Iesus-Christ n'enuoye point ses adoreurs au Temple ny és Synagogues, mais en leurs cabinets, pour là prier Dieu en secret. Luy mesme, selon qu'on lit en saint Luc, ne s'est onques mis à prier és assemblées, aux villes, au Temple, ny és Synagogues, mais sortoit aux montagnes, & passoit là les nuicts en oraison.

Toutesfois estant par succession de temps le nombre des Chrestiens augmenté, & les pecheurs introduicts & meslez parmy les fideles, les infirmes avec les forts, & ainsi que dans l'Arche

de Noé les animaux immondes parmi les nets, l'Eglise; qui ne fait rien que par l'instinct du S. Esprit, a ordonné certains Temples, & lieux separez de tout commerce & exercice prophane, où le peuple Chrestien s'assembloit, pour ouyr la parole de Dieu publiquement preschée, & esquels l'on peult administrer plus commodément & purement les saints Sacrements. Ces lieux de tout temps ont esté entre les Chrestiens en grande veneration, & outre ce doüiez par les Princes de plusieurs priuileges & immunitéz : au moyen dequoy à present se trouuent multipliez en si grand nombre avec les accessoires de plusieurs Oratoires de Freres, & Chapelles particulieres, qu'il seroit bien requis d'en retrancher vne bonne partie, ainsi que membres superflus & inutiles. Avec cela s'adioinct la magnificence des superbes structures, où sont employées & de iour à autre consommées grandes sommes de deniers des aumosnes, & reuenus Ecclesiastiques, desquels; ainsi que cy dessus nous auons déia dit, l'on deueroit substantier tant de pauvres Chrestiens, vrais Temples & Images de

Dieu, qui perissent de faim, de soif, de
chaud, de froid, de travail, de foiblesse,
& autres pauvre etez.

Des Fêtes. C H A P. L I X.



ES iours de Fêtes ont
aussi esté tousiours ce-
lebrez tres-religieuse-
ment, & par grande de-
uotion, tant entre les
Gentils qu'entre les
Iuifs lesquels en certaines saisons &
iours ordonnez, par tours, adoroient
Dieu, cōme s'il eust esté licite de laisser
passer quelque temps sans vacquer à sō
seruice, ou que Dieu requist possible
d'estre mieux seruy & honoré en vne
saison qu'en l'autre. Ce que S. Paul re-
proche aux Galates, en ces paroles: Vous
observez les iours, les mois, & les temps,
& années: ie crains grandement d'auoir
travaillé en vain en vostre endroit. De-
quoy il admōne semblablement les Co-
rinthiens, leur ordōnant ainsi: Qu'au-
cun ne vous juge, dit-il, en viandes ou
breuuage, es iours de Feste, nouuelles
Lunes, ou Sabbath, qui sont ombres des

choses à aduenir. Aussi entre vrais & parfaits Chrestiens il n'y a aucune difference és iours qui leur sont tous festez, & dediez au repos en Dieu, celebrans sans intermission le vray Sabbath, selon qu'auoit prophetisé Isaye aux Peres & anciens Iuifs, que le temps viendroit que leur Sabbath seroit abolly, & que à la venuë du Sauueur y auroit vn Sabbath & solemnité perpetuelle. Toutesfois tels iours de festes ont esté assignez par les SS. Peres au menu peuple plus grossier, à la multitude des infirmes, en somme à la partie de l'Eglise plus parfaicte, afin de seruir Dieu, ouyr la parole és sainctes Predications, & communiquer aux saincts Sacrements: en sorte toutesfois que l'Eglise ne serue point aux iours, mais que plustost les iours seruent à l'Eglise. Il y a dōques certains iours ordonnez en l'Eglise, esquels il conuient au peuple s'abstenir de leurs negoces ordinaires, exterieurs, & œures corporelles, afin de vacquer plus librement à seruir Dieu, à prieres, oraisons, aux Predications de la parole, & autres contemplations & exercices de Religion, qui nous admonestent,

& attirent nos pensées au salut eternal.
Mais ce pervertisseur de toute equité.
corrupteur de toute chose belle & bien
ordonnée, auteur de toute meschan-
cerie, le diable, dis-ie, lequel s'efforce
de démolir tout ce que le S. Esprit edi-
fie, a aussi presque renuersé ce rempart:
tellement qu'aujourd'huy la plus gran-
de partie du peuple Chrestien n'em-
ploie ces saints iours de Fêtes à au-
tres choses qu'à oisiveté vicieuse, non
à prier Dieu, ny à frequenter les Pre-
dications & autres exercices, pour rai-
son desquelles les Fêtes ont esté insti-
tuées, ains plustost s'adonnent à tout
ce qui peut corrompre les mœurs & la
doctrine Chrestienne, à dances, farces,
bastelleries, chants, jeux, yrongneries,
pompes, spectacles, & en somme à tou-
tes œuvres charnelles & môdaines, con-
traires à celles du S. Esprit: & se gou-
uernent selon que dit Tertullien par-
lant des solemnitez que l'on faisoit en
l'honneur des empereurs: Ils ont, dit-il,
de coustume de se mettre lors en grand
deuoir de faire feux de joye par les pla-
ces, & danser en public, banqueter par
les ruës, faire paroistre toute la ville

comme vne tauerne, se remplir de vin, estre prompts aux querelles & outrages, & faire à l'enuy à qui sera plus impudent, & donnera plus d'allechements à paillardise & deshonnesteré : ainsi la joye publique est demonstrée par vn public vitupere. Ne sommes nous pas donc justement à condamner, veu que nous celebrons les Fiestes & saintes sollempnitez par tels excez ? Au reste il ne s'est veu gueres d'autres heresies pour le regard des Fiestes que les blasphemies des Manichéens, & les pestilentes doctrines des Cataphrygiens. Mais ont bien donné occasiō à vn grand schisme & diuision en l'Eglise lors que Victor euesque de Rome retrancha toutes les Eglises Orientales & Africaines de la communion, seulement pource qu'elles suiuiuent vne autre maniere en l'observation du iour de Pasques que celle de l'Eglise Romaine. Auquel, entre autres grands personages, resiste Polycrates euesque Asiatique, & Irénée euesque de Lyon, nonobstant qu'il celebrast la Pasque à la coustume Romaine, osa bien tancer par grande liberté Victor, de ce que outre l'exem-

ple de ses predecesseurs il s'estoit mōstré
perturbateur de paix en retranchant les
Eglises qui n'estoient en aucun erreur
de la foy , ains seulement aucunement
differentes de l'Eglise Romaine en disci-
pline & facons exterieures. Depuis l'on
s'est tellement arresté sur l'observation
de ce iour de Pasques, que plusieurs Cō-
ciles ont esté à cette cause convoquez ,
p'usieurs decrets faits par les Papes, plu-
sieurs supputations de comptes, que l'on
appelle ecclesiastiques; calculez par les
Peres , & toutesfois jusques à present
l'on n'a peu tant faire que iour certain
soit arresté, auquel on celebre la Pasque
precisément par tout le monde. Et encor
aujourd'huy met on en besongne les
Astrologues pour la reparation du Calē-
drier pour mesme raison , sans aucune
decision ny Arrest. A vostre aduis, n'e-
stoit-ce pas chose qui meritaist que l'E-
glise fust mise en si grand peril de nau-
frage par l'opiniaistreté superstitieuse
d'un seul Euesque de Rome.

LEs ceremonies & pompes et accoustrements, vaisseaux, lumieres, cloches, ehants, orgues, encensements & parfums, sacrifices, gestes & contenance, belles peintures, discretion & abstinence de viandes, & autres telles façons, tiennent grand lieu en la Religion, sont estimées des principaux membres d'icelle, receuës en grande veneration, & admirées par le populaire ignorant, & par les hommes qui ne pensent qu'à ce qu'ils ont deuant leurs yeux. Numa Pompilius fut le premier qui institua les Ceremonies à Rome, afin d'inuiter ce peuple, rude & farouche, lequel s'estoit là installé par force & par armes, à pieté, Religion, Foy, & Iustice, & qu'il le peust gouverner plus heureusement. Tesmoins de ce estoient les anciles, boucliers sacrez, & le Palladium, gages de l'Empire: Ianus à deux visages, juge & dispensateur de la guerre & de la paix: le feu perpetuel de Ve-

lequel estoit veillé continuellement
par la Religieuse, gardienne de l'Empi-
e: l'année mesme diuisée par luy en
douze mois, entremeslez de iours festez
non festez, plaidoyables ou non plai-
doyables: les dignitez sacerdotales par-
ties en Pontifes & augures: les diuer-
ses manieres de sacrifices supplications,
processions, spectacles, lieux dediez &
consacrez, & manieres de seruices &
offices, dont la plus grande partie est
passée iusques à nous, & a esté retenuë,
ainsi que dit Eusebe, en nostre Relegion.
Mais Dieu, lequel ne prend son plaisir
en la chair, ny au corps, ny en signes
materiels & sensibles, rejette & mes-
prise toutes telles ceremonies exterieu-
res & charnelles: Car Dieu ne veut
point estre seruy ny honoré par œu-
res corporelles, sensibles, ou charnel-
les: mais en esprit & verité par Iesus
Christ. Il a aussi son regard dressé au de-
dans, à l'esprit, à la foy, & à ce qui est le
plus caché en l'homme, sonde les cœurs,
& les profondes cogitations de l'ame
& pource il ne faut penser que ces cere-
monies externes & corporelles puissent
approcher l'homme de Dieu, lequel n'a

tié agreable que la foy en Iesus-Christ,
& l'imitation de la charité ardante d'i-
celuy, & la ferme esperance de salut, &
du salaire par luy promis,

C'est là où gist le vray & sur seruice
de Dieu, qui n'est nullement souillé, ny
offensé par aucune tache de ceremo-
nies charnelles & externes. Ce que
nous enseigne S. Iean, disant que Dieu
est esprit, & qu'on le doit adorer en es-
prit & verité. Ce qu'ont bien cogneu
mesmes aucuns des philosophes l'ayés,
comme Platon, lequel à cette cause veut
qu'en seruant le souverain Dieu tou-
tes ceremonies exterieures cessent &
soient ostées. Hermes aussi, au traicté
intitulé Asclepius, dit, que de brusler
encens & chose semblable en priant
Dieu est acte qui ressemble à sacrilege,
pour autant que rien ne defaut à iceluy,
qui est luy-mesme Tout, & auquel sont
toutes choses : partant nous le faut-il
adorer par actions de graces: car ce sont
les vrais encensements que Dieu re-
quiert, que d'estre recogneu & remer-
cié par les hommes mortels, comme
leur bienfaicteur. Et à la verité nous
n'auons autre chose que nous puissions

prendre ou bailler à Dieu, ny qui luy soit
plus agreable que les loüanges, la gloi-
re, & les remerciements. Et n'est be-
soin d'objecter icy les sacrifices & Cere-
monies de la loy Mosayque, comme si
Dieu auoit pris plaisir en icelles : Car
ce ne fut point pour cela qu'il tira les
Israëlites hors de l'Egypte, & ne se sous-
mettoient de leurs sacrifices ny enscemémets
mais afin qu'il leur fist oublier les ido-
latries des Egyptiens, & qu'il les ren-
dust dociles & obeissans à la voix de
leur Dieu & Seigneur avec foy & en
iustice pour les sauuer. Et eut Moyse
regard à l'infirmité de ce peuple, & à la
dureté de leur cœur, pour raison de la-
quelle il leur ordonna des sacrifices, &
Ceremonies, les supportant en cela à
fin de les retirer des sacrifices illicites
des gentils, & de peur qu'à leur exem-
ple ils n'inimolassent & offrissent aux
demons & malings esprits, & non au
Dieu viuant. Car ce ne fut point le prin-
cipal but de religion qu'il vouloit leur
proposer, qu'en ces seruices, oblations
& Ceremonies, ains les ordonnoit à cau-
se de la consequence susdite, & n'estoit
loy qui les peust obliger sinon en

que par le consentement du peuple el
le auoit esté receuë : parquoy Moy
lors qu'il vouloit publier la loy des ce
remones, fit assembler les principau
& anciens du peuple, & pour les y obl
ger dauantage recueillit leurs voix &
suffrages : partant cette loy a esté mu
ble, selon le changement des temps &
des choses, & en fin abrogée du tou
mais quant à la loy de Dieu, qui esto
grauée és tables de pierre, cette-là e
perpetuelle. Surquoy le Seigneur parl
ainsi par Ieremie : Quel besoin ay
que vous m'apporriez encens de Saba
& le cinanome aromatique de terre
loingtaine : Vos holocaustes ne m
sont point à gré, & vos oblations ne m
plaisent point. Et derechef par luy-mes
me : Retirez vos holocaustes, dit le Sei
gneur, avec vos sacrifices, & mangez la
chair, dont ie n'ay point parlé à vos pe
res, ny enjoint des holocaustes ny de
sacrifices, lors que ie les retiray hors de
la terre d'Egypte, ains leur commenday
cette parole, disant, Escoutez ma voix
& ie seray vostre Dieu, & vous ferez
mon peuple : cheminez en toutes mes
voies que ie vous ay commandées :
fin

in que bien vous soit. Et encores par la
bouche d'Isaïe le Seigneur dit, tu ne m'as
point offert l'agneau de ton holocauste,
& ne m'as point glorifié de tes sacrifices.
Je ne t'ay point fait sortir par oblation,
& ne t'ay point donné de peine en pen-
sancement. Tu ne m'as point achepté à
l'argent la canne odorante, & n'ay point
desiré la graisse de tes sacrifices: mais rou-
tesfois tu m'as molesté par tes pechez.
Sur qui doncques, dit il, regarderay ie
sinon sur l'humble & paisible, & qui re-
doute mes commandemens. Car les
grasses & les chairs refaictes n'osteront
de toy ton iniquité. N'est-ce pas icy le
ieufne que i'ay esleu, dit le Seigneur: Que
tu deslies les liens de meschanceté, que
tu laches les fardeaux d'exes, que tu
laises aller francs ceux qui sont foulez,
& que tu rompes toute charge: Que tu
brises du pain à celuy qui a faim: & faces
venir en ta maison les affligez vagans.
Quar d tu vois celuy qui est nud couure
le, & ne te coustraist point de ta chair. A-
donc ta lumiere se boutera hors comme
le matin, & ta santé s'esleuera inconti-
nente ta iustice ira deuant toy, & la gloire

P

du Seigneur te recueillira. Adonques in-
uoqueras tu, & le Seigneur te respondra:
tu crieras, & il dira, me voicy. Le ne dou-
te point que tout ainsi qu'anciennement
Moysé & Aaron, & successiuelement les
autres pontifes, iuges, prophetes, ius-
ques aux Scribes & Pharisiens voulurent
ornier la Synagogue, aussi les Apostres,
euangelistes, Papes, Prestres, & docteurs
n'ayent fait de mesmes, l'enrichissant
de belles Ceremonies & ordonnances
pour la rendre ainsi qu'une espouse bien
parée à son espoux, & que ceux qui sont
venus apres y ayent adiousté a cette fin
plusieurs statuts & decrets selon l'imbe-
cilité humaine. Mais comme il aduient
le plus souuent que ce qui est appresté
pour seruir de remede, ameine nuissance,
ainsi est il pris en cét endroit: car estant
multipliées de iour en iour les reigles &
loix des Ceremonies, l'on trouue qu'au-
jourd'huy le peuple Chrestien est plus
chargé de constitutions que n'estoient
les Iuifs anciennement, & ce qui doit faire
replus de mal au cœur, ores que les Ce-
rimonies soient choses qui d'elles mes-
mes ne sont bonnes ny mauuaises, le peu-

se peantmoins y met plus de fiance, & les obserue plus religieusement que les propres commandements de Dieu, sans que cependant ny euesques, prestres, abbés, & moynes s'en esmeuent aucunement: pour autant qu'ils ont plus de soin de leur aise, & font fort bien le profit de leur ventre parmy ces erreurs. Or combien que par les Ceremonies n'ayent esté introduites en l'Eglise aucunes heresies, si est-ce qu'elles ont engendré infinies sectes, & donné occasion a tresgrandes diuisions. Par icelles l'Eglise Grecque s'est premierement separée de la nostre, pource qu'elle n'vsoit point de pain sans leuain au sacrement, combien que nous confessons qu'elle procede bien en c'est endroit. Apres l'Eglise de Boëme s'est diuisée, pour autant qu'elle administre le sacrement à la maniere ancienne sous l'une & l'autre espece, contre les defences des nouueaux Papes. Que si ainssi est, comme dit l'Apostre, que la Circoncision ne soit rien, le prepuce ne soit rien, mais la seule obseruation des commandements de Dieu, aussi les ceremonies ne sont rien, ains l'obserua-

P ij

tion des commandemens de l'Eglise
C'est doncques chose melchante d'vn
part & d'autre, de diuiser l'vnité de l'E
glise Chrestienne, & le corps de Ie sus
Christ, a l'appetit de choses de petite im
portance, qui ne nuisent de rien a la pie
té & foy Chrestienne: & ainsi que nostre
Seigneur Iesus Christ reprochoit aux
Pharisiens, couler vn moucheron, & en
gloutir vn chameau: & en somme telle
ment troubler la paix de l'Eglise, que le
danger de la diuisió soit plus pernicious
qu'il ne scauroit apporter de profit la co
rrection & amendement que l'on pour
chasse. Les Papes a la verité eussent re
tranché l'occasió de beaucoup de mau
& conserué l'Eglise paisible en repos,
entiere s'ils eussent enduré le leuain des
Grecs & le calice des Boemiens: car ces
choses ne sont pas plus grandes que
celles qui furent permises aux peuples de Norue
ge par Innocent huietieme, comme te
moigne Volaterran, a scauoir de pouuo
ir administrer le calice sans vin,

Des Prelats de l'Eglise.

C H A P. L X I.

O R a-t'on estably en l'Eglise des Prelats, ainsi que Magistrats, & diuer-
ses sectes d'hommes, tant pour la deco-
ration de la Religion, que pour maintenir
un bon ordre, afin d'euiter confusion es
choses saintes: mais tout ce qui se faict
en l'Eglise, soit pour l'ornement d'icelle,
soit pour l'edification de la Religion, &
tant pour l'election des Prelats, que pour
l'establissement des Ministres Ecclesiasti-
ques, s'il n'est conduit par la regle du S.
Esprit, qui est comme l'ame de l'Eglise,
tout cela, dis-je, est vain, & meschant.
Quiconque donques n'est appelle par
l'Esprit de Dieu, ainsi qu'Aaron, à vn grãd
estat Ecclesiastique, & à la dignité Apo-
stolique, & n'entre par la porte qui est
Iesus-Christ, mais se fourre par autre
voye en l'Eglise, par la fenestre de la fa-
ueur des hommes, par voix achetées, par
le commandement ou menées des Prin-
ces, pour certain cestuy-là n'est point Vi-
caire de nostre Seigneur Iesus-Christ, ny
successeur des Apostres, ains larron, vicai-

P. iij

re de Iudas Iſcariot, & de Simon Samaritain. A cette cause les peres anciens ont fait des ordonnances tant estroites en cas d'election de prelatz, que Denys appelle sacrement de nomination, à ce que ceux qui seroyent nommez pour estre Euesques, & tenir lieu d'Apostres en l'Eglise, fussent gens de sainte vie, mœurs entieres, sçauans & exercés en doctrine, pour pouoir donner raison de toutes choses. Mais estant peu à peu les anciennes constitutions des peres descheuës de leur Majesté, & en lieu d'icelles s'estans avancées les nouvelles constitutions & le droit des papes, & prins force les dam-nables coustumes, l'on voit des Euesques colloqués au siege de Iesus Christ, & des Apostres tous semblables aux Scribes & Pharisiens assis anciennement sur celuy de Moyse, qui disent assez, & font peu: qui imposent griefs & pesans fardeaux sur les espaules d'autrui, lesquels ils ne daigneroient auoir touchez du doigt. Ce sont hypocrites, faisans toutes leurs œuvres afin d'estre veus par les hommes, faisans parade de leur religion es lieux publics & frequentez, cherchans d'estre

mis es premiers rangs, es assemblées & conuocatiōs, & d'estre appellés Messieurs nos Maistres & docteurs par les places & marchés & par tout, fermans la porte des cieux où ils n'entrent point, pour empêcher les autres d'y entrer: qui mangent les maisons des vefues, font longues & prolixes oraisons, & circuyssent la mer & la terre pour attirer à leur cordelle vn enfant pour augmenter le nombre des gens perdus, & afin qu'ils n'aillent seuls au feu d'enfer, auquel ils sont adiugez ains y fourrer encor plus auant beaucoup d'autres par leurs traditions & choses controuuées, corrompent les saintes loix de Iesus Christ, n'ayans cure aucune du vray temple de Dieu, des viues Images de Iesus Christ, ny des ames du peuple: ont leur œil auare rendu sur l'or: & les offrandes, s'occupans cependant à certaines choses legeres & comme accessoires de l'Eglise, comme d'auoir soin de faire nouveaux reiglements sur les decimes, collectes, oblations, & aumosnes, d'ordonner que les loix des Ceremonies soient estroitement obseruées, leuer les dixmes des fruiets, du bestail, des re-

P iiii

uenus, & de chaque petite chose, de la mente, de Panet, du cumin, comme il est dit, en toute diligence, & abboyans ainsi que chiens, du haut d'une chaire, debattent de ces choses avec le peuple. Mais quant aux œuures plus graues & plus requises de l'Euangile & de la Loy, la justice Chrestienne, le Iugement, Misericorde, & Foy, elles sont laissées arriere : ils coulent le moucheron, & engloutissent le chameau : ils choppent à vn petit cail-lou, & sautēt par dessus vne grande pierre, conducteurs auueugles, faux, & trompeurs, engeance de viperes, verres bien lauez, sepulcres blanchis par dehors, parez de mytres & de chapeaux, bien enfrocquez & enchapperonnez pour faire beau semblant de saincteté, mais au dedans remplis d'ordure & d'hypocrisie, ruffiens, joüeurs, gourmans, yurongnes, empoisonneurs, paruenus, ainsi que remarque l'euesque Catomense, non par le merite de vertu, mais par quelque deshonneste seruice, ou par presents, ou par faueur de Princes, ou bien à force d'armes sont montez aux dignitez, Prelatures, & benefices, ou sous le masque d'hy-

procrisie, ont attirez à eux les biens Ec-
clesiastiques qui appartient aux pau-
vres, pour enrichir leurs maisons prinées,
faisans monopoles & marchandise des
aumosnes de nos peres & antecessurs,
desquelles ils abusent en paillardises,
jeux, chasses, chiens, & cheneaux, & en
toute superfluité & vilain excez.

Chiens & cheneaux sont leurs plaisirs.

Et champs herbus tous leurs desirs.

Ils secoüent les peuples par pilleries,
détruisent les Royaumes, esmeuvent les
guerres, ruinent les Eglises qui ont esté
basties par la deuotion de nos ancestres,
edifians cependant des palais, cheminans
en robe d'escarlatte, dorez & diaprez
au grand détriment & apauurissement du
peuple, infamie de la Religion, & charge
insupportable de la chose publique, les-
quels S. Bernard au sermon qu'il fit au
Synode general de Reims, present le Pa-
pe, definit, non pas mercenaire au lieu de
Pasteurs, non pas loups au lieu de mer-
cenaires, mais au lieu de loups les nom-
mant diables. Les meimes souverains
Pontifes Romains (ainsi que deplore ce
S. euesque Camotense) sont griets & in-

supportables à tous. La pompe & arrogance desquels surpasse celle de tous les tyrans qui ont iamais esté, & neantmoins ils se vantent qu'en eux seuls gist tout l'estat de la religion & de l'Eglise, combien qu'ils rejettent les principales charges d'icelle, comme la predication de la parole euangelique (qui est le vray deuoir & office des euesques) sur autres, pendant qu'ils sont occupez à bastir des loix pour leur profit, & retirer à eux tous les reuenus & emoluments de l'Eglise, oisifs & meschans tout ensemble. et pour autant que le siege Papal, ainsi qu'ils disent, reçoit ou fait tous les Saincts, ils estiment que rien ne leur est illicite : iusques à ce iouer & abuser impudemment & malheureusement par meschante volupié à leur appetit mesme, des sacrées Ceremonies ecclesiastiques instituées par les saints peres pour l'instruction des hommes mortels, & pour les preparer à recevoir les graces de Dieu. Dont nous lisons vn exemple en Crinitus de Boniface VIII. contre le Cardinal Porchet. C'est ce Boniface qui fit trois choses remarquables & grandes : car premierement par vne

feinte reuelation il trompa Clement, & le persuada de luy ceder la Papauté. Apres il bastit le sixiesme des decretales, & maintint que le Pape estoit par dessus tous. Pour la troisieme il institua le Iubilé: le marché, dis ie des indulgences, & les fit atteindre le premier iusques au purgatoire. Je passe les autres monstrueux Papes de Rome, comme Formosas, & les neuf qui le suivirent, & gouvernerent si vilainement l'Eglise: les derniers, aussi, Paul, Sixte, Alexandre, Iules, fameux perturbateurs de la Chrestienté. Je passe aussi Eugene, lequel pour auoir faussé la foy au Turc enuelpa la Chrestienté en tant de sanglantes guerres comme si la foy ne deuoit estre aussi bien gardée à l'ennemy. Quelle playe fit Alexandre sixiesme à la Chrestienté en ostant du monde par poison Zizim frere de Baraseth empereur des Turcs: Vn chacun Pa cognu. Les legats du Pape pareillement, selon que dit Camotense & l'experience ordinaire le monstre dès qu'ils sont entrez és prouinces remuent tout avec telle insolence, qu'il semble que satan soit party de deuant la face de Dieu pour flageller l'E-

glise esmeurent & troublent la terre, afin
qu'il semble que l'on aye besoing d'eux
pour y donner remede, s'esioyllent du
mal & saurent d'aïse quand il aduient
pis.

Et font sans se penier leur sein en pleurs noyer,

Bien qu'ils ne voyent rien dont faire larmoyer.

Car ils mangent des pechés du peuple,
ils se nourrissent, se vestent, & prennent
leurs plaisirs & voluptez par le moyen
d'iceux, & ont leurs excuses promptes, &
(ce leur semble) assez d'exemples à qui
se prendre si d'adventure on leur veut
reprocher quelque chose de leurs vices:
Car si on les reprend d'ignorance & d'e-
stre sans lettres, ils disent que nostre Sei-
gneur esleut ces apostres de cette sorte,
qui n'estoient ny maistres en la loy, ny
Scribes, & n'auoient oncques frequen-
té Synagogue ny eschole. Si on leur re-
proche leur parler lourd & barbare, ils
mettent en auant incontinent Moyse,
qui auoit la langue empeschée, & Iere-
mie qui ne scauoit parler, Zacharie aussi,
qui estoit muet, lequel toutesfois ne fut
point priué de la prestrise. Et si on leur
obiette qu'ils n'entendent rien es sain-

Et es escritures, ou mesmes qu'ils sont infidelles, errans, & heretique : ils disent que S. Ambroise fut bien fait Euesque anant que d'estre receu Chrestien, & prins d'entre ceux que Pon instruisoit encores: & que S. Paul fut appellé à l'apostolat estant non seulement infidelle, mais, qui pis est, persecuteur. Augustin pareillement auoit esté vn temps fut Manicheen, & que Marcel marir estant Pape offrit bien de l'encens aux idoles. Si l'on leur fait reproche de leur ambition, ils prendront pour exemple les enfans de Zebedée. Si d'estre timides, Ionas & Thomas furent aussi timides : car l'un craignoit d'aller vers les Ninivites, l'autre vers les Indiens. Si la perfidie, ils diront que S. Pierre adiousta à la desloyauté le pariurement. Si la paillardise, Sanson & Osee hantoient les paillardes. Si les batteries, les meurtres, la guerre, saint Pierre, diront ils, abbatit l'oreille à Malchus, S. Martin estoit gendarme sous l'Empereur Iulien: Moise tua l'Egyptien, & puis le cacha dans le sable. Tellement qu'il n'y a rien qui les empesche quels qu'ils soient d'estre admis aux estats &

dignitez ecclesiastiques, & puis il faut
qu'un chacun baïsse la teste sous le glai-
ue de ces maistres: le glaiue dis ie, nō de la
parole de Dieu, de laquelle ils doiuent
estre les gardiens & dispensateurs, mais
le glaiue de l'ambition, de l'auarice, des
extorsions & amendes, des mauuais exē-
ples, du sang & de l'occision duquel ils
s'arment contre toute verité, iustice, &
honnesteré.

*Car si nous exerçons iustice & loyauté,
Nos tiltres nous perdrons, le sceptre, & royau-
té.*

*Donnons donc liberté, que nul mal nul ne
craigne,*

C'est ce qui maintiendra en estat nostre regne.

Sinon, qui resspandroit sur nos autels l'encens:

Prenez le glaiue au poing, faites selon vos vœs.

Et si ne faut presumer de pouuoir con-
tre dire à leurs façons de faire sans dan-
ger, ny de resister à leurs desordonnez
appetits, si l'on n'est bien disposé & pre-
paré à recenoir martyre pour le nom de
Iesus-Christ, c'est à dire d'estre bruslé
comme heretique, ainsi que l'experimen-
ta Hierosme Sauonarolle de l'ordre des
freres prescheurs, homme Theologien

& d'esprit prophetique, lequel fut brulé
à Florence. Toutesfois puis que toute
puissance est bonne, d'autant qu'elle viét
de Dieu, duquel sont toutes choses &
tous biens, nonobstant que les hommes
en vident quelque fois mal, où qu'ils
souffrent à tort, si est ce qu'à cette vniuer-
sité ou generalité telles choses sont bon-
nes, par la providence de celuy qui sçait
vser en bien de nos mauuaises œures.
Car pour la multitude de nos pechez
Dieu lasche la bride aux tyrans, & les pe-
chez du peuple establisent le regne de
l'hypocrite. Partant, quiconques est or-
donné par le Seigneur euesque en son
eglise, doit par raison estre obeysans
contredit. Car qui mesprise l'Euesque ou
le prestre, ne mesprise pas iceux, mais
Dieu mesme, ainsi qu'il est tesmoigné des
contempteurs de samuel. Il ne t'ont
point en mespris, dit-il, mais c'est moy
qu'ils ont mesprisé. et Moysé dit contre
les murmurateurs du peuple. Vous n'a-
uez point murmuré contre moy, ains cō-
tre le Seigneur Dieu. Celuy doncques ne
demeurera point impuny, qui s'oposera
à son euesque ou prelat. Datant & Abi-

ron ont resisté à Moïse, & s'en trouuerēt mal: car la terre les engloutit. Plusieurs conspirerent avec Coré contre Aaron, & furent consummez par feu. Achab & Iesabel ont persecuté les Prophetes, & seruirent de pasture aux chiens. Les enfans qui se mocquerent d'Elisee furent deschi rez par les ours. Olias Roy voulant faire office de prestre fut frappé de lepre. Saul entreprenant de sacrifier sans Samuel, fut priué de la Royale onction de l'esprit Prophetique & liuré au maling esprit. C'est chose infidelle de ne croire point aux saintes escritures, & irreligieuse de mespriser les prestres qui sont bons, les euesques qui sont meilleurs, ou le Pape qui est tresbon: ausquels ont esté baillées les clefs du Royaume des cieux, & la dispensation des saints mysteres de Dieu. Et ceux qui les honnorent seront hono rés, & seront des honnorez & punis de Dieu ceux qui les des-honnorent.

CHAP. LXII
Des Sectes Monastiques.

EN l'Eglise de Dieu se trouuent enco-
re des troupes de gens de diuerses
sectes, moynes freres & hermites solitai-
res, qui ont esté incognus aux temps an-
ciens, car en l'Eglise plus pure & encor
exempte de tant de ceremonies que nous
voyons à present il n'en estoit aucune
nouuelle. Ceux qui auourd'huy attri-
buent à eux seuls le nom de religieux,
font profession de reigles estroites à la
verité & difficiles, & se parent des noms
de grands personnages & dignes de
louanges & des peres remplis de sainte-
té, comme de Basile, Benoist, Bernard,
Augustin, François, & semblables: mais le
nombre des bons entr'eux est fort esclai-
ci & diminué en ce temps, & la troupe
des mauuais accreuë à merueilles. Car là
abordent de toutes parts, ainsi qu'à vne
franchise & receptacle de meschants
garnemens, tous ceux qui sont effrayez
par leur mauuaise conscience, qui crai-
gnent la rigueur des loix, & n'ont retrai-

ete asscurée ailleurs, qui sont chargez de crimes dignes de grands supplices, qui ent mené vie infame & deshonneste, qui sont reduits à belistrer & demander leur pain apres auoir dissipé leurs biens en paillardises, berlans, & tauernes, & sont chargez de debtes enuers vn chacun. Ceux qui prennent plaisir à ne rien faire, fuyent le traual, & esperent de viure là en oisiveté. et si quelqu'un n'a peu iouyr de ses amours, il se fourre là par desesperoir, ou bien vne simplicité de ieu, nelle deceuë, vne aspre & rigoureuse marastre, ou les tuteurs iniques les y amènent & introduisent toute l'armée desquels est puis iointe & maintenue en reputation par vne saincteté dissimulée & feinte, par vn habit encapuchonné, & vne belistrerie & mendicité saine & gailarde. Voila la grande mer en laquelle avec les autres poissons viuent Behemot & Léuiatan monstres enormes & estranges reptiles, le nombre desquels est infini: d'où sortent tant de marmots stoyques, tant d'importuns attrape deniers, tant de belistres bien emmantelez, tant de monstres ambeguinez, portebarbes,

portecordes , portelicolz , portefacs ,
chaussez de cuir ou porte-sabots , pieds
nuds, vestus de noir, de gris, blancs, gri-
collés , fauves, portans rochers , rets,
Chappes, manteaux, chappes, ceints, des-
ceincts, portans brayes , & tant d'autres
tels bouffons & basteleurs , lesquels a-
yans perdu entierement leur credit en ce
qui concerne les affaires, du monde par-
lent avec grande autorité des choses ce-
lestes & diuines: en quoy leur est foy ad-
roustée, à cause de leurs habillement es-
trange & prodigieux: en sorte qu'eux seuls
vsurpent aujourdhuy le sainct tiltre de
religion, sont, ce disent-ils compagnons
de I. C. & de mesme Chambree avec les
Apostres. Neantmoins le plus souuent
leur vie est pleine de meschancete, d'aua-
rice, luxure, gourmandise, ambition, te-
merité , arrogance , & en somme de
tout vice : mais tousiours excusée & im-
punié sous le couuert de la religion: Car
ils sont garnis de bons Priuileges de la
cour Romaine, & par le moyen desquels
ils declinent de toutes iurisdiccions , &
s'en exemptent, afin qu'ils puissent fai-
re plus de mal sans crainte d'estre pu-

nis, & nonobstant qu'ils puissent tirer en action, qui que ce soit en tous sieges & deuant tous Iuges, eux ne peuvent estre appelez en iugement sinon a Rome, ou en Ierusalem.

Si ie voulois mettre par escrit tous les erreurs de des gens, toutes les peaux des bergeries de Madian ne suffiroient au parchemin qu'il me conuiendrait remplir, de ceux, dis ie, qui ne sont entrez en religion par deuotion & religieuse affection, mais ont pris le capuchon pour feruir à leur gourmandise & oisieté, Car les bons ne se doiuent tenir offenes de mes paroles, lesquelles ie n'adresse à eux, ains seulement aux mauuais, qui sous la peau de brebis sont vrais loups raiissans, & portent sous le manteau d'aigneau la malice du renard dans le cœur, dissimulans par tel artifice leurs tromperies, qu'il semble bien qu'ils ayent prins grand'peine à apprendre à bien iouer le roolle d'un hypocrite, & à belistrer sous le masque de pieté & religion: contrefaisant les abstinents avec un visage paste, & tirans du profond du cœur des souspirs accompagnez des lar-

mes qu'ils ont à commandement remuant
 tousiours les levres comme s'ils prioient
 Dieu: & d'un marcher approprié & con-
 tenances posees.

*A col tors, bas regard, tousiours mirans la
 terre:*

Veulement faire accroire à chacun qu'ils
 sont tres-modestes par leur habit des-
 guisé, contrefaisans les humbles, & avec
 leur capuchon pendant sur les espaules
 fignent sainteté exterieurement: ce-
 pendant le dedans est infecté de mœurs
 & facons detestables: & nonobstant que
 souuent parmy cela ils commettent des
 meschancetez execrables, ils se sauuent
 tousiours, & le gaignent contre tous en
 faueur de la religion & pour l'hon-
 neur de l'habit lequel ils presentent ain-
 si qu'un bouclier à tous coups qui leur
 sont lancez, & les repoussent braue-
 ment: en sorte que ainsi asseurez de
 tous les dangers & trauaux de ce mon-
 de, ils mangent le pain ocieusement
 mendié au lieu de l'acquérir par labeur
 & peine, viuans sans soucy, & dormans
 sans aucune sollicitude, & pensent que
 de viure ainsi du labeur d'autrui en oi-

pueté & belistrerie, soit la vraye pau-
ureté euangelique. et combien qu'ils
facent profession de grande humilité,
cheminans en pauvre & simple habit,
ainsi que villageois, ceincts de cordes
ainsi que larrons, nuds pieds comme
bastolteurs, teste rase comme sols, &
qu'il ne s'en fale que des oreilles de
chaque costé de leur capuchon, & des
sonnettes pour représenter les badins &
masques de carefine prenant, & en som-
me portent toutes les marques de mespris
& moquerie, pour l'amour, disent
ils, de Iesus Christ & de la religion,
ils sont neantmoins pleins d'ambition,
& toute leur intention n'est rapportée
qu'à acquerir des tiltres arrogans, pre-
nans plaisir d'estre appelez recteurs,
preuosts, gardiens, Prieurs, Abbez, vi-
caires: prouinciaux, generaux, & sem-
blables, tellement qu'il n'y a gens plus
desireux des prefeances & preeminen-
ces que ceux cy. Il y a assez dequoy
mesdire d'eux en plusieurs sortes, mais
il y en a eu desia autres qui nous ont
denoncé, & ont contre eux amplement
presché force iniures & blames, voire

en sorte qu'ils ont mis en mespris non
seulement plusieurs bons peres Religieux
& de vie entiere, mais aussi les reigles
mesmes de bien viure, ordonnez par les
saincts Peres. Parquoy ie ne voudrois
quel'on pensast que i'aye icy voulu tou-
cher aucunement ceux qui cheminent
droitement en leur profession, ensuiuent
les vestiges des Saincts Peres, & aspirent
à la perfection. Je croy que leurs reigles
& professions ayent esté sainctement in-
stituées, & que mesme aujour'huy il
se pourroit trouuer des Moines bien
viuans, de bons freres mendians, her-
mites, & chanoines reguliers: mais
aussi ie dis qu'entre iceux il y en a grand
nombre d'infideles, reprouuez, apostats,
qui corrompent tout ce qui est de bon
en leurs religions, à raison de quoy i'ay
voulu monstrier icy qu'il n'y a eu on-
que profession Religieuse si chaste, la-
quelle ne se soit imprimée quelque ta-
che d'erreur & de malice: Car mes-
mes nous lisons qu'entre les anges y a
eu des apostats, & entre les premiers
freres un parricide, des Prophetes re-
prouuez, des Apostres traistres, des dis-

ciples de Iesus Christ, des loyaux, & entre les Papes Romains iadis plusieurs schismatiques & reprouuez heretiques, & qu'en cette haute dignité est montée autrefois vne femme qui fut nommée Iane huietième, qui gouverna le siege au contentement d'un chacun deux ans, quelques mois, & iours, & conféra les ordres sacrées (chose defendue en l'Eglise aux femmes) promeut des euesques, administra les sacrements, & fit tous autres offices que les Papes ont accoustumé de faire & si les actes ne furent point rescindez ny obrogez : faisant droit l'erreur general en cela, lequel ayant gagné le dessus il est à presumer que l'Eglise lors fut contrainte de dissimuler beaucoup de choses que la rigueur de la religion n'eust autrement souffert. Donc il faut conclure qu'ès religions non plus qu'aux autres choses rien ne demeure en son entier ferme ny perpetuel. Mais ceux qui introduisent des sectes, & se complaisans à eux-mêmes, se retranchent de l'Eglise pour leur gain & profit, & pour acquérir gloire par feinte saincteté, ceux là dis je, ainsi que Na-

dab & abiii offrans le feu estranger à
l'autel du seigneur seront bruslez par
iceluy. Ceux aussi, lesquels en orgueil-
lis osent s'esleuer contre l'Eglise de
Dieu par opinions peruersez d'heresies
forgez en leurs cerueaux, seront en-
gloutis enterre ainsi que Dathan &
Abiron, & descendront vifs aux enfers.
Pareillement ceux qui diuisent l'unité
de la religion, & separans les membres
de Iesus Christ affligent l'Eglise de
Dieu, seront exterminéz par le mesme
supplice que fut Ieroboan.

Des Putains. CHAP. LXIII

V surplus, pour autant
qu'anciennement entre les
Egyptiens nul n'estoit re-
ceu à la dignité sacerdotale,
qu'il n'eust esté pre-
mierement nouice & faict par maniere
de dire son apprentissage en la Religio
& Ceremonies du Dieu Priapus, & que
par mesme obseruation & coustume
receüe en nostre Eglise ceux qui sont
chastrez ne peuuent estre Papes, & est
defendu, de bailler les ordres sacrees

Q

aux eunuques ou chastez, soit de nature, soit par artifice, joint & que par tout on void où sont les plus magnifiques Temples, Cloistres, & Colleges de Moines, & Chanoines, que là pres sont aussi establis les bordeaux. Avec ce que plusieurs cloistres de nonnains ne sont autre chose que cachettes & repaires de putains, plusieurs desquelles nous scauons auoir souuent esté entretenus és cloistres parmy les beaux peres religieux (sauf l'honneur de leur profession de chasteté) en habit & sous le capuchon monachal, ainsi qu'un d'eux: à raison,, dis-je, de ces choses il nous a semblé n'estre mal à propos de mettre à la suite de ce que nous venons de traicter ce qui concerne l'art & mestier des paillardes, lequel n'est pas à reiecter de la republique bien ordonnée, selon l'opinion de plusieurs sages, qui l'ont estimé non seulement utile, mais necessaire. Car Solon ce grand legistateur des Atheniens, qui fut iugé l'un des sept sages de Grece par l'oracle d'Appolo (ainsi que témoignent Philemon & Menander) & d'ailleurs prouision & emploie de putains pour

ieunesse, & premier baillit & dedia le temple de Venus Pandemie, ou commune, des deniers contribuez par les putains du gain qu'elles faisoient de leurs corps, institua les bordeaux, les autorisa par luy, donnant plusieurs immunitiez aux paillardes, les establit & confirma. Et furent iadis en si grand honneur entre les Grecs, que venant les Perles avec grande armée contre la Grece, les putains Corinthiennes firent des prieres publiques pour le salut du pais au temple de Venus: & estoit vne custume ordinaire entre les Corinthiens, s'ils vouloyent faire supplications & requestes à la deesse Venus de quelque chose de grande importance, en donner la charge aux putains. Plusieurs Temples furent construits aux paillardes en la ville d'Ephese, & vn des-renommé fut edifié par ceux d'Asie en reconnoissance & memoire de ce que par le moyen d'une paillarde auoyent recourré leur liberté perdue. Outre ce Aristote le sage n'espargna les honneurs qui appartiennent aux dieux seuls à sa concubine Hermia luy fit des sacrifices & Ceremonies

Q ij

tels que ceux qu'on faisoit à Ceres,
d'Eleusine. Celle qui premierement
prattiqua ce mestier, fut Venus, à ce
que l'on dit, laquelle pour ce merite
fut canonisée & mise au nombre des
deesses. Cette femme impudique &
abandonnée à tout appetit desordonné
donna conseil & exemple aux femme
de Cypre de gagner de l'argent en
abandonnant leurs corps publiquement
au plaisir de qui en vouloit, & de là vint
en avant la coustume qui fut observée
en cette Isle, narrée par Iustin, de per-
mettre que leurs filles courussent
long du riuage de la mer; se prostituant
à vn chacun pour gagner leur mari-
age auant qu'on les espousast, & payer
premierement cette offrande à Venus
à fin de viure apres le reste de leur
en chasteté. Herodote pareillem-
dit que les Babyloniens auoient
coustume, lors que quelques
auoient dissipé & consommé leur bien
de contraindre leurs filles à faire gain
& profit de leurs personnes. Mais
eut vne putain escholier de Socrate
nommée Aspasia, laquelle remplit
de la Grece de femmes de la sorte,

à l'amour de laquelle, & à l'occasion de
quelques siennes seruantes qui auoyent
esté rauies par les hommes de la ville
de Megare, ainsi que dit Aristophanes,
Pericles fit entreprendre la guerre qui
fut appelée Peloponnesiaque. C'est
dont fut mis en grande reputation par
l'Empereur Heliogabale, lequel, selon
que tesmoigne Lampride, dressa chez
luy des bordeaux pour se amiser, sub-
iects, & seruiteurs fit des festins où fu-
rent seruis vingt deux plats de toutes
sortes de viandes exquisés : mais à la
charge qu'un chacun embrassast sa cha-
cune à chascun seruiteur que l'on portoit
& puis s'estans lauez ils venoyent affer-
mer par serment qu'ils auoyent accom-
pli l'œuvre voluptueuse. Souuent il
rachettoit de ses deniers les putains
des mains & seruitude des ruffiens, &
de mettoit en liberté : entre lesquelles
vne, qui estoit fameuse pour sa beauté,
fut payée trente liures d'argent. L'on
dit aussi qu'il fit vne reueüe & recher-
che des putains certain iour par toute
la ville de Rome, & autour du thea-
tre, de l'amphitheatre, & des lices, où
elles auoyent de coustume se retirer.

Q iij

& bailla à chacune d'elles vn escu. Et
vne autrefois, appella & conuoca au
palais toutes les paillardes, loudieres
& buissonnieres, tant celles des lieux
sufdits que autres de tous les endroits
de la ville, & là leur fit vne belle haran-
gue, comme s'il eut esté au milieu d'une
armée, & qu'il eut voulu exhorter ses
soldats, appellant ces femmes ses com-
pagnons, & discourut des diuerses ma-
nieres de prendre le plaisir des-honne-
ste: & apres qu'il eut acheué sa haran-
gue, ordonna qu'il leur seroit baillé à
chacune trois escus de donatif, ainsy
que l'on faisoit aux vaillans gens d'ar-
mes qui auoient bien fait leur deuoir.
Et s'il y auoit quelques matrones & da-
mes d'honneur en la ville de Rome
qui voulussent se mettre à cét exerci-
ce, il les absoluoit, & asseuroit de tou-
tes peines portées par les loix, & outre
ce leur octroyoit des Priuileges & im-
munités. Bref il assigna des pensions sur
son espargne aux paillardes, fit des de-
crets, & arrests en plein Senat, qu'il
appella ordonnâces d'amour, de pailla-
rise, & de volupté, & les intitula du n

de sa mere, ou de sa femme, les ordonnances, Semiramidiennes. D'auantage il inventa des manieres de luxure estranges, enquoy il surpassa cette putain Cyrenienne, laquelle estoit surnommée aux douze inuentions, pource qu'elle auoit trouué douze manieres pour rendre l'acte vernerien plus voluptueux & agreable à l'homme : en somme fut si ord & deshonneste en ce mestier, quil surmonta de beaucoup toutes les deshonnestes gaupes & bordelliers qui ayent onques esté. Je passeray legerement les paillardises de Iudas Israëlite l'un des douze patriarches, celles de Samson Iuge du peuple de Dieu, lequel n'espousa femme qui ne fut putain, celles de Salomon le tressage Roy des Iuifs, qui en auoit des troupeaux innombrables, de Cesar le dictateur, qui fut si valeureux en ce regard, qu'on disoit de luy que c'estoit le coq à toutes poules, le mary à toutes femmes, celles de Sardanapale monarque des Babylonniens, & autres sans nombre fauteurs & protecteurs tres-renommés & tres-puissans des paillardes. Entre lesquels l'Empereur Proculus ne fut des moins

Q iij

estimées en cet exercice: car Pon peut voir par vne epistre qu'il escrie à Metian, qu'ayant choisi cent pucelles Polonoises entre les prisonniers de guerre il en despuela dix la premiere nuit & vint à bout du reste dans la quinzaine: Mais Pon dit bien chose plus grande Hercules és poësies, c'est qu'en vne seule nuit il rendit femmes cinquante filles vierges. Il y a vne petite herbe aux Indes selon le rapport de Theophraste, laquelle mangée donne telle vigueur qu'il s'est trouué homme lequel a peu accomplir l'œuvre de Venus soixante dix fois. Au reste Sappho poëtelle amie de Phaon, & Leontion concubine de Metrodore tres-experte en la Philosophie, n'ont pas donné peu de reputation à ce mestier, mesmes Leontion a bien osé escrire contre Theophraste des liures pour la defense & approbation de la paillardise, contre le mariage. A cette cy on peut ioindre Sempronia femme bien instruite en l'eloquence Grecque & Latine. Et ne faut oublier Lionne amoureuse d'Aristogiton Athenien loyale & fidele à l'esprouue, laquelle endure

Et tous les tourmens que les tyrans luy firent bailler pour luy faire declairer où estoit son amy avec vn silence constant & perpetuel. Pareillement Part de paillarder a esté fort annobli par Rhodope esclau iadis avec Esope sous vn mesme maistre & sa compagne, laquelle acquit en paillardant si grandes richesses, qu'elle fit construire de ses deniers la troisieme des Pyramides comptees entre les sept merueilleux spectacles du monde. A sa suite vient Thais Corinthienne, hautaine pour sa grande beauté, tellement qu'elle n'admettoit aucuns à coucher avec elle sinon Rois & Princes. Mais sur toutes Messalina femme de l'Empereur Claude aduanga fort Part & profession des putains: car rodant par les cachettes & caues où les putains auoyent de coustume de iouer de leur mestier, on dit qu'en vn iour & vne nuict elle surmonta vne fameuse esclau de celles qui se prostituoient de vingt cinq embrassade, tant qu'estant lassée, mais non pas soulee d'hommes, elle se retira. Ausquelles nous pourrions bien accompagner des modernes & moins anciennes putains,

Q. v

comme Ieanne Roine de Naples tres-illustre, & plusieurs autres grâdes Princesses, & dames de Cour, n'estoit qu'il est vn peu d'angereux de les nommer, nonobstant qu'elles soyent tres-renommées & connues; lesquelles sont toutesfois differentes des autres, en ce qu'elles ne se font embrasser publiquement selon les loix d'Heliogabale, & ne courent les bordeaux ainsi que faisoit Messalina l'Imperatrix mais le font honnestement, en secret, à portes closes, & à la desrobee. Mettons en ce roole les deux Iulies, l'une fille, l'autre niece d'Octavian Auguste, Populea, Cleopatra Roine d'Egypte, & autres nobles & excellentes putains: mettons y pareillement les exemples & patrons tres-anciens de toute lubricité, Semiramis & Pasiphaë, dont la premiere fut si embrasée de paillardise qu'elle sollicita son propre fils de coucher avec elle, & non seulement cela, mais fut amoureuse d'un cheval, iusques, à desirer sa compagnie: l'autre, qui fut femme du Roy Minos, se soufmit à vn taureau. Or nous ne voudrions entreprendre de faire en cet endroit vn recit de

outes les insignes & renommées pu-
ains : car il seroit trop long. Mais il ne
ut passer sans remarquer que des pail-
ardises, adulteres, & illicites conion-
ions nous ont esté produits plusieurs
rand & illustres personnages, &
cleroës : comme ont esté Hercules,
Alexandre, Ismael, Abimelech, Salo-
mon, Constantin, Clouis Roy de Fran-
ce, Theodoric Roy des Gots, Guillau-
me le Normand, Raymir Roy d'Ara-
gon, & mesmes des Rois & Princes de
ce temps, qui en seroit bien informé,
se trouuoient nais de legitime
mariage, tant peu de compte font ils
des loix & reigles matrimoniales : car
ils retiennent & repudient, changent
& rechangent, selon qu'il leur plaist,
es femmes qu'ils ont legitimement es-
pousees : ils meslent & accouplent par
mariages leurs fils & filles en telle con-
fusion de consanguinitez & alliances,
qu'il est mal-aisé de trouuer ny cognoi-
tre où gist la vraye ioincture & assem-
blage d'iceux. Et de ce nous pourrions
mener infinis exemples, toutesfois
nous nous contenterons d'aucuns qui
ont esté pratiquez depuis peu d'annees.

Q. vi

Le Roy Ladislaus de Pologne, apres
auoir espouse Beatrix, en consequence
duquel mariage il obtint le Royaume
de Hongrie, ne la repudia il pas pour
receuoir vne concubine Françoise?
Charles-huictieme de France ne laissa
il pas Marguerite fille de l'Empereur
Maximilien, pour espouser ou rauir
celle qui estoit femme d'iceluy; la-
quelle apres luy Louis douziesme
point en mariage, ayant pareillement
repudiée celle qu'il auoit espousée, à ce
consentans & l'exhortans les Euesques
du Royaume, lesquels firent plus d'estat
que la Duché de Bretagne fut ioincte
à la couronne, que de maintenir entiers
les droits des legitimes mariages; & mé-
me de ce temps i'entends que vn certain
Roy s'est laissé persuader qu'il luy es-
licite de delaisser sa legitime espouse
qui a esté avec luy plus de vingt ans
pour se marier avec sa concubine. Mai-
reuenons aux putains. Quiconque vou-
dra sçauoir leurs artifices à sçauoir com-
me elles ont accoustumé de prostituer
leur pudicité, par quels regards lascifs
par qu'elles misnes du visage, contena-
ces & geste du corps, mignardises &
paroles, attouchemens des-honneste

par qu'elles raçons d'habits & ornements extérieurs, fards, & desquise-
ments elles sollicitent les hommes à
les corrompre: & en somme qui vou-
dra connoistre & entendre toutes les
ruses & menées, les lacs, amorces, &
stratagemes de leur art & mestier, lise
& feuillette les poëtes auteurs des Co-
medies. Mais si quelcun desire sçavoir
en quelle façon, avec quel amadou-
mens, deuis, regards, baisers attouche-
ments petits foulements, frottements,
lucettes, pressements, remuements, ad-
uancements, receptions & reculemens
le ieu d'amour s'accomplit, par quels
moyens la volupté venerienne est pro-
longée, receüe, rendue, restaurée, il trou-
uera toutes ces choses dans les liures
des medecins. Outre ce il y a eu des
auteurs, qui ont escrit des liures des
paillardes, comme Antiphanes, Aristophanes,
Appollodore, & Calistrate. Mais
le rhetoricien Cephalaus a escrit parti-
culierement les loüanges de Laïs pail-
larde: comme aussi Alcidasius celles
d'une autre putain nomme Naïs. Da-
uantage plusieurs tant Grecs que La-
tins ont mis par escrit les amours pu-

bliques & bordelleries, comme Callimach, Philotes, Anacreon, Orphee, Alcee, Pindare, Sapho, Tibulle, Catulle, Properce, Virgile, Iuuenal, Martial. Corneille Gaulois, & autres, faisans en ce plustost œuure & office de vrais maquerelax que de Poëtes. Mais tous ceux-cy ont esté surpassés par Ouide en ses Epistres Heroïdes, & aux poësies qu'il a adressées à Corinna, principalement au liure qu'il a fait de l'art d'aymer, lequel il eut plus proprement intitulé de l'art de paillarder ou de maquerelage. A raison desquels liures par luy publiez, & pour les mauuais enseignements contenus en iceux, par lesquels la ieunesse estoit corrompue, il fut iustement chassé par Octavian Auguste, & banni iusques aux Getes ou Valacres. Tous tels liures amoureux furent iadis condamnez au feu par Archilochus Lacedemonien, & neantmoins nous auourd'huy lisons encores les auteurs qui traictent de cest art, & mesmes les maistres d'eschole en font des leçons à leurs disciples, & escriuent, pour les mieux donner à entendre, sur iceux des meschans & de-

estables commentaires. l'ay veu & leu
naguieres vn dialogue de paillardise en
langage Italien, intitulé la Courtisane,
imprimé à Venise, des plus infames &
malheureux que l'on scauroit voir, pu-
bliant ses sales voluptez, tant commu-
nes que celles qui sont recherchees
contre nature, liure digne à la verité
d'estre mis au feu avec son auteur. Je
passe à mon escient en cet endroit de
faire mention de l'abominable paillar-
dise qui se commet avec les masles
nonobstans que ce grand Aristote Paie,
approuvée, & que l'Empereur Neron la
courrist du tiltre honorable de ma-
riage publiquement au temps mesme
que S. Paul escriuant aux Romains
leur annonçoit fure & indignation du
Dieu tout puissant. Le seigneur fera
plouoir sur eux charbon, feu soulfre
& vent de tempeste sera la portion de
leur hanap. Contre ceux-cy commande
l'Empereur que la rigueur des loix soit
exercée, & la iustice armée du glaue
vengeur pour les exterminer par cha-
timens exquis & peines capitales, &
à present on les comdamne au feu. Moï-
se pareillement ordonna que ce vice

fut defraciné par cruels supplices d'entre les Iuifs. Platon le debouta de sa re-
publique, & le condamne par ses loix.
Les anciens Romains aussi, au rapport
de Valere & d'autres, punissoient cette
vilennie tresasprement, tesmoins Q.
Flaminius, & ce tribun occis par Ce-
lius. Mais espargnons les chastes oreil-
les, & pour l'honneur d'icelles cessons
de parler de cette monstrueuse & bru-
tale luxure, & reprenons le propos des
paillardes. Il est certain qu'il n'y a celuy
des humains qui n'aye esté quelques-
fois en sa vie trauaillé de c'et appetit,
qui n'aye senty lardeur de ce feu amou-
reux: Mais la maniere de s'enflammer
est diuerse: Car les femmes brulent
d'une façon, les hommes d'une autre
autrement les ieunes, autrement les
vieils: les nobles & riches diuersément
des pources & rustiques. Et ce qui don-
ne encor admiration, est qu'entre les
nations & selon les contrees diuerses
on apperçoit grande diuersité en ma-
tiere d'amour. Car l'Italien la fait d'une
façon l'Espagnol d'une autre, & ainsi
du François, de l'Allemand, & autres,
s'addonnans à vn chacun à forsennement.

en diuerſe maniere, ſelon la diuerſité
de l'age, du ſexe, du degré, dignité,
ſiens, & nations, où ce feu de luxure ſe
prend & ſ'allume. L'amour des hom-
mes eſt plus ardent, celui des femmes
plus perſeuerant & obſtiné : l'amour
des ieunes gents eſt plaifant & follaſtre
celuy des vieux ridicule : le poure ſ'eſ-
père d'eſtre aymé en faiſant ſeruiſe, le
riche par dons & preſents: le menu peu-
ple entretient ſes amours par banquetts
& bonnes cheres, les grands par pom-
pes, ieux, & ſpectacles : l'Italien ruſé
pourſuit celle dont il veut iouyr en diſ-
ſimulant ſon ardeur avec façons plai-
ſantes, mais belles & proprement in-
uentées, & ſe met à compoſer des ſon-
nets & autres vers en loüange d'icelle,
la faiſant la première du monde. S'il
paruiſt où il prétend, il eſt jaloux in-
continent d'elle, & la voudra tenir touſ-
iours enfermée & garder comme pri-
ſonniere. S'il eſt frustré de ſon amour
& hors d'eſperance d'en pouuoir iouyr,
il n'y a mal qui n'en diſe, & la en tres-
grande deteſtation. L'Eſpagnol prompt
& ſoudain, impatient, de l'ardeur qui
l'eſguillonne ſe rue furieufement ſur

L'amour, folastrant, mais sans se donner repos aucun, & par pitoyables lamentations se plaint du feu qui le consume, inuoque & adore son amoureuse, mais quand il l'a gaignee, ou il la tué par ialousie, ou il en deuient ruffien, & la prostitue pour le gain & proffit. S'il n'en peut iouyr, il se tourmente iusques à se refoudre à mourir.

Le folastre & lascif François fait le seruiteur enuers celle qu'il ayme, essaye d'acquérir sa bonne grace par honnesteté, l'entretient de chants & plaissans deuis: s'il deuient ialoux, il s'afflige & pleure: si on luy donne congé, & qu'il voye ne pouuoir venir à son attente, il braue avec iniure, menasse de se venger, & mesme veut vser de force. S'il vient à son dessein, il mesprise tost apres & cherche vne nouvelle amie. L'Allemand froid s'eschauffe d'amour peu à peu, estant enflammé il poursuit avec art & iugement, & cherche d'attirer la dame par dons: s'il entre en ialousie, il retire sa liberalité: est il deceu, il en fait peu de compte: iouir il, son amour se refoidit. Le François est dissimulateur à aymer, l'Allemand

cache son amour, l'Espagnol se persuade d'estre aymé, l'Italien est en perpetuelle ialousie. Le François ayme celle qui est plaisante & de bonne grace, encor qu'elle soit laide : il ne chaut à l'Espagnol si elle est vn peu endormie, pourueu qu'elle soit belle, l'Italien la veut craintive & honteuse : l'Allemand ayme celle qui est vn peu hardie. En poursuivant obstinement ses amours le François de sage devient fol : l'Allemand apres auoir tout despensé ce qu'il a en faisant l'amour sur le tard de fol devient sage : l'Espagnol pour acquerir la bonne grace de sa dame se hazarde à grandes entreprises. Il n'y a chose pour grande qu'elle soit que l'Italien ne mesprise pour iouir de s'amie. Ce qui est aduenusouuent aux plus grands personnages, lesquels enuoloppez és rets de leurs cupiditez amoureux ont mesprisé & laissé passer plusieurs belles occasions d'executer choses grandes, ainsi que l'on lit de Mithridates en Pont, d'Hannibal à Capouë, de Cesar en Alexandrie, de Demetrius en Grece, de Marc Anroine en Egypte. Hercules cessa de bien

taire pour l'amour d'Iole. Achilles ne
voulut se trouver au combat à cause
de Briseïs. Circe detint Ulysses. Clau-
de mourut en prison pour Virginia
Cleopatre arresta Cesar : elle-mesme
fut cause de la mort d'Antoine. Les
sainctes escritures tesmoignent que le
monde fut submergé par le deluge, à
raison des paillardises des enfans de
Set avec les descendantes de Cain, &
la generation humaine presque estain-
cte. Pour la vehemence de luxure la
ville de Sichen & la maison d'Hemor
furent exterminées, & quasi toute la
lignée de Beniamin mise à neant. Com-
bien de ruines & deffaites sont adue-
nues au peuple d'Israël? Combien de
fois a il esté réduit en seruitude pour
auoir paillardé avec les femmes estran-
geres: Pour vn seul adultere Commis
par le Roy Dauid quelle destruction
de peuple y eut-il par peste par glaue,
par famine. A cause des amours illici-
tes & des-honnestes les Thebains, les
Phonciens, & Circeens ont esté iadis
destruits & rasez, & la guerre mesme
du Peloponese, ainsi que nous auon
dit, entre-prinse par Pericles. La ville

le Troye prinse par vn siege, qui dura dix ans, au grand dommage de toute la Grece & de l'Asie. Et pour mesme cause Tarquin, Claude, Denys, Hannibal, Ptolemee, M. Antoine, Theodoric Goth, Rodoald, Lombard, Childeric François, Venceslaus, Boëmien, & Manfroy Roy de Naple ont souffert la mort ou perdu eux & leur patrie. Pour la violence faicte par Rodric Roy d'Espagne à Cana fille de Iulian gouverneur de la prouince Tingitane, où sont aujourdhuy Fez & Maroc, les Maures & Sarrafins enuahirent les Espagnes, & en chasserent les Gots, Henry second Roy d'Angleterre fut dechassé de son Royaume pour auoir violé la femme de son fils, qui estoit fille du Roy de France Philippe. A cause des paillardises des maris les femmes indignees leur ont souuent pourchassé la mort: Comme Clytemnestra, Olympia, Laodicee, & Beronice, Fredegonde & Blanche Roines de France, & Ianne de Naples, & plusieurs autres. Pour la mesme raison Medée, Progne, Ariadne, Althee, Heristille chageans l'amour maternal

en haine, furieuse & cruelle ont occis leurs propres enfans. Et depuis elles plusieurs autres se sont vangées sur leurs enfans des paillardises de leurs maris, & sont deuenues de meres douces & benignes des Medées tres-cruelles, des Althees enragees, des Heristilles impiteuses.

Du Maquerelage. CHAP. LXIII.



MAIS pour autant que les putains & putiers commettent leurs meschances par Pœuure, conseil & instigation des maquereaux & maquereelles, disons de l'art de maquerelage, Tout ainsi que la puterie est l'art de prostituer sa propre pudicité, aussi le maquerelage est celuy qui combat & mine la pudicité d'autrui & l'expose à l'abandon : mestier d'autant plus haut, puissant, & d'efficace, que n'est la paillardise, qu'il est plus meschant & pernicieux, garny & environné de plus de moyens & d'artifices : car il se sert de tous les autres arts & disciplines, comme de satellites & sergents, parmy l'es-

quels il court succant, ainsi, qu'une araignee tout ce qui est en iceux de mauvais & venimeux, & en file & ourdit des toiles, ou en forge les traits & armes offensives. Non pas de la sorte que sont les toiles d'araignees, au travers d'esquelles les oiseaux passent, & les petites mouches demeurent, ny ainsi que les rets des veneurs, qui arrestent les grosses bestes, & laissent eschapper les petits animaux. Mais cette toile lasse ses mailles & filets par telle ruse, & de telle force, qu'il n'y a fille ny femme tant soit elle pure, prudente, constante, & obstinee, tant hoteuse ou craintive grande ou petite, qui ne demeure incontinent prinse, si une fois elle preste l'oreille à une maquerelle. Car les ruses & finesces de cet art sont telles, qu'il n'y a prudence feminine qui s'en puisse garder, nulle fille ne peut euter ses fracs, nulle matrone, nulle vefue, nulle veuve, nulle religieuse qu'elle soit, n'en peut eschapper sans dommage. Et n'y a armee si puissante & nombreuse qui puisse faire tant de degast & ruine que fait cette guerre desarmee à l'honesteté & chasteté des femmes, ny sub-

tilité ou industrie d'esprit qui puisse estre egalee aux fraudes, tromperies, ruses, & astuces d'icelle: lesquelles on ne scautoit expliquer ny donner a entendre par aucun stile, propriété, ny artifice de langage. Toutesfois iacoit que plusieurs se meslent de ce mestier, tant hommes que femmes si est ce qu'il s'en trouue peu qui soyent maistres accomplis: dont il ne se faut esmerveiller: car, combien qu'il y aye autant de sortes de maquerelages & de maquereaux qu'il y a d'arts & de sciences, & de professeurs d'icelles, si est ce que la perfection d'un bon maquereau ne s'acquiert sinon par la connoissance de toutes les disciplines enséble. Partât il faut que l'excellent & cōsommé maquereau ou marque-
relle soit scauant en tout, & ne s'amuse à vne seule science, se guidant par icelle ainsi que par son estoille du pôle, mais les embrasse toutes, & face profession d'un art qui est maistre par dessus tous, & auquel toutes les autres disciplines sont serues & esclaves, & lui doyent un certain hommage ou baïsemain. Car en premier lieu la grammairie, discipline qui enseigne à parler & escrire

Du Maquerelage. 375

& escrire, luy sert de secretaire pour
composer des lettres amoureuses, &
luy dicte les petites salutations, prieres,
plaintes, & allechements d'amour, dont
les exemplaires nous ont esté fournis
magueres par Eneas Syluius, qui fut de-
puis Pape, Jacques Canicee, & plusieurs
autres auteurs modernes. Mais il y a
une autre maniere de Grammaire, qui
monstre à escrire en lettres ou termes
secrets, inconnus, & qui ne peuvent
estre entendus que par ceux qui sçauent
le secret des chiffres, ainsi que nous li-
sons en A. Gelle que faisoit Archime-
des de Syracuse, & duquel artifice
Abbé Tritheme a composé deux beaux
volumes, intitulez, l'un la polygraphie,
l'autre la steganographie, au dernier
desquels il enseigne des moyens si se-
crets & si asseurez de faire entendre ses
pensees & conceptions a vn autre, non-
 obstant quelconque interualle & distan-
ce de lieu, que la curieuse ialousie de
Junon, l'estroicte garde & prison de
Danaë, ny la vigilance & pouruoyance
des cent œils d'Argus ny sçauoient
ordonre, obuier, ny penetrer. Art à la
vrayté qui ne sert point tant aux Princes

R

& aux Roys, qu'il est utile & commode aux maquereaux, & à tous ceux qui se meslent de faire l'amour. La poésie vient apres: laquelle fournit en rithmes lasciuës & folles des chants pastoraux pleins de deuës amoureux, des epigrammes, sonnets, epistres, reigles, & preceptes d'amour, farces, comedies, & autres sortes de compositions poëtiques tirees des plus secrets cabinets de Venus, & sert ainsi de son mestier fort bien l'art de maquerelage, renuerfant par tels moyens tout ce qui est d'honneste, saint, & publique au naturel & aux mœurs de la ieunesse. Parquoy à bon droit les poëtes ont esté tousiours estimez des plus aduancez en la discipline de maquerelage, & tenus pour les plus suffisans ruffiens. Et entre iceux les plus excellents ont esté ceux dont nous auons cy dessus fait mention en l'art de puterie, à sçauoir Callimach, Philetès, Anacreon, Orphée, Pindare, Alceë, Sappho, Tibulle, Catulle, Properce, Virgile, Ouide, Iuuenal & Martial: & auourd'huy nous n'auons faute de poëtes qui escriuent des poësies pestilentieuses. A leur suite

Marchent les Rhetoriciens, lesquels ne sont des moins prizez entre les maque-reaux: car ils sont maistres ouuriers des frauduleuses flatteries & persuasions & se repute bien-heureuse la maquerelle, à qui la deesse de persuasion veut ayder. Mais entre iceux les historiens tiennent le premier rang, ceux principalement qui ont escrit les narrations amoureuses des cheualiers & dames, cōme autrefois de Lancelot du Lac, de Tristan, & depuis des Amadis, & semblable, par la lecture desquelles les filles se façonnent dès leur tendre ieunesse à estre quelque iour bonnes putains & adulteres. Car à la verité il n'y a batterie plus violente pour faire bresche ou ruiner du tout la chasteté des vierges, des mariées, ou des vefues, que la lecture d'une histoire ou fable lascive & impudique, & n'y a femme de naturel si bon ny si entier, qui n'en soit corrompuë, & pourroit on compter, pour miracle s'il se trouuoit femme ou fille aucune de celle qui s'adonnent à lire les liures, qui n'entre par le moyen d'iceux en quelque appetit desordonné en matiere d'amour, bien souuent

R ij

iufques à en perdre le fens. Tant y a
que aujour d'huy celles font eſtimées
des mieux apprises & mieux ſentans
leur cour, qui ſont les plus verſées &
ſçauantes en ces auteurs, qui ont mieux
retenu les manieres de bien dire, qui
ſçauent mieux à propos ieſter les bro-
cards & plaifanteries qu'elles y ont
leuës, & ſ'entretenir plus long-temps
avec leurs amoureux & pourſuyuans
en deuis bien ornes & enrichis ſelon
la diſcipline contenuë en iceux : Or y a
il eu beaucoup d'hiftoriens maquere-
aux, les noms deſquels ſont peu con-
gnus & obſcurs : pluſieurs auſſi tref-
fameux & renommez auteurs ſe ſont
employez à ceſt office & deuoir, com-
me entre les plus nouueaux Eneas Syl-
uius ſus mentionné, Dante, Petrarque,
Bocace, Pontan, Baptiſte de Campfre-
goſe, & vn autre Baptiſte, de li Albici
Florentin, Pierre Hedus, Bembe,
Iacques Cauicee, & Iacque Calandrin
Mantoan, & pluſieurs autres : entre
leſquels Bocace eſt le plus remarca-
ble maquereau, comme celuy qui
les a tous paſſez en ſon œuvre de cent
nouuelles. Le ſubieſt duquel n'eſt

Du Maquerelage.

379

autre chose que patrons & exemples fort excellents des ruses & finesses de maquerelage. Mais lors qu'il se rencontre quelque femme ayant son honneur, & craignant d'offenser Dieu, & que l'on cherche moyen de la persuader & gagner, l'on a recours à la dialectique, à force des arguments de laquelle, & combien ils peuvent avancer vn marché, & servir grandement aux maquereaux, est euidement monstree par Ouide en la fable de Myrrha. Les disciplines mathematiques contribuent à cest art de ruffiennerie les petits jeux & amusemens extraicts de Parithemetique ou sciences des nombre. La musique est des plus propres & mieux cheries chambrières d'iceluy, laquelle avec la douce voix, & le venin emmiellé des chants, sons, & accords voluptueux de ses instruments enflamme la luxure & les desirs desreiglez, & oste toute force & vertu à l'esprit, le corrompt en toute lasciueté & delices, peruertit les bonnes mœurs, incite impetueusement les cupiditez & affectiōs deshonestes. Donnes lieu aux danses, & par icelles moyen aux amoureux de

R. iij

deuifer librement avec les fil les & femmes quileur plaissent, leur compter leurs passions, les baïser, manier, toucher, ferrer, & frayer impudiquement, & bien souuent se desrobber d'avec les autres & chercher des cachettes & lieux secrets. Et n'est exempt de seruice enuers l'art de marquerelage l'architecte geometrien, par l'inuention duquel l'amoureux trouue moyen d'escheler la maison de son amie, & entrer à icelle de nuit par le couuert ou par la fenestre, de contrefaire les clefs. Donnant au surplus toutes commoditez d'exécuter les Paillardises & adulteres, ainsi que fit Dedale à Pasiphaë. Celles pareillement qui n'ont appris les lettres peuent lire és peintures, & apprendre par icelles plus de mal, que les autres en lisant les liures: car il n'y a chambre qui ne soit garnie de tableaux d'actes & figures deshonestes que les femmes peuent prendre enuie d'imiter: car elles les ont tousiours en veüe, & n'est l'esprit moins corrompu par le regard que par l'ouïe, l'une & l'autre voye conduisant à l'ame: & ne sont moins inuitez à paillardise les per-

sonnes par les Images, lasciuues que par les choses mesmes presentes: dont peut faire foy la statuë de Venus en Gnide, les ouurages de Praxiteles contaminez vilainement dans le temple, le Cupido du mesme ouurier corrompu par Alchida ieune homme Rhodien, & la statuë de Fourtune dont faict mention Elian, qui fut aimé si ardemment par vn iouuenceau Athenien, qui ne la pouuant auoir par argent il expira apres d'icelle. Terence aussi, en sa comedie intitulee l'Eunuque, introduit vn ieune homme enflammé de luxure pour auoir veu vn tableau auquel estoit peinct Iupiter corrompât Danaë, & venant à celle par le toit de la maison. Partant ce n'est sans cause qu'Aristote veut que les peintres qui exposent telles peintures en public, par lesquelles les appetits desordonnez peuvent estre esueillez, soyent punis publiquement: & n'est sans raison que le Sage dit que la peinture & la sculpture sont arts inuentez & introduits pour tenter l'ame, attrapper les fols, & corrompre la vie de l'homme. Les Astrologues, les Chiromantien. Geoman-

R iij

riens, interpretes de songes, diseurs de bonne aventure, & le surplus des deui-neurs se presentent aussi pour seruir par leurs tromperies & frauduleuses pre-dictions de maquereaux aux amans auxquels ils promettent iouissance de leurs amours illicites & s'entremettent à conduire icelles, & souuent bastissent des mariages meschans, & damnables, & dissipent par adulteres ceux qui sont biens ioincts & assembles. Cette espece de ruffiens est enquisse non seulement par les femmes, mais, qui est chose hon-teuse, par les hommes mesmes, sur le succes heureux ou malheureux de leurs amours & de leurs mariages, & prend on pour esperance sur les rap-ports d'iceux de iouir de sa bien aimee, & à leur instigation les mariages sont accomplis ou delaillez. Et se trouvent des hommes si faciles à croire folie-ment qu'il pensent que l'amour peut estre contraint & force par les images Astrologiques & obseruation des heu-res, ainsi que Theocrite, Virgile, Catulle, Ouide, Horace, Lucain, & plu-sieurs autres poëtes par mocquerie ont chanté, comme les astrologues,

tant menteurs que les poëtes, es li-
vres de leurs eslection ont par certain-
es reigles escript & enseigné. Au moyen
desquels petits tours de maquerelage
tous Astrologues & devineurs font un
gain & profit qui n'est pas petit. A
l'aide desquels vient aussi la Magie, la-
quelle par charmes, conjurations, &
sorcelleries, peut, cedit on, resjouyr &
contrister les esprits ainsi qu'il luy plaist
& comme dit Lucain.

*L'amour au cœur par l'art magique des Thes-
sales*

S'escoula, non forcé par volonte fatales.

Et Horace fait mention de Canidia,
Apulee des Pamphiles forcieres, les-
quelles contraignent leurs amoureux
à les aimer, & en la tragicomedie de
Callisto, la maquerelle Celestine en-
flamme d'amour la ieune fille Melibée.

Outre ce l'on pratique certaines poi-
sons & breuvages pour faire aimer, si
dangereux toutesfois que bien souvent
au lieu d'inciter à l'amour ils amènent
l'homme à la mort, ou le jectent en quel-
que griue & incurable maladie. Pour
avoir aualé de telles boissons Lucullus
mourut, & Lucrece devint incensée &

R v

abesti, mais avec, quelques interualles de santé. Nous lisons aussi d'une certaine femme, laquelle par le moyen d'un semblable breuvage amoureux ayant tué un homme fut absoute par la cour des Arcopages, pour autant qu'elle auoit commis ce crime par amour. Mais l'art qui sert plus au maquerelage de tant qu'il y en a au monde, est la médecine: car elle promet de restituer en son entier la virginité perdue, enseignant comme il faut rassembler & restraindre la taye appelée Hymen, par quel moyen l'on peut empescher les mamelles de croistre, le ventre de grossir, baillant des poisons propres pour rendre les femmes steriles, à fin qu'elles puissent longuement & en toute assurance exercer leurs pailhardises & sale voluptez, & par certains tours & secouements du dos faire en sorte que la semence receüe soit reiectee dehors ainsi qu'entend Lucrece par tels vers

*Et pour les putains fort menu se remuer
De peur de concevoir & prendre pance pleine
En à fin qu'aux pailhards plus de plaisir
ameine*

Ce frequent mouuement.

Du Maquerelage. 385

Par lequel seul benefice de la medecine auioird'huy plusieurs dames grandes & notables & filles de maison iouient de ce mestier sans aucun soupçon ny crainte. A cecy seruent aussi les emplastrements & fards des vieilles, & autre desguisements des femmes des-honestes. la composition desquels est enseignée ça & là par les liures de medecine, où ils traictent de la decoration de la face & du corps, par ou la marchandise est mise en reputation, & renduë plus de requeste & vendible. Parquoy telles drogues sont proprement appellées en l'escriture sainte : Onctions de paillardise. Outre ce ils enseignent plusieurs medicaments secrets & receptes pour esmouuoir & esguillonner la luxure, comme celuy à l'aide duquel Ouide se vante d'auoir peu congnostre vne femme neuf fois, & l'herbe dont Theophraste fait mention, laquelle donne telle force & vigueur, que par icelle ils s'est trouué homme lequel a accompli l'œuure de Venus seprante fois. Ioint qu'il n'y a maquerelages qui se puissent pratiquer ny exercer plus commodement en temps & lieu, que

R v j

ceux qui se font sous le manteau & couverture de la medecine : car aux medecins ne sont fermées les portes de quelque maison que ce soit, il n'y a monastere si reclus, prison si serree n'y estroitement gardeé où ils ne soyent receus & bien venus, nul ne se doute d'un medecin maquereau, nul ne le repousse. Par le moyen & ministere desquels, ainsi que dit Plin, les adulteres se brastent és palais des Roys & Empereurs, dont font foy celuy de Eudemus avec Liuia femme de Drusus, celuy de Vestius Valentinus avec Messaline femme de l'Empereur Claude. Mais afin que l'on ne pense point que les Philosophes s'abstiennent de l'estat de maquerelage, le Prince de la secte Cyrenienne Aristipus nous oste de ce doute, lequel hantoit souuent Thais ceste tant renommée putain, avec plusieurs autres, & disoit que luy seul possedoit Thais là où les autres corruaux estoient possedez par elle : & au lieu qu'iceux faisoient l'amour avec elle au detriement & consommation de leurs biens & facultez, luy seul prenoit ses plaisirs à souhait gratuitement, sans qui luy

coustast rien, cependant ce bon Philo-
sophe seruoit à ceste paillarde de ma-
quereau, en ce que par l'exemple & sans
l'autorité d'iceluy elle attiroit la ieu-
nesse apres elle. Et si ne se contenta
point Aristippe de faire office de ruffië
à cette femme, mais commença à faire
des leçons publiquement de sales vo-
luptez, & transporta, l'impudicité du
bordeau es escholes. Au surplus la plus-
part des arts mechaniques tiennent
lieu de maquerelages, entre lesquels
les inuentions & exercices Phrygiens
de coudre, filer ourager, tixtre, & au-
tres artifices feminins sont des plus
propres à ce mestier, sous l'ombre des-
quelles choses les putains deuenues
vieilles corratieres font leurs marchés
car faisant semblant d'auoir dulin, de
la toile, des rubans, des tissus, des bour-
ses ceintures, gands, & autre tels fa-
tras à vendre, elles prennent l'oppor-
tunité de parler avec les filles salfres &
amoureuses, leur font des messages, &
les vous appastent & attirent facile-
ment. A celles la se ioignent les lauan-
dieres, lesquelles peuent librement
entrer par les maisons, & emmener les

filles pendant que les meres n'y sont pas, ou les seruanes en l'absence de leurs maistresses, au linge, sans engendrer aucun soupçon. Les gueuses & belistresses pareillement sont fort propres à c'est office : car faisant mine de demander l'aumosne ne bougent des portes, espians l'occasion de pouoir donner des nouvelles & des lettres amoureuses, & portent aux ieunes femmes les presents que leur enuoyent leurs adulteres. Les exercices & occupations des gentils-hommes se rapportent aussi fort bien à l'art de ruffienne-rie, comme les ioustes & tournois, & autres ieux d'armes & combats dissimulez, par l'amorce desquels iadis Romulus raut les filles des Sabins. Quant à la chasse, à combien d'adulteres a elle donné moyens & commoditez entre les grands, parmy l'espaillleur des buissons, & solitude des forests: Virgile raconte plaisamment la maniere comme Eneas iouit de Dido, ayans pris l'occasion de s'escarter de la compagnie & s'esgarer eux deux en chassant. Les pasteurs on serui semblablement à Iulien piter de maquereaux. Des amonniere

ie m'en rapporte à ceux qui ont esté à Venize. Mais les cuifines & grands ap- prefts de banquets passent sans difficul- té pour maquerelages : ce que Virgile exprime en ses Eneides elegamment en ce sens :

Doncques apres la premiere viande
Du beau banquet, quand la table friande
On eut osté, à grands rasses donnerent
Par tout à boire, & le vin couronnerent
Alors la Royné vn grand banap pesant
De beaux ioyaux en fin or reluisant
Tout plein de vin commande d'apporter
Pour à liesse vn chacun innuier.
Puis en goutant la premiere au bord touche
Tant seulement du sommet de la bouche :
Après bailla cette douce liqueur
A Bitias en luy donnant bon cœur.
La grande couppe escumant il beut toute,
Sans se monstrier paresseux vne goutte,
Et à son aise en plein or se baigna,
Puis des Seigneurs chacun l'accompagna
Tant Tyriens que les Troyens apres.
La nuit aussi prolongeoit tout expres
De mains propos Dido lors qu'en malheur
Elle beuvoit l'amoureuse langueur.
Je passe vne multitude infinie d'artifi-
ces de maquerelage ; mais le plus puis-

fant, & qui surmonte toutes les autres
est l'or. Et à la verité si les Alchemistes
pouuoient mettre à effect ce qu'ils
nous promettent, ils pourroyent estre
colloquez au plus haut degré entre les
maquereaux, & seroyent sur tout in-
uincibles: car la vertu d'attaire & d'ac-
querir tous ce que l'on veut gist en l'or,
plus qu'en chose du monde.

*Argent donne credit. amis, femme opulente,
Noblesse, & grands honneurs, & beauté
excellente,*

L'or appaise le couroux d'un mary, ia-
loux. Par l'or le corruial, qui ne vou-
loit ceder, quitte la poursuite. L'or
gaigne les plus diligents & soigneux
gardiens. Il n'y a porte qui ne s'ouure
par le moyen de l'or. On penetre dans
les chambres avec iceluy. Il brise les
verroux, demolit les murailles, & en
somme les liens sacrez de mariage sont
par luy dissouls & coupez. Est ce si
grand' merueille si les femmes, les fil-
les, les vefues, les religieuses, sont ven-
duë pour de l'or, puis que par ce Iesus
Christ mesme est à vendre? Or par ces
pratiques de maquereillage, & à la con-
duite & guide de cest art de ruffiennier

plusieurs extraits de la bourbe du menu peuple sont paruenus au plus haut sommet de noblesse. Celuy qui aura presté sa femme sera pourueu d'un estat de Conseiller. Si quelcun a faict plaisir de sa fille, soudain on luy baillera quelque gouvernement, Vn autre qui aura moyenné la iouissance de quelque belle dame à vn Prince ou grand Seigneur, sera, incontinent fait gentil-homme de la chambre Plusieurs se sont fort aduancés pour auoir espousé les royales putains ; & ont eu des charges honorables : & par ces mesmes artifices sont attrappez plusieurs gras benefices du Pape & des Cardinaux, & n'y a chemin plus court que cestuy-là. Quant à l'ombre de la religion, chacun sçait quelles occasions de maquerelages elle fournit, & l'histoire de Pauline dame tres-constante en pudicité recitée par Egesippe en donne ample & certain tesmoignage, à laquelle les prestres d'Isis firent à croire que le Dieu Anubis estoit amoureux d'elle, & la prostituerent à vn ieune Cheuaillier Romain. Et l'histoire triparttie fait foy de l'exploit qu'a faict

en cet endroit nostre confession auriculaire, & me feroit aisé de trouver des exemples de ce temps, si ie les voulois reciter, lesques i'ay sceus & connus. Pour certain les prestes, moynes, beaux peres, nonnains, & sœurs religieuses ont vn Priuilege par dessus toute maniere de gents, par lequel ils obtiennent la premiere audience en matiere de maquerelage. Car sous le voile de religion il leur est permis de courir par tout où ils veulent, entrer, sortir, aller, retourner tant de fois & en quelque temps qu'il leur plaist, faisant semblant de visiter & consoler les personnes; ou de les venir ouyr en confession, là où ils peuvent discourir priuement & sans tesmoins, tant est religieuse-ment attiffée leur façon de ruffienner. Et y en a aucuns entre eux qui font grand' conscience de toucher l'argent, neantmoins sans se soucier beaucoup si S. Paul dit qu'il seroit bon de ne toucher à femme, ils les manient & tastent d'une estrange & impudique façon, se glissent à cachettes dans les bourdeaux, corrompent les vierges dediees à Dieu & les veufues, & paillard

ident avec les femmes de ceux qui les
reçoivent en leurs logis, & lesquelles
bien souvent, ainsi que fit le volleur de
Troye, ils emmeinent avec eux: ce que
je peux attester pour l'auoir sceu &
veu. Et puis suyuant la loy de P-laton
les prostituent à leurs compagnons, &
les font seruir à la communauté de leurs
conuents, sacrifiant au diable les corps
de celles dont les ames deuroient estre
par eux amenées à Dieu: & font plu-
sieurs autres meschancetez plus dete-
stables, poussez d'exécrable & enragé
appetit, lesquelles ie ne veux dire par
honneur. Cependant ils estiment auoir
bien satisfait à leur vœu de chasteté
quand ils ont fort crié contre les con-
uoitises, la luxure, la paillardise, adul-
teres, & incestes, les blasmans & dete-
stans, & si ils parlent de la vertu, & re-
commandent la chasteté cependant
qu'ils paillardent tout leur soul: mais
sous tels manteaux de religions bien
souuent sont couuerts les plus abomi-
nables & dangereux maquereaux &
maquerelles que l'on scauroit voir:
Les grandes dames de cour ont volon-
tiers des gens de ceste sorte, qui ser-

uent à leurs Chappelles, lesquels font
les mariages, & brassent les paillardis-
ses de la cour. Les loix & canons sont
aussi enroolles en cette gendarmerie,
& seruent au maquerelages lors qu'en
faueur des grands seigneurs ils vali-
dent & approuuent les iniques maria-
ges, & rompent & separent ceux qui
sont iustes & legitimes, & contraignent
les prestres à paillarder vilainement,
leur defendant de se marier honneste-
ment. Ces legislators ont estimé meil-
leur que les gents d'Eglise menassent
vne vie infame avec des concubines,
que de viure en honneur & bonne re-
putation avec des femmes espousees,
possible pour ce que le profit & com-
modité qui leur vient des concubines
est plus grand: dont nous lisons qu'un
certain Euesque se glorifioit en vn
banquet, disant qu'il auoit onze mil
prestres en son diocese concubinaires
qui luy payoyent à raison de ce tous les
ans vn escu chacun. Anciennement au
temple de Venus à Romme estoit vn
decret du Senat graué en deux Table
de cuyure, contenant la loy des pail-
lardises fort fauorable aux putiers &

Du Maquerelage.

395

maquereaux, laquelle nous lisons dans
Grinitus en tels termes. En la premie-
re table estoit contenus les droits de
regarder, accōpagner, ou suyure, parler
& murmurer bas, donner signes, pous-
ser, saluer, deuiser, & prier, seront par
monoy perpetuellement permis de iour
aux amoureux, soit dans la maison, ou
par vn trou, ou par le iardin, ou par le
couuert, ou par lhuis de derriere. Nul
ne donne empeschement en telles com-
moditez & plaisirs à l'homme, ains
luy soit donnée aide confort, & con-
seil en toute fidelité. En l'autre table
estoit escrit ainsi, L A N V I C T les sou-
haits & poursuites soyent capitulez &
accordez, les promesses iurees, mesles
avec plaintes & doleances. Ils se solli-
citeront, despouilleront toute honte,
& chasseront tristesse, s'accommoderōt
aux heures, & aux lieux propres, ne
lauront passer occasion aucune: rom-
peront let lettres qu'ils s'escriuent l'un à
l'autre: par ces choses ils entretien-
dront receuront: & donneront les es-
perances, volonte, attentes, contrain-
tes, pitié, & misericorde, Vseront selon
les occasions de fraude, tromperie, for-

ce, vanterie, & gloire: seront en temps
& lieu ou prudents, ou fades & fots:
toufiours prendront quelques erres
ou gages de leurs amoureuses: si elles le
permettent ils viendront à elles, où en
chercheront vne nouuelle: par astuce
& pompe ils pourfuyueront diligem-
ment les nobles & genereuse: les en-
treseignes accoustumees seront taci-
tement desguisees & changees. La loy
de Lycurge portoit que si quelcun d'a-
ge mur & plus aduancé qu'il ne con-
uenoit au mariage auoit espoufé vne
ieune fille, il luy estoit permis d'efli-
re quelque iouuenceau, lequel plus
gaillard à l'œuure de venus aduançast
la besongne, & remplist le ventre fer-
tille d'icelle de bonne semence, à la
charge que le fruiet qui naistroit ap-
partiendrait au mari. Il y auoit pareil-
lement vne loy de Solon, laquelle don-
noit faculté à la femme qui auoit vn
mari trop lasche au ieu venerien, de
choisir entre les parents d'iceluy que
que autre pour s'en seruir en ce regard
& nonobstant ce les enfans n'estoient
estimez bastards. Je laise à par la cou-
stume qui est aujourd'huy entre plu-

seurs grands dames assez conuës ,
desquelles tous les ans engrossées de
viuence estrangere, supposent les en-
fants nais à leurs, maris, & puis retour-
nent estans releuées de rechef à se sou-
uer de leurs appetits avec leurs adul-
teres: en ce plus meschantes que n'estoit
Julia femme d'Aggrippa, laquelle ne
s'abandonnoit à ses adulteres sinon
lors qu'elle se sentoit pleine. Lesquel-
les loix de Lycurgue & Solon il s'est
rouuë des Theologiens de nostre temps
qui les ont approuuées, à fin que vous
cachiez que leur faculté n'est point
de ruffiennerie. L'on void aussi
sainctes escritures quelque traitts
& petites ruses resents cet art, com-
me en ce que fit la belle mere de Ruth;
& en Ionadab appelé homme prudent
& au grand conseiller Architopel.
Abraham pareillement, lequel auoit
arra à femme tres belle & ieune, voya-
geant parmy les pais d'Egypte luy dit
e voy que tu es belle, & crains que les
egyptiens te voyans ne me tuent, disans
que tu es ma femme, & puis te retien-
nent: parrant tu diras que tu es ma sœur,
fin qu'il me soit bien fait à l'occasion

de toy, & que par ton moyē ma vie soit
perseuerée. Enquoy il se mit impruden-
ment au danger d'estre maquereau de
sa femme, si Dieu n'y eut pourueu.
Car Sarra fut enleuée en la maison de
Pharao, & à cause d'elle Abraham fut
bien venu. Au mesme peril se mit il en-
uers Abimelech Roy de Palestine, &
en la mesme faute se laissa aller son
fils Iacob. Les exemples desquels sainct
Peres seruent aussi de parade à ceux
qui se meslent de ce mestier. Le maque-
relage est doncques honoré & pratiqué
par tous en general, par les dieux, par
les heroës, par les legislateurs, par les
Philosophes, & plus sages d'entre les
hommes, par les Theologiens, par les
Princes, & par les chefs mesme des re-
ligions. Maquereaux ont esté les dieux
Pan & Mercure, & l'enfant Cupide.
maquereau a esté ce grand Heroë Vly-
ses: maquereau Lycurgue & Solon
sage, lequel bastit premierement
bordeaux & amena des putains à
ieunesse, & du temps de nos peres
Pape Sixte n'a il pas dressé vn magni-
que & renommé bordeau dans la vi-
ne de Rome, maquereau, a esté l'Empereur

Empereur Heliogabale, lequel nourrissoit
son palais des bandes de putains, &
accommodoit ses amis & seruiteurs,
comme plusieurs Roincs, Princeſſes,
grands dames font pareillement, &
plusieurs meres de Rois, lesquelles ont
ving de donner plaisir à leurs fils, &
seruent quelquefois de maquerel-
les. Et n'est cet art de maquerelage ab-
horre par les magistrats: car iadis les
magistrats de Corinthe, Ephese, Aby-
s, Cypriots, & Bahyloniens estoient
maquereaux, & plusieurs autres qui
construisent & entretiennent des bor-
deaux en leurs citez, affriandez par le
gain & profit qui par ce moyen entre
dans leurs coffres: ce qui est ordinaire
en Italie, comme à Rome où les pu-
lains payent de gabelle vn Iule toutes
semaines au Pape, qui monte de re-
uenu annuel a plus de vingt mil du-
cats, & sont les prelates de l'Eglise occu-
pez à cette belle charge de calculer en-
tre les reuenus de l'Eglise le prix des
maquerelages. Car ie leur ay ouï sou-
uent faire ces comptes: vn tel a deux
benefices, vne cure de vingt escus, vne
prioré de quarante escus, & outre ce

400 *De Maquerelage.*

trois putains au bordeau, qui luy rendent chaque sepmaine vingt lules. Maquereaux sont semblablement ces Euesques & officiaux, qui prennent tribut des prestres de leurs dioceses, à fin qu'il leur soit permis de tenir des concubines: ce qui est si commun & congneu, que le peuple s'en mocque par tout, & fait vn proverbe de cette exaction & gabelle concubinaire. Qu'il Paye ou non (dit-on) il payera vn escu pour la garse, qu'il Paye s'il veut. Mais au regne d'auarice il n'y a rien de laid si le profit y est. Le passe l'inuention de l'indulgence, par laquelle moyennant certaine somme d'argent payee à l'Euesque il estoit permis à la femme son mari absent de cohabiter avec vn autre sans encourir, disent ils, crime d'adultere: chose si claire & manifeste, qu'il est incertain où la folie a esté plus grande, en l'impudence des Euesques, ou en la patience du peuple: tant que les Princes d'Allemagne ont esté contraint de mettre cét article entre les autres plaintes & griefs de leur nation. Vous pouuez penser par ce que dit est les autres choses que nous taisons en

Du Maquerelage. 401

et endroit. Or se vante doncques l'art
de maquerelage d'auoir auourd'huy
les Prelats tenans les premiers lieux en
republique Chrestienne (ô grand vi-
cepere) & ceux qui ont les premieres
cognitez, degrez, immunitiez & salaires
des villes, pour ses patrons, defenseurs,
fauteurs de paillardises, & soit op-
posée aux loix diuines & à l'expresse
Ordonnance de Dieu, & establie cette raison
humaine, ou, pour mieux la nommer,
pourde & inuention de ruffien, qu'il
est expedient de les souffrir, à fin que
la jeunesse puisse passer là ses appetits,
estaindre lardeur de sa luxure, de
leur qu'elle ne face pis. Ostez, disent
les bordeaux des villes soudain tout
sera rempli de paillardises, adulteres, &
cestes: nulle femme pourra se main-
tenir entiere: aucune vefue ne sçaura
sentir sa pudicité: à peine eschap-
peront les nonnains & religieuses im-
polluës: & concluent par ce que tran-
quillité & repos de la republique ne
peut auoir lieu sans les putains. Et
tantmoins le peuple d'Israël a esté tant
de siecles sans cette ordure, en grande
continence, suyuant ce que Dieu leur

S ij

auoit enioinct. Entre les enfans d'Israël, dit-il, n'y aura aucun paillard ny aucune paillarde. Mais iadis ceste violence se coula en l'Eglise sous pretexte de religion, & s'espandit l'heresie des Nicolaïtes en icelle, lesquels pour remede contre la ialousie prostituoyent leurs femmes, & enseignoyent ainsi que fait Platon qu'il les faloit auoir communes, Or tous Princes, Iuges, & Magistrats, lesquels entretiennent les bordaux en leurs pais, ressors, & iurisdiccions, ou en quelque façon que ce soit les fauorisent, orront la sentence du Seigneur prononcée par le Psalmiste:

*Si en larron d'adventure apperçois,
Auec luy cours, car autant que luy vaux
T'accompagnant de paillards & ribaux
Tu fais ces maux, & cependant que rien
Le ne t'en dy, tu m'estimes & tiens
Semblable à toy mais, quoy que tard le fac
T'en reprendray quelque iour à la face.*

De la mendicité & Belistrerie.

C H A P. L X V.

C'Est l'interest de la republique, comme aussi il est requis en la religion, d'avoir soing des pources & des malades, à fin qu'aucun ne soit induit par pourceté à pecher & desrober, & que les mendiants ne se répandans çà & là n'infectent les villes de calamiteuse contagion de pestilence, ou qu'ils ne meurent de faim, au deshonneur & vitupere de l'humanité. A raison dequoy en plusieurs lieux on a basti des hospitaux aux dépens du public par singuliere pieté, lesquels de jour en jour sont enrichis de dons & aumônes conferees par les opulentes familles & maisons particulieres: Car ç'a esté chose defendue de toute ancienneté entre tous peuples & nations, de mendier publiquement & d'aller belistrant de ville en ville. En l'ancienne loy des hebreux il est ainsi escrit, par Moïse, Il n'y aura du tout point de pources ny de mendiants entre vous. Les loix Ro-

S. iij

maines pareillement y ont diligemment pourueu, ordonnant l'Empereur Iustilien touchant les belistres forts & de libres, que celuy qui s'ingerera de prendre l'aumosne pouuant traualler & gagner sa vie, soit prins & rendu esclau. Et en la loy Chrestienne & Euangelique, Iesus-Christ commande que l'on baille aux pauures ce qui est de residu & superabondant, à fin qu'aucun n'aye faute, & que par ce moyen il y aye vne certaine egalité entre le peuple. Vostre abondance, dit S. Paul aux Corinthiens, supplée à leur disette, & l'abondance d'iceux subuienne à vostre indigence, & qu'egalité soit faicte entre vous. Celuy qui a eu beaucoup n'a rien eu de superabondant & qui a eu peu n'a point eu moins. Et aux Ephesiens: Cil qui desroboit ne desrobe plus, ains plustost traualle de ses mains en bien, à fin qu'il aye mesme de quoy donner à celuy qui est en necessité. Le mesme apostre veut & ordonne aux Thessalloniens de traualler de leurs mains & faire en sorte qu'ils abondent, leur imposant ceste loy, que celuy qui n'ayme pas traualler ne doit manger, & que la com

munition des fidelles soit interdite à ceux
qui feront autrement. En l'Epistre à
Timoth. il condamne aussi ceux qui
font estat de belistrer, pensant que ce
doit chose agreable à Dieu. Mesmes
les decrets des Papes ordonnent l'au-
mosne estre baillée seulement à ceux
qui ne peuvent trauailler, & mettent
au rang des larrons, volleurs, & sacrile-
ges toutes autres personnes qu'il la re-
çoient. Toutes ces autoritez nous en-
seignent qu'il ne nous faut point tant
plaindre la pauvreté, que detester la
mendicité & belistrerie. Car les artifi-
ces que les mendiants ont inuenté &
mis en vsage pour faire profit, & atti-
rer le gain, sont damnables entre tous
peuples, quand aucuns d'iceux ayment
mieux demeurer estendus deuant les
portes des temples, comme s'ils vou-
loyent faire reproche à la nature hu-
maine, & se despiter contre elle, & con-
tre la loy de Dieu, & là endurer vn froid
mortel, clacqueter des dents ou se cui-
re à la chaleur ardente, & supporter au-
tres grieues douleurs, telles qu'à peine
retiennent ils l'esprit & la vie, plustost
que se contentans de peu estre menez

aux hospitaux, & là pensez & gueris de leurs infirmités. Nonobstant toutes lesquelles pouretez & miseres ils sont mesdisans, blasphemateurs, injurieux, yurongnes, iuteurs, faignans quelquefois de prier Dieu, mais en effect ayans toutes choses saintes en mespris & nonchaloir, ne se foucians de Iesus-Christ, ny de l'honorer en façon quelconque: tellement que avec raison l'on peut dire que ce ne sont point les martyrs de nostre Seigneur qu'ils representent aux regardans, mais plustost vn spectacle des malheureux damnez & des tourmens qu'ils reçoient aux enfers. L'on en void vne autre maniere, qui sont indignes de misericorde pour leur grande meschanceté: ceux, dis-je, lesquels avec du glux, de la farine, du sang corrompu, font des croustes par dessus leurs playes, & oignent ou enduisent des marques, qu'ils se font expres & contrefont en sorte qu'ils semblent estre tous vlceréz & pleins de chancres. Autres imitent & faigne d'estre malades de maladies estranges, par diuerses impostures, abusans les regardans à fin de les mouuoir à pitié. Il y a en ou-

re certain autres belistres ennemis
du travail, & pour fuir iceluy, lesquels
expreslement entreprennent des voya-
ges sous ombre de deuotion, & courent
les prouinces, exerçans vne belistrerie
oiseuse, caimandant de porte en porte.
Lesquels se plaisent tant en cette façon
de viure, qu'ils ne changeroient point
leur condition à celle des Rois, tant est
grande leur liberté d'aller par tout où
ils veulent, soit en temps de paix ou de
guerre, & de faire ce qu'il leur plait en
tous lieux, francs, de toutes impositions,
charges & seruitudes publiques, libres
& garentis de toutes censures & cor-
rections ciuiles, hors de cour & de tou-
te iurisdiction, quelques tromperies,
larcins, & iniures qu'ils facent, bref to-
talement inuiolables, ainsi que saints
& sacrés. De la troupe desquels plu-
sieurs malheurs sont produits, & enor-
mes meschancetez commises: car sous
espece de belistres & caymans, ils ser-
uent d'espions par les villes & pays,
portent & rapportent nouuelles des
ennemis, prompts & adroits à toutes
sortes de trahisons. Par iceux souuent
est mis le feu dans les villes: ce que l'on

a veu aduenir en France ny a pas long
temps, & en la ville de Triers. Souuent
les puits & fontaines sont empoison-
nez, les fruiets infectez, les pastis enue-
nimez, & la peste mise entre les peuples
auec grande mortalité. De cette mar-
que sont ceux que l'on appelle Cingres
ou Egyptiens, le s'quels.

*Aiment à caymander, de leurs logis s'en-
nuient,*

*Quièrent les estrangers, & leurs combour-
geois fuyent.*

Ces gens venus d'une region gisant
entre l'Egypte & l'Ethiopie, extraicts
de Chus fils de Cham, fils de Noé, por-
tent encor la marque de la malediction
de leur progeniteur, meinent vne vie
vagabonde par toute la terre, se cam-
pent hors des villes, aux champs es ca-
refours, & là dressans leurs loges & ten-
tes, font estat de brigander, de frober,
tromper, troquer, amuser le monde en
disant la bonne aduventure, faignant de
deniner par art chiromantique: & par
telles impostures mendient leur vie,
Volaterran croit que ce soyent Vxiens
peuples voisins des Perses, suyuant le
rapport de Scillaris, qui aescrite Phi-

histoire de Constantinople, & lequel dit
que l'Empereur Michel Traule par les
predictions des Vxiens paruiet a l'Em-
pire, & que c'estoit vne secte esparse
par la Hongrie, Seruie, Bulgarie, & au-
tres parties de l'Europe, qui predisoit
à vn chacun les choses aduenir. Poly-
dore dit qu'ils sont issus de Carmanie,
iadis Silice, ou d'Assyrie Or ceste vilai-
ne façon de belistrer nonobstant que
l'on soit fort & deliure, ne se pratique
point par gens vils, ny entre la racaille
du peuple tant seulement, mais à trou-
ué lieu en la religion, & s'est haussée
iusques à l'estat ecclesiastique, & par-
my les moynes: dont nous auons tant
de sectes de freres mendians & autres
questeurs & caymans, du nombre des-
quels sont ceux, qui souz la couuerture
d'une peruerse & dangereuse reli-
gion portent ça & là avec eux des reli-
ques des saints, comme ils font à croi-
re, ou contrefaisans les gents de bien
par vne frauduleuse apparence de sain-
cteté, garnis de plusieurs fables, de mi-
racles feincts & controuuez, font peur
au simple peuple, le menaçant ores
d'une calamité, ores d'une autre, qu'ils

S. v j

412. *De la Mendicité.*

diront venir de quelques saints courroucez, ou leur promettent des indulgences & dispenses, & par tels moyens sous le tiltre d'aumosnes remplissent leurs bourses, & rodant par le pays attrapent des payfans credules, ou des femmelettes estonnées. par superstition, des aigneaux, des cheureaux, des veaux, des cochons, du lard, du vin, de l'huile, beurre, bled, legumes, lait, fromage, des poules, de la laine, du lin, & de l'argent aussi: tant qu'ayant pillé toute vne contrée ils s'en retournent chargez de proye & grasses despouilles en leurs repaires: là où ils sont receus avec grande feste & ioye par leurs compagnons, louiez & extolez de ce qu'ils ont fait, on sceu si religieusement & saintement piper & abuser le pauvre menu peuple & les deuotes femmelettes, & ont opinion ces gueux de faire seruice tres-aggreable à Dieu, & s'acquitter tres-bien de leur deuoir, quant par telles façons de belistrer & caymander, & par ces tromperis insignes, au grand dommage & diminution du bien public, remplis de pillage ils peuvent engraisser leurs compagnons de seiours.

coisifs, faisant cependant fort peu de compte des vrayes œuvres de miséricorde, sous ombre desquelles tant d'auaricieux leur sont faictes & apportées. La farce de ceste maniere de gents à l'antiquité autrefois escrite par Apulee, sous le tiltres des prestres de la deesse Syrienne en son Afne doré.

Avec ceux-cy l'on peut ioindre tant d'autres freres & moynes mendians, lesquels ayans delaisé la saincteté de leurs reigles & professions ont changé la pieté au gaing & profit, comme si la religion ne consistoit en autre œuvre que à courir ca & là sous le voile de pauvreté, & qu'il leur fut licite de roder par tout le monde belistrant, rascinant & amassant de tous costez argent d'une façon hypocrite, des-hontee, importune, & presomptueuse, n'estimans des-honneste aucune sorte de gaing, se presentans audacieusement aux assemblees & conuocations, aux places & marchez, aux temples escholes, cours & palais des Princes, aux colloques & conferences publiques ou priuées, aux confessions & disputes, aux predications & chaires, forte-

ressés de leur impudence, & de là espandre entre le peuple leurs calomnies & mensonges, vendre leurs marchandises des pardons & indulgences, & mesurer leurs biens faict par ceremonies & mines, partir avec les marchands, vsuriers, ravisseurs, & destructeurs du peuple, les biens qu'ils ont mal acquis, attirer à eux partie du butin, & attrapper argent des gents simples, grossiers & ignorans, & des superstitieuses vieilles, allechant premierement à l'exemple du vieil serpent les sottes femmelettes, & par icelles se faisant voye & planche pour pouuoir apres deceuoir les hommes. Et comment bien qu'ils soient enuoloppez dans vn habit vil & simple, affecté, & curieusement composé pour seruir à leur badinage, & monstrier qu'ils sont pauvres, & qu'ils crient qu'il faut auoir l'argent en mespris, & s'esloigner de toute ambition: eux neantmoins n'ont à cœur chose du monde plus que de faire amas d'argent, pour l'amour duquel ils tournoient la mer & la terre se fourrent par toutes les maisons & hostelleries, vendent à beaux deniers

les sacrements & ministeres de religion, exigent tyranniquement les aumosnes ainsi que seruis & tributs qui leur seroyent deus, s'entremettent des affaires d'un chacun, appaisent les querelles d'entre les mariez mal d'accord, suggerent les testaments, accordent les procez, reformat les nonnains, & le tout en faisant leur proffit & non autrement. Voila les artifices monachaux, par lesquels plusieurs d'entre eux sont paruenus en si grand credit, qu'ils ont esté redoutables aux Papes mesmes & aux Rois, & ont acquis des richesses surpassans celles des banquiers, voire les thresors des Rois, tellement que l'on en a veu qui ont achepté des mitres & chappeaux avec plusieurs milliers d'escus, & ont poursuivy & brigué le papat avec despense & largesse excessive. Tant a de pouuoir cette religieuse & deuote belistrerie. Or parmy tous ces grands thresors il font neantmoins estat de pauvreté, & monstrent de viure en vne perfection de saincteté plus qu'Euangelique, & leur suffit à ce de ne toucher deuant les gens à l'argent, mais de mener leur Iudas qui porte la

bourse, & en rendre compte : & là dessus disent hardiment avec saint Pierre & saint Iean, Nous n'auons ny or ny argent avec nous. Que s'ils ne mentoyent en cet endroit, & que leur parole fust fidele & veritable, ie ne doute point qu'ils ne peussent dire ainsi que firent ces apostres au malade, Leue toy & t'en va. Et commander, comme l'on dit de saint François desnué de pecune & de vices aussi, aux creatures, qui leur obeïroyent, conuertiroient l'eau en vin, passeroient les riuieres à pied sec, appruiueroient les loups enragez, feroient taire les hirondelles d'une seule parole, rendroient le faucon domestique, & le feroient seruir de reueille matin ainsi qu'un coq, commanderoient au feu, & feroient tels autres miracles qu'on dit auoir esté faicts par ce saint personnage. Mais ce n'est assez d'auoir en la bouche ces beaux mots, Seigneur, Seigneur, pour accomplir ces choses, cependant ne représenter Iesus Christ ou S. François que par mines exterieurement, ainsi, que singes, sans obseruer en chose quelconque leurs enseignements & vo-

lonté. Contre ces freres mendiens ont
autres fois escrit Richard Euesque
d'Armachan Irlandois, Malleolus Ab-
bé de Zurich, & Iean Euesque Camo-
tense. Plusieurs autres en ont aussi
fait mention, les escrits desquels se-
royent tolerables s'ils eussent blasme
seulement l'abus de la religion des men-
dians. Mais c'est assez dit d'icelle. Pour-
suiuons le surplus.

De l'Oeconomie, ou mesnage en general.

C H A P. LXVI.

SO V s le regime & administration
de la chose publique est com-
prise l'Oeconomie ou science de
gouuerner le mesnage ou maison, qui est
comme vne republique domestique &
vn petit Royaume priué, dont il y a plu-
sieurs especes: car il y a mesnagement
des cours & maisons royales, mesna-
gement de la suite des grands satra-
pes, & militaire ou de camp. En outre
celuy qui touche & appartient au pu-
blic à la communauté ou mesnagement
conuentuel, & celuy qui est priué, par

ticulier ou monastique. Or cette science enseigne comme chacun doit gouverner sa femme, ses enfans, ses seruiteurs, & famille, comme on peut maintenir sa maison & ses heritages, & d'où il faut tirer les fraiz & despeses ordinaires. Outre ce contient tout ce qu'il y a d'astuce & finesse à l'endroit des rentes & reuenus, de la monnoye, des voictures, peages, dismes, vsures, monopoles, & toutes les inuentions & nouvelles matieres de chercher gain & profit. Plus tout ce qui concerne les compagnies & communautez, ligues, & alliances, guerres, & procez: toutes lesquelles choses n'ont aucune certaine reigle ny maniere, & pource sont appellées irregulieres. A raison dequoy l'Oeconomie proprement ne se peut dire art ny science: mais vne certaine prudence & ruse acquise par vsage & coustume & selon l'opinion des hommes consistant en discipline & administration des affaires domestiques, à laquelle se rapportent les arts & oeuvres casanieres & mechaniques, celles toutes qui manient le lin, la laine, le bois, fer, cuyure, & autres diuers me-

aux, les exercices seruels, comme des
Barbiers, de ceux qui tiennent des estu-
ues & baings, tauerniers, & plusieurs
autres mestiers & manieres de gagner
le viure & d'accroistre son bien priué
& particulier, qui sont esloignées de
toute superintendance, soin, & admi-
nistration des affaires publiques, & de
toute speculation belle, gentille, ma-
gnanime, & diuine: le nombre desquel-
les est infini. Toustels exercices & me-
stiers sont en effect seruels, mais il y
en a aucuns qui sont perpetuellement
alliez à certains vices qui les rendent
infames, comme les chartiers, nauton-
niers, tauerniers, qui sont mal renom-
mez à cause de leur babil & baueries,
ainsi que conteurs de nouuelles & de
fables, & pareillement les Barbiers, les
maistres de baings & les bergers sont
tenus pour infames, tesmoin la fable
de Midas, l'histoire de Scylla au siege
d'Athenes, & le compte de Battus. Les
chantres aussi & ioueurs d'instrumens,
gents mercenaires, lesquels pour don-
ner plaisir à autrui se loient pour iouer
& chanter aux festins & assemblees.

sont infames. Mais la vie des nautonniers est meschante & mal-heureuse. Sur toutes, l'habitation desquels est comme vne prison, le viure dur, grossier, sale, & immonde, les vestemens ords, sans commodité d'aucune chose, perpetuellement bannis de leurs maisons, tousiours vagabonds ou fuitifs, ne sçachans que c'est de repos, tousiours tourmentez des vent & des ondes ça & là, perpetuellement exposez à la pluye, aux foudres, esclairs, froid, chaud, & accompagnez de faim, de soif, de crasse, & d'ordure. Avec cela ils sont en dangers ordinaires des Scylles, Charybdes, Syrtes, Symplegades, & autres mauvais rencontres & abords dangereux de la mer. Les tourmentes & tempestes de laquelle sont effrayantes outre mesure. En somme parmy tous ces maux & autres sans nombre sont tousiours au peril de leur vie. Et iagoit que les mariniers soyent les plus malheureux d'entre les hommes ils sont neantmoins les plus meschans qui vivent. Or entre tant d'arts mechaniques qu'il y a, les principaux & plus honorables sont la marchandise, l'agriculture, l'art

nilitaire, la medecine, & Part d'aduc-
casser : desquelles nous traiterons par
ordre l'une apres l'autre cy-apres. Mais
examinons premierement les princi-
paux & communs fondemens de l'oe-
conomie.

De l'oeconomie priuee. CHAP. LXVII.

Toute la force & substance
de l'oeconomie priuee &
particuliere gist au maria-
ge. Sur quoy Metellus Nu-
midicus Censeur exhortant le peuple
Romain à ne viure point sans fem-
mes espousees, ou sans se marier, dit
ainsi : Si nous pouuions nous passer de
femmes, nous serions exempts des fas-
cheries de mariage : mais puis qu'il est
ainsi ordonné par la nature, qu'en la
compagnie d'icelles nous ne sçaurions
bonnement iouyr d'aucune commo-
dité, & que sans les femmes nostre vie
defaudroit, il est necessaire d'auoir
plustost esgard à vn bien perdurable,
qu'à vne breue volupté. Aule Gelle re-
cite ces parolles. A la verité nul mesna-
ge ny maison peut durer sans mariage

car sans espouse l'on ne fçauroit main-
tenir sa lignee, ny auoir hoirs, ny faire
mention d'hoirie, & n'auroit on parens
ny alliez, ny familles, ny pere de famille.
Celuy qui n'a point de femme n'a
point de maison : car il ne tient point
de mefnage arresté, & s'il en a il demeure
re & hante chez soy ainsi qui fait vn
estranger en vne hostellerie : Celuy qui
n'a point de femme, pour riche qu'il
puisse estre, n'a rien qui soit à luy : car
il n'a personne à qui il puisse laisser le
sien, ny en qui se fier : tout est abandon-
né aux agnets & surprinses : ses serui-
teurs le pillent, ses compagnons le trom-
pent, ses voisins n'en tiennent compte,
ses amis le mesprisent, ses parents le
trahissent & espient : S'il a des enfans
nais hors mariage, ce sont marques de
son des-honneur & de sa honte, & ne
peuent succeder au nom & armes de
sa maison, ny à ses biens, à cause de
l'empeschement des loix, & est reculé
de tous honneurs & administration
publique par le consentement de tous
les legiflateurs. Car celuy qui n'a ap-
prins à bien regir & gouverner vne
maison priuee, n'est pas digne de

manier les affaires d'une republique
u cité, attendu que le vray pourtraict
e la republique est le mesnage. Ce
ui estoit commun & connu entre
es Grecs, à raison dequoy Philippe de
Macedone voulant establir paix & con-
corde entre les villes & potentats de la
Grece qui querelloient les vns contre
es autres, & Gorgias Leontin recitant
s festes olympiques vn liure qu'il
uoit composé de la concorde, furent
eiectez & mocquez, d'autant qu'eux
ayant sceu entretenir leurs maisons
& familles en bonne concorde se vou-
oyent mesler d'appointer les autres.
Car Philippe auoit sa femme peu ac-
cordant avec son fils, & la femme &
a seruante de Gorgias estoient en per-
petuelle noise. Ceux la doncques, l'au-
torité desquels & opinion de sagesse
n'estoit suffisante pour appaiser les de-
bats domestiques, n'estoyent estimez
propres à composer les discordes des
autres de dehors. Partant celuy qui ne
sçait regir soy mesme & sa maison &
mesnage priué est appellé & esleu à la
malheure au gouvernement & admi-
nistration des affaires de la republique

Or cet estat est celuy seul qui peut rendre la vie des hommes heureuse, auquel ils s'occupent à aimer & cherir leurs femmes, esleuer & nourrir leurs enfans, conduire leurs familles, manier & entretenir leurs biens, auoir soing de leur manoir & habitation, & perpetuer leur race & lignee: auquel s'il aduient que quelque ennuy, charge, & travail, comme il n'y a estat aucun qui soit exempt de la Croix, pour certain il est leger & aisé à porter en mariage, pourueu toutes fois que les mariez ayent esté conioint non par l'auarice, par la grandeur, par les deceptions & fraudes, ou par fol & desordonné appetit: mais de par Dieu qui est auteur du mariage, & a ordonné que l'homme l'aira, pere, mere, enfans, parents, & aliez pour se ioindre de sa partie: l'amour de laquelle doit faire passer toutes les charitez & dilections que l'on scautoit porter à qui que ce soit. Ainsi Hector preuoyant la ruine & subuersion de Troye ne se tormentoit point pour son mal, ny pour celui qu'il craignoit à ses freres & parents, mais seulement à cause de sa femme: & le fait ainsi parler Homere.

D

De ma part ie preuoy que la ville de Troye.
Priam, & ses subjects seront liurés en proye.
Mais des Troyès, n'aussi de ma mere la mort,
Ny celle de Priam, mon cœur tant me remord.
Ny de tant de parens qui preux perdront la
vie,

Et seront mis à mort par l'espee ennemie,
Que le soucy que i'ay de toy, chere consorte,
Le confesse que les nopces mal pour-
chassées menassent l'homme de plu-
sieurs difficultez & mal-heurs, dont So-
crate en faisoit quelque iour le denom-
brement, à sçauoir perpetuelle solici-
tude & soucy, tourment de jalousies,
vne grand' fuite de plaintes & querel-
les, reproches du dot, renfrongnemens
des aliez, censures & allegations des
mariages d'autrui, grands fraiz, incer-
titude de ce que doiuent reüssir les en-
fans, la mort d'iceux & de toute la li-
gnée, dont on est contraints laisser son
bien à vn heritier estranger, & infinis
desplaisirs & douleurs. Ioint que à pren-
dre femme il n'y a presque point d'ele-
ction, on y va à l'aduenture, & telle
qu'on la recontre il la faut garder. Si el-
le est plaisante, si elle est sottte, si elle est
de mauuaises mœurs, superbe, falle &

T

orde, laide, impudique, tout ce qui est de mauuais en elle s'apprend apres les nopces, & ce corrige à grand peine ou iamais. Les exemples des peruers mariages sont frequents, M. Cato Censeur rin, le premier homme qui fut en son temps en la republique Romaine, le quel n'auoit son pareil à manier affaires, fut en paix ou en guerre, estant desia vieil espousa vne ieune fille née d'un certain Salonijs personnage d'un petit estat, pauvre & inconnu: mais elle se comporta avec luy fierement & opiniastrement, en sorte que Cato n'auoit aucune autorité en sa maison. Tibere ayant espousé Iulia fille d'Auguste si infame pour plusieurs euidents aduertes, ne l'osoit chastier, ny accuser, ny repudier, & n'auoit le cœur de demeurer avec elle: à cette cause il fut contraint de se retirer à Rhodes, non sans diminution de son honneur & reputation & en danger de sa vie. Marc Antonin le Philosophe eut à femme Faustine fille de l'Empereur Antonin le pieux: & pource que par le moyen d'icelle il obtint l'empire, de peu d'entrer en debat & querelle de sa dou-

force luy fut de pendurer & retenir
 toute putain qu'elle estoit. Vray est
 que toutes ces incommoditez aduien-
 ent plus par la coulpe des maris que
 les femmes : car les mauuaises femmes
 se rencontrent guere sinon aux
 mauuais maris. Le dire de Varro en
 Aule Gelle sur cette matiere est tel :
 l'homme doit oster ou supporter le
 vice de sa femme : celui qui poste se la
 rend plus amiable & traictable. S'il pen-
 se il se rend luy mesme meilleur
 mais nous en auons parle amplement
 en Poraison que nous auons faicte du
 mariage. Quant à la nourriture des en-
 fans, elle ne succede point bien à sou-
 uent à vn chacun : plusieurs desquels
 sont mal renommez ou rebelles à leurs
 peres & meres, autres leur donnent
 avec cela plusieurs peines & domma-
 ges, autres deuiennent insensez ou he-
 retez & lourdauts, autres meinent leur
 vie parmy des abimes de tous vices &
 chancetez, contournans & dissipans
 leur patrimoines en voluptez, paillar-
 ises, & ieux illicites, autres mesmes
 aduancent leurs iours à ceux qui les
 ont engendrez, ainsi que firent Orphe

& Alcmeon & P. Malleol, qui tuerent
leurs meres. Artaxerxes Memnom ayant
engendré cent quinze enfans fut con-
traint d'oster du monde la pluspart
d'iceux, pource qu'ils l'espioient &
machinoient contre luy. Parquoy
n'estoit sans raison qu'Euripides di-
soit, & apres luy saint Bernard, qui
n'auoir point d'enfans est vn bien que
chacun ne connoit pas. Auguste me-
me Empereur accompagné de tant
d'autres heurs, neantmoins pour le re-
gret qu'il auoit de sa fille & de sa petite
fille, prononçoit souuent ce vers d'Ho-
mere.

*Pleust à Dieu que iamais n'eusse eu femme
n'enfans.*

Les seruiteurs aussi qu'il conuient
auoir en mesnage, sont les pires enne-
mis que nous ayons: il n'y a rien plus
dangereux qu'eux, dit Euripides. Le
serf est vne possession necessaire mais
non pas douce, dit Democrite. Je sçai-
uois bien, dit Petrarque, que ie viuois
parmy des chiens, mais ie ne m'appre-
ceuois point d'estre chasseur si l'on
me n'eust aduertit. Les seruiteurs pour
certain sont chiens mordans, gou-

nans, abayans. Et est leur naturel fort
proprement décrit par Plaute. Cette
specie d'hommes, dit-il, qui doyuent
estre maniez à coups de fouët & de ba-
tons, ne pense iamais à faire chose qui
vaille, mais si l'occasion se presente,
bien, pille, emporte, voyla toute leur
occupation: tellement qu'il t'en seroit
nieux si tu laissois les brebis aux loups,
que de bailler ta maison en garde à
ceux. Les façons de faire des seruiteurs
enuers leurs maistres, dit Lucien au
dialogue de Palinurus, sont perpetuel-
les mesdisances, larrecins, tromperies,
suittes, arrogances, negligences, yron-
gneries, gourmandises, tousiours dor-
mir, tardiueté & paresse. Parquoy on
dit en commun prouerbe, Autant de
seruiteurs, autant d'ennemis dome-
stiques. Vray est que bien souuent ils
ne sont point tant nos ennemis de leur
malice, que nous les nous rendons tels
par nostre superbe auarice & outrages,
& en cruantez dont nous vsons enuers
eux, exerçans vne tyranie en nos mai-
sons, dominans sur iceux, non selon le
deuoir & la raison, mais selon qu'il nous
plaist. De ces choses parle ainsi le serf

Strophile és Comedies de Plaute : Les maistres pour vray vsent de leurs seruiteurs iniquement: aussi les seruiteurs ne leur obeissent qu'à regret : par ainsi d'une part & d'autre il ne se fait rien bien à point, les vieillards chiches & avarres ferment sous mille clefs legardemanger, la cuisine, & toutes choses: & baillent à peine à leurs legitimes enfans ce qui leur doit suffire. Les seruiteurs de leur costé iouent des mains, & font ouverture par tout avec mille clefs rauissans à cachetes, consommans friandans tout leur soul: & ne fau- craindre qu'il confessent iamais leurs larrecins, quand on leur presenteroient cent gibbets. Ainsi les seruiteurs ruse se vengent de leur seruitude, se riant & mocquans de leurs maistres. Parquoy ie conclus qu'il n'y a chose qui rende les seruiteurs fideles que la liberalité. Or par les entreprises des seruiteurs plusieurs villes & republicques ont souffert des maux inestimables, dont les histoire font foy en ce qu'elles traitent des guerres serviles. Mais sur tout la ville des Voliniens iadis riche & oppulente, ornée de bonnes mœurs,

Le gouuernee par bonnes loix, fut re-
uite en pitoyable estat par l'insolence
des seruiteurs. Car ayans les citoyens
permis à leurs seruiteurs trop de pri-
uauté, iusques mesmes à les admettre
en leur conseil des affaires publiques,
ils en vindrent là qu'ils en reculerent
les senateurs, & s'emparerent de tout
le gouuernement de la republique, fai-
soient faire les testaments à leur appe-
tit, empeschoyent qu'il ne se fit festins
ny assemblees aucunes de citoyens de
libre condition, espousoient les filles
de leurs maistres. En fin establirent
vne loy, par laquelle ils estoient exem-
ptez de peine s'ils commettoient pail-
lardise avec les vefues, ou adultere
avec les femmes mariees: enfin ordon-
nerent qu'aucune fille ne seroit mariee
à homme de libre condition, que pre-
mierement quelqu'un du nombre des
esclaues n'en eut cueilli le premier
fruct. Tellement que cette tant ma-
gnifique & opulente cité, qui estoit ca-
pitale de la Carie, pour trop grande
douceur & permission enuers les es-
claues tomba au profond de oppro-
bres, iniure, & miseres. Pour certain

T iij

430 *Des Courtisans.*

si l'on ne tient la bride roide aux serui-
 teurs, ainsi que dit Aristote és politi-
 ques, les maistres tombent en leurs a-
 guets & conjuration, comme il aduint
 aux Lacedemoniens par les Ilotes & aux
 Thessaloniens par les Prenestins.

Des Courtisans, ou Oeconomie de la Cour.

C H A P. LXVIII.

L reste à declarer que c'est
 que l'Oeconomie de la Cour
 & des maisons royales. La
 Cour n'est autre chose qu'un
 college, assemblée, ou congregation
 de Geants, c'est à dire, de nobles
 & renommez vaueants, vn theatre
 de meschans satellites, vne école de
 corruption de mœurs, & vn recepta-
 cle de crimes execrables: là où l'or-
 guil, le dédain, & le mespris d'au-
 ruy, la rapiné, la luxure, l'excez, l'en-
 uie, l'ire, la gourmandise, la violence,
 l'impiété, la cautelle, la perfidie, le
 dol, la malignité, la cruauté, & tout
 tant de vices qui ont iamais esté, font
 sejour, habitent, regnent & comman-

ent parmy les mœurs corrompues :
où les paillardises, ravissemens, &
adulteres sont petits iceux & passe-
temps des Princes & grands Seigneurs :
à où les meres des Rois & des Princes
ont souvent maquerelles de leurs en-
fans, là où regne perpetuellement fo-
rage & tempeste de toutes meschan-
cetés, & où toutes les vertus se per-
dent & font pitoyable naufrage. En
ce lieu là toute personne qui ayme le
bien est foulée & opprimée, le mes-
chant receu & aduancé, les simples
mocquez, les iustes persecutez, & les
audacieux & impudens esleuez. Là
prosperent seulement les flatteurs rap-
porteurs, mesdisans, calomniateurs
imputeurs, gens prompts à faire quel-
que mauuais seruice, seruiteurs feincts
& dissimulez, trompeurs, ennemis de
toute bonne renommee, inuenteurs
de tout mauuais artifice, faisans estat &
profession des plus enormes meschan-
cetez. La vie desquels est toute rem-
plie de vilennie. En somme tant qu'il
y a de vice & mauuaistié en toutes les
bestes farouches & plus cruelles, il
semble qu'il soit amassé au troupeau.

T. v

courtisan comme en vn corps. La vob
 on la fierté du lyon, la cruauté du tigre
 la rage de lours, la temeraire impetu
 sité du sanglier, l'orgueil du cheual, l
 rapacité du loup, l'obstination du veau
 la cautelle du renard, la ruse du came
 leon, la varieté du leopard, la mordant
 aspreté du chien, le desespoit de Pele
 phant, la vengeance du chameau, la ti
 midité du lièvre, l'insolence du bouc
 l'immondice du pourceau, la sottise du
 mouton, la lourderie de l'Asne, la badis
 nerie du singe. Là trouue l'on les for
 fenez Centaures, les pernicieuses Chi
 meres, les Satyres insensez, les ordes &
 vilaines Harpyes, les meschantes Syre
 nes & Scylles monstreuses les hideu
 ses austruches, les gryphons glouts, le
 affamez dragons : Et là tout tant de
 monstres ineuitables & malencontreux
 qui ont iamais esté produits par la na
 ture violente & contrainte y font leur
 habitation & demeure. En cette bou
 cherie toute espee de vertu y trouue
 ses bourreaux & ses tyrans. En somme
 ou il faut faire estat de toute malice
 iniquité, & impieté, ou vider de la
 spur. Il n'est pas permis sans l'aide de

Dieu d'en sortir sain & garenty. Qui
peut vivre en la crainte de Dieu quitte
cort. Il ne scauroit aduenir vn plus
grand malheur aux villes que quand la
pour d'un grand Prince arriue. Dés
qu'elle commence à se remuer & ache-
miner, c'est comme vn comete de tout
auuais presage, apportant vne con-
tagieuse infection ainsi qu'une peste
mortelle la part qu'elle s'arreste. De
quelque lieu d'ou elle parte, elley laisse
des marques incurables de sa poison
insi que morsures de chiens enragez.
La cherté de toutes choses l'accompa-
gne perpetuellement, d'autant qu'un
chacun tasche à profiter avec les cour-
tisans en haussant le prix des denrées &
choses necessaires, lequel ne se remet
pres sans grande difficulté & domma-
ge. La friandise & superfluité des ta-
bles luy est aussi compagne inseparable
& de là apprend le peuple à s'ennuyer
des façons ordinaires du pais d'appre-
ter les viandes, & recherche les estran-
geres, s'addonnant du tour a la cuisine
& a la gourmandise, & consommant
insi honteusement son bien. La pom-
pe & bonbance la suit pareillement en.

T. vj

quoy les citoyens & bourgeois de
villes hommes & femmes essayent d'
l'imiter apprenant chacun les façons
de leurs habillemens, & la disposition
de leurs maisons & menages de la
cour & des courtisans, tant qu'ils de-
pendent tout le leur en habits & pom-
pes. La corruption des bonnes mœurs
luy fait aussi compagnie ordinaire, in-
troduisant des vices execrables, qui est
le plus grand malheur qui y soit. Quand
la cour est partie, Dieu sçait la longue
queue qu'elle laisse apres elle. Ceux
cy trouvent leurs femmes y estre de-
venuee adulteres, ceux-là leurs filles
violées ou enlevées pour ribaudes, les
enfans subornez, les vallets & cham-
brieres corrompus, Bref grand pleu-
se void par toute la cité, & sa face es-
tellement changée, qu'elle est sembla-
ble à celle d'une paillardes.

Je sçay vne fameuse & renommée
ville en France si pervertie & desord-
onnée pour la frequentation de la
cour en icelle, qu'à peine y pourroit
on trouver vne femme de bien, peu ou
point de filles s'y maintiennent vier-
ges iusques à leurs nopces: ains ce leur

Des Gentil hommes courtis. 435

est grand honneur, ce leur semble, d'estre couuertes de la charongne de quelque Courtisan: & les Dames desia âgees prestent la main aux plus ieunes, & leur seruent fort volontiers de maquerelles: & y a prins tel pied ceste vilennie & ordure, que toute vergongne enest bannie & mesmes les marys ne se donnent pas grande peine si leurs femmes paillardēt, pourueu que pour l'amour d'elles ils en soyent bien venus, bien traictez, & bien repeuz.

Des Gentils-hommes Courtisans.

CHAP. LXIX.

LE peuple Courtisan est de deux fortes. Les premiers & plus dignes sont les satrapes, à sçauoir les Gentils-hommes, ces glorieux

Thracons, qui forçēent apres les pompes & superfluitez, habillez d'or & de soye, bigarrez, pourfilez & estoffez en diuerfes fortes.

*A qui plaisent putains, & de qui le mary
cher*

436 Des Gentils-hommes courtisans.

Est courbé & rompu, & les cheueux espar-
Et veulent chaque iour nouveaux habi-
chercher.

Ceux-cy consomment & brisent toute
leur vertu & vigueur en paillardises,
leurs palais & gueulle à mille inuen-
tions: en toutes choses ils cherchent
des assaisonnements & façons nouue-
les, ils viuent delicieusement, donnent
& recoiuent des banquets magnifiques
& somptueux. Entre eux est tenu pour
grande louanges si quelcun a si bien des-
pendu, & tant employé d'argent en
quelque festin remarquable, qu'il luy
conuienne chercher ses repeues fran-
ches, & flaire les tables d'autrui Pes-
pace de trois mois apres. A eux accou-
rent tous les ioueurs de luth & autres
instruments, & toute espee de chan-
tres, musiciens, bouffons, basteleurs,
parasites, plaisantans pour auoir quel-
que lippee, putains, maquereaux, bal-
ladins, chasseurs, & tels prodiges de
l'humaine generation: ils nourrissent
des chiens, des cheuaux, des loups, cer-
niers, des faucons, autours, & autres
oiseaux de proye, des singes, des perro-
quets, & outre ce, s'il y a quelques be-

Des Gentils hommes courtisans. 437
les estranges, laides, faictes par la nature d'espitée, ils en veulent auoir: ils tiennent des ours, des lions, des tygres, les leopards. Leurs propos ne sont que pures bourdes & fables inutiles: ils nesdisent, ils rapportent, ils causent & reuelent, mentent, desguisent, & mesment le vray parmy le faux. L'un parle de la chasse, des contours des forests, des routes & sentes des bois, & des accidens estranges aduenus aux chasseurs, l'autre deuise des cheuaux & de la guerre, & racompte ses beaux faicts d'armes en mentant. Cependant quelque autre vient à la traicte, qui par enuie rompt les propos de cestuy-la & met en auant quelque autre fornnette, ou se vante insolemment des choses qu'il aura faictes, à fin de se faire priser & estimer. Quelcun là dessus soustien dra choses contraires, le conuaincra de mensonge, & par brocards & paroles piquantes luy fera quitter la place, tellement que bien souuent tous les propos qui se tiennent en leurs assemblées & banquets se terminent par querelles & outrages: & tout ainsi qu'il aduint au banquet des Centaures, les pre-

438 *Des Gentils-hommes courtois.*

sents de Baccus ne cessent iusques
tant que le sang soit espendu. Ain
inuitez à ces banquets de courtois
bien souuent s'en reuiennent charge
de coups d'espée, comme si on les auoi
appelez a cette condition, de combats
tre apres estre bien repeus, & inuite
par tel edict,

*Au demeurant, ioyeux d'auoir fait bon
affaire*

*Raffraichissez vous bien, & que chacun es
pere*

Et s'appreste bien tost de venir au combat

Or la science plus exquise qui soit en
eux est de prendre garde à bien choisir
le tēps & les heures commodēs à leur
Princes & seigneurs, afin de ne se pre
senter deuant eux ny leur dire chose
aucune hors de saison: & ne prennent
point leurs obseruations des astres, du
Ciel, ny des Ephemerides, mais du vin
de la table, des banquets, de la chasse,
du coucher, du leuer, s'ils voyent le
Prince resiouy de quelque plaisir &
volupté qu'il aye obtenuē, & autres
telles entrees douces, & opportunités
favorables qu'ils connoissent, alors ils
commenceront à compter quelques

Des Gentils hommes Courtis. 439

ouueautez pour chatouiller les au-
eilles d'iceluy, & puis peu à peu feront
enir à propos ce qu'ils pretendent &
esirent, ayans naturellement le con-
eil qu'Aristote donna à son disciple
Callisthenes graué en l'esprit, à sçauoir
e dire au Roy de choses plaisantes, ou
e luy parler iamais, à fin qu'en parlant
on luy soit plus agreable, ou en se tai-
ant pour le moins on soit hors de dan-
er. Et s'il aduient que le Prince ou Roy
oufrie à quelqu'un d'eux : & face sem-
blant que ce que cestuy-là dit luy plai-
e, s'il a pour agreable chose qu'il aye
aicté, s'il se fie en luy & luy communi-
que quelque affaire, s'il le tire à part
pour parler à luy en secret, & ne face
emblables faueurs aux autres, pour
ertain cestuy-là sera le grand mignon,
chacun le regardera par merueilles, il
leniendra incontinent audacieux en-
uers tous, il picquera & brocardera vn
chacun, mesprisera tout le monde, mes-
lira à cachettes, reprendra ouuerte-
ment, parlera magnifiquement : rien
ne luy sera impossible, à fin de se faire
redouter à vn chacun, foulera les petits,
leniendra peu de compte de ses sembla-

440 *Des Gentils-hommes courtisanes*
bles, aura en dedain les grands, voudra
dra qu'on luy face honneur iusques
l'adorer par force, fera, tout enflé d'orgueil,
se surhauffera, & voudra commander & faire le Roy luy mesme.

Ce qu'on nomme vertu & force souveraine

C'est lascher à tous maux de la bride la ren

Ceux qui ne luy monstrent bon visage, ou n'approuveront par tous signes de liesse ce qu'il fera, encor qu'il ne face rien qui vaille, seront incontinent accusez & estimez ou enuieux de son bon heur, ou de ne l'auoir en telle veneration qu'il appartient à sa dignité, ou de n'auoir esgard à ses bons seruices. Et cette maniere d'homme n'est pas seulement importune & fascheuse enuers les semblables ou inferieurs, mais bien souuent sont tres-pernicieux aux Princes mesmes, lesquels ils flattent dangereusement sous pretexte de seruerité, remonstrances, ou conseil, & le precipitent en peruerses & damnable entreprises, ainsi que Curio incita Cesar espoies de Lucain.

D'où vient ce qu'as esté si lasche cette es
torce ?

Douois tu tant soit peu de nous ou nostre

les Gentils-hommes courtisans. 44x

force,

Tandis que nostre esprit sans cesse en nous
battant

esmoigne la vigueur d'un poux tousiours
constant.

Et que pouuons le dard brandir de main
puissante.

Pourras tu bien souffrir la rogne forlignante

Du senat & son regne,

Tels instigateurs auoit ordinairement
u tour de luy Alexandre le grand, qui
incitoient tousiours de plus en plus
aux guerres & aux meurtres son natu-
rel desia assez enclin & facile à forcen-
er. Roboam pareillement fils de Sa-
omon auoit de tels conseillers à foi-
on, & nos Princes de ce temps en sont
assez bien garnis. Ils complaisent aux
Princes & aux Rois en toutes leurs cu-
piditez, luy sont tres-obeyssans à execu-
ter les meschans & tyranniques com-
mandemens auxquels ils les exhortent
ou bien les leur desconseillent en fa-
çon qu'ils les enflamment encor da-
uantage, vsant des remonstrances ou
raisons si friuoles & fades que rien plus
& tout à leur escient, pour faire croire
au mode qu'ils ont esté gaignez & com-

442 *Des Gentils. hommes courtisans*
vaincus par meilleurs argumens, con-
firmans. cependant le Prince credul
en ses erreurs, & se sauuant par mesme
moyen, du blasme de mauuais conseill
lers, & ainsi trompant d'une part &
d'autre, tant s'en faut qu'ils soyent re-
pris de leurs trahisons, qu'au contrai
re on leur en sçait bon gré, & sont esti-
mez gens de bien & fideles. De tel
garnemens sont remplis les conseil
des Rois, tant en France qu'ailleurs.
Voila en somme quels sont les gentil
hommes fuyans la cour, l'un desquel
estant offensé tous les autres s'en res-
sentent,

*Des roturiers, negociateurs & autres gens de
bas estat seruans ou fuyans la cour.*

CHAP. LXX.

Ly a, outre les susmen-
tionnez, des blebeyens
& gens de basse estoffe
courtisans, hommes de
courage vil & malin,
le naturel desquels ne se sçauoit ad-
donner à estre maistres, & commander,
mais tousiours se complaisent à seruir.

elle espece de gens rodent par les
maisons des grands Seigneurs, flattans
cherchans leur vie aux despens d'au-
truy, faisant vn heur de cela. Partant
approuuent toutes choses, complaisent
à tous, flattent vn chacun, & ioüent
auec toutes sortes de personnages, se des-
guifans en plus de façons que ne faisoit
la rote pour acquerir la faueur des
grands, espient & taschent d'entendre
les propos qui se tiennent aux tables
pour en faire rapport, & s'il y a aucunes
querelles, s'enquierent finement des
couuits d'une part & d'autre, & puis don-
nent des aduertissemens ores aux amis,
ores aux ennemis, ioüans tous les deux
personnages pour acquerir la grace de
vn & de l'autre parti, lesquels neant-
moins ils trahissent: & sont d'autant
plus propres à brasser quelque trahi-
son, qu'on se doute moins d'eux à rai-
son de leur simplicité apparente &
einte. Et iacoit que de tous les actes
meschans la trahison est le pire, si est-
ce qu'encor c'est vne pratique ordi-
naire pour paruenir aux honneurs, di-
gnitez, & grandes richesses, & le che-
min plus bref & aisé qu'on scauroit

tenir, voire agreable aux Roys mesmes, & par iceux recherché. Ils sont doncques tousiours par les logis des grands seigneurs, espient leurs secrets à fin d'estre par iceux crains & respectez: & s'il leur aduient de pouuoir de courir & communiquer aux vilennies ou trahisons d'aucuns, les voila en seu- reté & en credit.

*Qui accuser Verres de ses forfaits pourra
Ce sera celuy là que Verres aymera.*

Ils ont par ce moyens la familiarité & estreite amitié des plus grand d'entre la noblesse, par le support & ayde desquels il montent facilement à ce qu'ils desirent. En premier lieu ils requerront & pourchassent d'estre couchés en l'estat de quelcun, sans se soucier beaucoup des gages: car il leur suffit pour bien executer leurs desseins, & faire leur profit, d'estre aduouez & reconnus pour estre de la maison de quelque Prince, & n'est point cela infructueux ny sans salaire. Cela obtenu il leur est facile de tirer des grands seigneurs ce qu'ils veulent: ils flattent, ils complaisent, & par l'acointance & priuauté qu'ils ont acquise, & moyen-

aux Roys munt quelques presents, se donnent
entrée ou se font voye par quelque au-
tre artifice, en maniere que tout ce
que les autres laissent eschapper par
certaine des dangers, ou pour ne pou-
voir supporter les travaux, ou pour
y esperer profit suffisant, tombe dans
les rets de ceux cy, & est par eux re-
cueilli avec grand desir. Ils veillent iour
& nuict, voyagent souvent, portent &
rapportent des nouvelles & des lettres
entreprennent & supportent grands la-
eurs & peines, voire choses dignes de
mille gibbets tant que par ces merites
& bons offices ils sont faicts ou secre-
aires ou intendans des affaires, ou thre-
soriers, ou obtiennent quelque autre
charge & office. Puis ayant passé toutes
les difficultez des travaux susdits, ils ne
ont plus rien pour personne sans sca-
voir pour combien, ils vendent desot-
mais tout à certain prix & par leur nou-
vel aduancement aux honneurs, ayans
changé de mœurs ne se souviennent
plus de ce qui est passé: ont l'œil & le
cœur dressé à l'occasion presente, de-
sirent de pousser plus outre, ne se sou-
viennent plus de ce qui a esté au com-

mencement & font peu de compte
toutes leurs connoissances & amit
premieres. Se bandent & serrent au feu
d'auarice, ne tendans plus qu'au gain
& à la proye en toute leurs action
chiches en fidelité, larges & prodigus
en paroles, flatteurs & trompeurs tou
ensemble: leur parler est obscur & a
bigu, ainsi qu'estoient les oracles des
diabes du temps passé: interpretes
finistrement, & prennent en la pire par
tout ce qui se dit & fait, ne se fient qu'
eux, n'ayment qu'eux, ne font sages qu'
pour eux mesmes, ne font compte d'
mitié aucune, si elle ne leur appor
gain, ont leur profit en recomman
dation sur toutes choses: mesprisent
tous les parens, amis, & compagnons
qui ne leur apportent à gagner, ain
que si c'estoient plantes steriles.
quelqu'un de leurs anciens compagnons
les rencontre, ils font semblant de ne
le connoistre, & passent outre. Si
s'adressent à eux pour estre aidez en
quelque affaire, paroles & promesses
foison ne leur deffailent, mais sans au
eun effect. N'apporte-il rien: il est abandon
donné au besoin, & decheoit de son
droit

droict. Bref tous les plaisirs qu'ils font,
c'est à prix d'argent, toute vertu leur
est en mespris. Si l'on loüe quelcun en
leur presence, ils controuueront touf-
iours quelque chose au contraire. Ils
mesdisent par derriere couuertement
d'un chacun, & ne se mettent iamais à
bien dire franchement, & sans quelque
si, ou mais, de personne quelconque,
imitant cest orateur qui disoit, le con-
seil que Iules Fortunat estoit homme
vertueux, & à qui l'on ne scauroit oster
le los d'auoir bien fait & versé en plu-
sieurs endroits: mais ie m'esmerueille-
ois fort comme il auroit peu eschap-
per de l'accusation de concussion &
ouillerie en vn iugement equitable, si
ie ne cognoissois l'eloquence singuliere
de ce personnage.

*Pelee heureux en fils, Pelee heureux en femme
Auquel, hors de Pbocus le meurtre trop in-
fame.*

Si tout heur estoit escheu.

Outre ce ils beent tousiours la gueule
ouuerte aux dons & presents de la cour,
ainsi que vautours affamez: ils pour-
raient haïssent leur proye en tous endroits
en quelque part qu'elle soit la rai-

lent à qui ils peuuent, voire d'entre les
dents des autres, comme les Harpyes
faisoyent les viandes de Phinée. Se re
iouyssent fort des trauerses & calamitez
de leurs competeurs: ne sont ia
mais esmeus à pitié du mal d'aucun: pen
sent n'estre tenus de leurs promesses
s'ils ne leur plait: ne rendent aucun gr
à personne, mais redigent tous les hom
mes en vn article pour indignes d'au
cun bien-faict, ou bien les passent par
negligence: A plusieurs ils rendent haie
ne pour plaisir, mais c'est en faisant
semblant de leur vouloir bien faire
courant leur ire & mal talent. En som
me n'ont esgard à aucun fors qu'à
Prince, & encor ne se soucient guiere
de luy si ce n'est par crainte, ou pour
leur profit. Ayans ainsi cheminé entr
leurs fraudes, trahisons, peines, & trau
uaux plusieurs années, tant qu'ils e
ont les cheueux blans & chenus, &
par ces moyens acquis & accumul
grandes richesses, alors ils messent
ciel avec la terre pour laisser leurs e
sans heritiers, non point tant de leu
estats & honneurs, que leurs rai
ments & iniquitez.

Le serpent & lezards la cignoigne nourrit
 les petits cignoigneaux pendant qu'ils sont au
 nid:

Et lorsque qu'ils sont grands: ils cherchèt leur
 pasture

Le serpent & lezards qui leur font nourri-
 ture.

Aussi l'aigle royal quand dans les bois a pris
 le lievre ou le chevreuil, l'apporte à ses pe-
 tits:

C'est pourquoy quand la faim ses petits aiglons
 presse,

qu'ils peunent voler, vn chacun d'eux
 s'adresse

Et cherche mesme proye à celle qu'il a eu

Au sortir de la coque.

Tels sont les artifices des courtisans
 & bebiens & roturiers, dont plusieurs
 abus de l'ordure de la plus baile popu-
 lace montent à tres grandes charges &
 ennuisements d'affaires & de finâces, & se
 trouuans en credit & autorité presque
 egale à celle de leurs Roys, amassent
 les Thresors & richesses de Princes,
 bastissent des palais & maisons royales.
 Cependant que les gentils-hommes
 courtisans dont nous auons parlé cy-
 devant, se consomment en pompes,

delices, voluptez, puteries, ieux chiens, cheuaux, banquets, & braues accouftrements, vendans, & mangeans leurs terres, heritages, chasteaux & patrimonies. Lesquelles choses ces roturiers achettent, & en fin occupent la place de ces nobles par leurs meschantes pratiques cy dessus par nous declarees.

Des Femmes de Cour. C H P. L X X.

LEs femmes de la Cour ont pareillement leurs vices peculiers. Nous en voyons pour certains plusieurs belles de corps, gracieuses, mignonnes, & gentiles, & outre ce bien habillées, ornées, & enrichies de bagues d'or & de pierreries, mais il n'est pas aisé à chacun de penetrer auec l'œil sous ces beaux voiles qui couurent bien souuent des monstres tres-hideux. Parquoy Lucien les a comparées fort promptement aux temples des Egyptiens, qui estoient beaux & riches par dehors, construits de belles pierres, & d'ouurages somptueux: mais si l'on s'enqueroit des dieux qui estoient

Des Femmes de Cour. 451

edans , ausquels ces beaux edifices
estoyent consacrez & dediez, Pon y trou-
oit vn signe , vne cigoigne , vn bouc,
vn chat , ou autre ridicule animal. Ainsi
n est il de ces dames & damoiselles
de Cour lesquelles sont dès leur ten-
dre ieunesse nourries en molle oisive-
té, danses, & toutes superfluitéz, abreu-
vées de meschantes opinions de pail-
lardises, adulteres, & maquerellages par
ces histoires & comptes fabuleux, nou-
velles farcerie, chansons, & poësies,
qu'elles lisent & escoutent, d'où elles
accoustent ainsi que le lait de leurs nour-
rices des mœurs tres-peruerfes, legere-
té, insolence, arrogance, desdaing, im-
pudence, ordure, contention, debat,
piniastreté, vengeance, cautelle, ruse,
outrage, babil, hardiesse effrontée, &
appetit desfreiglé. Elles ont des langues
desquelles le silence est peine & tor-
ment, des lèvres armées de toute vani-
té de paroles, qui ne cessent de causer
sans se pouoir lasser, & dire des pro-
pos fots & inutiles, & bien souuent
des-ennuyeux à ceux qu'il faut qui les
contentent par force. Quels longs deuis
pouvons nous penser qu'elles ayent

V iij

entre elles, quand elles sont tant d'heures ensemble, sinon de choses vaines & friuoles: comme de la maniere de friser & tortiller les cheueux. les peindre & iaunir, de se farder le visage, & de quelle façon il faut trousser son habitement, marcher sur la monstre deuant le monde, se leuer, s'asseoir, que c'est que cette cy ou l'autre doyuent porter sur elles, à quelles il faut donner le dessus, comme il faut faire les reuerences & salutations, à qui elles doyuent presenter la bouche à qui les mains, quel le monture, quel cheual ou asne il conuient qu'une telle aye, quel coche, charriot, ou lictiere, à qui il appartient porter telles chaines, carquans, anneaux, pierreries, & autres affiquets, discomrans ainsi sur les articles des loix Senecaramidiennes. Parmi elles n'y a defaute de vieille matrones, qui racomptent combien d'amoureux elles ont eu & tresfois. Quels presents elles en ont receus, avec quelles mignardises elles ont esté courtisées. Ceste cy parlera de celuy quelle ayme, celle là à peine pourra taire de celuy qu'elle hait, chascune pense que les autres admirent.

qu'elle dit, & quelquesfois meslent en leurs propos des brocards fades, & mocqueries hors de saison, & des men- songes impudentes. Il n'y a faute de querelles & debats immortels entre elles, haines & inimitiez tresaignes, calomnies, detractions, imputation, & generalmente toutes les qualitez d'une mauuaise langue. Elles ont des œillades, des mines, des ris pleins d'attraiets & allechements, des contenances & signes lascifs, des fineses & mignardises des paroles propres à deceuoir leurs poursuyuans & amoureux, pour leur arracher quelques presents. S'ils ont quelques aneaux, quelques bagues, quelques chaines ou bracelets, elles les en desgarnissent par douces paroles, par flatteries, par prieres, les payans de baisers, d'arcollades, attouchements & menus deuis qui est leur commune mercerie, & l'entretement de l'amour courtoisan. l'ay honte de declarer plus auant les ordures qu'elles commettent souuent en secret en leurs chambres & retraictes, lesquelles estans puis reue- stues de leurs habillemens elles cuydēt auoir du tout couuertes & cachées. le

454 *Des femmes de cour*

laisse penser à vn chacun quelle foy & integrité telles filles peuuent apporter à ceux qui les prennent en mariage: Quelles afflictions & desplaisirs reçoient leurs maris quand elles leur reprochēt leurs dots, leurs races, leurs beautez, les mariages d'autrui, estourdissans les pauures hommes par crieries, noïses, iniures, & plaintes ordinaires, ayans en desdain les tables sobres & modestes de leurs mesnages & maisons, & regrettans tousiours les pompes, superfluitez, & delices de la cour où elles ont esté nourries; Elles consomment leurs reuenus par leur ambition & conuoitise d'estre braues & bien ornées ruinent & destruisent les maisons, & souuent contraignent leurs maris de s'adonner à exercices illicites & mauuaises pratiques pour gagner de quoy satisfaire à leurs appetits, ne cessans iour & nuict de leur machiner quelque trôperie, feintise, trahison, & hypocrisie. le passe les amours estrangeres, les adulteres, clandestins, les suppositions, d'enfans conçeus de l'œuure de quelque amoureux & (comme si vne fois elles se mettent à hair)

Des Femmes de Cour. 455

la ialousie viendra en auant ou le poison sera preparé. Car les artifices des meschantes femmes sont, à ce que dit S. Hierosme contre Iouinien, dol, fraude, empoisonnement, breuuages nuisant & les vanitez magiques. Partels instruments Liuia se despecha de son mari qu'elle haysoit par trop, luy faisant boire du suc d'aconit. Lucille tua le sien par ialousie, luy faisant humer la rage au lieu de l'amour dans vn breuage qu'elle luy auoit appresté. Tellement qu'il est plus expedient & meilleur de viure entre les lyons, comme dit l'Ecclesiaste, & demeurer parmy les dragons, qu'avec vne mauuaise femme. Partant ie conclus, que quiconque voudra auoir vne femme obeyssante & traictable, ne la prenne point nourrie à la Cour. Comme aussi la femme qui voudra se marier avec vn homme de bien, ne doit chercher vn courtisan. Mais possible en ay-ie trop dit, il n'y a remede: ce qui est dit est dit, & ne me puis retracter. le m'arresteray toutes-fois icy, & mettant ma main sur ma bouche tairay le surplus du mal qui est à la Cour, laquelle ie laisse la pour trai-

V v.

cter des autres parties de l'economie
& discourir de la marchandise, agriculture, gendarmerie, & du surplus de
arts & disciplines mechanique.

De la Marchandise. CHAP. LXXII

A marchandise est celle
qui recherche subtile-
ment & diligemment les
gains profits caches, de-
sireuse outre mesure de
la proye apperceuë, la-
quelle iamaïs n'a l'heur de la iouissance
de ce qu'elle a, mais toujours est stimu-
lée d'un miserable desir de plus auoir.
Ce neantmoins il a semblé a plusieurs
qu'elle est de grande aide & profit à la
republique, donne plusieurs moyens &
commoditez de ioindre les peuples &
Princes estrangers par alliances & ami-
tiez, & outre ce est tres-vtile, voire
nécessaire à la vie priuée des hommes.
Plin entre autres pense qu'elle aye
esté introduite pour viure: & pour
ce plusieurs illustres personnages &
pourueus de sagesse, n'ont dedaigné
l'exercice d'icelle, comme Tales, So-

lon, & Hippocrates, selon que tesmoi-
gne Plutarque. Or combien que nous
voyons quelques sciences, arts & exer-
cices receus à cause de la volupté, au-
tres estimez à raison du labeur, certains
suyuis & aymez à cause de la vertu &
honnesteté, & autres honnorez pour
la verité & iustice: il ne s'ensuit pas
pourrant que tous ceux qui apportent
gaing & plaisir, ou sont de labeur, voire
mesme necessaires, soyent quant &
quant louables, iustes, ny honnestes, &
pour ce, ores que les estats, & excercices
des marchans banquiers & changeurs
soyent necessaires, vtils, & de grand
travail, ils sont neantmoins vils, peu
honestes, & de mauuaises pratique:
car les fraudes penible & laborieuses
& non pas ouurages) sont par eux e-
posées en vente: ce qui n'est à faire a-
vec hommes ronds, francs, & iustes: mais a-
vec rusez trompeurs. Les marchands
achetent en vn lieu pour vendre ail-
leurs leurs marchandise avec gaing, &
est celuy estimé plus habile & mieux
entendant son art, qui la vend avec plus
grand profit. Cependant le mensonge
est par iurement, la tromperie & decen-

458 *De la Marchandise.*

tion leur sont choses familières & ordinaires, & n'estiment aucun moyen de profiter des-honneste, & mesmes disent qu'il leur est permis par les loix de decevoir ceux qui negocient avec eux d'outre moitié de iuste prix. Et n'y a doute aucune qu'ils n'vissent ainsi, ou pour mieux dire qu'ils ne commettent des abus en cet endroit infame & dignes de chastiment, attendu que toute leur vie est adressée & instruite à faire gaing, & à accumuler richesses. Nul ne peut devenir riche sans tromperie, dit S. Augustin, ny profiter s'il ne fraude. Et faut que celuy qui expose sa mercerie en vante, la prise & louë plus que de raison.

Les marchands fausseront, pour leur gaing prolonger,

Leur foy, dignes pour vray aux fonds d'enfer plonger.

Qui a cette, qui vend, qui porte, qui transporte, qui est ctediteur, qui est debiteur, qui paye, qui reçoit, qui tient les comptes & liures de raison, & tous tant qu'ils sont iurent & se pariurent tromper, deçoivent, & mettent l'ame & le corps, & les biens au hazard, pour-

vêu qu'il y aye espoir de gagner, & ne cognoissent amitez, parentez, ny alliances, sinon au seul gaing qu'ils en reçoient. Bref tous courent apres le proffit & les richesses, tant que leur vie dure, comme s'ils ne pouuoient trouver ailleurs repos de leurs trauaux, ou soulas en leur vie.

*Le marchand alteré courra iusqu'en Indie,
Et ne craint roche, eau, feu, peur uenqu'il ne mendie.*

Quant aux tromperies que les marchands font en la laine, au lin, en la soye, teinctures, ioyaux, drogues, & espiers, cire, huile, vin, bled, cheuaux, & autres animaux, & en somme en toutes espeece de marchandise, il n'y a celuy qui n'en soit assez aduertty, qui ne les voye & touche, sinon qu'il se trouuaft quelcun qui n'eust iamais senti dommage par eux. Ceux-là font les moindres maux qu'ils facent: mais il yen a biē de plus grands sans comparaison ce sont eux qui nourrissent en delices & molles voluptez les peuples apportans de terres estranges & loingtaines. voire du bout du monde, des denrées & merceries domageables, lesquelles pour

leur rareté sont desirées & enuies par les femmes & enfans, ne seruans toutesfois à aucun bon vsage de la vie, mais seulement à pompes, excez, desguisements, appas & liens de plaisirs vicieux. Cesont eux qui espuisent les prouinces & Royaumes de deniers, qui y corrompent les bonnes mœurs introduisans des vices incongnus & estranges, qui y changent les coustumes anciennes, & mettent en auant des nouueautez & façons de faire reprobées. Cesont eux qui par complots & monopoles contre toutes loix & coustumes, droit & equité, essayent & remuent toutes choses & inuentent mille moyens pour piller tout vn pays, entreprennent tout au dōmage des autres & par les moyens qu'ils ont d'assembler deniers deuant vn chacun, mettēt, la cherté aux choses, afin d'intimider les autres pour acheter eux seuls; & pouoir apres vendre à leur appetit encor plus chèrement. Souuent apres qu'ils ont amassé grandes sommes de deniers d'autrui ils se retirent ailleurs, faussent leur foy, & sont banqueroute sans retour, ou bien tard, fraudans.

leurs crediters, & les reduisans au des-
espoir. Ce sont eux qui lient & deslient
les bourgeois des villes par cedulaes &
obligations, & les tiennent en debtez si
estroitement qu'ils ne se peuuent des-
uelopper de leurs penibles, mortels, &
ineuitables liens, mettans interests
sur interests en sorte que les citez en
sont accablees & ruinees, & ainsi ad-
donnez perpetuellement aux vsures,
deuorent toute la substance des peu-
ples. Ils rongnent les monnoyes, don-
nent cours aux especes, les haussans &
baisans selon qu'il est expedient &
opportun à leurs gaings & traffics, non
sans grand dommage du public. Ils sera-
uent bien souuent d'espies pour ap-
porter les secrets des Princes, & deter-
minations des conseils, ou les bruits
qui courent par le pais, & les font en-
tendre aux ennemis : & quelquesfois
attendent contre la vie des Princes
pour gagner de l'argent qu'on leur au-
ra promis à c'est effect. En somme il
n'y a rien qu'ils ne facent entrepren-
nent, endurent ou ne vendent pour le
desir de la pecune. Tout leur soing oc-
cupation, & inuention n'est que men-

songe fard, d'abiguité de paroles, guet-
tes espiements, trahisons, fraudes, &
tromperies euidentes. A cette cause
les Carthageniens auoyent assigné aux
marchands vn quartier separé en leur
ville pour habiter, & leur estoit permis
de venir par certaines ruës seulement
au marché & place publique, mais in-
terdict d'aller, ny mesmes de regarder
les autres endroits secrets de la cité,
notamment le port ou haure. Les Grecs
ne les receuoient nullement au de-
dans des villes, mais pour plus grande
asseurance des citoyens ils ordonnoyent
les halles & marchez où se vendoyent
les danrees & marchandises hors le
pourpris des murailles. Plusieurs au-
tres nations ne souffroyent les mar-
chands aborder en leur pais pour cette
seule cause: qu'ils gastoyent & corrom-
poyent les mœurs & coustumes des
lieux où ils sequentoyent. Les Epi-
dauriens s'estans apperceus que leurs
citoyens par le commerce & negocia-
tion frequente qu'ils auoyent avec les
habitans de la Sclauonie deuenoyent
meschans, & se desbauchoyent des
mœurs & façons de viure anciennes

De la Marchandise. 463

e leur pays, craignans que par cette contagion estrangere il ne se fit quelque nouveauté en leur republique, ordonnerent que tous les ans on enuoyeroit vn des plus graues & honorables entre leurs citoyens en Sclauonie, auquel vn chacun des autres donneroit commission des choses qu'il voudroit marchander & trafiquer. Plato blasme les marchands, à cause qu'ils contaminent les bonnes mœurs, & dit qu'il doit estre defendu par loy expresse es republiques bien, ordonnées que les delices estrangeres n'y soyent apportees, & qu'aucun des citoyens ne voyage parmy les estrangers deuant qu'il ayt quarante ans accomplis, & que les estrangers soient renuoyez en leur pays, pour autant que par telles communications avec les autres nations les naturels deaprennent la sobrieté & modestie de leurs ancestres, & la desdaignent, qui est la seule cause de l'appauurissement & ruine des villes, & ce qui les rend ouïllées & infectées de paillardises, adulteres & de toute espece d'excez & appetits desreiglez, ainsi que les villes de Lyon & Anuers, tres-fameuses re-

traictes de marchands, en donnent treu-
certain tesmoignage & exemple. Aristote
estote pareillement admoneste que Pol-
prenne garde que les villes ne soyent
corrompuës par le meslange des estran-
gers; & nonobstant que les marchands
soyent necessaires en vne ville, qu'ils
ne doiuent pourtant estre receus a
nombre des citoyens, lesquels aussi
deteste pour cette raison, qu'il pren-
nent plaisir à mentir, sont litigieux &
plaideurs, engendrent des tumultes,
sement des discordes. En outre en plu-
sieurs republiques les marchands n'
estoyent admis aux dignitez des mag-
istrats, n'auoyent entrée au Senat, ni
voix au conseil: & ce par loy ancienne
finalement la marchandise est condan-
née totalement par les Theologiens
par les Decrets Canoniques recueillis
de Gregoire, Chrysostome, Augustin
Cassiodore, & Leon: & est interdite
à tous vrayes Chrestiens. Car le marchand
ne peut plaire à Dieu, dit Chrysostom
me parquoy qu'aucun Chrestien n'
soit marchand, ou s'il le veut estre, qu'il
soit retranché de l'Eglise. Augustin de
semblablement que les marchands

ainsi que les gens de guerre, ne sont
iamais vrais penitents.

Des Financiers. CHAP. LXXIII.

LEs gens de finance ne sont
guieres meilleurs que les mar-
chands. C'est vne espece d'hom-
mes addonnez à larcin, & pour la
plus part de naturel seruil & mercenai-
re, grossiers, rude, & lasches de cou-
rage: mais audacieux & deshontez, n'a-
yans autre sçavoir ny industrie, fors
que certains petits artifices de leur
mestier, comme d'escrire & compter:
mais sur tout ont certaines formes de
desrober qui sont point vulgaires
ny communes aux autres larrons, ains
fort subtiles & ingenieuses. Parquoy
ils sont larrons plus que tous les autres
hommes viuans, & deuiennent riches
en iouant des doigts, comptant, & ma-
niant plusieurs milliers d'escus, & ont
les mains si gluantes & crochuës, qu'il
faut que l'argent demeure attaché des
qu'ils le touchent, sans qu'il soit possi-
ble de l'empescher. Ils sont toutesfois
moins dommageables que les mar-
chands, pour ce qu'ils n'epient que les
bourses des Princes & des Rois, &

apres qu'ils ont bien desrobé , ils dependent fort volontiers à l'amour , au ieu , en banquets , & bastiments , à entretenir des bouffons & plaisanteurs , & à nourrir des cheuaux & des biens. On bien estans deuenus vieux & plus sages , ils nous laissent des enfans qui sçauent bien tost voir le bout de ce qu'eux ont raclé & ramassé par le menu par diuerses rapines , pariurements , larrecins , & meschancetez , n'espargnans aucune despense pour faire grand chere , paillarder chasser , & estre braves en accoustrements , & en somme pour se souler de tous les plaisirs qu'ils desirent , tant qu'ils mettent leurs partrimoines bien-tost en milles pieces & lopins , & le consomment miserablement. Au reste les Thresoriers , Receueurs & payeurs prestent & aduancent avec vsures , prennent des presents dilayent les payements , en retiennent vne partie , s'entendent avec les Capitaines & chefs de guerre , dressent des faux rooles , contrefont les signatures , crochettent les lettres , falsifient les seaux , roignent la monnoye : & souuent en forgent de fausse & de mauuais aloi :

partant son volontiers amis & familiers des alchimistes, & s'addonnent bien souuent à cestart là: Où, s'ils n'ont l'esprit de le comprendre, fauorisent & aydent à ceux qui s'en meslent. Mais puis que l'opinion de Cicero est que la marchandise qui s'exerce en gros avec grand fonds, & qui apporte de tous endroits beaucoup de commoditez sans fraude, n'est point du tout à blasmer, & que les marchands & financiers meritent louanges lors qu'estans remplis & souleuz des gains ils se scauent retirer en leurs maisons aux champs, & la vacquer à cultiuer, entretenir, & faire valoir leurs possessions, il sera bon de declarer icy que c'est qu'on doit tenir & croire de l'agriculture.

De l'Agriculture. CHAP. LXXIII.

'Agriculture doncques, laquelle comprend la nourriture du bestail ou bergerie, la pesche, & la chasse, fut iadis tant estimée que les Empereurs Romains, Roys tres-puissans, & grands Capitaines n'auoyent

468 *De l'Agriculture*

point de honte de cultiuer les champs, manier les semences, enter & planter les arbres eux mesmes. A icelle s'adonna Diocletian, delaisant l'Empire, & Attalus quittant l'administration des affaires de son Royaume, Et Cyrus ce grand monarque des perses auoit de coustume de faire monstre à ses amis qui le venoyent visiter de ses iardins & vergers semez & plantez de sa main, & des arbres qu'il auoit disposez à la ligne luy mesme. Senneque plantoit des palmet, fouissoit des viuiers & estangs, & faisoit des conduits pour faire coule les eaux, & y traualloit luy mesme, & ne demouroit plus volontiers en lieu du monde qu'aux champs. De l'agriculture & de l'estude d'icelle prindrent leurs surnoms plusieurs tres-nobles & illustres familles, comme les Fabiens, Lentules, Cicerons, Pisons, & autres, à cause de la multitude des febues, lentilles, ciches, & pois.

De la Bergerie & posture du bestail.

CHAP. LXXV.

PAr mesme raison de la nourriture de diueres especes de bestail furent surnommez plusieurs, comme les Iuniens,

bulces, Statiles, Taures' Pom-
oniens, Vituliens ou Vitelliens, Por-
iens, Catons. Anniens, & Capriens
pasteurs & bergers furent Romulus
& Remus fondateurs de la ville de
Rome. Du rang des pasteurs fut esle-
u Diocletian à l'Empire. Spartacus,
affroy de l'Empire Romain avoit
esté pasteur. Pasteurs estoient Pa-
s & le pere d'Enée Anchises, & le
beau mignon & bien aymé de Venus
Dymion. Polypheme aussi & Argus
aux cent yeux estoient de cest estat,
Apollo entre les Dieux de l'antiquité
mena les troupeaux d'Admetus Roy
de Thessalie, & Mercure inventeur
des chalumeaux fut chef & prince des
pastres, & son fils Daphnis pareille-
ment Pan fut estimé Dieu des pasteurs.
Prothée Dieu & pasteur tout ensem-
ble. Et pour n'oublier les Patriarches,
Noë & Rois du peuple Hebrieu, pa-
steurs furent les principaux hommes
entre eux. & les plus agreables à
Dieu, comme Abel le iuste, Abraham
pere de plusieurs peuples, & Jacob
pere de la nation esleue, Moïse leur
legislateur & Prophete tres-familier à

Dieu, & le Roy Daud, celuy que Dieu
 tesmoigne auoir trouué selon son cuer
 & la volonté. Entre les Grecs plus an-
 ciens ceux qui estoient les plus renom-
 mez & apparens estoient tous pasteurs
 Dont vindrent les tiltres & epithetes
 de Polyarnes, Polymeles, & Polyblastes,
 tes, à sçauoir pour la multitude des ag-
 neaux, des brebis, ou des bœufs, que
 les hommes possedoient. L'Italie pre-
 reillement a esté ainsi appelée à cause
 des veaux que les Grecs appelloient
 Itales, comme il est notoire à vn cha-
 cun, Les destroits de Constantinople
 & celui de Caffa se nommoient Bo-
 phores, à cause du passage du bœuf. Le
 mer Egée & la ville d'Argos Hippio-
 estoient ainsi appelées à cause des che-
 ures & des cheuaux. Et le trait d'Afri-
 que, dit iadis Numide, estoit ain-
 nommé à raison des grands pastis. Le
 premier exercice des hommes, aussitost
 tost apres la chente d'Adam; fut la vi-
 pastorale. D'icelle nous vient le lait
 le fromage, le beurre, outre les chairs
 de leurs portées pour nostre nourritu-
 re. Elle nous fournit laine, fourrures
 & cuir pour nous habiller: brief tout

ce

De la Pesche.

471

ce qui en reuiert est tres-vtile & necess-
saire à la vie de l'homme, lequel a eu
permission d'en vser : mais seulement
apres le peché d'Adam : Car auparauant
Dieu auoit ordonné que l'homme viuroit
au Paradis seulement des fruiets que la
terre produisoit d'elle mesme.

De la Pesche.

CHAP. LXXVI.

A pesche & la chasse suivent.
Quant à la pesche, les Ro-
mains la prisoient & frequen-
toient en telle sorte, qu'ils
peuploient la mer Italique de poissons
estrangers, lesquels ils faisoient condui-
re dans les nauires d'autres endroits du
monde fort esloignez, & les iettoient en
leurs riuages, tout ainsi que s'ils eussent
ertté du grain ou semence dans les chāps
aboutez : croyans par ce moyen de faire
quelque grand profit au public. Outre
ce ils faisoient cauer des viuiers, estangs,
& reseruoirs à grands frais, esquels ils
nourrissoient des plus rares & exquis
poissons, dont plusieurs familles furent

X

pareillement surnommées, comme les Liciniens, Mutenes, Sergiens, Orates. A cette occasion Cicero appelloit L. Philippe & Hortense poissonniers, à cause de ces boutiques & reserves de poissons. Nous lisons que Octavian Auguste prenoit plaisir de pescher à la ligne. Et que Neron, à ce que recite Suetone, peschoit avec des filets d'or noüez, & garnis de cordages teints en pourpre & escarlatte. Les manieres de prendre les poissons ne sont grandement diverses. L'on vse de rets ou filets, d'hameçons, nasses, dards, arbalestes, rasteaux & amorces, & par tels instruments se prennent tous les poissons que l'on veut. Or la pesche est aucunement moins estimee, à raison que le poisson est vne nourriture dure & mal propre à l'estomac, & aussi que d'iceux l'on ne fit oncques oblation aux dieux: Car nul n'a leu ny ouy dire que l'on en aye iamais vse aux sacrifices.

De la Chasse. CHAP. LXXVII.

A La chasse, tant des animaux terrestres, que des oiseaux, on vse des

mesmes artifices qu'à la pesche : & en outre la force & travail du corps y est requise, & se sert on de toilles & paux, de rets, de lacs, collets, pieges, & trappes de diuerses inventions. Pareillement de gluaux, de chiens, de loups ceruiers, & d'oiseaux de proye de plusieurs especes, & autres bestes apprivoisees pour le seruice des chasseurs. Dont l'art à la verité est detestable, l'occupation vaine, l'effort & travail malheureux, de ne cesser iour ny nuit de poursuyure, combattre, & massacrer les bestes, avec tant de veilles, de labeur, & de peines. Art, dis-je, cruel & du tout tragique n'ayant autre subiect, plaisir, ny volupté qu'en la mort & au sang, choses horribles au naturel de l'homme. Ce a esté dès le commencement du monde tousiours l'exercice plus agreable des plus meschans hommes & plus grands pecheurs : car Cain, Lamech, Nembor, Ismaël, Esaü ont esté remarquez du tiltre de puissans veneurs par l'Ecriture Sainte, en toute laquelle on ne trouue aucuns s'estre donnez à la chasse, fors que les Ismaëliens, Idumeens, & semblables nations, qui

ne cognoissoient point le vray Dieu.
La venerie a donné commencement à
la tyrannie, aussi n'eust elle peu auoir
auteur plus propre ny accommodé
que celuy qui auoit appris parmy la
tuerie & boucherie des animaux, & les
beüillons & ruisseaux de sang respan-
du, à mespriser Dieu & la nature. Ne-
antmoins les Roys de Perse l'ont fre-
quentée comme vne exercice propre
pour dresser les hommes aux travaux
& ruses de la guerre, pour autant que
la chasse a ie ne sçay quoy de ressem-
blance à la guerre en cruauté; quand
on lasche les chiens rauissans apres vne
beste, & que l'on prend plaisir de luy
voir ietter le sang de tous costez, la de-
membrer & faire mourir de la plus af-
pre mort que l'on sçauroit dire, & que
pendant le veneur inhumain se rit
& y prend vne delectation incroyable,
& puis s'en reuiet au logis avec toute
sa troupe, rapportant comme en triom-
phe la miserable proye abbatuë par
vne armée de chiens, ou prinse frau-
dulsement, à l'ayde des rets & pa-
neaux: Là où l'on appreste vne cruelle
boucherie, & y est la beste desmem-

bree par singuliere, maistrise, ayant les
mors & vocables appropriéz (car il n'est
pas licite d'yser d'autres termes que de
ceux de l'art.) O la magnifique folie, ô
la glorieuse guerre que celle de la Chas-
se, à laquelle les hommes par trop ad-
donnez changent peu à peu la nature
humaine, & transforment leurs mœurs
en celles des bestes sauvages, ainsi que
fit Aëdon. Par laquelle aucuns sont tom-
bez en telle phrenesie, qu'ils sont de-
venus ennemis de nature, ainsi que les
fables ont donné à entendre sous le
nom de Dardanus. Les inventeurs de
ce malheureux artifice, à ce que l'on
trouve par escrit, furent les Thebains
peuple remarquable en fraudes, larre-
cins, & parricidements, detestable par
ses parricides & incestes, lesquels com-
muniquerent les preceptes & ruses
d'iceluy aux Phrygiens, nation autant
impudique qu'iceux, mais forte & le-
gere. Partant les Lacedemoniens & les
Atheniens hommes plus graues en ont
fait peu de compte. Mais apres que
les Atheniens eurent rompu les de-
fenses de la Chasse, & qu'ils introduirent
publiquement en leur republique l'art

& l'exercice d'icelle, la ville tost apres fut prise. Surquoy ie m'esmerueille comme Platon, Prince des Academiques, l'aye louee & estimée, si ce n'est qu'il aye voulu entendre que les accidents & occasions honnestes qui peuvent inciter les hommes à chasser, rendent l'art recommandable, & non pas le plaisir: comme quand Meleager tua le sanglier de la forest de Calydon, qui destruisoit les pays, regardant au bien qui en reuiendroit au public s'il deliuroit son pays de cette beste malfaisante, & non à sa volupté. Et Romulus qui couroit les cerfs, non pour delictation, mais par necessité, pour se nourrir luy & ses compagnons. L'autre espee de chasse, qui est appelée fauconnerie, n'est pas du tout si cruelle, mais bien autant vaine que la venerie. Ceux qui en font estat se iouent des oiseaux du ciel, ainsi que dit Baruch. L'inuention d'icelle est attribuée à Vlysses, lequel fut le premier qui apporta en Grece des oiseaux armez, appruiuisez, & instruits à la chasse, apres la prise de Troye, pour resiouyr & faire passer les ennuis de ceux qui auoient perdu leurs parens & amis en

cette guerre là. Toutesfois il commanda à son fils Telemachus de ne s'y adonner nullement. Or ces exercices serails & mechaniques sans doute sont venus en telle reputation, qu'à present ce sont les premiers rudiments de noblesse, toutes sciences & arts liberaux reculez & mis en arriere, & que par la voye d'iceux l'on parvient aux plus hauts degrez d'honneur, & n'est la vie des Rois, Princes & grands Seigneurs, ny la religion des Abbez, Euesques, & Prelats (ô grand creue cœur) autre chose aujourd'huy que toute venerie & fauconnerie: en icelles chacun d'eux s'exerce & essaye toute sa force & vertu.

Et en son cœur a desir singulier

De rencontrer vn escumant sanglier,

Ou qu'un lyon avec sa rousse peau

Fonde du mont dans le chasseur troupeau.

Ceux, dis-je, qui deueroient estre patrons & exemplaires de patience, cherchent iournellement de trouuer quelque proye. Les animaux, qui naturellement sont libres, & selon la disposition des loix ciuiles, appartiennent aux premiers qui s'en emparent, sont vsur-

pez par la tyrannie des grands, & à eux seuls attribuez par violentes prohibitions & deffenses: les laboureurs sont chassés de leurs terres, les possessions usurpées aux païsans, les champs dépeuplez d'habitans, les forests & les pasturages interdits aux communes, afin que les bestes sauvages s'y puissent engraisser pour le plaisir & delices des grands Seigneurs, auxquels seuls il appartient d'en manger: & si quelque villageois ou autre roturier estoit si osé d'en goûter, on luy fait soudain son procez, ainsi que attraint de leze-Majesté, & est fait aussi la proye de ce veneur.

Cherchons dans les liures, & ie m'asseure que nous n'y trouuerons aucun saint ny sage personnage ou Philosophe qui aye esté chasseur, mais bien plusieurs pasteurs & aucuns pescheurs. S. Augustin dit que l'art en est du tout meschant, & les saints Conciles Elibertain & d'Orleans l'ont deffendu entre le Clergé, & condamné. Et es decrets & saints Canons non seulement sont reiettez les Chasseurs des ordres sacrez: mais s'ils estoient Prestres aupara-

uant ils en sont desmis & degradez. Es
mesmes saintes Escriptions on lit qu'Esau
estoit chasseur, pour autant qu'il estoit
pecheur, & ne se trouue en tout le con-
tenu d'icelles le vocable de veneur ou
chasseur iamaïs prins ny entendu en
bonne part. Parquoy nul ne doit plus
faire doute que l'art & exercice de chas-
ser ne soit reprouué, puis qu'il est re-
ietté & condamné par tous les saints,
& par les sages. Aux premiers temps,
lors que les hommes viuoient en pure in-
nocence, nul animal ne s'enfuyoit de la
face de l'homme, il n'y auoit aucunes
bestes mal-faisantes ny dangereuses:
toutes estoient priuées, & obeyssioient à
l'homme: dont les exemples & tesmoi-
gnages ont esté veus és temps suiuaus
aux hommes qui menoiient bonne & sain-
cte vie, lesquels ont esté asseurez entre
les bestes farouches, & en sont eschap-
pez sans estre offensez, ainsi que Daniel
d'entre les lions, Paul de la morsure de
la vipere: les corbeaux ont nourry He-
lie le Prophete: & vne biche Paul &
Anthoine hermites. Gilles Helenus Ab-
bé commanda à vn asne sauuage, lequel
obeyt & porta les hardes du saint hom-

me ; il commanda à vn crocodile , & il passa outre vne riuere. Plusieurs hermites habitans és deserts dans les cauernes & repaires des bestes sauvages , sans crainte conuersoient avec les lyons , les ours , & les serpens. Mais il est certain que quand le peché est venu au monde , la malice & nuisance des animaux s'est mise en auant , la persecution d'icelles & leur fuite a commencé , & a esté inuentée & introduite de la chasse : Car , comme dit saint Augustin au troisieme sur Genese , les animaux n'ont point esté créez dès le commencement venimeux ny ennemis & dangereux à la generation humaine , mais sont deuenus tels apres le peché. Ce qui a esté fait & ordonné par le conseil de Dieu en peine & chastiment de l'iniuste rebellion de nos premiers peres , ce qui appert par la sentence donnée contre le serpent : le mettray , dit Dieu , inimitié & haine entre toy & la femme & entre ta semence & la sienne. De cét arrest est procedée la guerre des chasseurs , à sçauoir des hommes avec les autres animaux.

*Conclusion du discours de l'Agriculture &
de ses adherentes.*

CHAP. LXXVIII.

MAis reuenons à l'Agriculture. D'icelle, de la bergerie, pesche, venerie, & fauconnerie, ont escrit Hiero, Philometer, Attalus, & Archelaus Rois, Xenophon & Mago, Capitaines, & Oppian le Poëte, & outre ceux-là Cato, Varro, Pline, Columella, Virgille, Crescence, Palladius, & plusieurs autres plus modernes. Cicero pensoit qu'il n'y eust art ny exercice meilleur, plus profitable, plus doux, plaisant, ny plus digne d'un gentil homme. Et n'ont esté en petit nombre ceux qui ont colloqué en iceluy tout l'heur & la felicité qu'on scauroit desirer. Pource sont les laboureurs appelez bien fortunez par Virgile, & bien heureux par Horace: pour cette raison l'oracle declare un certain Aglaus tres-heureux, lequel ayant un petit heritage en Arcadie le labouroit, & n'en estoit oncques sorty, ayant par ce moyen garenty sa vie de

plusieurs maux, en se contenant sans conuoitise. Mais ces hommes misérables, qui ont fait si grand cas de l'Agriculture, ne sçauoient point que c'est l'effect produit du peché, & vne malediction de Dieu souverain: Car ayant chassé l'homme du Paradis, il l'enuoya aux champs, disant au preuaricateur Adam, la terre est maudite en ton labeur, tu mangeras d'icelle en ton travail tous les iours de ta vie, elle te produira espines & chardons, & mangeras l'herbe des champs: En la sueur de ta face tu mangeras le pain iusques à ce que tu retournes en la terre de laquelle tu as esté prins. La rigueur de laquelle sentence est principalement esprouuée par les laboureurs & villageois, lesquels labourent à la charruë, sement, hersent, pouent, hoüent, fauchent, moissonnent, vendangent, paissent, toncident, chassent, & peschent continuellement; & bien souuent apres plusieurs peines & labeurs la tempeste gaste les champs, & rait leur pain; le bestail meurt, ou est emmené par les gens d'armes; l'un perd sa chasse, l'autre sa pesche: la femme cependant pleure en la

maison, les enfans crient à la faim, & derechef il faut retourner au travail, avec esperance autant incertaine qu'au parauant. Sans cette horrible malediction il n'eust esté besoin de cultiver la terre par art, de mener paistre le bestail, de pescher, de chasser, de voller. Car toutes choses eussent esté produites sans peine. La terre eust abondé de toutes sortes de fruiets d'esté & d'hyuer, les prés tousiours vestus de verdure, florissans & rendans odeur tres-souëue. Bref, la terre n'eust porté aucune poison ny herbe nuisible, ny aucun arbre sterile ou inutile: & eussent esté les couleures & viperes exemptes de tout venim au tesmoignage de Beda: l'homme eust obtenu l'empire & la maistrise sur tous les animaux: il se fust seruy des bestes les plus farouches ainsi que de chevaux ou brebis, eust commandé aux poissons de la mer: les oyseaux fussent accourus à luy au moindre signe: & dés que l'homme fust venu sur terre, il eust esté formé parfaitement & eust eu l'vsage & exercice entier de tous les membres, eust vescu sans besoin d'habits, de loges, ny couuert: sans tant de

condiments & assaisonnements de viandes, sans medicaments, esi tout heur & felicité, attendu que toutes choses luy fussent venuës à souhait d'elles mesmes, & comme dit vn Poëte:

L'herbe de liçz, la terre de pasture,

Denoit fornir, les vapeurs de vesture.

Mais le forfait & peché, & la sentence de mort iuéritable nous ont rendus toutes choses contraires. Depuis la terre ne nous a rien produit de bon sans labeur & sueur de nos corps: mais au contraire, comme si elle nous reprochoit ouuertement que nous sommes indignes de viure, elle foisonne en herbes venimeuses & mortelles: & ne nous traite point plus doucement que les autres elements. La mer en engloutit plusieurs par cruelles tempestes, qui sont là deuorez par des monstres espouventables: l'air nous combat par tonnerres, foudres, orages, & par pestilencieuses maladies: le ciel aussi conspire avec eux à nostre ruine & destruction. Outre plus les animaux nous font manifestement la guerre, & l'homme mesme est loup à vn autre homme: les esprits immondes pareillement nous

assiegent de tous costez, nous mugue-
rans, & essayans de nous attirer en mil-
le meschancetez par diuers alleche-
ments, pour nous perdre & precipiter
aux tourments à iamais perdurables du
feu infernal. Lesquelles choses nous
rendent certains que l'Agriculture &
ses adherentes, à sçauoir la pasture, la
pesche, & la chasse, ont succedé à la
perte de choses plus grandes & meil-
leures, & nous ont esté données pour
remédier aucunement à la sterilité de
la terre, nous maintenir par nourriture
quelque peu de tcmps en vie sur icelle,
& pour obuier ou adoucir l'iniure du
temps & de l'air froid, par les peaux &
laines desquelles nous nous habillons.
Encore y auroit-il moins de mal en l'A-
griculture, & pour le besoin que nous
en auons en cette miserable & calami-
teuse vie, pourroit estre aucunement
estimée & prisée si elle se fust conte-
nuë es termes dessusdits, sans recher-
cher tant de nouvelles & monstrueu-
ses façons de plantes & de desguise-
ments & transformations d'entes &
de fruiçts : & n'eust entrepris, qui est
pire, d'accoupler les asnes avec les iu-

ments, & les chiennes avec les loups, pour produire des mulles & des métifs, & autres portées monstrueuses & contre nature : & d'enfermer dans des vollières & cages les oyseaux, les poissons dans les reservoirs, les autres bestes dans des courts & prisons, leur ostant la liberté que nature leur a donnée d'vser de l'air, de l'eau, & de la terre à leur plaisir : & encor n'eust enseigné de creuer les yeux à aucunes pauvres bestes, & les mutiler & desmembrer afin de mieux les engraisser enfermées. Davantage quelles superfluites fournit-elle de filures, tissures, teintures, & autres artifices somptueux & mauvais pour accoustrer ou corrompre le lin, la laine, les peaux, le coton, & autres dons qui nous viennent de la nature pour nous vestir ? L'invention de quelles choses ne nous apporte bien souvent que ruine. Ce que Plin deplore en vne seule plante, qui est le lin, lequel d'un petit grain est bien tost devenu plante, puis d'icelle est faite vne voile, laquelle mise au vent circuit le monde, & porte çà & là les hommes, les contraignant de perir dans les mers,

pour servir de pasture aux poissons: comme s'ils n'auoient assez de moyens de finir leurs iours sur la terre. le mettais de plusieurs reigles & obseruations des laboureurs, des pastres, veneurs, & fauconniers, non moins folles & ridicules, que superstitieuses & repugnantes à la loy diuine, par lesquelles ils cuidoient pouuoir faire escarter & destourner les orages, germer & foisonner les semences, & dechasser toutes choses nuisantes, faire fuyr les loups & autres bestes sauvages, arrester les animaux fuyards & legers, prendre les poissons & les oyseaux avec les mains, enchanter les maladies du bestail, & semblables resueries, desquelles les excellens personnages sus-mentionnez ont escrit à bon escient & avec grande credulité.

De l'art Militaire.

CHAP. LXXIX.

MAis laissons les laboureurs, & venons aux gens-d'armes, lesquels Vegece veut estre leuez & choisis d'entre les villageois, comme ceux qui sont plus propres aux traualx.

de la guerre : ioint que Cato tesmoigne
que d'iceux sont issus des hommes tre-
vaillans & hardis. L'Escrature sainte
tesmoigne pareillement que Cain , le
premier qui se mesla de combattre , fut
Agriculteur & chasseur. Ausquels exer-
cices Ianus & Saturne les plus anciens
dieux & les plus grands guerriers qui
ayent esté , passerent leur vie sur la terre
en guerroyant. L'art militaire n'est
donques à reietter du tout , par lequel
dit Valere , la principauté d'Italie fut
acquise à l'Empire Romain , & la
domination sur plusieurs grandes vil-
les , Royaumes , & puissantes nations
donnée. Les destroits des mers ou-
uerts , & leurs bras & golphes con-
nus , les rempars & obstacles du mont
Taurus surmontez , & ses clostures bri-
sees & arrachees. Scipion Africain es-
poësies d'Ennius se vante qu'il s'est
faict voye au Ciel par le sang & meur-
tre des ennemis : auquel Cicero con-
sent , disant qu'Hercules y monta par
le mesme chemin. L'ordonnance &
discipline militaire fut à ce que l'on
dit , inuention des Lacedemoniens , à
raison dequoy , Hannibal ayant entre-

ptius de passer en Italie voulut auoir
vn chef & conducteur d'armee de cette
nation là. Par la guide de cet art les
Royaumes & Empires ont esté establis,
& au contraire les plus grands poten-
tats renuersez & ruynéz par la negli-
gence d'iceluy. Car sous le gouverne-
ment & charge des fols & temeraires
Capitaines furent ruynées la belliqueu-
se Numance, la riche Corinthe, Thebes
la superbe, la docte & sage Athenes,
Hierusalem la sainte, & Carthage en-
uieuse & concurrente de la gloire &
puissance Romaine, & finalement
Rome mesme. Cette science escrîte
de sang humain plus que ne furent on-
ques les loix de Draco, enseigne à bien
ranger vne armee en bataille, loger les
esquadrons en lieux commodes & ad-
uantageux, assaillir l'ennemy, charger,
poursuyre, enuironner, ployer à droi-
te, à gauche, entendre les signes & com-
mandemens des chefs, & selon iceux
aller au combat, s'aduancer, soustenir
l'effort de l'ennemy, bien adresser ses
coups, euitier ou destourner ceux de
l'auersaire, se rallier, retourner à la
charge, reprendre courage, & presser

de plus belle l'ennemy, se mouuoir au trot, s'aduancer au galop, enuelopper, enfoncer, picquer, manier, & voltiger les chevaux, donner coups de lance & de picque, lancer, ietter, arquebuser, assaillir l'ennemy de front, de costé, sur la queue, & en tout obseruer le temps & lieu conuenable à charger & assaillir, & ne penser iamais à tourner le dos iusques à ce qu'il n'y aye plus d'esperance de victoire. Si l'ennemy est en route, le poursuiure de prés, tuer, prendre, desarmer, dissiper, & empescher qu'il ne se rallie, recueillir & rallier les siens, & les ramener. Est-on deffait, sçauoir les moyens de reparer & remettre sus l'armée, aiguiser l'appetit des gens de guerre à se venger, & autres telles choses appartenantes au deuoir & office des Capitaines & Chefs d'armée. Par ce mesme art l'on est instruit à dresser les armées de mer, à fortifier les villes & chasteaux, les munir de viures, & y mettre garnisons necessaires, dresser les remparts, leuées, & terrasses, creuser les fossez & tranchées, fouyr les mines, fabriquer les machines & instruments de batterie,

choisir la façon des armes propres & opportunes, escheler les villes, les atterrir, dresser des embusches, & généralement user és lieux & temps convenables des stratagemmes & ruses de la guerre. En outre la maniere d'assiéger les places, faire les approches, braquer l'artillerie, percer les murailles, & y faire bresche, oster & renverser les defences & boulevards, venir à l'assaut, mettre le feu, piller & saccager les lieux sacrez & profanes, raser les villes, donner le gäst aux champs, fouler les loix aux pieds, violer les femmes, ravir les filles, blesser, emprisonner, bannir, tuer les habitans. Bref, toute cette discipline n'est occupée en autre chose, sinon en la ruine & destruction du genre humain, & n'est son but & sa fin, sinon de former & façonner des renommmez destructeurs du monde, vaillans & braues meurtriers : en somme de transformer les hommes en mœurs & façons de bestes cruelles & sauvages. Partant la guerre n'est autre chose que vne grande boucherie, & vn brigandage de plusieurs, & les gens d'armes vrais brigands souldoyez & armez pour

la ruine & euerfion de la chose publicque. Dequoy peuuent seruir les regles, preceptes, & ruses de la guerre s'il n'y a point en icelle de discipline attendu l'incertitude de ses euene-
ments, & que les victoires ne sont donnees par l'art, mais par vne puissance qui est par dessus les hommes; laquelle rend vaines toutes les pouruoyances, desseings, & effects d'iceluy. Ce non-obstât le diuin Plato a fort prisé la science des armes, veut & exhorte d'y dresser les enfans & d'y employer ceux qui sont desia grandelets. Et Cyrus cet excellent Roy de Perse, disoit qu'elle n'estoit moins necessaire que l'Agriculture. Saint Augustin mesme, & S. Bernard, Docteurs Catholiques en l'Eglise, l'ont approuuee en quelques endroits de leurs escrits, & les decrets des Papes ne la reprouuent point, nonobstant que nostre Seigneur Iesus-Christ & ses Apostres l'entendent autrement. Finalement bon gré mal gré iceux les armes ont obtenu vn degré en l'Eglise Chrestienne qui n'est pas petit, par l'institution de tant de sectes & ordre de Cheualiers & sacrez gensdarmes, toute la

Religion desquels gist à espâdre le sang,
uer & piller les hommes, & escumer
a mer, sous pretexte de defendre &
implifier la foy, comme si Iesus-Christ
eust voulu manifester son Euangile par
armes, & non par la predication de sa
parole, le faire recevoir par menasses
& braueries, par force de guerre, meur-
tres, & carnage, plustost que par con-
fession & martyre. Et ne suffit point à
ces Cheualiers guerroyer contre les
Turcs, Sarrasins, & Payens, mais sou-
uent conduisent les armées maritimes
des Chrestiens contre les Chrestiens.
En outre la guerre & les armes engen-
drent plusieurs Euesques, & souuent a-
on veu combattre pour la Papauté,
en sorte que le Pape est entré plusieurs
fois au tressainct lieu non sans l'effusion
du sang de ses freres, comme dit ce S.
Euesque Camotense : & est cela appel-
é constance du martyre, si pour le sie-
ge Papal l'on combat vaillamment par
meurtre & effusion de sang Chrestien.
Ceux qui ont escrit de l'art Militaire
ont esté anciennement Xenophon, Xe-
nocrates, Onozander, Cato, Censorin,
Cornelius, Celsus, Higinus, Vegece,

Frontin, Helien, & Modeste, & autres plus vieils : des nouveaux Valturin, Nicolas Florentin, & Jacques Compte de Parilien ou de Porcia, & quelques autres. Ces maistres de l'art militaire speculatifs ne sont point si dangereux que ceux qui les pratiquent. Quant aux tiltres & dignitez des disciples & escoliers en iceluy, & leurs degrez & promotions, ce ne sont point bacheleries, licences, doctorats, & ne se trouue à present gueres à qui conuiennent les anciens tiltres d'Empereurs, Ducs, Comtes, Marquis, Cheualiers, Capitaines, Centeniers, Dizeniers, Enseignes, & autres telles marques de noblesse, nées, engendrées & produites d'ambition, ou d'outrage : mais plustost brigands, enfonseurs de portes, rauisseurs, meurtriers, larrons, sacrileges, batteurs de pavé, putiers, maquereaux, bordeliars, adulteres, traistres, concussionnaires, ioüeurs, blasphemateurs, empoisonneurs, parricides, boute-feux, pirates, tyrans, & semblables qualitez. Lesquelles qui vouldra toutes les comprendre en vn seul mot, die soldats, ou gens d'armes, c'est à dire, la bouerbe & lie des plus


plus meschans hommes & plus barbares, incités & poussez par mauuais naturel & mauuais courage à commettre tout excez, enuers lesquels l'audace & licence de mal faire & brigander est tenuë pour liberté & dignité, qui cherchent perpetuellement occasion de nuire, & ont l'innocence en horreur plus que la mort. Ayans tous ensemble en corps le diable pour pere, duquel ils sont vrais membres, dont Iob parle ainsi. Le corps d'iceuluy est couuert d'escailles comme de forts escussions fermés de seaux empraints : l'une est appliquee à l'autre tellement, que le vent n'entre point parmy icelles. Elles sont coniointes l'une à l'autre, elles s'entretiennent, & ne se separent point, ils sont près l'un de l'autre : car à la verité ils sont assemblez & coniurés contre Dieu & contre son Christ. Les marques & enseignes de la guerre ne sont point l'habit d'escarlata ou pourpre, les chaines, les aneaux, les chapeaux, & couronnes : mais les cicatrices des playes receës par deuant, & le corps difformé par icelles. Bref c'est vn exercice conioinct avec la mort ou les lar-

Y

mes de plusieurs : la destruction des mœurs, des loix, & de la pieté ; du tout contraire à Iesus Christ, à la vie bien-heureuse, à la paix, charité, innocence, & patience. Le loyer d'iceluy est la gloire d'une noblesse acquise par l'effusion du sang humain, avec l'estendue & accroissement des terres & limites obtenues par appetit entragé de posséder & de commander avec la perte & damnation de plusieurs ames. Car estant la victoire le but de toute guerre, nul ne peut estre victorieux s'il n'est homicide : nul ne peut aussi estre vaincu s'il ne perit miserablement. La mort doncques des gens de guerre est mal-heureuse, le péché leur dressant vn mal heureux epitaphie. & ceux qui tuent à la guerre sont iniques, encor que la guerre soit iuste, car ils n'y vont point pour la iustice de la cause, mais pour le gain & la proye : partant sont meurtriers à l'endroit de ceux qu'ils tuent malheureusement : & s'ils en mettent à mort aucuns iustement, ces tueurs font en cela offices de bourreaux, & en cette sorte acquierent le tiltre de noblesse. Et comme ainsi soit que les loix sans la guerre exercent leur

signeur par peines contre les volleurs, boute-feux, ravisseurs & meurtriers, ceux cy sous le nom de gensd'armes, & sous ombre de la guerre sont annoblis & honorez.

De la Noblesse. CHAP. LXX.

 Es armes prend son origine la Noblesse, i'entens ce que l'on appelle aujourdhuy gentillesse, c'est à dire, cette clarté & lustre qu'acquiert vne maison par quelque grande effusion de sang, remarquable vaillance, & carnage fait de l'ennemy, qui est reconnu par un salaire public, ornée & enrichie de marques & enseignes d'honneur publiquement. A quoy seruoient tant de sortes de couronnes entre les Romains, civiles, des murs, de sieges, & nauales, tant de dons militaires, comme brasselets ou braccelliers, hampes, bardes, caparaçons, chaines, anneaux, statuës, images, & semblables choses, par lesquelles la noblesse prenoit ses commendements. A Carthage l'on donnoit tant d'anneaux aux Gensd'armes qu'ils

s'estoient trouvez en des batailles : les Espagnols dressaient autant d'obelisques ou esguyes autour des sepulture des defuncts gens de guerre, qu'ils auoient tué d'ennemis de leurs mains. Entres les Scythes banquetans ceux luy seuls beuuient en la coupe que l'on portoit autour de la table, qui auoient occis quelqu'un des ennemis. En Macedoine celuy qui n'auoit fait mourir aucun ennemy portoit vn licol en signe & reproche de sa vile condition. Entres les Allemands aucun ne pouuoit prendre femme en mariage qui n'eust premierement apporté à leur Roy la teste d'un ennemy par luy occis. Et quand aucuns ont esté frustrés de l'honneur qu'ils auoient merité en guerre pour s'estre portez vaillamment, souuent on les a veu rebeller contre leur propre pays, pour subuertir les Estats & la liberté d'iceux. Dont nous auons les exemples en Coriolan, aux Gracques, en Sylla, Marius, Sertorius, Catilina, & Cesar. Si nous recherchons donques la source de cette Noblesse, nous trouuerons qu'elle a esté acquise par cruauté damnable, ou quelque notable per-

filie. Si nous regardons le progres, il
apperra qu'elle s'est auancee par vn
exercice mercenaire des armes, & ac-
crüe de pillages & brigandages. Mes-
mes si nous nous enquerons des com-
mencemens des Empires & Royaumes,
soudain on nous mettra deuant les yeux
les impitoyables meurtres & patricides
des freres & des peres, malencontreux
& mortels mariages, les peres chassiez
de leurs Royaumes par les enfans, les
Rois & Princes massacrez par ceux
qui leur deuoient foy & hommage.
Mais espluchons par le menu sans rien
passer que c'est que de la Noblesse de
ce temps. A dire le vray ce n'est autre
chose qu'une meschanceté robuste &
renforcée, vn honneur & dignité ac-
quis par crimes, l'heritage & la bene-
diction des plus peruers enfans. Et
qu'ainsi soit, les Escritures saintes, les
vieilles & nouvelles Histoires des peu-
ples & nations le nous monstrent claire-
ment. Car ayant eu Adam son fils aîné
Cain, qui fut laboureur de terre, &
puis le second Abel, lequel paissoit le
bestail, la nature humaine fit en eux
par maniere de dire comme vn chemin

fourchu, & tint lieu Cain de la Noblesse, & Abel du peuple. Et comme Cain fut homme charnel, cruel, & superbe selon la coustume, il poursuivit Abel qui estoit spirituel & humble, iusqu'à le mettre à mort. Mais la famille populaire fut restablie en Seth troisieme fils d'Adam.

Ce fut doncques Cain qui premier donna commencement à la Noblesse & aux armes, par le parricide de son frere, & lequel en mespris des loix naturelles & diuines usurpa le premier domination & maistrise sur les autres, se confiant en ses propres forces, & commença à bastir des villes, establi une Royauté, opprimer & fouler par sa force, rapine, & seruitude les hommes créez de Dieu de condition libre, & les enfans de la famille sainte, lesquels s'estans depuis corrompus & desbauchez totalement, & faisans peu de compte du iugement de Dieu, souillez en l'ordure de tout appetit desreglé, engendrerent des geants, ainsi appelez par l'Escripture, ceux qu'ailleurs elle nomme hommes puissans & de tout temps renommez. Voila la vraye & naifue des

finition des Nobles ou Gentilshommes. Ceux là oppressoient les pauvres, & s'aduançoient par brigandages, puis enorgueillis à cause de leurs richesses rendoient leurs noms celebres, les imposans aux provinces, villes, montagnes & riuieres, & aux mers. Le premier pere desquels fut, comme nous auons dit, Caïn, homme de nature meschant, couuant enuie & haine en son cœur, rebelle à Dieu & à ses charistimens, traistre, dissimulateur, & par la malediction diuine vagabond & fugitif, adioustant blasphemie encore par dessus sa malediction. Telles sont les belles qualitez, les vertus & prouesses, & les inclinations dont la Noblesse a esté decorée & accompagnée iusques aujour d'huy, & dont le maistre ouurier fut ce premier pere des geants, lesquels nostre Seigneur racla de dessus la terre par le deluge des eaux, ne reseruant qu'un seul Noé, homme iuste des descendans de Seth, avec sa famille, à sçauoir Sem, Iaphet, & Cham: lesquels apres que les eaux eurent quitté la terre, & que le monde fut réparé, suivirent les traces de leurs ancestres & an-

ciens Geans, & à leur exemple bastirent des villes, & establirent des Royaumes. Parquoy l'Ecriture depuis Noé iusques à Abraham, n'a fait aucune mention des iustes, pour autant que les hommes en cet entredoux ne s'occupèrent à autre chose qu'à bastir, former, & façonner la gentillesse, c'est à dire la robuste & forte impiété, meschanceté, confusion, & puissance armée, la violence, l'oppression, la chasse, la pompe, la superfluité, la vanité, & autres semblables marques & enseignes de Noblesse dont les enfans de Noé la parent & ornerent, & firent reconnostre. Entre lesquels Cham, pour autant qu'il fut le plus meschant de tous, & qu'il se moqua de son pere par grande impiété, merita la premiere Monarchie, & celle qui fut dominante sur tous les Royaumes de la terre. Nembrot fut petit fils d'iceluy, lequel est décrit par l'Ecriture puissant en la terre & robuste veneur contre le Seigneur. Ce fut celuy qui edifia Babylon la grande, & donna commencement à la confusion & diuersité des langages, enseigna la maniere comme il falloit regner, regla

les degrez de Noblesse, ordonna & disposa des honneurs, dignitez, enseignes, & marques d'icelles. Apres ce furent establies les loix contre le peuple, les seruitudes introduites, & les exactions pratiquées, les armées ordonnées, & les guerres cruellement menées & exercées. De Cham nasquirent Chus, duquel sont issus les Ethiopiens & Misraïm pere des Egyptiens, & Chanaam d'où sortirent les Chananéens, peuples pour certain nobles & renommez, mais en toute meschanceté reprouvez & maudits de Dieu. Or apres long traict de temps nostre Seigneur esleut ce saint & iuste Patriarche Abraham, de la race duquel il se fit vn peuple & famille sainte, à laquelle il bailla le signe de la Circoncision en tesmoignage de ce, & pour les diuiser & discerner d'avec les autres nations. Iceuluy eut deux enfans, le premier bastard, engendré d'une chambriere, & le nomma Ismaël, l'autre de sa femme legitime, qu'il appella Isaac. Ismaël devint homme fier, & bon archer, puissant & noble, Prince & auteur des Ismaélites, ausquels peuples il laissa son nom à per-

petuité. Dieu le benit en cela, à sçavoir en ses rapines, guerres, & violences; c'est à dire, ne voulut point que ce soit la luy fust instructueux, & ainsi fut confirmée sa noblesse, disant, Sa main sera contre vn chacun, & les mains d'vn chacun contre luy: si habitera à l'endroit de ses freres. Mais Isaac perseuerant en la iustice de son pere passoit les troupeaux d'iceluy, & ayant prins Rebecca à femme engendra en icelle deux enfans, Esaü & Iacob: desquels Esaü fut hay de Dieu, homme rousses & velu, chasseur, & grand tireur d'arc, gourmand & addonné à son ventre, tellement que pour vn potage il vendit sa primogeniture. Tant y a qu'il fut grand & puissant, Prince & pere des Idumeens, & receut l'heur & la benediction de gentillesse & noblesse en possédant vne terre grasse sur laquelle tomboit la rosee du Ciel, & en maniant l'espée, & secoüant le joug & discipline, au lieu que Iacob craignant Dieu fut contraint de s'ensuyr vers son oncle maternel Laban, & là mener les oüailles aux champs, & passer quatorze ans en continuelle seruitude, pour meriter

les deux filles d'iceluy, lesquelles il espousa, & engendra douze enfans, & luy fut donné le nom d'Israël, lequel demeura hereditaire aux siens, qui furent appelez le peuple d'Israel, ou Israelites. Or eut Iacob, ainsi que nous auons dit, douze fils, à sçauoir Ruben, Simeon, Levi, Iudas, Issachar, Zabulon, Ioseph, Benjamin, Dan, Neph'ali, Gad, & Affer, des noms desquels furent intitulez les douze tribus ou lignées d'Israel. Mais Ioseph fut vendu par ses freres, & fut mené en Egypte, & là endoctriné en toute la science & sagesse des Egyptiens, & deuint interprete des songes tres sçauant, & si expert es affaires & maniement du mesnage, qu'il trouua par la dexterité de son esprit des inuentions nouuelles d'acquérir biens & richesses, & accroistre les reuenus & gabelles du pays: à raison dequoy il fut tres agreable au Roy Pharaon, & par luy establi superintendant de toute l'Egypte. Ainsi de pauvre esclaue deuint Gentilhomme, & fut annobly solemnellement selon la façon & maniere lors accoustumée entre les Egyptiens: Car le Roy luy mit vn anneau au doigt, & vne chaî-

ne d'or au col, le vestit d'un manteau
de pourpre, le fit monter dans un co-
che, & mener publiquement avec un
officier qui alloit criant deuant luy
qu'un chacun desormais luy fist hon-
neur, ainsi qu'il estoit conuenable de
faire aux Nobles & aux Princes. Laquelle
le façon d'annoblir en tout semblable
estoit aussi pratiquée entre les Perses,
ainsi que nous lisons de l'annoblisse-
ment de Mardochée Hebrieu, fait par
Artaxerxes Roy de Perse, en l'histoire
d'Hester. Et mesmes iusques à present
presque telles ceremonies sont de-
meurées entre les Rois & Empereurs,
quant il est question d'annoblissements.
Toutesfois les Noblesses & gentilleses
sont souuent acquises d'eux par aucuns
à prix d'argent, par autres par maque-
relages, ou pour auoir empoisonné
quelqu'un, ou executé quelque meurtre
ou parricide: & s'en trouue assez qui
sont deuenus Gentils-hommes par tra-
hisons, & de là ont assemblé leurs richef-
ses, ainsi que les histoires font foy que
furent Eutycrates, Philocrates, Euphor-
bas, & Philagre. Un grand nombre y
paruiennent par flatteries, mesdisances,

calomnies, & imputations. Et tant
& plus sont annoblis pour auoir prostitu-
tuée leurs femmes, & vendues leurs
filles. Outre vne infinité qui sont re-
ceus en ce rang pour estre grands chaf-
seurs, bons volleurs, rieurs, enchan-
teurs, ou ayans quelque autre mes-
chante industrie pour se faire connoi-
stre & s'aduancer. Mais reuenons à Io-
seph. Estant doncques iceluy devenu
puissant en la Cour du Roy, & ayant
eu son fils aîné Manassé, il s'oublia
aucunement, & luy haussa le cœur cette
sienne noblesse nouvellement aduenüe,
& se print à dire, Dieu m'a fait oublier
tous mes travaux, & toute la maison de
mon pere : parquoy ce premier nay
Manassé fut reculé par la benediction
de l'ayeul, & à luy preferé le puisné
Ephraïm. Ioseph mesmes, ores qu'il fust
fils de Iacob, n'eut point l'honneur
de nommer de son nom aucune lignée
en Israël à cause de cette sienne nobles-
se desplaisante à Dieu, mais fut donné
à ses enfans Manassé & Ephraïm : des
lignées desquels n'est sorty aucun Pro-
phete, & furent ceux d'entre tous leurs
freres qui eurent les moindres be-

nedictions, à sçauoir de torce & vail-
lance & de multitude & multiplication
de familles. Et habiterent les enfans
d'Israel plusieurs années en Egypte, &
estoint Pasteurs de bestail en la terre
de Gessen. Estans doncques creus &
multipliez en grand nombre d'hommes
& de peuple, ils vindrent en soupçon
& haineux aux Nobles, & au Roy qui
pour lors regnoit en Egypte: partant fu-
rent affligez par dures & penibles cor-
uées & ouurages difficiles de briques,
manians la terre en grande seruitude,
iusques à leur tuer leurs enfans masles,
les iettans en la riuiera, afin que la race
d'iceux s'aneantist & perdist sur la terre.
Neantmoins vn de ceux qui auoient esté
iettez pour estre submergé, estant fort
bel enfant, fut sauué par la fille du Roy,
laquelle le fit emporter, & l'adopta pour
son fils, l'appellant Moÿse, pour autant
qu'il auoit esté sauué des eaux. Ce Moy-
se donques deuint grand en la Cour de
ce Roy, & fut instruit en toute la disci-
pline Egyptienne, tenu & reputé ainsi
qu'un Prince du sang Royal, eut char-
ge des armées de Prarao contre les Rois
d'Ethiopie, & eut à femme vne fille d'un

Roy Ethiopien, dont il fut enuié & mal voulu en Egypte, & à cette raison & autres occasions il fut contraint de s'absenter, & se retirer en la terre de Madian, là où il print querelle & debat contre certains pasteurs du pays en faueur de quelques filles autour d'un puits, & pour ce benefice merita d'en auoir vne en mariage, qui estoit fille du Sacrificateur du lieu. Finalement estant aduancé en aage & en sagesse il luy print enuie de reuoir ses freres, & reconnoistre sa nation & son peuple Hebrieu: partant retourna en Egypte, & là quittant toute cette noblesse Egyptienne, fortifié par Dieu, se fit Conducteur & Chef du peuple d'Israël, lequel il tira hors d'Egypte par diuers miracles. S'estans iceux quelque temps apres destournez de la crainte de Dieu, & ayans dressé vn veau d'or, Moyse courroucé print avec luy les plus vaillans des enfans de Leui, & leur commanda, disant, mettez vos glaives sur vos cuisses, & allez & venez çà & là parmy le peuple, & tuez ceux que vous rencontrerez, freres, prochains, & amis: ce qu'ayans executé il en demeura sur la place enuiron vingt-trois mil: apres

laquelle memorable tuerie il les hūa fort, disant; Vous auez consacré aujour- d'huy vos mains au sang vn chacun sur son fils & sur son frere: & ainsi fut accomplie la benediction de Iacob à Simeon & Leui, lequel les appella vaisseaux d'iniquité guerroyans, la fureur desquels est maudite & obstinée, & l'indignation dure. Ce fut le premier exploit de noblesse qui fut fait en Israël que cette tuerie, & le commencement d'icelle entre ce peuple. Car apres cela Moyse leur ordonna des Chefs & Capitaines, Centeniers, Cinquanteniers, & Dixeniers, vaillans hommes de guerre & bons combattans selon les lignées & familles, aux plus braues & meilleurs guerriers desquels, & ceux qui deuançoient les autres en courage & force, il bailla la conduite, gouvernement, & iurisdiction: car ils n'auoient aucun Roy, mais estoient regis par des Iuifs, par lesquels apres la mort de Moyse Iosué fut estably chef general de tout le peuple, homme fort & puissant à la guerre, vainqueur des Roys, & sans peur ny crainte aucune. Luy decedé le peuple d'Israël fut quelque temps sans Prince,

& se maintint en estat populaire : mais estans deuenus mutins & seditieux entre eux , esmeurent des guerres par lesquelles presque toute la lignee de Benjamin fut estaincte , & n'en demeurèrent de reste que six cens hommes , auxquels les autres ayans iuré de ne bailler aucunes de leurs filles en mariage , on leur bailla quatre cens vierges d'entre les prisonniers de lahes Galaad , & pour pouruoir les autres deux cens , leur fut permis de raurir autant de filles de Silo. Par ce moyen fut accompli la benediction de la Noblesse de Benjamin, figuree comme vn loup rauissant la proye au matin, & diuisant les despoüilles au soir. Apres cela ils se renegerent à l'estat Aristocratique & sous le gouvernement des plus apparens , dont Abimelech l'un d'iceux bastard de Hierobaal de la lignee de Manasses , ayant occis par solennel parricide sur vne pierre soixante freres qu'il auoit legitimes, usurpa la Royauté le premiet en Sichem. Finalement le peuple desirant de viure sous l'estat Royal , & demandant à Dieu vn Roy , il leur en bailla vn en sa fureur, mais la plus grande partie meschans &

fort peu de bons. Car estant le Seigneur courroucé, il leur declara de quels droits vsferoient les Roys enuers eux, disant qu'ils prendroient leurs fils & filles, & s'en seruiroient pour cochers & boulangers, dismeroient leurs champs & leurs troupeaux, heritages, seruiteurs & seruantes, & tout ce qu'ils auoient de bon, selon leur plaisir & appetits, & les départiroient à leurs officiers & seruants, & seroit tout le peuple reduit en seruitude: & avec cela si le Roy venoit à offencer Dieu, que tout le peuple en porteroit la peine pour luy. Ainsi il leur bailla pour Roy vn ieune homme de la lignee de Beniamin, appellé Saül, homme fort & robuste, hault de taille, en sorte qu'il apparoiſſoit par dessus les autres depuis les espaules, & fit tomber vne frayeur sur tout le peuple pour le faire reconnoistre & reuerer comme ministre du Seigneur. Cestuy cy auant qu'il commençast à regner, estoit ainsi qu'un enfant d'un an, innocent & debonnaire: mais apres qu'il fut installé, & eust gousté la noblesse de la Royauté, il deuint meschant & enfant du diable. Parquoy Dieu osta le sceptre de la maison Saül, & le

bailla à Dauid fils de Ilay de la lignee de Iuda, lequel fut prins de la bergerie gardant les troupeaux, & estably Roy, où par la pestifere contagion de cette noblesse, il se mit incontinent à faire des excès & meschancetés, adulteres & homicides : neantmoins la misericorde de Dieu ne se destourna point de luy. Il regna en Hebron au commencement, pendant que Hisboset fils de Saül regnoit outre le Iordain : en fin il obtint tout le Royaume, & fut recogneu par tout le peuple en Hierusalem. Neantmoins il ne fut point Roy paisible des Israëlités ; car de son viuant son fils Absalon s'empara du Royaume en Hebron. Apres que cestuy là fut occis, Siba fils de Bochrî en fit tout autant. Finalement Adonias aussi fils de Dauid essaya d'occuper le siege Royal : ce qui donna occasion au pere d'essire & instituer heritier du Royaume Salomon, qu'il auoit eu de Barsabee femme adulateur : lequel fut le premier Monarque des Hebreux sans contredit, & confirma son Royaume par le meurtre de son frere aîné. Adonias. Se voyant paisible Roy il se destourna du droit, & s'addonna aux

femmes, à la paillardise & à l'idolatrie, delaisant la loy de Dieu. Roboam son fils peruers luy succeda, pecheur & rebelle contre Dieu, sous le regne duquel la Monarchie fut diuisee en deux Royaumes, & se rebellerent contre luy dix des lignees d'Israël, choisans vn Roy, à sçauoir Hieroboam de la lignee de Dam, homme tres-meschant, lequel empoisonna toute la nation des Israélites par l'idolatrie, où il amena les dix tribus sur lesquelles il regnoit, leur erigeant deux veaux d'or en Samarie, afin que la benediction de Iacob eust lieu. Dan, dit-il, fera comme le serpent aupres de la voye, & comme la couleuvre au sentier poignant les pasturons du cheual, afin que le cheuaucheur tombe à la renuerse. Quant à la lignee de Iuda, elle se maintint en l'obeyssance des successeurs de Dauid, ainsi qu'auoit prophetisé Iacob en la benediction d'iceluy, disant que le sceptre ne partiroit point de la main de Iudas iusques à ce que le Messias vint. Or estoit ce Iudas le pire de tous les enfans de Iacob, lequel eut compagnie charnelle incestueusement avec sa brus, & auoit des fils pareillement

meschans : partant il eut la prerogative de la Noblesse en la benediction que luy bailla son pere, & luy fut destiné le sceptre & le Royaume, & comparé à la force du lyon. Les Idumeens & la ville de Lobna en fin se retrancherent du peuple d'Israël, & se firent des Roys à part à leur volonté, selon que Dieu auoit predit en la benediction d'Esau qu'il secourroit & reietteroit le ioug. Or entre tous les Roys de Iuda, & d'Israël à peine s'en pourra-il trouuer quatre qui ayent esté bons. Et pource le Royaume fut aboly, les Roys estaints & le peuple mené captif en Babylone, d'où apres plusieurs annees la misericorde de Dieu les retira, & ramena derechef en Hierusalem, & illec se maintindrent longtemps sous le gouvernement des souverains Sacrificateurs & des notables & plus apparens de leur nation, & en estat populaire, iusques à ce qu'Aristobule fils d'Hyrcanus print la couronne ou bandeau Royal, & restablit le Royaume des Iuifs y meslant le parricide de sa mere & de ses freres, lequel dura quelque temps sous plusieurs Roys iusques à tant que Archelaus vilain & insolent Roy

Parresta, & luy donna fin, estant de son temps tout le pays occupé par les Romains, & réduit en forme de Prouince, Finalement Vespasian venu à l'Empire. & puis Tite son fils, sous leurs regnes la nation Iudaïque fut destruite, chassée de leur pays, & esparse par tous les endroits de la terre, où ils vivent fugitifs iusques aujourdhuy. L'ay bien voulu deduire ces choses des histoires sacrées, pour monstrier qu'en est. & il n'y a eu dès l'origine du monde aucune noblesse qui n'aye eu meschant & malheureux commencement, voire mesme entre le peuple de Dieu: & que la noblesse n'est autre chose qu'une gloire & un salaire de meschanceté & iniquité exercée au dommage du public, laquelle est plus claire & illustre en celuy dont la vie est plus peruerse, & est là le loyer plus grand & abondant où il y a plus de crimes & d'excez, ainsi que respondit fort proprement le pirate Diomedes prins par les gens d'Alexandre, & amené deuant luy: le suis, dit-il, accusé pour voleur & escumeur de mer, pource que ie ne cours qu'avec un seul brigantin: mais tu es appelé Empereur pource que tu brigandes avec un grand

lotte de plusieurs vaisseaux : si tu estois
seul & prisonnier comme moy, on t'appellerait brigand : & si i'auois l'obeyssance des peuples comme toy, ie serois
estimé & nommé Empereur ; car quant à
la cause, il n'y a aucune difference entre
toy & moy, sinon que celuy est le pire
qui pille plus audacieusement, qui abandonne
la iustice plus laschement, & qui combat
contre les loix plus ouuertement.
Tu poursuis ceux que ie feys ; ceux que
l'honneur aucunement tu les mesprises :
l'iniquité de fortune & la pauvrete me
contraignent d'estre larron, mais tu es
poussé à brigander par orgueil insupportable,
& par insatiable conuoitise d'auoir.
Si ma condition s'amendoit, possible
m'amenderois ie aussi : mais toy, tant
plus l'heur te favorisera tu en deviendras
plus mauuais. Alexandre s'esmerueillant
de la constance & magnanimité de
ce personnage, commanda qu'il fut enroullé
entre ses gens de guerre, afin qu'il
luy fut loisible de là en auant de brigander
legitimerment. Passans doncques
deormais aux histoires des peuples & nations,
monstrons semblablement par
celles qu'en effect la noblesse n'est au-

tre chose que mauuaistié, tueur, piller, rapine, meurtre, bombance, pompe, chasse, & violence, qu'elle est en tous endroits issuë de très meschante source, qu'elle a pire progrez, & que la fin d'icelle est presque tousiours vilaine & honteuse. Ce que nous esclaircirons par les quatre premieres Monarchies tant renommées, puis par les autres Royaumes & principautez. La premiere Monarchie, qui fut dressée apres le deluge fut celle des Assyriens, à laquelle Ninus donna commencement, & fut le premier qui non content de ses bornes & limites mena les armées dehors, & guerroya cruellement ses voisins, poussé d'appetit desordonné de commander, tant qu'il subiuqua tous les peuples d'Orient, accroissant tousiours l'estenduë de son Empire par continuelles victoires & conquestes de pays, & nouvelles provinces, & ainsi dompta l'Asie & la region Pontique. En fin ayant vaincu en bataille avec grand effusion de sang humain Zoroastre Roy des Bactriens, il l'occit. Iceuy auoit à femme Semiramis, laquelle luy demanda par grace qu'il la laissast regner l'espace de cinq iours, ainsi

ainsi qu'escriit Dinon l'Historien : ce
qu'ayant impetré elle print la couronne
& le manteau, & s'estant assise au siege
Royal commanda à ses gardes qu'ils
ostassent à son mary Ninus les ornemēs
Royaux & le tuassent : ce qu'ils firent
fut le chāp: parquoy elle demeura en re-
gne, & ne se cōtenta non plus des termes
& contenuē de son Empire, ains adiou-
sta à iceluy l'Ethiopie, & mena ses ar-
mées en Indie, & environna de fortes &
excellentes murailles la ville de Baby-
lone. En fin elle fut trée par son fils
Ninus, lequel elle avoit conceu mes-
chamment, exposé inhumainement, &
incestueusement conceu. Par ces par-
ricides doncques fut maniée la Monar-
chie des Assyriens, & domina sur les na-
tions iusques au regne de Sardanapalus,
homme plus corrompu & effeminé que
quelque femme que ce soit : & lors elle
se diuisa, & fut ce Roy infame tué entre
les troupeaux de ses paillardes & con-
cubines par Arbactus Gouverneur de
Mede, lequel se fit Roy, & transféra
l'Empire des Assyriens aux Medois, &
d'iceux fut attiré en Perse par Cyrus,
où fut establie la seconde Monarchie

Z

par Cambyles son fils lequel bastit la
nouuelle Babylone, & y adiousta plu
sieurs Royaumes, & consacra son Em
pire par le meurtre de son frere & d
son fils. Laquelle ayant continué e
cette nation iusques à Narses fils d'O
chus, commença à decliner grandement
tant qu'ayant esté Narses tué par Ba
goas l'Eunuque, & étant Daïre Pet
rien subrogé en son lieu, nommé aup
rauant Gademan fils de Arfanes, la Mo
narchie Persienne fut estaincte par l
mort, ayant esté vaincu & despoill
de ses forces par Alexandre le grand
par lequel elle paruint aux Grecs &
Macedoniens. Celuy donques qui
auec sa mere adultere auoit brassé l
mort du Roy Philippe son pere, donna
commencement à la troisieme Mo
narchie, auec l'ame chargée de ce fa
meux & renommé parricide. Mais ell
fut aussi tost dissipée dès qu'il fut mort
La quatrieme Monarchie des Ro
mains vint après, qui fut la plus puis
sante qui aye onques esté, mais si nou
l'examinons selon l'ordre des temps
dès le commencement de la ville de
Rome nous trouuerons que l'origine

en fut tres-melchante, & l'administra-
tion auoir esté le plus souuent en main
de gens peruers : partant il nous faut
commencer vn peu auant, & des les
premiers fondateurs d'icelle. La ville
de Rome fut fondée & construite en
Italie premierement par Romulus &
Remus, freres iumeaux : conceus & en-
gendrez incestueusement d'une Reli-
gieuse Vestale, nourris & esleuez par
vne putain. Le Royanme d'icelle fut
dés sa naissance souillé & corrompu par
le meurtre commis par Romulus en la
personne de son frere, ainsi qu'un autre
Caïn. Iceluy se vantant & souffrant
d'estre appellé enfant des Dieux, ayant
ramassé vne troupe de meschans garne-
mens, avec promesse d'assurance & im-
punité de tous leurs crimes, raut les
filles des Sabins, lesquelles il leur fit es-
pouser, & d'icelles engendrèrent des
geants, c'est à dire, ces premiers Roys &
principales souches de la Noblesse Ro-
maine, redoutables à tout le monde.
Ayant doncques ainsi attiré frauduleu-
sement sous pretexte de ieu & specta-
cles les femmes & filles Sabines, icel-
les par trahison prises & enleuées, vion

lemment espousées , & retenuës par
l'effusion de sang & la mort de leurs
peres & matis , il se maintint & establit
par nouveaux parricides : Car transpor-
té d'un desir entagé d'espandre le sang
de ses aliez , il tua aussi miserablement
T. Tatius vieillard religieux & chef tres
honorable des Sabins , lequel il auoit
associé avec luy. Voila l'origine & com-
mencement du Royaume , lequel fut
manié par des Roys tres-cruels l'espace
de deux cens quarante trois ans , & fi-
nit sous Tarquin l'orgueilleux , à cause
de la meschanceté commise contre la
chasteté de Lucretse. Et tout ainsi que
la race de Caïn perit en la septième ge-
neration depuis luy par les eaux du de-
luge , ainsi les successeurs de Romulus
finirent au septième regne , & furent de-
chassez par tumulte populaire. Or com-
bien que la ville de Rome eust secoüé
le ioug des Rois , si ne fut elle pourtant
deliurée de la tyrannie : Car estans les
Roys dechassez , apres plusieurs agita-
tions de tumultes populaires , le regne
tomba entre les mains des principaux &
plus notables de la ville , dont vn cer-
tain Brutus , homme de noble famille ,

fut esleu le premier Consul. Cettuy cy pour mieux establir vn si grand Empire, voulut non seulement égaler le parricide de Romulus, mais le passer en cruauté : car il fit battre de verges en plein marché, & puis trancher la teste à deux siens enfans ieunes hommes, & à deux freres de sa femme Vitelliens.

Estant depuis l'estat manié & administré par les nobles & par le peuple, & ayant par plusieurs siecles esté diuersement tyrannisé, tant par les Magistrats, que mesme par les particuliers, il print coup, & s'affaissa sous l'audace de Iules Cesar, personnage qu'il seroit difficile à iuger s'il estoit plus grand guerrier que purier & corrompu d'appetit de sordonné : & depuis sous Antoine pareillement esclau de toute luxure & volupté : tant qu'en fin la superintendance & totale puissance de l'Empire Romain demeura és mains d'Octavian Auguste seul : lequel donna commencement à la quatrième Monarchie, & non sans meurtre & parricide, encore que cet Auguste fut estimé des plus benigns Princes qui ayent oncques esté. Il fit mourir en premier lieu vn

filz & vne fille de Cleopatra qu'elle auoit eus de Iules Cesar son oncle, par lequel il auoit esté adopté à la succession de l'Empire, & institué heritier, sans auoir esgard ny au nom ny aux bien faits, ny au sang & alliance, ny à l'aage de ces pauures enfans. Apres luy fut regie la Monarchie du monde par des Nerons, Caligules, Domitians, Helio gabales, & autres monstres de cruauté & vilennie, sous lesquels l'vniuers fut esbranlé, iusques à ce que Constantin le Grand ayant mis à mort Maxence, lequel estoit hay du peuple Romain à cause de son inhumanité & de ses paillardises, fut déclaré Auguste. Cestuy-cy apres auoir restably & réparée la ville de Bisance, & icelle faite égale à celle de Rome, l'appellant la nouvelle Rome, & en outre Constantinople de son nom, voulut qu'en icelle fust le siege des Empereurs, & transféra l'Empire Romain aux Grecs, & pour ne degenerer de ses predecesseurs dedia & consacra la cité de Constantinople par parricides, ainsi que Romulus, & fit mourir les Licinies, pere & fils, mary & enfant de sa sœur, & y adiousta le

meurtre de ses propres enfans, & de sa femme; & apres luy demeura l'Empire entre les Grecs iusques au temps de Charles le Grand, lequel obtint le tiltre & le nom d'Empereur, & fut transferée l'image de l'Empire aux Allemans. Et à tant cesserons de parler des Monarchies & rechercherons les origines & issuës de quelques autres Royaumes & Principautez, lesquelles nous trouuerons auoir esté autant malheureuses & d'aussi mauuais acquest, & la fin & dissipation autant viciense, que les susmentionnees. Le me passeray de raconter les partides de Dardanus, & en quelle maniere ayant induit les Achiues à commettre meschanceté il donna commencement au Royaume des Grecs. Le me tairay des Regnes & Empires acquis par les femmes moyennant le meurtre de leurs maris, ainsi que les Histoires font mention des Amazones, mais traicteray de choses plus fraisches & approchantes de nostre aage. En Espagne regna premierement Atanario Goth du temps de Theodose Empereur: auquel pays dominoient semblablement les Alains & Vandales: mais Suytilla Roy des Goths

réduit toute l'Espagne en vne Monarchie, à laquelle donna fin le Roy Roderic par violence par luy faite à la fille du Comte Iulié Gouverneur de la Mauritanie, & perdirent les Goths la domination qu'ils auoient en Espagne, laquelle fut occupée par les Maures & Sarrazins. Toutesfois le Roy Pelagius ayant quelque temps apres recouuré quelques villes, reestablit le Royaume, mais supprimant le nom des Goths, furent depuis appelez les Roys d'Espagne, establisant le siege & le tiltre Royal à Leon, iusques au temps de Ferdinand fils de Xantes, lequel fut le premier qui s'intitula Roy de Castille, & ayant meurtry son frere Garcia adiousta à son Royaume celui de Nauarre. Le frere desquels nommé Ramir, homme fier & belliqueux, que leur pere auoit engendré d'une concubine, fut le premier qui regna en Arragon. Quand au pays de Portugal, celui qui y regna premierement fut Alphonse fils de Henry de Lorraine & de Tyresia fille bastarde d'Alfonse Roy de Castille, homme vaillant aux armes, lequel défit en vne bataille cinq Roys Maures, d'où il print les cinq es-

cussions que les Rois de Portugal portent en leurs armoiries : Cét Alphonse se monstra neantmoins cruel & de courage meurtrier enuers sa mere, pource qu'elle s'estoit remariee, & la tint en perpetuelle prison, sans qu'aucunes prieres le peussent iamais fleschir, ny les censures Ecclesiastiques l'inciter à la deliurer. Bref tous ces Royaumes d'Espagne ont esté ou acquis par mauuaises pratiques, ou establis & confirmés par meschans artifices. Le Royaume d'Angleterre a ses origines pour le plus fabuleuses, & a esté possédé par diuerses nations, comme furent les Piétes, les Escossois, Danois, & Saxons. En fin Guillaume le Normand y establit quelque forme de Monarchie paisible, laquelle il dedia à luy & aux siens par le meurtre d'Atold Roy des Saxons occidentaux son parent, & le confirma en sorte que iusques à present sa posterité y regne tousiours illustre par fameux & renommés parricides. Passons les Royaumes des Bourguignons & des Lombards, dressés l'un en France par Gondaich, l'autre en Italie par Alboyn de peuples extraits de la plus profonde

Germanie, qui ont aussi esté maintenus
& nourris par tres-cruels & perpetuels
parricides. Et voyons comme le tres-
puissant Royaume des François a esté
erigé. Les commencements d'iceluy
sont attribuez à Pharamond fils du Duc
ou Capitaine Meroüce, lequel pre-
mier passa de Germanie és Gaules, &
fut appellé Roy des François, passant
tous les hommes en cruauté & inhu-
manité. La posterité duquel dura ius-
ques à Childeric 3. du nom, qui fut des-
mis de la Royauté à cause que c'estoit
vn faineant, & du tout lasche en l'ad-
ministration des affaires, & au surplus
addonné aux voluptés, & par sa pail-
lardise corrompoit les femmes des grâds
Seigneurs. Parquoy fut enclos en vn
Conuent de Moines, & Pepin Maire
du Palais subrogé en son lieu, lequel
asseura la couronne à luy & aux siens
par trahison, & par le meurtre de Gri-
fon son frere, & demeura en sa lignee
iusques à Louys sixiesme fils de Lothai-
re, lequel ayant esté empoisonné par
Blanche sa femme soupçonnée ou ac-
cusée d'adultere, Hugues Capet hom-
me de la main, sanguinolent, & vail-

lant combattant, prisé & estimé par le
peuple de Paris à cause de ce s'empara
du Royaume, ores qu'il ne fut de gran-
de maison, ains issu selon' qu'on disoit
de fort bas lieu. Cestuy-cy se rebellant
contre Charles oncle de Louys, vray
heritier du Royaume, & luy vint au
deuant avec vne armee assemblee de
mauuais garnemens, & eut moyen de
l'auoir entre ses mains par trahison, &
le fit mourir prisonnier à Orleans: a-
pres lequel meurtre malheureusement
perpetré en la personne de son Prince
il se fit couronner, & deuint Roy des
François: la lignee duquel a tousiours
regné depuis iusques à present, & re-
gnera iusques à ce que quelque esclau-
de voluptés & de paillardises donne
occasion à vn autre de l'exterminer, &
faire derechef vn changement. Ce se-
roit chose trop longue de vouloir en
ce lieu faire vn denombrement des ori-
gines & sources de tous les Royaumes
du monde, & discourir par toutes les
histoires. I'ay traicté ailleurs bien au
long de ce que ie touche sommaire-
ment en cét endroit, là où i'ay peincte
la Noblesse de toutes ses couleurs &

vrais traictés, & monstre qu'il n'y a onques eu Royaume ou grande Principauté en ce monde, auquel on n'aye donné commencement par parricides, trahisons, perfidie, cruauté, carnage, boucherie, & telles execrables meschancetés procedantes de l'artifice & façon de la noblesse, les chefs de laquelle estans tels, il est aisé à cognoistre & iuger quels doiuent estre les autres membres de cette beste terrible, & qu'en effect ils sont tous addonnés & exercés à toute violence, rapine, & meurtre, à la venerie, à luxure, & à toute espeece d'appetit desreglé. Si quelqu'un veut deuenir Gentilhomme, qu'il deuienne chasseur premierement: car ce sont les principes & rudimens de noblesse: apres qu'il soit soldat mercenaire, & se louë ou prenne solde pour tuer les hommes: c'est vne vraye vertu de Gentilhomme: & si en cét estat il se monstre preux & vaillant brigand, là gist la gloire & perfection que l'on peut esperer en la Noblesse. Celly qui n'est propre à faire ces choses, achapte la noblesse à beaux deniers comptans: car elle est à vendre aussi bien,

S'il n'est pecunieux, qu'il se mette à complaire & flatter les Rois & Princes, & dise tousiours ouy, ou se pousse par quelqu'autre meschanceté & fraude de Courtisan, qu'il serue de curretier & porte-message aux principales putains de la Cour, ou prostitué sa femme ou ses filles à quelque Prince, ou luy mesme trouue moyen de seruir de sa personne aux appetits des Dames, ou espouse quelque putain Royale, ou leurs bastardes. Voila le souverain degré de Noblesse: car par ce moyen l'on est incorporé en icelle. Ce sont là les voyes, les eschelles, les degrez les plus abregez & aisez pour y paruenir: mais ceux qui sont plus genereux que les autres, & en leur rang veulent apparostre plus nobles que les autres, se vantent d'estre descendus de certains progeniteurs qui seroient contemptibles à vn chacun, s'ils estoient viuans, à sçauoir d'hommes d'estrange pays, fugitifs & vagabonds, sans feu ny lieu, comme l'on dit, comme des Troyens ou Macedoniens, ou de quelques autres meschants garnements, couverts de vices & de crimes: & si faut nonob-

stant tout cela louer & magnifier leur noblesse coulante de si mauuaise source. Plusieurs estans issus de meres pail-lardes, courent la honte de leurs rac-es par des fables, ainsi que nous lisons de Melusine. Tant & plus se sont an-noblis par incestes, raiuissemens, adulte-res, & semblables moyens, comme Bal-duin, qui fut le premier Compte de Flandres, pour auoir rauy Iudith, fille de Charles le Chauue. Les Marquis de Montferrat, de Salusses, & de Ceue en Piedmont institués par l'Empereur Otho au moyen du raiuissement de sa fille. Car c'est la façon des Rois & des Empereurs de couvrir les iniures qu'on leur fait par quelque benefice, & les colorer de gloire & d'honneur par dignités, quand ils ne les peuuent vanger sans se mettre en danger d'accroistre leur honte. Or y a il quatre poincts principaux en la noblesse, esquels gist leur souueraine felicité. Premièrement la rapacité par laquelle contre le droit & equité ils prennent & possèdent tout ce qu'ils peuuent, la volupté en second lieu qui les pousse à faire des insolences, & s'addonner à toute pail-

lardise & excez. Pour le tiers vne liberté qui leur donne cœur & courage de fouler les loix aux pieds, & vser de toute violence selon qu'il leur plaist, & pour le dernier l'ambition par laquelle ils s'enflent & enorgueillissent outre leur portée, & aspirent tousiours à choses plus hautes par tous moyens illicites & mauuais. Le Gentilhomme lors s'appellera accompli s'il est bon chasseur, s'il est bien appris en toute piperie, & expert en tout ieu de hazard, s'il se monstre fort robuste à boire grands traicts, ou à paillarder excessiuelement: s'il est grand despensier, pompeux, & addonné à toute superfluité & intemperance, ennemy iuré de vertu, & qu'il aye oublié du tout qu'il soit nay & qu'il luy faille mourir. Et seront encore estimés plus nobles si ces qualitez leur viennent de pere en fils, & qu'ils puissent dire qu'ils les tiennent de tels & tels grands autheurs.

Si le vieillard aux dez s'égaye, l'heritier

Bien touffu ne vouldra apprendre autre mestier.

Telles sont donques les grandes & remarquables vertus des Gentilshommes.

Mais outre icelles ils ont certains autres artifices de gentillesse, par lesquels, ores qu'ils soient les plus nuisans de tous les humains, ils font en sorte qu'on les tient pour les plus gens de bien & mieux doués de prudence, liberalité, pieté, iustice, tant se monstrent-ils doux, benigns, affables, & enrichis de toute apparence de vertu. Ils ont des paroles sucrées, plus douces qu'huyle, mais cependant elles sont comme glaiues tranchans. Ils festoyent vn chacun à leur table, parlent de toutes choses, & discourent en toute liberté de la Republique, & rēcueillans les opinions des vns & des autres s'en parent, & font honneur aux conseils des Rois, & des Princes, & en acquierent bruit & reputation de sagesse & prudence, & font si bien que de leur auarice leur reuiet vn renom de liberalité, rauissans aux vns pour donner aux autres: pilleurs liberaux, prenans plaisir d'enrichir l'vn en appauvrissant l'autre, ainsi que l'on dit de Sylla: & entre ces rapines estans neantmoins tousiours souffreteux & en necessité. Ils entreprennent volontiers les querelles des pauvres contre

les riches, faisans semblant d'estre es-
meus d'affection religieuse, mais à la ve-
rité c'est pour faire leur profit, & ne se
monstrent secourables aux affligez, sin-
tant qu'il y a à puiser dans les bourses
de leurs gras & opulents aduersaires.
Car ce n'est pas pitié ny bonne volonté
qu'ils ont d'aider aux pauvres qui les
meine, mais desir de nuire aux riches,
ce qu'ils scauent beaucoup mieux faire
que profiter à personne. Et sous ce
pretexte de iustice & de pieté bien sou-
uent ils passent si avant en audacieuse
licence qu'ils entreprennent de faire
publiquement la guerre aux grandes
villes, & font des excez irremissibles
aux autres selon les loix: desquels neant-
moins eux sous le rempart de noblesse
acquierent honneur & leüange, & à
l'exemple des anciens geants se glori-
fient en leurs pechez: & d'autant qu'ils
n'ont rien plus à cœur que de nuire,
ainsi que les esprits malings, ils estiment
que lors on leur est bien tenu, comme
s'ils auoient fait vn grand benefice,
quand ils se sont abstenus de mal faire,
tendans à se rendre redoutables à tous,
& à n'estre aymez d'aucun, prenans

party avec tous les plus meschans, pillans & rançonans ceux qui se retirent à eux, & se mettent en leur protection. En somme il n'y a especes d'hommes plus pestilertieux aux villes que ces nobles, lesquels n'aymans qu'eux mesmes, comme s'ils estoient de meilleur sang que les autres, sont perpetuellement enflés d'orgueil. D'iceux donna iadis vn bon conseil Aristophanes, disant qu'il ne falloit point nourrir des lions aux villes : car quand l'on y en nourrit il leur faut complaire. Par les tyrannies d'iceux les Suisses ayans esté long temps greuez tuerent tous les Gentilshommes, & nettoyerent de leur race leur pays. Par cette memorable execution, ils acquirent grande renommée de vertu, & se mirent en liberté, de laquelle ils ont iouy passé sont plus de quatre cens ans, se maintiennent heureusement, & n'ont rien plus odieux entr'eux que la noblesse. Autrefois il n'y auoit aucuns hommes qui fussent plus au gré du peuple, ny qui fussent estimez dignes d'estre plus amplement guerdonnez, que ceux qui se hazardoient de tuer les tyrans & leurs offi

iers & ministres, voire leurs enfans & autres de leur sang, ores qu'ils ne fussent coupables ny participans de leurs meschancetez. Mesmes les Iuriconsultes sont de cette opinion, qu'il est quelquefois necessaire que les innocens meurent, si le bien & vtilité publique en reçoit quelque grand aduantage, à ce qu'on auoit d'estre asseuré que le tyran & sa posterité estaincte vne nouvelle tyrannie ne puisse repulluler ny ressouffrir. Ainsi en vserent les Grecs à l'endroit d'Asryanax fils d'Hector pour oster toute occasion de reuenir derechef à la guerre. Nous pouuons lire & feuilleter les Historiens du temps passé, comme T. Liue, Iosephe, Egesippe, Q. Curce, Suetone, Tacite, Serene, Tranquille, & les autres, & il nous apperra que de tout temps il a esté permis de dresser embusches aux tyrans, & les decevoir, & estimé tres honorable de les occire, voire les empoisonner, ainsi qu'il fut fait à l'endroit de Tybere troisieme Empereur apres Jules Cesar, le venim duquel il fut estaint ayant esté estimé salutaire, & auoit donné la vie au monde, encor que tout em-

poisonnement aye esté tousiours de
testable. Les saintes lettres ne re
prouuent point l'exécution faite con
tre Holophernes, ny celles contr
Eglon & Sisara, que Iudith, Ayoth, &
Iahel tuerent : mesme Dieu a permis
de se soustraire du ioug des tyrans occi
cis pour leurs meschancetez : & y void
on tous ceux, par l'œuvre desquels le
peuple a esté deliuré de l'affliction des
tyrans, estre honorez par les saintes
histoires d'iltre de ministres & serui
teurs de Dieu. Or est il à noter que
la noblesse n'est point tant mauuaise
par usage & accoustumance, qu'elle
l'est de nature : ce qui nous est montré
clairement par les autres animaux : car
tant entre les oyseaux que les bestes à
quatre pieds ceux ont la prerogatiue
de noblesse qui sont les plus domma
geables & dangereux, voire mortels
aux autres animaux, & principalement
aux hommes, ainsi que les aigles, les vau
tours, faucons, espreniers, & autres oi
seaux de proye : les corbeaux, les mi
lans, les austruches, les fabuleuses har
pies, les grifons, les syrenes, & sem
blables monstres : pareillement les ty-

res, les lyons, loups, leopards, ours, angliers, dragons, serpens, crapaux. Entre les arbres peu sont consacrez & dediez aux dieux, & en honneur de noblesse, sinon ceux qui sont steriles, ou le fruit desquels n'est d'aucun vsage à l'homme pour viure, comme sont les chesnes, les hestres ou fayars, le laurier, le meurte. Entre les pierres les marbres, ny celles qui seruent à bastir, ny à moulin ne sont point les plus prisées, mais autres qui ne seruent à rien, & ne portent vtilité aucune à l'homme, sont estimées nobles. Pareillement l'argent tres-pernicieux, & l'or plus que le fer nuisant, sont les plus dignes & plus nobles des metaux, pour lesquels il faut tant esmouvoir de tumultes & de guerres, faire tant de meurtres, & respandre tant de sang humain.

Des Herauts. CHAP. LXXXI.

A Cause de la noblesse a esté estably l'art & l'exercice des Herauts, qui est vne philosophie fort occupée à censurer, assigner, iuger, & discerner, ou blasonner, comme ils appel-

lent, les escus & armoiries des Gentils
hommes : Esquelles il n'est pas conue-
nable ny licite de voir vne iument, v-
veau, brebis, agneau, chappon, poull-
oye, ny autre animal peint de ceux
qui seruent en quelque façon, ou sont
nécessaires à la vie de l'homme : mais
faut que les marques & enseignes de
la noblesse d'un chacun tiennent de quel-
que beste cruelle & ravissante. Ainsi les
Romains portoient l'aigle le plus ra-
uissant de tous les oyseaux. Les Phry-
giens le porc, animal qui ne fait que
dommage. Les Thraces la mort. Les
anciens Goths vne ourse. Les Alains
ennahissant l'Espagne portoient en
leurs deuises vn chat, beste larronneuse
& frauduleuse. Les vieux François
auoient vn lyon, comme aussi por-
toient les Saxons : mais s'estans depuis
les François installez és Gaules ils prin-
drent le crapaut, & les Saxons le cheual,
qui est animal guerrier. Les Cimbres
auoient vn taureau, enseigne de force.
Le blason d'Antiochus estoit vn aigle
portant vn dragon entre ses griffes.
Celuy de Pompée vn lyon tenant vne
espée. Attila portoit vne austruche

couronnée. Mais les Romains, qui
auoyent receu vn si grand bien des oyes
que de sauuer par leur vigilance le Ca-
pitole d'estre prins par les Gaulois, ia-
mais ne sceurent pourtant estre induits
à porter oyes. pour deuise en leurs en-
seignes. Il peut estre qu'aucuns por-
tent des coqs & des boucs en leurs ar-
moiries, aussi sont ce animaux super-
bes & luxurieux, qui sont des princi-
pales vertus de Gentillesse, & par mes-
me raison y est receu le paon, à cause
de l'orgueil, & la huppe pour autant
qu'elle a quelque enseigne Royale en
sa creste, & semble porter couronne:
& n'est point derogé à noblesse pour-
tant si cét oyseau fait son nid dans la
fiente: car aussi bien Vespasien prenoit
gabelle sur les pisseurs, disant que le pro-
fit qui luy en reuenoit ne sentoit point
mal. Il se trouue aussi quelques pe-
tits animaux, qui sont admis és escuf-
sons & y ont credit & reputation,
pourueu toutesfois qu'ils ayent quel-
que chose de nuisible, ou denotent
quelque mort & ruine autrement on ne
s'en sert point. De ce nombre sont les
connils, les taupes, les grenouilles, les

locustes, les rats, couleuvres, scolopendres, par lesquelles bestes, ainsi que dit Pline, ont esté quelquesfois les peuples plus molestez & dechassez, & les villes gastees & ruinees. Nous pourrions par mesme raison leur accorder volontiers de porter des mouches, des coufins, & punaises, & s'ils veulent encores des rongnes & vlcères, des conffes & des pestes: car par ces choses a esté iadis l'Egypte flagellée du temps de Moysé, avec ce que c'est aujourdhuy vn signe de vraye noblesse que d'estre bien garny de rongne & de grosse verolle. Autres portent des espees, des poignards, haches, machines, tours, fortetesses, feux, & tous autres instrumens & artifices meurtriers & destructeurs dans les escussions. Les foudres aux Scythes, les arcs & carquois aux Perses, & les roües aux Coralles furent pour deuises & blasons. Les dieux aussi auoient les leurs: comme Iupiter le foudre, Neptune le trident, Mars la lance, Bacchus le thytse, Hercules la massüe, & Saturne la faux. Ainsi ces enseignes & deuises de noblesse choisies par vn chacun selon les inclinations à cruauté, rapine,

pine, violence, force, temerité, & autres dons & qualitez de noblesse, en signe & tesmoignage d'icelles sont blasonnees par les herauts, censurees & iugées les vnes plus, les autres moins nobles. Mais les escus qui ne portent blasons de la sorte dessusdite, ains sont remplis de quelque chose plus privée & plus douce & paisible signification, comme d'arbres, de fleurs, estoiles, & choses semblables, ou portent vn caducee de Mercure, vne harpe d'Apollo, ou sont partis de couleurs seulement, sont estimez nouveaux & beaucoup moins nobles que les autres susmentionnez : pource qu'ils ne sont remarquables d'aucune devise de force & vaillance guerriere, ou d'auoir esté acquis par aucune effusion de sang, mort, ou ruine. Et c'est merueilles quelle sagesse ces maistres Herauts avec leurs corttes d'armes, astrologuent, philosophent voire theologisent là dessus. Ils vous attribuent le noir ou sable à Saturne, & partant signifie perseuerance, taciturnité, & patience. L'azur ou bleu de saphir, foy, ou bien, selon l'interpretation des François, ialousie, & l'as-

A a

signent à Iupiter. Le rouge, ou de gueules, ainsi qu'ils blasonnent, est marque d'ire & vengeance, à cause qu'il appartient à Mars le furieux. L'or iaune dedié au Soleil à cause du prix de son metal, & de la lueur tres-claire du Soleil, denote ioye & desir. Venus est sur le pourpre & sur le verd ou sinople: le pourpre de couleur de rose signifie selon eux amour fauorable, mais les François disent que c'est signe de finesse & trahison, & le vert sans contrarieté est marque d'esperance, pource que des champs verdoyans l'on espere cueillir le fruct. La couleur blanche ou l'argent est attribuée à Venus, lequel estant pur & simple, mais propre à receuoir toute mixtion, signifie pureté, simplicité, propriété, ou conuenance. Toutes les autres couleurs messées sont adiu-gées à Mercure, lequel estant vagabond & diuers exprime par icelles aussi le cœur variable. Car le cendré approchant du noir denote angustie & difficulté. L'incarnat comme de sang reposé, douleur cachée au profond du cœur ou pensée sectette. Le paillé clair ou obscur ainsi que des fucilles tomban-

tes, deſeſpoir ou ſoupçon. Ce ſeroit
vne longue legende ſi l'on vouloit met-
tre par eſcrit toutes les chanſons qu'ils
nous diſent, & tout ce qu'ils ſongent
& tirent à leurs blaſons & interpreta-
tions des humeurs & complexions, &
des ſaiſons de l'année, des mois & des
iours, des angles du monde, & des vents,
des ſignes & planètes, des arbres, pier-
res, & des plantes, voire des Sacremens
& myſteres de l'Egliſe, comme ils veu-
lent faire ſervir toute l'Apocalypſe à
leurs fables.

Voila ſommairement cette heroïque
Philoſophie de ces Heroës Heraults:
Dont ie ceſſerois de plus dire, n'e-
ſtoit qu'il m'eſt ſouvenu d'auoir paſ-
ſé ſans parler de l'origine des He-
raults, laquelle ie mettray icy pour ac-
ceſſoire à ce propos. Eneas Syluius dit,
que le nom de Herault vient de Heros.
Or eſtoient Heroës vieuxs genſd'armes,
auſquels ſeuls il appartient d'eſtre He-
raults: & de vray c'eſt la ſignification
propre du vocable Allemand *Herald*,
qu'un vieux ſoldat ou homme de guer-
re. Toutesſois certains hommes de
baſſe condition, & meſſagers de paix

A a ij

ou denonciateurs de guerre, sont pour-
ueus de ces estats aujourdhuy. Les pri-
uileges des Herauts, & leurs charges &
offices dès les plus anciens siecles durent
encore à present. Leur premier auteur
fut le pere liber, lequel ayant subiugué
les Indes les establit & installa en estat
& charge par telles paroles, le vous ab-
sout desormais de la guerre & de tous
travaux, & veulx que vous soyez appel-
lez vieux gensdarmes & Heroës. L'estat
& office que vous auez à exercer sera
de donner conseil à la Republique, re-
prendre les delinquans, & louer les bien-
versans: & n'aurez autre soin ny charge.
Quelque part du monde que vous vous
transportiez, les Rois & Princes vous
eslargiront viures & vestemens, & se-
rez entre tous des plus honorables. Les
Princes vous feront des presens, &
vous donneront de leurs habillemens,
à vos patoles sera foy adioustée, par-
tant auez le mensonge en horreur, &
condamnerez les traistres: ceux qui
outrageront les femmes seront par
vous declarez infames: vous serez li-
bres par tout le monde, & auez assen-
ré passage & habitation en tout pays.

Si quelqu'un de faict ou de parole vous offense, ou ceux qui vous appartiennent, il mourra de glaive. A ces privileges heroïques long temps apres fut adiousté par Alexandre le grand qu'ils useroient en leurs habillements de l'or & du pourpre ou escarlatte, & porteroient des manteaux Imperiaux & des armoiries, marques, & enseignes Royales en quelque part de la terre qu'ils fussent : & s'ils estoient frappez ou outragez par quelqu'un de faict ou de parole, il y auoit peine de confiscation de biens & de mort. Ainsi dit Eneas Syluius que Thyucidide, Herodote, Didyme & Megaston l'ont escrit. Pour la troisieme fois Octavian Auguste apres auoir establie & ordonnée la Monarchie Romaine les honora de cette loy, **Q**uiconque tu sois qui as porté les armes à nostre suite l'espace de dix ans, soit à cheual soit à pied, pourueu que tu ayes atteint l'aage de quarante ans, tu seras exempt de là en avant d'aller à la guerre, & seras dit Heroë & vieil gendarme : nul ne te donnera embeleschement, ains seras receu és villes, és places, és temples, maisons, & logis:

nul ne t'imposera crime, charge, ny tribut. Si tu commets quelque forfait attens la vengeance & chastiment de Cesar seul. Si quelqu'un fait acte qui soit deshonneste, tu feras celuy qui le iugera ou accusera, & pour tel seras reueré par les Princes ou personnes prinées: nul ne t'arguera de mensonge ou fausseté en ce que tu diras ou feras: tous les chemins, lieux, & places te seront libres & ouverts: tu auras ton viure aux tables des Princes, & te seront assignées pensions annuelles pour ton entretenement des deniers publics. La femme que tu auras legitime-ment espousée precedera les autres. L'homme que tu auras reprouué & déclaré infame, sera pour tel tenu & estimé. Il t'est permis, ô Heroë, de porter nom, armes, blason, & ornements conuenables aux Roys: & t'est licite, quelque part où entre, quelque nation où tu sois, de faire & dire tout ce qu'il te plaira. Si quelqu'un te fait iniure, fa teste l'amendera. Finalement Charlemagne, estant le nom de l'Empire transporté en Allemagne, & apres qu'il eut subiugué les Saxons & Lombards,

estant appellé Cesar & Auguste, hono-
ra les Heroës des priuileges suiuanz:
Mes gensdarmes, vous ferez appeller par
cy apres Heroës, compagnons des Rois,
& Iuges des forfaits. Vinez desormais
exempts de travail, seruez de conseil
aux Rois pour la Republique, corrigez
les faits deshonestes, portez aide &
faueur aux femmes & aux pupilles, &
assistez au conseil des Princez, deman-
dez leur viures, vestemens, gages, &
pensions. Si quelqu'un le vous refuse,
qu'il soit estimé infame. Si quelqu'un
vous fait outrage, qu'il sçache d'estre
coupable enuers la Maiesté. De vostre
part gardez qu'un si grand honneur &
si beau priuilege acquis par les travaux
d'une iuste guerre, ne soit souillé
par yrongeries, bastelleries, ou autre
vice quelconque, de peur que ce que
nous vous octroyons pour vous hono-
rer, ne vous redonde à honte & cha-
stiment, lequel neantmoins en cas de
forfaicture nous reseruons à nous & à
nos successeurs Roys des Romains.
Voila doncques quelle est la magnifi-
cence des Heraults, & quelles sont leurs
prerogatiues anciennes, selon les cou-

Aa iiij

stumes de tous temps, par lesquelles ils s'estiment grands, leur estant permis de mesdire mesme des plus grands librement & sans crainte de peine.

De la Medecine en general.

C H A P. LXXXII.



A i s laissons la gendarmerie & la noblesse, traitons de la Medecine, qui est pareillement un art de meurtres & d'homicides, & totalement mechanique, encore qu'elle presume de passer sous le tiltre de la Philosophie, qu'elle se vueille hauffer par dessus la Iurisprudence, & brigue le prochain degre à la Theologie, d'où s'est esmeuë grand' noise entre les Medecins & Iuriconsultes. L'argument des Medecins est tel : Comme ainsi soit qu'il y aye trois sortes de biens consecutifs & par ordre, à sçauoir de l'esprit, du corps, & ceux que l'on attribue à Fortune : le Theologien à soing & cure des premiers, le Medecin des seconds, & le Iuriconsulte des troisiemes,

mes : parquoy le rang du milieu appartient au Medecin sur le Iuriconsulte, entrant que la santé & bonne disposition du corps est à preferer aux richesses & biens externes. Mais ce procès fut vuidé par vn certain Iuge par interrogation des parties & sur leur response : car il leur demanda quelle estoit la coutume de mener les delinquans au supplice, & en quel ordre marchaient le larron & le bourreau. Eux respondans que le larron alloit deuant, & que le bourreau suiuit : il fonda là dessus sa sentence, & dit que les Legistes donques precedent, & les Medecins suivent, voulant noter les grands larcins des vns, & les temeraires homicides des autres. Mais reuenons à la Medecine. Il y a quelques heresies ou sectes diuerses d'icelle : car vne espece de Medecine est appellee rationale ou sophistique ou dogmatique, suiue par Hippocrates, Diocles, Chrisippe, Caristin, Praxagoras, & Hierosistrate, laquelle Galien venu long-temps apres eux a approuuee, & luy sur tous autres en suiuant Hippocrates a reduite la Medecine en la cognoissance des causes,

A a v

à ſçauoir bien remarquer les ſignes, les
qualités des choſes, & l'habitude &
diuerſe complexion, eſtat, & diſpoſi-
tion des corps, & les degrez. Mais
pour autant que cette ſecte ſ'amuſe plus
apres les vocables & paroles qu'aux
choſes meſmes, encor qu'il fale confeſ-
ſer que c'eſt vne des meilleures parties
de la naturelle Philoſophie, eſt neant-
moins mal propre à la medecine, &
poſſible pernicieuſe, attendu qu'elle
renuoye les hommes qui ont beſoin
de ſanté à certaines diſputes ambiguës
& ſophiſteries pluſtoſt qu'aux vrais &
ſalutaires remedes, par leſquels les ma-
lades peuvent eſtre gueris, & ſ'addon-
nant du tout aux diſputes des eſcholes,
ne ſçait que c'eſt des bois, des deſerts,
ny des iardins, & n'a aucune connoiſſan-
ce ou pratique des ſimples ny de la
Medecine. Parquoy Serapion a con-
feſſé que cette eſpece de Medecine
n'eſt celle qui donne les remedes ou
guerison des maux. Il y en a puis vne
autre faction, qui eſt du tout mechani-
que & mercenaire, laquelle a donné le
nom à l'art des Medecins, & le retient
encor aujourd'huy : c'eſt l'actiue ou

operatrice, laquelle est diuisee en deux autres especes, à sçauoir l'Empirique & Methodique, & de cette-cy sera nostre propos. L'Empirique est ainsi appelée à raison des experiences, dont les principaux Professeurs ont esté Serapion, Heraclides, & les deux Apollonins, qui depuis furent ensuiuis par quelques Latins, comme M. Cato, C. Valgius, Pomp. Letus, Cassius Felix, Arontius, Cornelius Celsus, Pline, & plusieurs autres: & de ceste Empirique a esté construite puis apres la Methodique par Hierophile Carcedonien, reduisant à certaines reigles la longue & souuent reiteree experience qui est la maistresse des choses: & consecutiuellement icelles reigles ont esté establies & confirmees par bonnes & fortes preuues de raisons & arguments par Asclepiades, Temision, & Archigenes. Mais Theophile Italien la reduist à perfection, lequel, ainsi que Varro raconte, cassa toutes les opinions de ceux qui auoient esté deuant luy, & poussé d'un appetit enragé, dit tout ce qu'on sçauroit dire contre les Medecins des siecles precedents. Apres ceux-là plus

Aa vj

Siieurs Philosophes barbares des autres nations ont escrit de la Medecine : entre lesquels la gloire des Arabes a esté si grande , que plusieurs ont estimé qu'ils auoient esté inuenteurs d'icelle, ce qu'ils eussent facilement peu obtenir , n'estoit que les noms & vocables dont ils ont vsé, tirés des Grecs & des Latins monstrent que de fait l'origine de cet art est d'ailleurs. Parquoy les Liures d'Auicenne , Rhasis , & Auerrois sont en mesme auctorité que ceux d'Hippocrates & Galien , & ont acquis telle foy que les Medecins qui presument donner des remedes sans la guide d'iceux sont estimés publiques destructeurs de la santé des hommes. Or combien que les sectes & factions des Medecins soient peu en nombre, si est-ce qu'il y a aussi grande contrarieté d'opinions entre eux qu'entre les Philosophes. Comme en ce qu'ils debattent du sperme ou semence generatiue avec leurs raisons sottises & argumens de vieilles : car Pythagoras disoit que c'estoit l'escume du sang le plus pur , & l'excrement de la plus pure & vtile nourriture. Plato que c'est vne humeur coulante de l'espine

du dos & de la moëlle d'icelle, pour
autant qu'à ceux qui vsent trop souuent
de la compagnie des femmes le dos &
les reins deulent. Alcmeon que c'est
vne portion de la ceruelle, pource aussi
que les yeux font mal à ceux qui sont
excessifs en cet acte, attendu que l'œil
est partie du cerueau. Democrite dit
qu'elle procede de toutes les parties
du corps humain, & Epicurus qu'elle
est esprainte du coprs & de l'ame. Mais
Aristote enseigne que c'est l'excrement
du sang nourrissant, & de la derniere
digestion d'iceluy par les membres.
Les autres ont opinion que c'est du
sang cuit & blanchi dans les genitoires
par la chaleur d'iceux, fondez sur cette
seule raison, que ceux qui sont trop as-
pres à l'œuure de Venus au lieu de se-
mence iettent gouttes de sang pur. En
outre Aristote & Democrite afferment
que la semence de la femme ne sert de
rien à la generation, & nient qu'elles
ayent germe aucun, ains seulement iet-
tent vne certaine sueur peculiere:
Mais Gallien soustient que les femmes
iettent semence, imparfaicte toutes-
fois, & que tant celle de la femme que

celle de l'homme ensemble forment
le fruit. Au surplus Aristote veut que
les corps des animaux soyent engen-
drés proprement de sang, & d'iceluy
immédiatement nourris, & que le sper-
me a sa generation du sang. Or Hippo-
crates au contraire dit que les corps
des animaux sont premierement as-
semblez & comme caillez des quatre
humeurs, & entre les Arabes plusieurs
ont eu opinion que les animaux qu'on
appelle parfaits, peuvent estre engen-
drez sans l'accouplement & mixtion du
masle & de la femelle, & produit sans
semence, & partant croyoient que les
matrices ne sont necessaires sinon par
accident. Quant aux causes originelles
des maladies, Hippocrates dit qu'elles
procedent de ventositez, ou d'esprit ou
chaleur naturelle. Hierophile des hu-
meurs. Erasistratus du sang contenu es
arteres. Asclepiades des atomes, &
songe que ces petits corps entrent dans
ceux des animaux par les pores, & cau-
sent les infirmittez. Alcmeon dit qu'el-
les viennent de l'excez ou defaut des
forces & facultés corporelles. Diocles
de l'inegalité des éléments corporels

& de l'air humé & respiré. Strato pense que toutes les maladies sont engendrees par superfluitez des viandes, cruditez & corruption d'icelles seulement. Ils ne sont non plus d'accord du changement de la viande. Car Hippocrates, Gallien, & Auicenne afferment que ce que nous mangeons se cuit en l'estomach par la chaleur. Erasistrate dit que cela se faict au ventre. Plistonius & Praxagoras disent qu'elle ne se cuit pas tant seulement, mais qu'elle s'y pourrit. Et Auicenne avec ses exposeurs Gentil & Jacques de Forli ont opinion que l'excrement & fiente se faict dans l'estomach, en quoy ils errent grandement. Mais Asclepiades & ses imitateurs soustiennent que les viandes ne sont point cuites en l'estomach, mais qu'il les distribuë par toutes les parties du corps toutes cruës, lesquels tiennent pour superfluës & vaines, toutes les opinions & enseignements de leurs deuanciers. Je passe les iugements par les vrines mal congnus iusques à present par eux, & les differences des poulx qu'ils n'ont encores sceu comprendre. Hippocrates mesme, qui est

reputé pour Dieu de la medecine entre eux, n'a point tant contredit aux autres, que lourdement failli en plusieurs endroits. Car au liure de la nature de l'enfant il dit que l'oiseau est engendré du iaine de l'œuf, & qu'il se nourrit, renforce, & prend accroissement du blanc. Ce qu'Aristote preuue estre faux au liure des animaux, & en celuy de la generation d'iceux, disputant contre Alcmeon, qui estoit de l'opinion d'Hippocrates, & conclud que l'origine du poulet est au blanc, & qu'il se nourrit par le nombril du iaine de l'œuf, à quoy s'accorde Plinè disant, L'animal prend la forme de son corps par le blanc & glaire de l'œuf, & sa nourriture du iaine ou moyen d'iceluy. N'y a il pas euidente fausseté en l'aphorisme d'Hippocrates qui dit que la femme n'est point molestée de gouttes, sinon apres que ses mois luy ont defailli? car l'on void au contraire beaucoup de femmes gouteuses qui ne laissent d'auoir leurs purgations menstrues.

De la Medecine operatrice.

CHAP. LXXXIII.



R TOVTE la medecine operatrice n'est bastie sur autre fondement que des experiences fautives & tromperelles, ny appuyee ou fortifiee que sur vne debile credulité des malades, & n'est moins venimeuse que salutaire, de sorte que bien souvent & presque tousiours il y a plus de danger des remedes & du Medecin, que des maladies mesmes : ce que les Princes de l'art ne font difficulté de confesser librement eux mesmes. L'art est longue, dit Hippocrates, & l'experience tromperelle : & Avicenne, qui dit que la foy & l'esperance du malade enuers le Medecin & la medecine luy profitent souvent plus que ne font ny le Medecin ny la medecine. Gallien aussi dit qu'il est bien difficile de trouuer vn medicament qui porte grand profit, lequel ne donne aussi nuisance en quelque sorte. Quelque autre de leur troupe dit pareille;

ment, que la cognoissance de la Medecine est à la verité belle & delectable comme de tout autre sçauoir, reduit en reigles & att: mais que l'operation d'icelle est casuelle & à l'aduenture. Que les malades doncques considerent l'heur qu'ils ont en cet endroit par la Medecine, & quelle foy ils doiuent adiouster aux experiences & aux cas fortuits. Mais il y a tant de douceur à bien esperer pour foy mesme (dit Platon) & y trouue vn chacun tel appetit, que l'on croit aussi tost à quiconque se vante d'estre Medecin, nonobstant que le mensonge en ce regard soit dangereux plus que chose du monde. C'est pour autant que bien souuent l'on cherche santé là où la mort est cachée, & que le Medecin ne prend credit ny reputation sinon que par le bon rapport qu'en fait l'Apothicaire participant au butin, les garçons & seruiteurs duquel, corrompus moyennant quelque piece d'argent, ainsi que maquereaux seruent à cette tragedie, loüant & extollant au pauvre malade par dessus tous les autres le Medecin, avec lequel ils s'entendent. Ce qui donne aussi grand renom à vn

Medecin, est de se monstrier vestu d'une ample & pompeuse robbe, avec force gros hyacintes aux doigts, & s'il est venu de lointain pays, ou qu'il soit Juif, ou Marran, ou d'autre Religion estrange, & avec ce pournu d'une audace effrontée de mentir assurement, & se vanter d'avoir des remedes rares & singuliers: cela, dis ie, luy donne grande authorité, le rend recommandable au possible, & fait qu'un chacun luy adiouste foy, comme aussi celuy sera tenu pour sçavant que l'on verra obstiné en ses opinions, & avoir tousiours en la bouche quelques mots à demy Grecs & à demy Barbares, & nommer souvent plusieurs de leurs auteurs. Ainsi preparez & garnis se iettent en place avec une gravité comme de plomb, mais audacieux plus que gensdarmes; & pratiquent la Medecine en telle hypocrisie: Premièrement ils visitent le malade, regardent l'urine, tastent le pouls, veulent voir la langue, manient les costez, remuent les excrements, s'enquerans de la maniere de viure, & d'autres choses plus secretes, & comme si par ces mines ils pesoient les ele-

ments & les humeurs ainsi qu'en vn
balance, ils causent là dessus magnifi-
quement. Apres avec grande parac-
ils ordonnent les medicaments, recipi-
des pillules, faites ouvrir la veine, pre-
nez des clysteres, des pessaires, onctions
cataplasmes, loochs, masticatoires, gâ-
garismes, sachets, parfums, condits, sy-
rops, eaux, antidotes, & confection
theriacales. Et si la maladie est aucune-
ment legere & le malade delicat, ils in-
uenteront des mignardises, & com-
manderont avec grande maistrise tou-
tes choses qu'ils penseront estre plai-
santes & agreables aux femmes ou
aux hommes effeminez : ils feront faire
des lits branslans & suspendus en l'air,
ou vne fontaine faisant distiller de l'eau
goutte à goutte dans vn bassin pour
l'inviter à sommeil : ils luy feront vser
de frottements, estuëments, fomen-
tations, ventoses, ou cornets pour di-
minuer & disgreger le mal, ils le remet-
tront & conforteront par bains & par
l'usage des plus delicates viandes, luy
feront changer d'air, & afin de se rendre
plus admirables, & d'acquérir plus de
credit & d'autorité, ils observeront les

meures, vseront de liaisons & suspensions
physiques, & ne donneront potion
ny remede sinon par les Ephemeris-
les, reigles, & limitations mathema-
tiques. En outre ils voudront maistrer
les Apothicaires, feront apporter
levant eux les drogues, les voudront
voir dispenser, faisans semblant de co-
noistre celles qui sont meilleures,
nonobstant que le plus souvent ils n'y
entendent rien du tout, & ne scauroient
voir connu les vrayes d'avec les fal-
sifiees & sophistiquées, n'estans scauans
que des noms & vocables, ignorans to-
talement les choses. Mais si le malade
est riche ou personne de grande autho-
rité, alors ils essayent de prolonger la
maladie tant qu'ils peuvent pour le
profit qu'ils en pensent tirer, & pour
la renommee qu'ils esperent en acque-
rir: & ores qu'ils puissent remedier à
son mal par vn seul medicament, ils ne
veulent restituer que peu à peu, &
bien souvent de propos deliberé irri-
teront le mal en sorte, qu'auant que ve-
nir aux vrais & necessaires remedes ils
mettront le malade en extreme danger
de perdre la vie, afin que s'il en eschap-

pe l'on d'ise qu'ils ont fait vne excellente
lente cure, l'ont deliuré d'une tresgriev
ue & dangereuse maladie. Et s'il aduient
que quelqu'un tombe entre leurs mains
detenu de maladie difficile & dangereu
reuse, & qu'ils iugent l'euenement d'
celle douteux, voicy les stratagem
dont ils vsent: ils viennent avec un vi
sage austere & refroigné, ordonnent &
limittent la maniere des viandes, veu
lent que l'on vse de choses non accoustu
stumees, defendent les ordinaires, ne
trouuent bon rien de ce que l'on fait au
malade, reiettent ce qu'on luy present
te, le menassent de mort, promettent
toutesfois de le guerir, mais deman
dent grands salaires. S'ils doutent de la
fin de la maladie, ils demandent des
compagnons, & veulent consulter afin
de proceder aux remedes en plus gran
de assurance, ou plustost, afin de tuer
le patient plus cautelement & avec moins
de blasme, de peur que quelque autre
estant appellé qui le guerisse seul, eux
perdent leur gaing, leur renommée, &
louange. S'il suruiuent au malade quel
que accident, ou que inopinément il
le tuent par lourde ignorance, ils s'ex-

accuseront sur vne fluxion ou catharre
ou l'aura suffoqué, ou autre telle dan-
gereuse, soudaine, & irremediable ad-
venture, accuseront le malade de n'a-
voir voulu obeyr au Medecin, & ceux
qui le seruoient de negligence, ou les
autres Medecins appelez, ou bien reie-
teront la faute sur l'Apothicaire, & par
ce moyen font en sorte qu'aucun
malade ne meurt que par sa propre
coulpe, & que nul ne guerit que par
l'œuvre & benefice du Medecin. Or
vous sera il aisé à prouuer que les Mede-
cins sont la pluspart mauuais par le pro-
pre tesmoignage d'iceux. Pierre d'Ap-
ollon, dit le cōciliateur, escrit que l'art de
medecine est attribué à Mars, qui est le
plus odieux de tous les planettes, au-
teur de toute ingratitude, debat, & ini-
quitez, & maistre de la guerre & des
armes: Partant que les Medecins sont
plus souuent gents de mauuaises
consciences, tant à cause de l'influxion de
Mars & du Scorpion, que pour autant
qu'ils sont extraicts, dit-il, d'une sou-
che vile & infructueuse: & puis apres
estans engraissez ils s'enflent d'orgueil
& deuiennent iniurieux. C'est le rap-

port de cestuy là possible fondé sur l'exemple d'Esculapius, que l'on dit auoir esté le premier inuenteur de la medecine, engendré de l'entendement de Iupiter, & introduit au monde & en terre par la voye du Soleil, ainsi que racontent les anciennes fables. Mais Celsus dit qu'il estoit homme, lequel fut canonisé & mis au nombre des Dieux apres sa mort. Plusieurs autres afferment que c'estoit vn fils de putain incestueusement nay d'une certaine femme nommée Coronis, belle & de bonne grace qui souuent se faisoit embrasser par les Prestres d'Appollo, adulterant avec eux dans le Temple. Lesquels firent à croire au peuple qu'il auoit esté engendré par le Dieu Apollo. Mais tous s'accordent en cela, que ce Dieu fut si meschamment que pour reprimer ses meschancetez il falut que Iupiter foudroyast sur luy. D'iceluy escrit Laetance à l'Empereur Constantin: Esculapius, dit-il, engendré par Apollo non sans crimes & péché, qu'à il faict qui soit digne des honneurs diuins autre chose, que d'auoir guéri Hippolyte? Sa mort pour certain a esté tant plus illustre en ce qu'il

merita

De la Medecine.

567

merita estre foudroyé de Dieu. Voila ce qu'il en dit.

Et à la verité les Medecins sont les plus meschans d'entre tous les humains, tres-discordans, tres-enuieux, & tres-mensongers. Ils sont si mal d'accord entre eux, que l'on n'en scauroit trouver vn qui approuue sans exception, addition, ou changement les medecaments ordonnez par vn autre : ains les reprend, en mesdit, & s'en mocque, afin de paroistre d'estre quelque chose de meilleur, & de peur qu'il ne soit moins prisé s'il ne retranche l'ordonnance salutaire d'autrui, ou adiouste quelque drogue là où il n'y en aura desia que trop. Parquoy l'enuie & la discordance des Medecins est mise en proverbe : car de ce que l'un trouue bon l'autre se rit, & n'ont rien de certain en eux, ains toutes leurs promesses sont bourdes passageres, & pures menteries, & pource on dit communement en plusieurs lieux quand on veut signifier quelque grand bailleur de bayes & menteur insigne, qu'il ment comme vn Medecin, ce qu'aucuns voulans vn peu reuerer les Medecins, destournent,

B b

& disent, il meut comme vn arracheur de dents. Bref, le plus grand chef d'œuvre de leur art & sçauoir est de trouuer que'que nouuelle inuention pour faire que les bonnes reigles & preceptes des anciens soient mesprisées & delaissées, & comme si l'excellence d'un art ou science gisoit à ne la communiquer ou ne l'enseigner à personne. S'ils sçauent quelque peu de chose ils la cachent, & ne la veulent monstrier à aucun, & portent enuie à la vie des hommes, estans enuieux contre autrui des biens qui ne sont pas à eux. Outre ce ils sont pour la pluspart superstitieux, arrogans, de mauuaise conscience, superbes, & auarés, & ont continuellement ces mots en la bouche, Pren cependant qu'il se deult, faisant en sorte que celuy qui est sain se deule s'ils voyent qu'ils y ayent profit. Ainsi que nous lisons que faisoit leur Conciliateur Pierre d'Appon, lequel estant Professeur en Medecine en l'Vniuersité de Bologne, se monstroît si arrogant & si auare, que sion le demandoit pour voir quelque malade hors la ville, il n'y vouloit aller à moins de cinquante escus

par iour : & estant appellé quelquefois pour visiter le Pape Honoré lors vivant, il voulut faire marché à quatre cens escus par chacun iour. Pindare dit qu'Esculapius pere de la Medecine fut foudroyé par Iupiter pour son vice d'avarice, à cause qu'il auoit exercé la Medecine nuisiblement & au dommage du public. Mais s'il aduient d'auanture que le malade par son bon-heur eschappe entre leurs mains, vous verrez vn battement de mains insupportable en signe de resiouissance. L'on ne pourra assez prescher la gloire ou leüange d'un si grand miracle. Ils raconteront par tout qu'ils ont ressuscité le Lazare de mort à vie, que ce malade leur doit sa vie, qu'ils l'ont arraché des mains de la mort, attribuant à eux ce qui appartient au seul Dieu, & diront qu'on ne les scauroit suffisamment payer. Il s'en est trouué aucuns si temeraires, qui ont souffert que l'on les adorast comme Dieux, ainsi que Menecrates Syracusain, lequel escriuit certain iour à Agefilaus Roy de Sparte en tels termes, Menecrates Iupiter, au Roy Agefilaus, salut : Mais Agefilaus se

mocquant de sa sottise, luy rescriuit
Agefilaüs à Menecrates sané, ou bono-
sens. Si le malade est si peu heureux
qu'il expire entre les mains des Mede-
cins, ce qui aduient le plus souuent, i'si
se deschargent sur le defaut de nature,
& sur la malignité du mal, ou encoul-
pent la desobeyssance du malade, & di-
sent que les remedes de leur art ne s'e-
stendent point iusques à ce secret de na-
ture exerçant sa rigueur : qu'ils sont
Medecins, & non pas Dieux : qu'ils peu-
uent bien guerir les guerissables, mais
non pas redresser ceux qui meurent : &
en somme qu'ils ne sont redevables
enuers les malades que de l'experience
ou essay : & ainsi mesmes és finistres
euenemens ils se monstrent orgueil-
leux, brauent & notent les deffuncts
d'intemperance, & avec ce veulent
estre payez de ce qu'ils les ont tuez
avec leurs potions medecinales, sans
lesquelles ils eussent vescu : & ainsi des-
pouillent les malades de santé, de vie
de renommée & d'argent tout ense-
mble, sans que la conscience les remor-
de, tant pource que leurs erreurs sont
aussi tost enseuelies & couuertes de ter-

re, ainsi que dit Socrates, qu'aussi pour
autant que la region des morts n'a nul-
le voye de retour : partant sont assurez
que ceux qu'ils ont deceus par vaines
paroles, & enuoyez sous terre auant
le temps, ne reuiendront point inten-
ter action contre eux de les auoir oc-
cis, ny repeter les deniers qu'ils leur ont
tirez de la bourse. Les Medecins sont,
outre ce que dit est, presque la pluspart
contagieux, tousiours sentans le pissat
ou la fiente, voire plus sales que
les sages femmes, ayans tous les sens
infectez : car de leurs yeux ils regardent
les choses les plus ordes & vilaines qui
soient, les rocs & les pets des malades
donnent dans leurs oreilles & dans
leurs nez, & avec ce les puantes odeurs
de l'air infecté, de l'haleine, crasses, &
autres ordures des malades. Ils font
quelquesfois l'essay avec les lévres & la
langue des potions noires & mortelles :
avec les mains ils fouillent & remuent
les excremens : leurs fantasies iour
& nuict leur representent les hideu-
ses images, ombres, & phantosmes des
malades : leurs consciences sont trou-
blées d'innombrables homicides par

Bb iij

eux commis. En somme tout leur soyn
& estude, leurs propos, raisons, dis-
cours, esprit & entendement n'ont au-
tre sujet que choses tristes & ordres
langueurs, morts, & maladies horri-
bles: leur pratique autre objet que
choses sales, viles, & crasseuses: bref
n'est que tout artifice vilain, rodans per-
petuellement autour des pots de cham-
bre, poëllles & puantes latrines des ma-
lades pour vn petit de gain, ressem-
blans à la huppe infame qui fait son
nid dans l'excrement & fiente humai-
ne. Ne les void on pas ordinairement
par vne ville tous crotez, les doigts en-
trelassés, tristes, & passés en visage trot-
ter hastiuement pour l'esperance d'vn
peu de profit, d'vne boutique d'Apo-
thicaire à autre, s'enquerans & men-
dians s'il y a quelque vrine à voir, ou s'il
se presente quelque chaire petcée: &
tout ainsi que les vautours encapu-
chonnez vollent aux charongnes, ainsi
ceux cy ont bon nez sur tous les hom-
mes pour sentir les excremens. Et dit-
on qu'Hippocrates auoit de coustume
d'en taster, afin de mieux cognoistre
la nature des maladies: ce que plusieurs

attribuent à Esculapius, lequel à cette cause Aristophanes appelloit scatophage, nom qui est demeuré à tous les Medecins, lesquels sont appelez scatophages & scatomantes, c'est à dire mangemerde, & foüillemerde, ou regardeurs de merde. D'où sont nommees les deuinations ou prognostiques que les Medecins font par les excrements & par les vrines, Scatomantie, Oromantie, & Drimymantie. A cause dequoy ces mechaniques Medecins estoient iadis reputez infames & tres-infames, aussi ceux qui cherchoient l'aide des Medecins, ainsi que tesmoigne Seneque : & encor aujourd'huy en plusieurs contrees l'on fuit la compagnie des Medecins, des sages femmes & des bourreaux egallement, & ne veut on manger ny boire avec eux, ains on leur baille leur escuelle & leur verre à part. Parquoy ie ne me peux tenir de detester en cholere la coustume de Plusieurs Princes, qui veulent auoir non seulement à leur leuer, mais tousiours quand ils prennent leurs repas ces hommes pestilents autour de leurs tables perpetuellement infectez des vapeurs

B b iiij

venimeuses, qu'ils rapportent tout
fraichement des chambres des mala-
des qu'ils visitent. Que l'on appelle vn
Medecin à quelque banquet, l'on ne luy
entendra tenir autre propos entre les
viandes que de fiente, d'urine, de sueurs,
de fange, de sang menstrueux, & de vo-
missements, ou d'épilepsies, lepres, vl-
ceres, rongnes, & de pestes: tellement
qu'il n'y a appareil de viandes si propre,
net & delicieux, qu'il ne souille & fa-
ce venir à contre cœur par l'impureté &
vilennie de ses paroles. Voyez vn Me-
decin en vn conseil d'estat, ou de poli-
ce, il n'y a rien si sot ny si inepte: ce qui
aduient possible, tant pource que leur
art & discipline n'a rien que faire avec
la vertu & bonnes mœurs, ainsi que dit
leur conciliateur, comme aussi pour
autant que selon luy mesme il faut
qu'un bon medecin soit mauuais de
nature. Et nous sçauons qu'en plusieurs
citez par statut expres les Medecins
sont exclus des conseils & assemblees
politiques, & ne peuuent exercer ma-
gistrats ny offices, non point possible
tant pour leur mesleance, sottise, lege-
reté, ou mauuaises mœurs, que pour

leur saleté & ordure, & d'avant qu'ils
sont toujours occupez à remuer &
manier les excrements des malades,
dont ils sont si contagieux, qu'ils infe-
ctent non seulement les personnes-
qui s'approchent d'eux, mais les bancs
& sieges, voire les pierres mesmes, ain-
si qu'elegamment Lucilius a chanté en
vn Epigianme Grec de telle sub-
stance:

Alcon hier toucha de Iupiter l'image:

Du Medecin souffrit Iupiter grand dommage:

*Auiourd'huy par decret on le sort de son
temple,*

*Encore qu'il soit Dieu & Pierre tout ensen-
ble.*

Mais quand ils s'assemblent en consul-
tation de Medecine, pour examiner ce
que le malade aura pissé, ou fienté cet-
te nuit là, & pour donner sentence de
vie ou de mort, ainsi que les Epho-
res de Lacedemone, c'est chose mer-
veilleuse, mais deplorable, par quelles
miserables altercations ils combattent
entre eux autour du liét du malade;
estans tous de contraires aduis les vns
aux autres, comme s'ils auoyent esté
appelez là, non pour donner remedes,

B b v

mais pour disputer, ou que le malade, auquel tout long propos est fascheux, à qui le babil du Medecin principalement est redoublement de mal, selon le proverbe Grec de Menander, eust besoing de leurs paroles, & non de leurs secours. En fin ayant mis en avant par parade certains Aphorismes qu'ils ont tousiours prests & font servir à tous usages, à la façon des escholes, & ayant inuoké Hippocrates, Galien, Auicenne, Rasis, Auerroës, le Conciliateur, & autres dieux de leur secte, les noms & tiltres desquels leur seruent bien souuent suffisamment pour toute doctrine, pour acquerir credit enuers le peuple ignorant; apres aussi auoir long-temps debattu à bon escient (sans toutesfois decider leurs differents) des causes des signes, des affections ou passions, des humeurs, des iours critiques ou iudiciels, en fin ils viennent au remede, qui estoit le chef & la queuë de tout l'affaire, & là pat ensemble composent vne froide & debile ordonnance, & comme l'enuie de l'un contre l'autre les accompagne perpetuellement, ils se donnent bien garde de cōmuniquer là aucun

secret ou singulier medicament, s'ils le
sçauent, comme s'ils craignoient de
perdre en cet endroit ce qu'ils mani-
festeroyent, ou dont ils aideroyent au-
truy, ains ont recours à la commune
methode de Medecine : ou si cette là
leur defaut, ils s'attachent à l'empirique,
ainsi qu'à l'ancre sacree ou dernier re-
mede : & ne pouuans donner secours
par moyens raisonnables, ils essayent
les hazardeux & temeraires, disans qu'il
vaut mieux d'experimenter vn secours
incertain & douteux, que point. Ou si
le malade est personnage duquel ils se
soucient peu, & que la longueur de la
maladie les fasche, ils le lairront à l'ad-
uenture, pour autant, diront-ils, que
Hippocrates defend de bailler medi-
caments à ceux où il n'y a nulle espe-
rance, ou, s'ils sont vn peu superstitieux,
reietteront la cause du mal sur quelque
Saint, ou bien ils luy ordonneront ce
dernier remede, Recipe vn Notaire,
tesmoins sept, avec vn Prestre, de l'eau
& de l'huyle benites tant qu'il suffise,
& donne ordre à ta maison : car il te
faut mourir. Partant Rhasis, qui sçauoit
que c'estoit de la sotte credulité des

Bb vj

malades, & de la contentieuse ignorance des Medecins, conseille assez prudemment à l'un & à l'autre, au Medecin, dis-je, & au malade en ses Aphorismes, que l'on ne doit prendre qu'un Medecin, pour autant que l'erreur d'un seul ne luy apporte grand blasme, & l'utilité qu'un seul fait au malade luy acquiert grande louange. Mais quand l'on appelle plusieurs Medecins, l'on l'abandonne à plusieurs erreurs. Voila l'opinion de Rhasis, laquelle est confirmée par un vieil Epitaphe que l'on trouva sur un monument, disant le deffunct qu'il avoit esté occis pour avoir jeü beaucoup de Medecins, & un proverbe Grec, que l'entree de plusieurs Medecins perd le malade. Ce que l'Empereur Adrian estant sur sa fin disoit luy estre advenu. La troupe des Medecins, disoit-il, a perdu le Prince. Parquoy il faut conclurre que le plus utile & salutaire conseil pour conserver sa vie & sa santé, est de ne s'empescher avec les Medecins. La santé du corps est un don de Dieu, & n'est deü aux Medecins : à raison dequoy le Prophete de Dieu reprist le Roy Asa, lequel en sa maladie

auoit mis sa fiance en l'art des Medecins, & n'auoit point cherché le Seigneur. A la verité ceux qui se gouvernent par leur conseil ne peuuent viure en santé, & n'y a vie plus miserable que de ceux qui s'appuyent sur l'aide & secours des Medecins. Soit chose resoluë & certaine, & que les Medecins n'en doutent nullement, & plust à Dieu que tout le monde le sceust, que toutes les vertus & facultez des elemens, des racines herbes, fleurs, fruiçts, semences, voire des animaux, des mineraux, & de toutes autres choses qui sont produites par la mere nature, tant s'en faut qu'elles puissent rendre l'homme immortel, que mesmes (ce qui est beaucoup moins) ne peuuent tousiours remettre en santé celuy qui sera affligé d'une bien legeremaladie. O combien de fois la medecine bien ordonnee, & qui deuoit proffiter, n'a serui de rien, celle qui deuoit purger ne l'a peu faire, combien de fois est on reuenu aux medicaments par la recheute du malade, & à la fin apres tant de trauaux & de dépense ou lors ou peu apres mesmes presents les Medecins, il a fallu mourir!

Quelle esperance donques peut on attendre de rester aux Medecins, si ainsi est, comme dit leur Hippocrates, que l'experience trompe? Que peuvent ils promettre de certain, si ce que Pline dit est vray, qu'il n'y a art plus inconstant que la Medecine, & qu'elle a esté souvent changee? Il y a eu autres fois plusieurs peuples, & s'en trouue encore à present viuans sans Medecins, où nous voyons des vieillards outre l'extremee aage passer cent ans vigoureux & robustes. Au contraire ces nations tant delicates, qui ne vivent que par l'aide & sur les promesses des medecins, le plus souvent enuieillir & mourir à la moitié de leur aage. Voire les medecins mesmes estre plus souvent malades que les autres, & presque tousiours mourir ieunes. Partant vn certain Lacedemonien, auquel quelqu'un disoit qu'il se portoit bien, répondit que c'estoit pour autant qu'il n'auoit rien à faire avec le medecin: & comme l'autre repliquast, Et si tu es paruenue à grande vieillesse, Pource, dit, il que ie ne me suis iamais serui du medecin, monstrant qu'il n'y a meilleure ny plus certaine

voye pour se maintenir en santé, & paruenir à vieillesse, que de n'auoir point vsé de l'œuvre des medecins. Que si quelqu'un tesmoigne qu'il a esté deliuré de quelque maladie par le secours des medecins, ie luy respons au contraire que plusieurs aussi pour s'estre serui d'eux sont morts, & ausquels tout l'art des medecins n'a de rien profité, & comme dit Ausonne,

La guerison vient du desseing

Fatal, & non du Medecin.

Iadis les Arcades n'vloyent point de medicaments, mais, selon que recite Pline, beuoyent du lait au Printemps, pource qu'en ceste saison les herbes sont pleines de suc, & estoient leurs medecins les gras pasturages. Ils assisoyent sur tous le lait de vache, pource que ces bestes mangent de toute sorte d'herbes. Les Lacedemoniens, Babyloniens, Egyptiens & ceux de Portugal, au rapport d'Herodote & de Strabo, reiectoyent tous les medecins, & faisoient porter aux places & carrefours les malades, à fin qu'ils fussent conseillez & aduertis par ceux qui s'estoyent trouuez affligez de pareilles in-

firmitez des remedes qui les en auoyent
deliurez, ou qui en auoyent deliurez
leurs amis & connoissans, croyans qu'il
n'y a rien plus assure en cures & re-
medes que l'experience. Ce que Cel-
sus aussi afferme. Par icelle on a veu
souuent les plus sçauans Medecins auoir
esté surmontez par la main d'un paisan,
qui a faict avec vne seule petite herbe
ce que les plus fameux Medecins n'ont
sceu faire par leurs medicaments pre-
cieux & exquis. Car eux par melle-
ges prodigieuses & indicibles, iacoit
que la nature aye produit plusieurs
choses qui pourroyent seruir seules de
remedes, confondent les diuerses facul-
tez de diuers simples, & par ce moyen
cuident chasser les maux, fondez plu-
stost sur coniectures que sur les vrayes
causes & raisons, & reduisent toute la
Medecine en vn art casuel & de conie-
ctures. Mais les rustiques ayans apper-
ceu & cogneu la vertu & qualite me-
decinale d'un simple, guerissent des ma-
ladies difficiles & estranges par le vray
& solide effect & force experimentee
de nature. Les Medecins outre ce pro-
mettent la sante par le moyen des cho-

ses apportees des Indes, ou de Calis & autres extremittez de la terre, & la font acheter par ces remedes de grand prix. Les autres ne promettent pas seulement guetison, mais la baillent par l'usage des choses aisees à trouver, communes à tout le monde, & qu'un chacun peut cueillir facilement en son iardin, & en sa maison. En outre ceux là ayans appris l'art tres difficile de medecine par des liures trompeurs, peints & figurez, l'exercent pour le gaing avec un audacieux & temeraire babil. Ceux cy enseignez par la terre & par les champs produisans les vrayes, plantes, & montrans leurs couleurs, figures, saveurs, odeurs, & toutes leurs diuersitez, & experts de ce qu'elles peuvent seruir aux maladies & autres accidents, donnent sans coust gracieusement à chacun remede tres certain. Les principaux d'entre les medecins confessent bien d'auoir appris plusieurs tres excellents receptes des femmes, lesquelles ils n'ont desdaigné d'inserer en leurs escrits & communiquer à ceux qui viendroyent apres eux comme tres bons & d'efficace, ainsi que celuy qu'Auicenne

louë contre la douleur de teste , qu'un
auoit apprins d'une femme. Que si l'on
Medecine (l'œuvre de laquelle est de
donner temperature de santé au corps
gist en proportion & correspondance
des choses , tant entre elles qu'avec les
qualitez du corps auquel on les appli-
que , & que les Medecins anciens ayent
mis tout leur estude & diligence à bien
composer , temperer , & proportion-
ner les medicaments par poids & me-
sures iustes & bien accordantes , laissant
seulement le soing à leurs successeurs
d'observer les qualitez des corps des
malades , & à icelles proportionner les
remedes par eux inuentez , quelle est
cette audace & impudence de non seu-
lement changer iceux , mais y adiouster ,
les mespriser , ou bien les ignorer du
tout ? Dont il aduient que comme par
la bonne consonance du temperament
des breuuages ou medicaments la santé
deuroit estre ramenee , par contraire
raison la dissonance & mauuaise com-
position d'iceluy cause douleur & ren-
gagement de mal , & bien souuent con-
duit à la mort. Partant la vieille villa-
geoise pensera vn malade avec moins

de danger par vn seul remede prins au iardin & accompli en tout par la nature, que ne fera le Medecin avec ses portions & medecines monstreuſes, cheres, & compoſees par fantaſie & douteuſes coniectures. Pluſieurs grands & excellens Philoſophes & medecins ont eſté de cét aduis, qu'il ne falloir penſer les malades que par ſimples medicaments : à cette cauſe ayans recherché ſoigneuſement & experimenté les forces & proprietéz des ſimples, ils nous en ont laiſſé des beaux & tres-recommandables volumes, ainſi que Chryſippus des choux, Pythagoras de la ſcytle oignon, marchion du rayfort, Diocles des raues, Phantias de l'ortie, Apulée de la betoine, & pluſieurs autres anciens qui ont eſcrit d'autres choſes. Toutesfois ces medecins de boutique ne tiennent compte d'iceux, ains s'en rient & s'en moquent, & appellent ſimples ceux qui mettent leur eſtude aux ſimples. De ma part ie ne veux deſconſeiller perſonne de demander aduis à ceux qui penſent les malades par ſimples medicaments, ny auſſi les empeſcher d'en vſer. mais quant

aux Medecins qui frequentent les boutiques, mon opinion est, qu'on les doioit fuir ainsi que sorciers nuisans & dangereux, voire les chasser comme ceux qui sont marchandise de nos maux avec leurs compositions prodigieuses, & se iouent de nos vies : car puis qu'il est necessaire que les medicaments composez soient faits de plusieurs choses diverses & contraires, il est impossible, ou bien tres-difficile, que le Medecin puisse establir certain iugement en iceux, ains faut que tout ce qu'il fait en cet endroit soit par opinion seule, par estimation & coniecture : & comme ainsi soit qu'il y aye souvent plusieurs choses qui pourroient sembler estre propres & profitables separément à ce qui fait besoin, le Medecin assemblera seulement celles qui luy viendront lors en memoire casuellement & à l'aduanture, ou auxquelles il sera affectonné par quelque autre instinct interieur & caché : au moyen dequoy il aduient souvent que l'effect des medicaments composez ne procede point tant de la vertu des simples ingredients, que de la bonne ou mauuaise inclination du Me-

decin, entant qu'il sera induit & adonné à eslire plustost ces simples que ceux là, par vne certaine influence cachée, ou naturelle, ou celeste, diabolique, ou casuelle qu'elle soit. C'est pourquoy l'on dit communément (ce que les Medecins mesmes confessent) qu'entre eux il y en a de plus & moins heureux, & que souuent l'ignorant fera de plus heureuses cures que celuy qui est sçauant. Ce que i'ay veu & apperceu en vn Medecin tres-docte de ma cognoissance, entre les mains duquel peu ou point de malades eschappoient, & pareillement i'en ay cogneu vn autre fort peu entendu, qui guerissoit heureusement tous ses malades, & ceux que les autres auoient abandonnez pour morts. Il me souuient aussi auoir leu d'un medecin qui remettoit en santé tous les Gentils-hommes & gens de qualité qui tomboient entre ses mains, mais les pauvres rustiques y mouroient ou estoient en grand danger d'y laisser la vie. Il est doncques tres aisé de cognoistre que cetté medecine boutiquiere, en laquelle l'adventure peut plus que la lecture, est toute ou pour la pluspazt

vraye sorcellerie, & pourue doit estre
reiettée au loin, & condamnée ain-
que empoisonneuse & meurtriere. A
cette cause iadis les Romains, viuant
Caton le Censeur, chasserent de la ville
de Rome & de toute l'Italie les me-
decins, en haine de leurs mortelles
menteries & de leurs cruautez, d'autant
qu'ils en mettoient plus au sepulchre
qu'ils n'en guerissoient. Ioinct qu'estans
cognoissans des venins & especes de
poisons, il estoit dangereux & aisé qu'ils
fussent induits par mal-veillance, ambi-
tion, ou gain, d'empoisonner les per-
sonnes, au lieu de leur bailler remedes
de santé, & ainsi fissent marchandise de
la vie des hommes pour de l'argent,
comme fit le medecin du Roy Pyrrhus,
soit qu'il fust nommé Timochares selon
Gelle, ou Nicias selon autres, lequel
auoit promis à Fabricius d'empoisonner
son maistre dans vne medecine. Laquel-
le meschante offre Fabrice eut en telle
abomination, qu'il escriuit à Pyrrhus,
encor qu'il fust son ennemy, qu'il se
donnast garde de son medecin. Dont
Claudien a fait mention en ses Poësies
en ce sens.

Les Romains ont bay les meschans & leur vice,

Fabrice descouvrit à Pyrrhe la malice,
De cil qui pour haster de son Roy le trespas
Promit de luy donner vn poisonneux repas:
Ne voulant qu'un sujet par ruse cauteleuse
Prolongeast ou finist leur guerre valeureuse.

Pline semblablement fait mention
d'une Epistre que Cato escrit à son fils
touchant les medecins Grecs : ils ont,
dit-il, iuré de faire mourir tous les Bar-
bares par la medecine, & sont payez
pour ce faire afin qu'ils s'en acquittent
fidelement, & que par ce moyen ils les
destruisent & ruinent facilement. Et
peu apres il adiouste : De la procedent
tant d'aguets & trahisons aux testa-
ments, & avec ce des adulteres es mai-
sons des Princes, & entre autres celuy
tout clair & evident de Liuia femme de
Drusus Cesar avec Eudemus. Plato in-
troduit Socrates deffendant que es ci-
tez on ne laisse point multiplier les Me-
decins. Il seroit pour certain expedient
aujourd'huy qu'il n'y en eust point, ou
peu, & que leurs ignorances ou negli-
gences malicieuses & mortelles fussent
punies de mort par loix expresse. Car

il ne chaut si le Medecin par ignorance
ou malice, folie, ou negligence, à l'ad-
uenture ou de propos deliberé baillie
du poison au lieu d'une Medecine, &
mette l'homme en danger de la vie
comme ce soit il merite la mort, & non
pas donner lieu à ce que dit Pline, que
pleine impunité est octroyée au Me-
decin d'auoir tué vn homme. Qui est
vn honneur qu'on leur fait semblable
à celui des bourreaux, à sçauoir d'estre
payez pour tuer les hommes, & de pren-
dre eux seuls salaire des meurtres, au
lieu que les autres en sont tirez au sup-
plice, sans qu'il soit loisible à aucun de
tuer. Il y a toutesfois telle difference,
que les bourreaux ne tuent que les cri-
minels condamnez par les Iuges, les Me-
decins tuent indifferemment mesmes
les innocens sans autre iugement ny
condamnation. Ce n'est doncques pas
sans cause que les Decrets des Papes
reiettent d'entre le Clergé les Me-
decins, puis que l'art de la Medecine est si
sanglant, que s'il estoit permis aux clercs
d'exercer la Medecine, ils pourroient
par mesme raison aussi bien estre bour-
reaux. Et ne fit point imprudemment
Porcius

Porcius Cato de bannir les Medecins, pour autant que ces hommes cherchent d'acquiescer renommée en leur art tousiours par quelque nouveauté, & desdaignans de suivre les traces des autres, ou s'attribuans à honte de n'apporter de leur part quelque chose de nouveau, ils font leurs coups d'essay & experience au danger de nos vies & apprennent a nos despens, traffiquans de nostre sante, & prolongeans ou souuent augmentans, à fin de mieux profiter: les maladies qui pourroient estre facilement & en peu de temps curées & gueries. Pour à quoy obuier anciennement en Egypte le Medecin iusques au troisieme iour pensoit les maladies au danger d'iceux, mais le troisieme iour passé c'estoit au peril de luy mesme.

De l'Apothecairerie.

CHAP. LXXXIII.

LEs cuisiniers des Medecins sont les Apothecaires, les escripteaux desquels montrent les remedes, mais les boites contiennent les poisons

Ce

ainsi que l'on dit en commun proverbe. Ou comme dit Homere, medicaments meslés, plusieurs choses salutaire, & plusieurs nuisibles, par lesquels pour ne iō, ber en dōmage & perte, il nous contraingent d'achepter bien cherement nostre mort, nous baillans vne chose pour autre, ou bien meslant dans les medecines, des vieilles drogues pourries & corrompues, & au lieu de bonnes potions, nous en font prendre de mortelles, ou achapent pour fournir leurs boutiques à bon marché des emplastres, collyres, onguets, pilules, & autres medicaments faicts de longue main, & composez de fondrilles & vieilles restes de drogues, lesquelles ils ne scauent discerner ny connoistre, & partant s'en fient aux marchands estrangers & barbares, qui corrompent toutes choses par tromperie: & sophisteries. Je pourrois icy mostier leurs pernicieux discords touchant la connoissance des simples medicaments, desquels ils vsent, & leurs erreurs es noms des choses medicinale entendus & pirement vsurpez, lesquels en grands nombre Nicolas Leonice ne a monstré en vn ample volume. Je laisse aussi de parler de

Leurs monstrueuses compositions & mix-
tions de plusieurs choses estranges, par la
confusio desquelles ils nous veulent fai-
re croire qu'ils font vn médicament ser-
uant & profitable à toutes complexions
& natures, comme de la fable de la cō-
position de la theriaque & du Tir ou vi-
pere, & de l'antidote appellé metridat,
dont autre chose ne reuient que ce chaos
poëtique.

Vne masse pesante,

*Lourde, sans art, sans ordre, & mal dui-
sante.*

*Coniunction de choses en vn corps
Entre meslé d'admirables discords
dans vn corps confus*

*L'humide au sec faisoit la guerre dure,
Et la chaleur nuisoit à la froideur,*

Mais soit ainsi qu'il se trouue quel-
ques compositions inuentées par les an-
ciens, & trouuees vtile, & qu'il les faille
recevoir cōme choses esprouuée: si est ce
que ie diray qu'elles sont contraires à la
vraye methode, ordre, & maniere
de proceder, en medecine, & con-
damnees par les Medecins mesmes
contraints à ce par leur propre con-

C c ij

science, & totalement reiectees par Pline, Theophraste, Plutarque, Hippocrates, Galien, Dioscoride, Erasistrate, Celse. Scribonius, & Auicenna: les parolles desquels seroyent trop longues à rapporter en ce lieu: & non seulement par ces anciens là, mais par plusieurs nouveaux, l'un desquels Arnould de Villeneuve en ses aphorismes dit, que là où l'on a moyen de recouurer des simples, c'est fraude d'vser de compositions. Mais à present ayans mesprisé les simples, & sans se pener de les connoistre l'on ne tire les medicaments d'ailleurs que des deux receptaires, thresors, ou luminaires des Apothicaires & droguistes, ou des amidotaires peincturez, & dorez de Mesué, & de Nicolas, & autres semblables. Par ainsi il aduient que pendant que les Medecins s'entretenans en leurs aises & oisiveté gouvernent la vie des hommes à la discretion des Apothicaires, sur lesquels ils se reposent, & qu'iceux estans sans connoissance des lettres ny aucune experience se fient aux marchands infideles & barbares, & pour le profit & aduantage de leurs boutiques meslent

& confondent toutes choses, qu'à la verité il y a beaucoup plus de danger du costé des remedes, que des maladies mesmes. Mais disons aussi des sophistications & faussetez que l'on faict aux drogues medicinales qui sont de prix, lesquelles bien souvent sont si bien contrefaictes que les plus rusez & experts sont trompez. il seroit expedient à la Republique & à la santé des hommes, que toutes ces drogues estrange-tes, qui sont outre ce tenuës à si haut prix par les marchands pillards au dommage commun, fussent du tout prohibées & defenduës, les Medecins reglez, & les Apothicaires astraits à vno loy semblable à icelle, que l'on dit que Neron auant qu'il fust deuenu si meschant publia à Rome, par laquelle il leur fut commandé d'vser des medicaments que nos regions & contrées seulement produisent, attendu qu'iceux conuiennent trop mieux à la nature d'un chacun, & aussi que nous en aurions tousiours de frais, nouueaux, & à choisir avec moindre difficulté, despense, & danger, que nous n'auons ceux que l'on nous apporte de pays estrange,

Cc iij.

dont la plus grand' part est suspecte d' estre sophistiqués, faux, & contrefaits où empirez pour auoir esté mouillez dans les nauires, ou plongez és fosses, ou corrompus de vieillesse, ou n'auoir esté cueillis en temps oportun, ny en bons endroits: ce qui cause bien souuent des dangers tres grands. Car la Coloquainte cueillie auant sa maturité fait vider le sang; & tuë: celle qui croist seule ou vniue est venin. Semblablement l'Agaric masle est mortel, & celuy qui est trop vieil dangereux.

Toute la Scamonée est sophistiquée, comme aussi la terre sigillée qui doit venir de l'isle de Lemnos ou Stalimene, & est perduë la foy & assurance des seaux dont elle estoit remarquée. Mais ie vous prie, qu'elle necessité auons nous d'vser de ces choses estrangeres, si nostre contrée en produit de semblables & de mesme efficace? N'est-ce pas grande folie de vouloir chercher aux Indes ce que nous auons chez nous? croyans que nostre mer ny nostre terre n'est suffisante, faisant plus de compte de ce qui est estranger que du naturel? des choses qui sont cheres, difficiles à reconurer & qu'il faut

apporter du bout du monde, que de celles qui sont à bon marché & aisées à auoir: Est-il dit qu'aucune chose ne peut remédier au mal de rate sans l'Ammoniac, ny au foye sans le Sandal; Si nous n'auons point du bdellium, nul sçaura il penser les vlcères interieures ny la douleur de teste sans le Musc & l'Ambre: ny guerir le mal d'estomach sans mastic & Corail? Je croy que si ces choses estrangeres eussent esté necessaires à nos corps, la nature qui a pourueu à tous, les eust produites abondamment en nostre terre.

Nos peres ne s'en sont-ils pas bien passez voire ont vescu plus sainement que nous: Ce sont doncques bourdes & niaiseries des Medecins paresseux, qui ne veulent s'enquerir des remedes qui naissent parmi nous & impostures des Apothicaires, qui ne cherchent point la santé publique, mais leur profit particulier de leurs traffiques, & nous persuadent que rien ne nous profite s'il ne couste cher: auxquels est pour cette cause faict tel reproche par Ieremie, N'y a-il pas de la resine ou gomme en Galaad: ne s'y trouue-il point de Medecin? Mais dira quel-

Cc iiii

qu'un. Nature à produit en chaque lieu & en chaque terre, entre chaque peuple, par chaque climat, & sous chaque ciel & saison, des herbes peculieres, & leur donne temperaments conuenables: soit & est vray que les mesmes plantes ont selon la diuersité des lieux & saisons où elles naissent plus ou moins de force & vertu. Si est-ce toutesfois qu'en tout temps & en tous endroits elles ont mesmes effects, & correspondent en temperaments à celuy des personnes, tellement que si ces plantes rares, & qui nous sont apportées de loing, ont plus de force que n'ont les nôtres, ie dis qu'elles ne sont propres ny salutaires qu'aux hommes des regions où elles sont produites & créés. Les Empiriques ont pareillement leurs pilleries: car ils nous persuadent que certains remedes monstrueux & fort esloignez de la façon commune de medeciner, nous sont merueilleusement profitables, & que sans iceux nous ne pouuons nous maintenir en santé: & aussi practiquent leurs imaginations aux despens & dommage des miserables. Partant ils meslent des viperes & couleures & autres bestes dangereuses dans les contrepoisons, &

De la Chirurgie.

569

comme si tous remedes defailloient mes-
lent de la graisse humaine és onguents,
& baillent à manger aux hommes avec
horreur & griefue offense en nature des
corps humains assaisonnez par drogues
& compositions aromatiques, lesquels
ils appellent Mumies.

De la Chirurgie.

CHAP. LXXXV.



Reste à traiter de la chirur-
gie, qui est vne autre partie
de la Medecine, laquelle
s'exerce és maladies & vi-
ces apparents vers la peau,
ou qui se montrent en dehors, les reme-
des duquel art sont plus assurez que
ceux des autres Medecins, dont les con-
seils & entreprises sont aveugles: car les
Chirurgiens voyent & touchent ce qu'ils
font, changent, appliquent, & ostent
selon l'opportunité & besoing, c'est la
premiere partie de la Medecine que
l'on a premierement mise en vsage: car
s'exercans les premiers hommes aux
guerres, & receuans des playes les vns

Cc v

De la Chirurgie.

des autres, il leur falut chercher des remedes à icelles, & croyoient que les maux qui leur estoient faicts par les hommes se pouuoient aussi curer par les hommes: Mais quand aux autres maladies & douleurs interieures, ils estimoient qu'elles estoient enuoyées par les Dieux courroucez, & partant incurables par vertu aucune naturelle. Le premier doncques qui inuenta la Chirurgie fut Apis Roy d'Egypte, ou bien, selon que Clement Alexandrin, dit Mizraim plus ancien que luy, fils de Cham, petit fils de ce grand Noé. Mais celuy qui escriuit le premier la medecine des playes fut Esculape, apres lequel furent excellents en cest art Pythagoras, Empedoles, Parmenides, Democrite, Chiron, & Peon. Plin raconte qu'elle fut premierement pratiquée à Rome par Archagat natif de la Moree ou Peloponnese, lequel, pour la cruauté des ces decouplements & vstions dont il vsoit, fut appellé publiquement le faiseur de playes, & tost apres le bourreau: en fin l'on s'ennuia de tous ses artifices, & fut l'art dechassé. Or est la Chirurgie renommee par l'excellence des personages qui en ont fait

profession, non moins que les autres factions de medecine, mais à cause de l'immondicité de ses venimeuses ordures, & de sa sanglante cruauté, est tenu, pour infame.

De l'Anatomie. CHAP. LXXXVI.

Outes fois l'Anatomie la surpasse en cruauté, qui est vne publique boucherie pour les vns & les autres, tant Medecins que Chirurgiens, par laquelle iadis les criminels condamnez à mourir publiquement estoient avec tres-cruels tourments decoupez tous vifs & retenans encore l'esprit. Mais à present pour la reuerence du non & Religion Chrestienne, Pon est deuenu vn peu plus humain: car Phomme est premierement occis, ou par leur mains ou par la main de l'officier, & puis on brigande par ces ces excez sur son corps mort, le desehirāt en pieces, recherchant & fouillant diligemment l'assiette de chacun membre, l'ordre, leurs mesures, actions, & nature, & tous autres.

Cc vj

De la Mareschallerie.
secrets d'iceux, afin d'apprendre comme
& en quels endroits il faut appliquer les
remedes par cette cruelle œuvre horri-
ble, abominable, & impiteux spectacle.

*De la Mareschallerie, & Medecine
pour le bestail.*

CHAP. LXXXVII.



L y a en outre vne autre
pratique de Medecine qui
pense les maladies des be-
stes brutes, laquelle est
beaucoup plus certaine &
profitable que les autres, inuentée, à ce
que l'on dit, par Chiron le Centaure, &
illustrée par Columella, Caton, Varo, Pe-
lagō, & Vegece auteurs tres-renommez.
Neantmoins nos Medecins avec leurs
beaux anneaux la mesprisent, & en ont
honte, aussi en sont ils du tout ignorans,
& sont si delicats qu'ils ne se delectēt que
de la fiente humaine, ainsi que la huppe.
Partant si quelqu'un recourt à eux pour
auoir des remedes pour son bœuf, ou
pour son asne, il recevra incontinent des
iniures au lieu de medicaments, comme
si ce n'estoit à eux à faire de scauoir me-

deciner aussi bien les animaux que les hommes, principalement ceux qui nous seruent & donnent commodité. Pour lesquels le Roy Alphonse d'Arragon entretenoit iadis deux excellents docteurs pour les cheuaux & les chiens avec grand salaire & ample pension, leur commandant qu'ils aduisassent soigneusement quels remedes & quelle maniere de medeciner estoit conuenable à chacune maladie des bestes: ce qu'iceux executerent, & firent vn liure de ces choses tres-vtilles. Le semblable a fait de nostre temps Iean Ruel Parisien, homme docte en l'une & l'autre langue, & des premiers entre les Physiciens, lequel a traduit vn volume des maladies des cheuaux & de leurs remedes recueilly des vieux auteurs, Absirthe, Hierocles, Theomeneste, Pelagon, Anatolius, Tibere, Eumelus, Archedamus, Hippocrates, Hemerius Africanus, & d'Emile Espagnol & Litor de Beneuent: le liure duquel profitera beaucoup à tous Mareschaux & Medecins de bestail, avec commodité pour la Republique.

De la Diette ou reigle de viure.

CHAP. LXXXIII.



Le reste encore à traiter de la medecine dietaire. Le maistre de laquelle fut Asclepiades, lequel delaisant pour pluspart les droges & medicaments reduist toute la medecine aux reigles & maniere de viure, considerant la quantité, nature, condiments ou assaisonnements des viandes: auquel les autres Medecins sont aucunemēt accordans, ayans neantmoins opinion que l'vne a besoing de l'autre, à sçauoir le viure des medicaments, & iceux aussi de la maniere de viure & observer mesure en iceux. Dont ils loient, defendent, detestent, & blasment certaines viandes & breuuages que Dieu à creés, & ordonnent des manieres de viure estranges, & qui ne peuvent estre obseruées: & pendant qu'ils defendent aux autres de ne toucher à certaines viandes, encor que sobrement & mo-

deſtelement, eux meſmes les deuorent
ainſi que pourceaux le gland, & ſont les
premiers à enfreindre & contreuenir
aux loix qu'ils font aux autres, non tant
par negligence, que de propos deliberé:
Car s'ils deuoyent viure ſelon leurs or-
donnances reigles, & manieres de dietes
qu'ils preſcriuent, ils empireroyent de
beaucoup leur ſanté: & s'ils permet oyēt
aux malades de viure ainſi qu'ils font,
ils feroient le dommage de leur bourse.
Or eſcrit des ces Dietaires ainſi S. Am-
broiſe: Les preceptes des medecine, dit-il,
qui deſtournent les hommes de ieuner, ne
promettent de veiller, penſer, & exercer
l'eſprit, ſont contraires aux ordonnances
du Seigneur: partant ceux qui ſ'y rangent
& ſ'addonnent aux Medecins, ſe priuent
de l'vſage d'eux meſmes. Sainct Bernard
pareillement eſcriuant ſur les Cantiques
dit, Hippocrates & Socrates enſeignent
à ſauuer ſa vie en ce monde, mais Ieſus-
Chriſt & ſes diſciples enſeignent à la
perdre. Leſquels des ces deux maiſtres
voulez-vous doncques ſuyure, Celuy le
monſtre aſſez qui diſpute & dit, Telle
choſe eſt nuſible à la teſte, aux yeux, ou
à l'eſtomach, les legumes ſont venteux,

le fromage charge l'estomach, le laid est nuisant à la teste, l'eau fait mal à la poitrine: de sorte qu'à peine peut on trouuer en toutes les riuieres, champs, iardins, despenses ou garde manger, de quoy viure. Mais posons que ces paroles de S. Ambroise & S. Bernard soyent dites seulement pour le regard des moynes, ausquels possible il ne conuient d'auoir si grand soing de leur santé que de leur profession, & qu'aux citoyens & gentils d'honneur il ne mesfie point d'vser de varietez & magnificence en viandes en ayant esgard routesfois à leur santé, & de pratiquer la Medecine dictaire, & quand & quand l'art de la cuisine, qui est la discipline d'apprester & assaisonner le manger & le boire: laquelle est par Platon appelée la flatteresse de la Medecine, & plusieurs l'estiment estre vne partie de la dictaire, nonobstant que Plin, & Seneca, le residu de l'escole des Medecins confessent que par vne exquise diuersité de viandes plusieurs maladies sont engendrees.

De la Cuisine. CHAP. LXXXIX.



'Art de cuisiner est fort
cōmode, & si n'est point
deshonneste, pourueu
qu'il ne passe les limites
de discretion, à raison
de quoy plusieurs grāds
personnages, voire & sobres, n'ont eu
honte de faire des liures de la cuisine &
maniere de faire de bonnes sauces, &
bien assaisonner les viandes: Comme en-
tre les Grecs Pantaleon, Mithecus, Epiri-
cus, Zophon, Agesippus, Pazanius, Epene-
rus, Heraclides Syracusain, Tyndaricus
de Sicyone, Symonastides de Zio, Glau-
cus de Locretes: & entre les Romains
Cato, Varro, Columella, Apice, & frai-
chement Platine. Or en ces choses ont
esté les Asiatiques fort excessifs & intē-
perez: tellement que de leur nom a
esté tiré vn surnom de gourmandise &
sont appelez entre les Latins les
gourmans & deuorateurs Asoti: pour
autant que de là, ainsi que rapporte T.
Lue, apres la victoire d'Asie, les de-
lices & superfluites estrangeres se

desborderent par la ville de Rome , & commença t'on alors à apprester avec plus grand soing & despése les banquets & festins qu'auparavant. De ce temps les cuisiniers qui estoient les moins prizez d'entre tous les esclaves, prindrent reputation , & commencerent à estre fort estimez & en grand vſage , tellement qu'on les receut & tira de la cuisine encor tous ſouillez de broüet & ſaincts de ſuye , avec leurs poëllles , marmites , & chauderons , broches, pilons , & mortiers pour les introduire aux escholes , & fit-on vn art de ce qui n'estoit auparavant qu'vn vil & abiect miniftre, l'occupation & ſolicitude duquel est à chercher moyens de tous coſtez pour eſveiller l'appetit , & inviter la gueule , & pour ſouler la gourmandiſe infatiable , & faire prouiſion de menſeaille friande, ne laiſſer coing du monde à ſouiller , ainſi que nous liſons en Varro de pluſieurs choſes, comme des Paons de l'ifle de Samos, l'oifeau appellé Francolin de Phrygie, les Gruës de Melice , le Cheureau d'Ambracie , le Thom Chalcedonien , les Murenes de Tarteſſe, le

Merlus de Pessinunte s, les Huistres de
Tarante, les Peignes ou coquilles
grandes de Saint Jacques de Zo,
l'Elops ou esturgeon de Rhodes,
Scares ou rouchans de Cilice ou Car-
manie, les noix de l'isle de Taso,
les dattes d'Egypte, les glands d'Espagne.
Toutes lesquelles singularitez de man-
geaille ont esté trouuees pour assouir la
meschante friandise de delices & super-
fluitez. Or celuy qui eut plus de bruit
& d'honneur en cest art, fut Apicius,
tellement que de son nom furent surnô-
mez les cuisiniers & appelez Apiciens,
ainsi que dit Septimus Florus (& à l'imita-
tion des Philosophes perpetué. D'i-
celuy escrit ainsi Seneque : Apicius,
dit il, a vescu) de nostre temps,
lequel a faict profession de la science
de cuisine en la cité de laquelle iadis les
Philosophes eurent commandement de
se retirer, & a infecté le monde par son
mestier & discipline. Plin semblable-
ment l'appelle asprement vn gouffre
tres profond de prodigalité & despen-
se. Or par succession de temps les irrita-
ments de gueule, les instrumens de delice,
& superfluitez, les diuersitez des viades

multiplierent en sorte par Pengin & inuention de ces Apiciens qu'il fut en fin nécessaire de reprimer ces desordonnez excès de cuisine par loix expresses. De là prindrent origine les loix somptuaires, & reiglements des vivandiers, à sçauoir la loy Archie Fannie, Di-
die, Licime, Cornelie, la loy de Lepidius, de Annus Restio: & fut desmi-
& rayé de l'ordre des Senateurs Duro-
nius par L. Flaccus & son compagnon
Censeurs, d'autant qu'il auoit voulu
estant Tribun du peuple abroger la loy
proposée pour reprimer les excès & su-
perflus despeses que l'on faisoit aux
banquets. Aussi avec quelle impudence
monta il sur la tribune pour dire au peu-
ple ces paroles: ? Auioird'huy, ô Ro-
mains, l'on vous a mis vne bride la-
quelle vous ne deuez en sorte quelcon-
que endurer: vous estes liez & garrottez
d'un aspre & dur lien de seruitude: car
on a proposé vne loy qui vous com-
mande d'estre sobres & bons mesnagers:
rompons & mettons en pieces ce
commandement rouillé sentant sa ru-
de & aspre antiquité: car quel be-
soin auons nous de liberté: s'il n'est loi-

hible à qui vent de se perdre & fondre en
delices & voluptez.

Il y auoit plusieurs autres loix & edits
pour ce regard, lesquels sont à present
abrogez & du tout ostez, tellement qu'il
n'y eut oncques siecle plus friand ny ad-
donné à la gourmandise que celuy d'au-
jourd'huy : car à cause d'icelle, com-
me dit Musonius, & apres luy Sainct
Hierosme, nous courons toute la ter-
re & la mer pour trouuer du bon vin,
& faire passer par nostre gueule des
friands & precieux morceaux : & en cela
employons tout le travail de nos vies.
Tant se trouue il entre nous de tauernes
& cabarets bordelliers tant de retrait-
tes de flatteurs, chercheurs de repeues
franches, & de louues, où les hom-
mes se perdent en gourmandises : y-
urongneries, & paillardises, où ils
consomment souuent, non sans grand
detriment de la Republique, tous
leurs patrimoines. Tant de mets & sor-
tes de plats & seruices : tant de sauces
& assaisonnemens de viandes, tant de
façons, loix, & ceremonies de table
tellement que les festins somptueux &
magnificques des Asiatiques, Milesiens,

Sybarites, & Terentis, ou ceux de Sardaigne, nable, Xerxes, Claude, Tybere, Vitallius, Heliogabale, & Galien Empereurs, & de tels autres vieux & anciens exemplaires de gourmandise, qui ont surpassé les autres hommes & nations en delices, superfluitez & desordonnez appetits, sembleroyent vils, sordides, mal apprestés, & rustiques, comparez aux appareils & magnificences de nos tables & conuiues ; car la diligence à bien proprement & delicieusement apprester à manger à boire ne nous contente point si avec ce, l'abondance n'y est excessiue iusques à creuer, telle que pourroit suffire à enyurer Hercules, lequel se seruoit d'un mesme vaisseau à se faire porter & à boire, ou souler Milon de Crotone & le mangeur d'Aurelien, dont l'un auoit accoustumé de manger trente pain à chacun repas, l'autre fut veu deuant la table d'Aurelien deuorer tout un sanglier, cent pains, un mouton, & un cochon en un iour, & beut vne incroyable quantité de vin qu'on luy versoit par un entonnoir. Ces gourmandises & yrongeries sont fort pratiquées auourd'hui entre nous, es vogues ou Royau-

De la Cuisine.

613

mes, comme l'on appelle, qui se font es
festes des vilages, dedications de
temples, & autres semblables solempni-
tez, qui ne sont en rien differentes des
Orgies & Bacchanales, que l'on cele-
broit anciennement, tant y sont toutes
choses soiiillees & contaminees de vin,
de sang, & de toutes meschancetez, qui
ont accoustumé de suyure la gourmandi-
se & l'yurongnerie. Ou bien on y ver-
roit représenter les conuiues des Ceu-
rautes, dont nul ne reuenoit sans pluye,
& la gloutonnie d'Enfichithone, duquel
escriit Ouide tels carmes:

*Soudainement ce que terre produit,
La mer, & l'air, à sa table conduict:
Mais il se plaint tant est insatiable,
Du trop petit appareil de sa table,
Et plus son oeil peut de viandes voir,
Encore plus il en desire auoir,
Voire ce qui suffisant eust esté
A substantier le peuple & la cité,
Ne luy pouuoit seruir de suffisance.
Pour refrener l'appetit de sa panse.
Et comme on void que de toute la terre,
La mer reçoit les fleuues, bons, & serre,
Ne se soulant des ondes & ruisseaux,*

Et qu'elle boit les estrangeres eaux,
Comme le feu de plus en plus s'enflame,
Du bois iecté dedans sa vive flame,
Telle pour la bouche on apperçoit
D'Erisichon, qui sans cesse reçoit
Toute viande, & de manger auide.

Sans proffiter demeure tousiours vuyde.

Anciennement entre les Grecs, & puis
aussi entre les Romains, les lucteurs &
gents faisans estat d'exercices corporels
estoyent fort goulus, & grands deuora-
teurs: mais ce vice infame passa aux tēps
subsequents parmy la Noblesse, hommes
Consullaires, & les empereurs, qui les
surmonterent en gloutonnie. Car le
Gouverneur Albinus, qui comman-
doit aux Gaules, deuora pour vn souper
per cinq cents pesches, dix melons
cinq cents figues seiches, & trois cents
huistres. et l'empereur Maximin, le-
quel succeda à Alexandre fils de
Mammee, mangea pour vn iour qua-
rante liures, de chair, & beut vne plei-
ne amphore reuenant enuiron à tren-
te six pintes de vin, Geta pareille-
ment Empereur fut si excessif en tou-
te superfluité & deshonneste appetit,
que l'on dit qu'il commanda quelque

fois d'estre serui de toutes sortes de viandes selon l'ordre de l'alphabet, & continua trois iours à se remplir le ventre & gourmander. Mais avec cela nous abusons du delice, qui est encor plus grande offense du boire & du manger que Dieu & la nature nous ont donnez pour entretenir nos forces & nostre santé, & le corrompas par diuers artifices de cuisine en remplissons nos corps outre nostre capacité, & iusques à regorger, dont nous attirons des maladies incurables. Parquoy est verifié clairement le dire de Musonius, à sçauoir que les esclaves, les rustiques, les pauvres gents, & tous ceux qui se nourrissent de viandes grossieres & communes, sont plus robustes & mieux supportans les travaux, moins souuent malades (ou point du tout) que ne sont les Seigneurs, les habitans des citez, ny les riches.

Et n'y a espeece d'hommes plus subiets aux griefues maladies, & difficiles, comme sont l'hydropisie, les gouttes, la verole, collique, & semblables, que ceux qui mesprisans la simple façon de viure aiment les diuersitez & artifices de cuisine, dont nous voyons

Dd

tout le contraire en ceux qui se content d'une maniere de viure ordinaire & simple, lesquels sont tousiours plus sains & gaillards. Ce que Celsus confirme, disant que les viandes simplement accoustrees sont vtils à l'homme, & la diuersité & meslange des saueurs est pestifere, & que les faulces confitures sont inutiles pour deux raisons, d'autant que l'on en mange plus qu'il n'est besoing, à cause de la douceur, & puis elles sont de difficile concoc-tion. Plusieurs autres grands personnages Auteurs graues ont pareillement detesté ces irritements de gucules, & artifices recherchez aux viandes pour esuciller l'appetit. Mais il y en a certains, lesquels sous prexe de religion ne blasment point seulement la gourmandise, friandise, & trop grandes delicateſſe de viure, ains detestent les viandes que Dieu a créés pour l'usage de l'homme, & s'abstiennent de manger de la chair: toutesfois ils aymen-t fort le vin, & boyuent à l'Epicurienne, nonobstant que l'Apostre die qu'il incite à paillardise: cependant donnent à entendre qu'ils font abstinence & ieus-nent, estans repeus de toutes sortes de bōs poissons, & bien abreueez du meilleur

vin: à quoy ils ont les leures, la langue, les
 dents & le ventre tousiours appareillez :
 mais c'est sans bourse deslier. Or laissons
 ceste cuisine de viandes & mets, & ve-
 nons à celle de Geber, c'est à sçauoir à
 l'Alchemie, laquelle ne digere ou cōsom-
 me pas moins de bons biens que la man-
 geaille & la gloutonnie.

De l'Alchemie.

CHAP. XC.



'Alchemie, ou art, ou
 piperie, ou vne pour-
 suite de Nature que
 l'on la doie nōmer,
 est à la verité vne im-
 posture excellente &
 garentie de toute pu-
 nition: la vanité de laquelle se manifeste
 en ce qu'elle promet choses qui combat-
 tēt cōtre la nature mesmes, ou qu'elle ne
 scauroit accōplir ny atteindre iacoit que
 aucun ne puisse surmonter la nature,
 mais seulement l'imiter, voire la suyure de
 loing, & que la force & vertu de natu-

D d ij

re soit de beaucoup plus grande efficace
que celle de l'art. Mais.

*Des bons esprits suspecte est l' Alchemie.
Et ses supposts plairent ne peuuent miet
Par tant d'habus les hommes entretiennent,
Qu'elle & ses faits en ruine devient.*

En essayant de transmuier les formes &
especes des choses, & forger vne certaine
benoiste pierre Philosophale qu'ils ap-
pellent, par l'atrouchement de la-
quelle toutes choses soyent soudainne-
ment conuerties en or ou argent; selon
le souhaiet de Midas, & si s'efforce de
tirer du ciel haut & inaccessible vne cer-
taine quinte essence, par laquelle se font
forts les Alchemistes de donner, non pas
seulement des richesses exceedantes celles
de Crésus, mais, qui plus est, de remettre
l'homme en sa florissante ieunesse, & conti-
ner sa santé, dechassant de luy la veillesse, &
presque le rendre immortel.

*Mais de tous ceux qui font estat de la science,
N'y a cil qui d'effect en donne experience.*

Seulement en monstrent quelques es-
ais, assemblent quelque peu d'argent
par ceruses, vermillons, antimoinnes, sa-

ions & autres drogues seruans à farder
es femmes, plaindre, & emplastrer les
vieilles, lesquelles l'escriture appelle on-
guets de paillardises, & par cemoien
dressent la boutique de Geber dont est ve-
nu le commun prouerbe, Que tout Al-
chemiste est ou Medecin ou fauonnier &
enrichit les oreilles des hommes par paro-
les: mais son inuention est de vuidier leurs
bourses. Et pour claire coniecture de la
vanité & nullité de leur art, est à noter
qu'ils demandent tousiours quelque escu
à ceux à qui ils fôt promesses de grandes
richesses, par où l'on void que ce ne sont
que bourges & resueries d'esprits mal
composez. Ils trouuent neantmoins des
hommes tres-desireux de ce grand heur
ausquels ils font à croire qu'ils tireront
de l'argent vif plus grands thresors que
la nature n'en a mis en l'or, ny en
l'argent mesme: & nonobstant qu'ils
ayent esté deceus par trois ou quatrefois,
se laissent derechef enioler par nouueaux
enchantelements, contraindre par ceste
prodigieuse imposture à souffler les
fourneaux, cuidans par folie la plus
douce & plaisante qui soit, de pouuoir
affermir ce qui est volage & s'espard,

D d iij

en l'air, ou ratifier & rendre en fumee ce qui est ferme. Ainsi les domageables charbons, le soulfre, la fiente, les poissons, les vrines, & tout dur travail vous semblent plus doux que le miel, tant que vous ayez consommé tout vos heritages, meubles, & patrimoines & iceux reduits en cendre & fumee, pourueu que vous vous promettiez avec patience de voir pour recompense de vos longslabeurs ces beaux enfentemens d'or, perpetuelle sancté & retour à ieunesse.

En fin ayant perdu le temps & l'argent que vous y auez mis, vous vous trouuez vieux, chargez d'ans vestus de haillons, affamez, tousiours sentans le soulfre, taincts & souillez de fuye & de charbon & par le frequent maniement de l'argent vif deuenus paralytiques, & n'ayant reuenu que du nez tousiours distillant: au reste si malheureux que vous vendriez vos vices & vos ames mesmes.

En somme ces souffleurs experimentez en eux mesmes la metamorphose & changement qu'ils entreprennent de faire esmetaux: car de chymiques ils deuiennent cacochymes, de Medecins mendiâs, de fau-

niers tauerniers, la farce du peuple, fols manifestes, & le passetemps d'un chacun: & n'ayans peu se contenter en leurs ieunes ans de viure en mediocrité, ains s'estans abandonnez aux fraudes & tromperies des Alchemistes toute leur vie. ils sont contrains estans deuenus vieux de belistrer en grande pauureté: en sorte que au lieu de trouuer fanceur & misericorde en l'estat calamiteux & miserable où ils se trouuent, i's n'ont que le ris & la mocquerie d'un chacun. Plusieurs d'entr'eux forcez par la pauureté se sont addonnez à choses illicites & mauuaises pratiques, comme d'estre faux monnoyeurs, ou vser de quelqu'autre espeece de fausseté. Parquoy c'est à bon droit que les loix Romaines condamnent cest art, & la chassent de la republique: & est prohibee en l'Eglise Chrestienne par les decrets des sacrez Canons. Et s'il estoit pratique ainsi au iourd'huy, que ceux qui sans bonne licence du Prince excercent l'alchemie fussent chassez des Royaumes & provinces, leurs biens confisquezz, & eux punis au corps, il est certain que l'on ne verroit point tant de faulces es-

pees de monnoye, par lesquelles vn chacun est deceu au grand dommage & perte du public. Je croy que pour connoistre ces trompeurs, iadis fut faicte la loy d'Amasis Roy d'Egypte, par laquelle il estoit enioinct à vn chacun de comparoistre deuant vn Magistrat à ce ordonné, & là donner raison & declarer par quels moyens il s'entretenoit & viuoit, & à faute de ce faire peine de mort y estoit establie.

Je pourrois dire plusieurs choses de cest art, (duquel ie ne suis pas trop ennemy,) n'estoit que i'ay fait serment, selon la coustume quand on est receu aux mysteres d'iceluy, de ne les reueler. Ce qui a esté si constamment & religieusement obserué par les anciens Philosophes & Auteurs, qu'il ne s'en trouue aucun de renom, d'autorité, ou digne de foy, qui aye faict mention ny escrit vn seul mot d'iceluy. Ce qui a donné occasion, à plusieurs de croire que tous les liures qui sont escrits de cest art ont esté forgez es temps plus recents: & est cela assez clairement demonstré par les noms obscurs des maistres Alchemistes. Ge-

ber, Morienus, Gilgilis, & autres; de leur troupe, inconnus, & desquels aucun autre n'a faict mention: les vocables aussi dont ils vsent mal accordans à la signification des choses, la lourderie de leurs sentences, & peruerse maniere de Philosopher. Aucuns toutesfois veulent interpreter que la toison d'or & la peau estoit vn liure d'Alchemie escrit à la façon ancienne en vne peau dans lequel estoit enseignee la maniere & science de faire de l'or. De tels liures estant faites tres diligente recherche par le commandement de Diocletian entre les Egyptiens qui estoient à ce que l'on dit tres experts en cest art, il fut ordonné qu'ils seroyent tous bruslez, de peur que les Egyptiens se fians en leurs richesses, & incitez par l'abondance de l'or, n'entreprissent quelque iour de faire la guerre aux Romains, depuis lequel temps l'Alchemie par edict public fut par les Empereurs condamnée pour meschante tra. Or il seroit trop long de raconter toutes les folies, vains secrets & enigmes de ce mestier, du Lyon verd, du Cerf fugitif de l'Aigle volante, du Crapaut enflé, de la teste du Corbeau, de ce noir qui est plus.

D d vj

noir que le noir, du cachet de Mercure, de la bouë de folie (ie faux, c'est de sagesse) & semblables bourdes sans nombre. En outre de ce seul unique, outre lequel ne se trouue aucune chose, neantmoins peut estre trouué par tout i'entens du subiect bien heureux de la sacree pierre Philosophale, le nom duquel m'est presque eschappé, & peu s'en est salu que ie n'aye esté par iure & sacrilege tout ensemble. Partant i'en parleray par circonlocution vn peu obscurément, à fin de n'estre entendu que par les enfans de l'alchemistique science, qui ont eu entree & ont esté receus aux mysteres d'icelle. C'est donques vne chose de substance non du tout de feu, ny du tout terrestre, ny simplement aqueuse, ny aigue, ny obscure, ou de grosse qualité, mais mediocre, polie, & douce au toucher, & aucunement molle, ou pour le moins n'est point dure ny aspre, au goust est en certaine façon douce, souëfue au flairer, agreable à la veüe, amiable & plaisante à l'oreille, resiouïssante au cœur & à la pensee. Or ie n'en oserois dire d'auantage: si est-ce qu'il y a

bien plus grandes choses en elle : mais
i'estime ceste science pour m'estre fa-
milier, digne de l'honneur que Thu-
cydide requiert à la femme de bien, di-
sant que d'elle on ne doit parler ny en
bien ny en mal. Je diray toutesfois ce-
cy des alchemistes, qu'ils sont meschans
sur tous les hommes, car nonobstant
que Dieu aye commandé qu'en la sueur
de son visage l'homme doit manger
son pain, & ailleurs par son Prophete
il dit.

Du labeur que sçais faire

Vivras commodement,

Et ira ton affaire

Bien & heureusement.

Ceux cy mesprisans l'ordonnance de
Dieu, & la benediction de ses promes-
ses, fuyans le labeur, bastissent des mon-
agnes d'or, comme l'on dit, par ouura-
ges & artifices feminins & puerils. Je
ne veux toutesfois nier que de cest ex-
ercice ne procedent & prennent ori-
gine plusieurs belles experiences : car
les azurs, les cinabres, mines, ou ver-
millon, & l'or qui est appellé masical,
autres mixtions de couleurs en for-
mant, comme aussi la façon du latton, &

Dd vj

toutes meslanges de metaux, & la maniere de souder, assemble, & partir, de faire les essais d'iceux. L'inuention de l'artillerie, & la fonte de telles machines est de l'inuention de ceste science. L'art tres-excellent de la verrerie en est venu, duquel vn certain Theophile a composé vn tres-beau liure. Plin recite que du temps de Tybere Empereur fut trouué maniere de faire du verre qui se pouuoit ployer, duire, & estendre, mais la boutique en fut ostée par le commandement de l'Empereur, & (si Isidore dit vray) le maistre de cest artifice mis à mort. Ce qui fut fait de peur que le verre n'ostast le prix & la reputation à l'or, à l'argent & au cuiure. A tant nous mettrons fin à ce propos.

Du Droit & des Loix.

CHAPITRE.



Le reste maintenant à parler de la science du Droit, laquelle se vante de scauoir si elle seule discerner entre le vray & le faux, ce qui

est iuste & iniuste, equitable ou inique, licite ou illicite. De ceste faculté sont au- iourd'huy chefs le Pape & l'Empereur, lesquels se vantent d'auoir tous les droits enclos dans l'escrin ou cabinet de leurs poictres, disans point toute raison, que tel est nostre plaisir : par le iugement desquels tous les arts & sciences: escritures & opinions, & toutes les œuvres hu- maines sont censurees & reiglees. Par- tant il y a vn commandement du Pape Leon à tout fideles Chrestiens, qu'aucun ne s'ingere de iuger de quelqu'un ou de chose quelconque, ny de finir ou de deter- miner dequoy que ce soit, sinon suivant l'autorité des saints Conciles, Canons & Decretales, dont le Pape est le chef. Voire qu'il ne soit loisible a persone de se seruir des determinatiōs des Theologiens, quel- ques Saints, doctes, & grands personna- ges qu'ils soyent, sinon en tant que le Pa- pe le permet, & le autorise par ces Ca- uons. Et ailleurs le Canon defend qu'au- cun liure ou volume ne soit receu par les Theologiens, voire en part quelconque du monde, sinon celui qui aura esté approuué par l'Eglise Romaine, & selon les Canons du Pape. L'Empe-

reur pretend aussi pareil droit sur la Philosophie, medecine, & autres sciences, ne permettant aucune autorité à Discipline quelconque, sinon entant qu'elle luy est ottroyee par sa Jurisprudence: à laquelle (dit il) tout tant qu'il y a d'autres arts & sciences comparees sont comme viles & infructueuses. Par tant, dit Vlpian, que la loy est le Roy des choses diuines & humaines, la force de laquelle, dit Modestin, est de commander, permettre, punir, defendre, & prohiber, qui sont les dignitez & charges plus grandes que l'on puisse trouuer. Pomponius aussi la definit en ses loix inuention & don de Dieu, & doctrine de tous les sages: car ces vieux Legislateurs donnoient à entendre au peuple que Dieu leur auoit mis en la bouche ce qu'ils ordonnoient, à fin d'acquiescer plus de credit & d'autorité à leurs decrets. Ainsi faisoit à croire Osiris aux Egyptiens que Mercure luy auoit dictées ses loix, Zoroastre aux Perses & Bactriens qu'il auoit esté enseigné par Oromasus, Charinundus aux Carthaginiens par Saturne, Solon aux Atheniens par Minerue, Zantrastes aux A-

rimaspes par le bon Dieu, Zamolxis aux Scythes par Vesta, Minos aux Cretois par Iupiter, Lycurgue aux Lacedemoniens par Apollo, Numa Pompilius aux Romains par la nymphe Egeria. Voyla pourquoy ceste science du droit s'attribue & vsurpe la superiorité & maistrise sur toutes les autres Disciplines, & exerce tyrannie enuers icelles, & comme se surhaussant par dessus toutes, ainsi que la fille aisnee des Dieux, elle mesprise & reputé viles & vaines les autres, nonobstant qu'elle soit composee toute d'opinions & imaginations caduques & infirmes des hommes, foible & legere entre toutes les sciences du monde, & subiecte à estre alteree & chagée à mesure que le temps apporte quelque mutation en l'estat & aux Princes. L'origine premiere de laquelle est venue du peché de nostre premier Pere, cause de tous nos maux. Dont voyla les belles maximes : Force par force repousser est loisible, romps la loy à celuy qui te l'a rompue, tromper vn trompeur n'est tromperie, vn trompeur n'est de rien tenu à vn autre trompeur, la coulpe peut estre com-

pensee par autre coulpe, la iustice ne doit estre communiquee aux mal-faiçteurs, ny la foy aux ennemis, à celuy qui veut n'est faicte aucune iniure, il est permis à ceux qui contractent ensemble de se deceuoir l'un l'autre, la chose vaut autant qu'on la prise: plus qu'il est permis de faire son profit ou se garder de dommage avec le dommage d'autrui, nul n'est tenu à ce qui est impossible: plus s'il est de necessité que toy ou moy perissions, j'ayme mieux que tu perisses que moy & semblables choses, qui ont esté depuis redigees par escript.

En somme la loy de nature nous persuade de n'endurer faim, ny soif, ny froid, & de ne veiller point, ne s'affliger par travaux, tellement que reiectant toute operation & exercice de cœur religieux & penitent elle establit pour souveraine felicité la volupté Epicurienne.

D'icelle est issu le droit des gens, lequel a produit les guerres, les meurtres, les seruitudes, & ont esté ordonnees & distinctes les seigneuries & domaines.

Finalement le droit civil ou populaire a esté mis en avant, qui

est propre & particulier à certain peuple qui l'a institué pour soy. Duquel ont esté engendrez tant de procez entre les hommes, que selon le tesmoignage des loix mesmes, il y a faute de vocables pour exprimer la diuersité des negoces. Car estant l'homme animal contentieux & enclin à noise, il a esté disent ils, necessaire pour l'establissement & obseruation de la iustice qu'on les en aye aduerti par les loix, à fin que l'audace des mauuais fust reprimée, & l'innocence entre les meschans tellement asséeuree, que les bons peussent viure entre les peruers. Voila doncques quels ont esté les principales de ce droit tant remarquable, dont se trouuent des Legislateurs presque innombrables.

Le premier & le plus ancien fut Moyse, qui escrinit les loix aux Iuifs enuiron le temps que Cecrops bastit celles des Egyptiens. Apres Pheronce premier de tous donna des loix aux Grecs: derechef aux Egyptiens furent loix establies par Mercure Trismegiste. Apres Dracon & Solon en baille rent aux Atheniens, & Lycurge à ceux de Lacedemonie. Palamedes fut celuy qui premier institua les loix de la

guerre pour iuger en l'armee. Au
Romains Romulus fit les premieres
loix appellees curiates, & son succe-
seur Numa ordonna celles touchant la
religion, successiuelement les autres Ro-
Romains publierent chacun leurs
loix, lesquelles furent recueillies & as-
semblees depuis ez volumes de Papy-
rius, du nom duquel fut nomme le
droit ciuil Papyrien. Apres lequel vint
le droit des douze tables. Item le droit
Flauian, le droit Helien, la loy d'Hoc-
tense, le droit honoraire, le droit des
Preteurs, les ordonnances du peu-
ple, les decrets du Senat, le droit des
Magistrats, les coustumes, & finale-
ment le plaisir des Princes, ausquels
pouuoir fut delaisse de disposer des loix
& des droits. Je laisse ces Iurisconsultes
en nombre infini, de la plus part des-
quels fait mention la loy seconde de
Origine iuris. Mais de ceux qui ont es-
saye les premieres de rediger le droit
ciuil en vn liure, Cn. Pompee fut le
premier, apres luy C. Cesar: mais l'un
& l'autre preueni des guerres ciuiles
& de mort aduancee ne peurent met-
tre en effect ce qu'ils auoyent entre-

prins en ce regard. Depuis Constantin changea ces vieilles loix : puis Theodose le ieune les reduist en vn liure qui est de luy nomm   le Code Theodosien. En fin Iustinien mit en auant le Code, duquel nous vsons    present. Or quant au droit ciuil, c'en est autre chose que ce que le peuple ou le Prince ordonne lesquels ont la souueraine puissance & autorit   en cest endroit, & en somme ce que les hommes d'un commun consentement veulent & accordent. Par tant dit Iulian que les loix ne nous lie t pour autre raison, sinon, pource quelles sont re         par le iugement du peuple, lequel d'un commun consentement a transfer   toute sa puissance & toute l'autorit   de commander au Prince: & pource tout ce qui plait au Prince & au peuple, tant par coutume que par disposition, a vigueur & force de droit, encor qu'il y aye erreur ou fausser  . Car la commune erreur fait droit, & la chose iug  e tient lieu de verit  .

Ce que Vlpian nous enseigne par ces mots :    s      r que celui doit estre estim   nay de libre condition qui a   t   declar   tel par iugement, encor

qu'a la verité il fust esclau affranchi, d'autant que la chose dont iugement s'est ensuyui est tenue pour veritable. Nous lisons aussi es escrits de luy mesme, qu'un certain Philippe Barbarius: encor qu'il fust esclau fugitif, demanda neantmoins & obtint la dignité de Preteur à Rome.

Exercant laquelle il fut en fin connu : mais ses actes & ordonnances furent confirmees toutes, & fut ordonné qu'aucune chose ne seroit changée de ce qu'il auoit faict sous le voile d'une si grande dignité tout esclau qu'il estoit.

Et ailleurs un certain vieillard villageois est tellement honoré par autorité de l'Empereur, que le Iurisqueult est astreint de plaider selon le dire d'iceluy. Pareillement Paul tres-expert au droit des Romains, dit, A present, si pour l'usage de l'Empereur au compte de l'argent a esté redigé un chandelier d'argent, il sera réputé en qualité d'argent, & non de meuble ou utensile, d'autant que l'erreur faict droit. Luy mesme au tiltre de leg. & senatus, dit, qu'il n'est possible de rendre raison de toutes qui a esté establi & decerné par

nos predecesseurs. Par ces choses nous
pouvons donques arrester que toute la
prudence du droit civil ne gist & ne de-
pend que de la seule opinion & volonté
des hommes, sans qu'il y aye autre raison
urgente que la seule honnesteté, mœurs,
ou commodité de viure, ou l'autorité des
Princes, ou la force des armes. Et si
elle s'employe à la conseruation des bons
& reprimende des mauuais, sans doute
aucune, c'est vne tres-bonne Discipli-
ne: mais si c'est autrement elle est
tres pernicieuse, à cause des iniquitez
qui se commettent par le moyen & mi-
nistere d'icelle, par la negligence, souf-
france, ou consentement du Magistrat ou
du Prince. Et y eut vn certain Demonar,
d'opinion duquel estoit, que les loix ne
ne seruoient de rien, & estoient surper-
flues: car elle ne s'adressoyent ny aux
bons ny aux mauuais, d'autant que
les bōs n'ont que faire de loix: car sās icel-
les ils viuent bien, & les mauuais n'en a-
mendent aucunement. Auec ce, puis que)
selon que T. Liue escrit que confelloit
(Caton) à peine se peut il faire vne loy qui
doit bien commode à tout, ains que le plus
souuent en icelle on trouue que l'equite

combat contre la rigueur du droit, & que Aristote en ses traictez moraux definit l'equité estre la correction d'une loy iuste à l'endroit où elle defaut, d'autant qu'elle a esté publice generalement, n'est il pas euident que toute la force & vertu du droit & de la iustice ne depend point tant des loix que de la bonté & equité des Iuges?

Du Droit Canon.

CHAP. XCII

DV droit ciuil est procedé & issu le droit Canon ou Pappal, lequel pourroit ressembler à plusieurs saint & sacré, tant subtilement & ingenieusement ont ils sceu colorer les preceptes de leurs auarices & formulaires de butiner, sous le manteau de pieté & religion, nonobstant qu'en iceluy soyent fort peu d'ordonnances qui touchent la religion ny le seruice de Dieu, & administration des sacrements. Je me tais de plusieurs choses là contenues, contraires ou repugnantes à la loy de Dieu

l'ant à Rome querir des indulgences, & la garantir du feu de purgatoire: ad ioustant ces mots, Nous ne voulons qu'il ne sente aucune peine infernall en maniere quelconque. Concedant e outre à ceux de la croisade de pouuoir tirer par leurs vœux & prieres trois ou quatre ames de purgatoire telles qu'il leur plairoit. Cest erreur & intolerable audace, & peu s'en faut que ie ne di heresie, fut par l'vniuersité de Paradis reprise & detestee pour lors publicuement. Dont possible elle s'est repentie depuis dis- ie, qu'elle n'a interpreté zele excessif de Clement par quelque bourde ou couuerture de pieté, faisant plustost valloir que tascher d'ancatir la chose, puis qu'aussi si bien pour leur affermer ou nier, dire ouy ou non, rien ne diminuë ou chancie de l'autorité ny du dessein du Pape: les canons & decretz duquel ont si bien astringente toute la Theologie, qu'aucun Theologien, pour grand criant & debateur qu'il soit, n'ose arrester, tant s'en faut qu'il veuille opiner ou disputer, chose qui soit diuerse à iceux sans protestation & congé, comme disoit Martial de Rufus.

Tome

Tout ce que fait Rufus ce n'est rien autre
chose

Qu'avec congé: s'il rid, s'il se taist, s'il repose,
Toujours avec congé: & s'il mange ou s'il
boit,

S'il requiert, ou refuse, ou consent, il se void
Que c'est avec congé. Somme sans ce congé.
Il resteroit muet.

Ces Canons & Decrets papaux nous
ont appris que les Royaumes, chasteaux,
donations, fondations, franchises, ri-
chesses, & possessions font le patrimoine
de nostre Seigneur Iesus Christ: que la
sacriticature de nostre Seigneur I. C. &
la primauté en l'Eglise est vn Empire ou
vn Royaume, & que le glaive d'iceluy
est vne Iurisdiction & puissance tempo-
relle: Que la pierre fondamentale de l'E-
glise est la personne du Pape: Que les
Euesques ne sont Ministres de l'Eglise
seulement, mais chefs, & que les biens
Ecclesiastiques ne sont tant seulement la
doctrin Evangelique, Pardeur de la Foy,
le mespris du monde, mais des peages,
rentes, reuenus, dismes offrandes, colle-
ctes, des chapeaux rouges, des mitres,
or, argent, terres, pierres precieuses.

E c

Que la puissance du Pape gist à mener guerre, des vnir les Princes & Potentats, rompre & absoudre du serment d'obeissance les peuples, & en somme faire de la maison d'Oraison vne spelonque de brigands. Tellement que le Pape peut déposer vn Euesque sans cause, qu'il peut donner le bien d'autrui à qu'il veut, qu'il ne peut commettre simonie, qu'il peut dispenser contre le vœu faict, contre le serment; contre le droit de nature, sans qu'il y aye aucun qui doie demander, Pourquoi fais tu ainti; En outre, que pour quelque affaire important il peut dispenser contre tout le Nouveau Testament, voire trainer, s'il est expedient, la tierce partie & plus des ames fidelles & Chrestiennes en enfer. Dauantage que la charge des Euesques n'est plus desormais de prescher la parole de Dieu, mais de confirmer les enfans, leur baillant des soufflets, conferer les ordres, dedier les temples, baptiser les cloches, consacrer les Autels & calices, benir les habillements & painctures, & ceux qui ont l'esprit meilleur & visent à plus grandes cho-

les laissant cet office à certains Euesques
titulaires ou portatifs s'employent aux
ambassadades des Rois, font leurs Aumos-
niers ou Chappelains ordinaires, ou mei-
nent & accompagnent les Roines, & sont
excusés par telles grandes & importantes
charges, & ont exemption de servir
à Dieu & aux Temples, moyennant qu'ils
honnorent magnifiquement les Rois
és cours. De ceste source canonique
& decretalistique sont sorties les cau-
telles par lesquelles à present l'on
peut acheter les benefices & Eueschez
sans tomber en si monie, & genera-
lement tous les traffiques, marchan-
dises, & monopoles qui se font és
graces, pardons, indulgences, dispenses,
& semblables especes de brigandages,
par lesquelles ils ont taxé & mis à prix les
remissions des pechez octroyees par Je-
sus Christ gratuitement, & mesme ont
trouvé à profiter sur les peines infer-
nales. A ce droit canon est deuë l'in-
vention de la fausse donation de
Constantin, nonobstant que par le resmoi-
gnage mesme de la parolle de Dieu l'Em-
pereur ne doive delaisser ou aliener
ce, qui est sien, ny le Pape ou le Cler,

Ee ij

gè vsurper ce qui appartient à Cesar. Mais si l'on requiert plus ample foy de ce que nous disons, qu'on lise les chapitres dont le rolle s'ensuit, lesquels i'ay remarqué entre plusieurs autres de leurs loix d'ambition, d'orgueil, & de tyrannie. Que l'on regarde doncques aux vieilles Decretales les chapitres, *significasti. c. venerabilem. de elect. c. solite. de ma. & obed. c. cum olim. de prinile c. si summus Pontifex de sentent. euc. c. inter cetera. de offic. iud. ord.* Apres au sixiesme des Decretales assemblé ou amassé par Boniface huitiesme, ce tyran des Papes. que l'on voye ce qu'il dit au prologue d'iceluy, & au ch. i. de l'immunité des Eglises, auquel ne cede aucunement l'arrogante Clementine, *pastolari. de sen. & re iud.* avec l'extrauagante de Iean 22. qui commence, *Ecclesia Romana.* & autres singulieres. Et l'extrauagante de Boniface 8. *vnam sanctam.* Du recueil de Grantiam se presentent aussi *c. si cuius. d. 14. c. omnis. d. 18. c. si omnes, & c. enim vero. c. in memoriam. c. si Romanorum. d. 19. omnes d. 22. c. tibi. Domino. d. 60. c. Constantinus. d. 96. & c. quando. d. 86. & gl. tibi, & c. si Papa. d. 60.* En outre on doit

adiouster à ceux cy 9. q. 3. c. *cuncta*. &c.
conquestus. 13. q. 6. c. *omni*. 30 q. 1. c. *om-*
nia. Quiconque examinera tels Canons,
& autres semblables, comprendra facile-
ment quels sont ces grands & admirables
mysteres que les Papes prouignent en leur
Droict Canon, destournans mesme, & biē
souuent falsifiens les choses qui sont cō-
tenuēs es Escritures saintes, & les faisans
seruir à leurs fictions & mensonges. De
ceste forge sont sorties les Concordances
de la Bible qu'ils appetent avec les Ca-
nons. A cela on peut assembler tant
de sortes de tiltres qu'ils baillent à leurs
rapines, comme des manteaux, des
Indulgences, des Bulles, des Confes-
sionales, des indults & rescrits, des te-
staments, des dispenses, priuileges,
elections, dignitez, prebendes, des
maisons Religieuses, Oratoires, & Egli-
ses, des immunitiez, des cours, des iuge-
ments & autres telles inuentions. En
somme tout le Droit Canon est le plus
inconstant & variable de tous, voire plus
que n'estoit Protée, ou que le Chameleon,
plein de broüillis & de nœuds moins
explicables que le nœud Gordien. Et
si par le moyen d'iceluy la Religion.

E.c. iij

Chrestienne: laquelle des son commence-
ment vid mettre fin aux ceremonies par
Iesus Christ, en est auourd'huy plus
chargee que ne fut oncques la Iudayque,
aux ceremonies de laquelle si l'on vou-
loit auourd'huy contrepeser le ioug
doux & leger de nostre Seigneur, l'on
trouueroit qu'il les emporteroit de beau-
coup, tant l'ont ils rendu grief & pesant,
& sont contraincts les Chrestiens de viure
plus par le reiglement des Canons, que
par les ordonnances de l'Euangile. Som-
me, tout l'un & l'autre Droit, & toute la
science d'iceux n'est occupee en autre
chose qu'autour de certains negoces fra-
gile, caduques, coulants, vains, & prophane,
traffiques vulgaires, & iniures popu-
laires: & en outre es mentres, larrecins,
pilleries, brigandages, factions, conspira-
tions, outrages, & trahisons que les hom-
mes commettent les vns contre les autres.
Plus apres les pariurements de tesmoins,
faussetez de Greffiers & Notaires, collu-
sions & meschancetez de Procureurs &
Aduocats, corruptions de Iuges, ambi-
tions de Cōseillers, rapines de Presidents,
par lesquelles les vesues sont opprimees,
les pupilles ruinez, les gents de bien con-

traints d'abandonner le pays, les pauvres
foulez aux pieds, & les innocents con-
damnez, & comme dit Inuenal.

*Aux corbeaux rauissans fait pardon leur
censure,
Et les simples colombs punit de peine dure.*

Ainsi les aveugles humains, qui ont cuidé
par le moyen des Loix & Canons éviter
les lacs & dangers, trouuent qu'ils se sont
preparez enicelles mêmes des lacs esquels
ils tombent & trebuchant: Car à la veri-
té ces Loix & Canons ne procedent point
de Dieu, & ne nous meinent point à luy,
mais viennent de la nature & iugement
corrompus des hommes, qui les ont in-
uentées & mises en auant pour seruir à
leur auarice, & faire leur profit.

Des Aduocats. CHAP. XCIIII.



Ly a vn autre exercice de
Droit, à sçauoir l'art d'Ad-
uocasser, qui est fort neces-
saire. C'est vn tres-ancien
exercice, frauduleux, &
fardé d'un voile persuasif, avec cautelle

E e iiij

& finesse: qui ne gist en autre chose qu'à bien sçauoir amadoüer vn Iuge par persuasions, & vter d'iceluy en toutes occasions à souhaiet, à bien sçauoir desguiser les Loix, les adapter & faire seruir à leur cause, par gloses & droits controuuez, trouuer des eschappatoires pour fuyr de venir à raisõ, & prolonger les frauduleux procès. Alleguer tellement les Loix, que l'équité soit peruertie, les appuyer de gloses & d'interpretations en sorte que le sens & inuention de la Loy du Legislateur soyent subuerties. Ce qui sert le plus en cest art, est d'auoir bonne & forte voix, crier audacieusement, & estre importun. Et est celuy entre les Aduocats estimé le meilleur, qui met plus de gents en procesz les y pousse plus auant, leur promettant gain de cause, & les stimule par meschans conseils à plaider, qui espie les appellations, qui est excellent plaidereau, auteur de querelles & debat, qui fait taire à force de crier tous les autres, & sçait donner faueur à quelque cause que ce soit, & la faire preferer aux autres, brouiller, & esblouir par maniere de dire les iugements, & par ce moyen reuoquer en doute, ou faire paroistre inique ce qui

est veritable, certain, & tres iuste, deffaire
& destruire la Iustice par ces armes mes-
mes, la peruertit & atterrer: ausquels il
semble que.

*Iustice est auourd'huy marchandise publique
De laquelle l'on fait ordinaire traffique:
Le Iuge qui se sied aux plaids, euidentement
Tesmoigne que le droit & l'équité se vend,*

Ils vendent pareillement ce qui n'est
point entre les choses, à sçauoir priuation
& silence: Car tout ainsi que nul d'eux ne
parle s'il n'est payé, aussi ne se veulent ils
taire sans payement, i. nitans en cela, com-
me ie croy, Demosthenes, le quel ayant de-
mandé à Aristodemus iouieur de Come-
dies, combien il auoit receu pour reciter,
& entédu de luy qu'on luy auoit baillé six
cents escus. l'ay, dit-il, receu beaucoup da-
uantage pour me taire. La langue des Ad-
uocats à la verité est si dōmageable & dā-
gereuse, que si elle n'est liee par presents,
on ne peut faire qu'elle ne parle.

Des Notaires & Procureurs.

CHAP. XCIII.

ACes façons de faire leur seruent &
assistent les Procureurs & Notai-

Fe v.

res, que nous appellons Tabellions, les iniures, dommages, meschancetez, & faussetez desquels vn chacun est contraint d'endurer, attendu qu'ils ont obtenu foy creâce en toutes choses par autorité Imperiale & Apostolique. Entre iceux sont les plus renommez ceux qui sçauent les moyens de troubler, vne Cour, semer des procez, confondre les causes, supposer les testaments, instruments, contracts, rescrits: & lettres Royaux, & avec ce dextrement tromper, piper, & s'il est besoing, foy parirer & escrire le faux, ceux qui sont hardis à entreprendre toutes choses, & se monstrent inuincibles, & n'auoit leurs pareils à trouuer des cauillations, tromperies, artifice mauuais, & calomnies, construire des trappes, lacs, trahisons, empestre les parties par ambages & circonuentions. Il est bien certain que l'on trouue Notaire qui sçache coucher si bien vn contract, ny en telle perfection, que l'on n'y trouue tousiours matiere de procez, si l'on veut contredire: Car l'on dira tousiours que quelque chose a esté oubliée, ou qu'il y a fraude ou fausseté, ou opposera l'on quelque autre exception qui combattra

la preud'homme du Notaire. Voila donc-
ques les beaux remedes que les loix &
les droits nous baillent, ausquels les plai-
dans sont renuoyez pour refuge : ce sont
les veilles ausquelles les droits sont ay-
dans, comme ils disent, sinon que l'on ai-
me mieux combattre que plaider là où
l'homme aura autant de droit qu'il en
pourra defendre par sa puissance, & au-
thorité, iouxte la loy qui dit, Nous ne
pouvons nous egaler aux plus puissans
que nous.

De la Inrîsprudence. CHAP. XC V.



Cest exercice appartient
aussi l'occupation de ces
grands & desmeurez grâts.
lesquels contre l'Edict de
Iustinien nous ont produit
des volumes enormes & innumerables
de Gloses, Commentaires, & expositiōs,
l'un interpretant d'une maniere l'autre
d'une autre, & tous entre eux differents
& contraires. Et par mal heureuse fer-
tilité ont enfanté tant de tempestes
d'opinions, & de forests obscures &

E.c. vj.

eigarees de cauteleux & rusez conseils, par où est esguisée la malice des Aduocats, lesquels couurent leur honte par les frequents & celebres renuois & allegations de chacun article, qu'ils appellent paragraphe de ces Jurisconsultes: comme si la verité n'estoit plus fondée en raisons qu'en ce chaos de tesmoignages & autoritez puisees du boubier & ordure de ces fors opinateurs, à l'endroit desquels la contention & discorde sont en si grande estime, que celuy sera tenu peu sçauant ou ignare qui ne sera de contraire aduis aux autres, ou ne leur sçaura contredire par nouvelles opinions & reuoquer en doute tout ce qui aura esté arresté & iugé, & bien accommoder à ses resueries par ambiguë & douteuses expositions les Loix saintement ordonnées. Parquoy toute la Jurisprudence a esté reduite en conseils peruers & trompeurs, & en rets & pieges d'iniquité.

Voyla les instruments & les artifices par lesquels auiourd'huy le monde & la Republique Chrestienne sont regis & gouuernez, par lesquels, dis-je sont ordonnez les Royaumes, Empires, & Principautez entre les nations. De la

troupe de ces broüillons & gents per-
uers sont choisis les officiers & Magistrats
des Princes & des Papes, Conseillers, &
Presidents aux Cours Souueraines, & en
fin sont faits chefs des affaires des Royau-
mes, comme si ceux qui ont esté meschâs
Aduocats deuoient deuenir gens de bien
aussi tost qu'ils sont appelez aux estats
de iudicature. Ils deuiennent pareille-
ment redoutables à leurs propres
maistres & Rois ainsi que les Titans
à Iupiter. Et finalement de ce bois
sont faicts ces ventrus Chanceliers
chefs de Iustice enuoloppez de pour-
pre ou escarlates à la suite des Rois &
Empereurs, par les mains desquels
toutes choses passent & sont exposees en
vente: voire vn chacun contraint d'a-
cheter d'eux les dons, octrois, or-
donnances, offices, benefices, dignitez,
rescrits, & toutes sortes de lettres & ex-
peditons, & en somme tous droits & en-
uoirs, loix, equité, & honnesteté. Par l'ad-
uis & au choix desquels Pon est en la gra-
ce ou reputé ennemi du Prince, à l'ap-
petit desquels se font les alliances & con-
federations, ou s'entreprennent les
guerres lamentables & mortelles. Et no-

nobstant qu'ils soyent de plus souuent extraits de la lie & bourbe de la populace & paruenus à si haut degré par vne vilaine prostitution de leurs langues & paroles, ils passent outre à si meschante audace qu'ils osent bien quelquefois condamner les Princes, voire à mort, sans forme de procès, deliberation, aduis, ny Arrest de Conseil, sans cognoissance de cause, & sans ouïr partie: & sont auteurs & instigateurs de transferer & changer les Estats & Royaumes, eux cependant estans pleins & enflez de pilleries & larrecins.

De l'Inquisition. CHAP. XCVI.



Ce troupeau doyuent estre rangez les inquisiteurs des heretiques de l'ordre des Freres Prescheurs, Iurisdiction desquels deuroit estre fondée en raisons Theologiques, tirées des saintes Escritures: neantmoins elle est par eux cruellement exercée selon les Decrets des Papes & le Droit Canon, comme s'il estoit impossible que le Pape errast, delaisant la parole de

Dieu en arriere ainsi que lettrre morte, & comme si ce n'estoit que l'ombre seulement de la verité. Voire la reiectent au loing, disant que c'est l'écu, les armes, & le rempart des heretiques. Et si ne veulent point receuoir les traditions des anciens Docteurs & Peres : dautant qu'ils ont peu estre deceus, & ne peuuent deceuoir : mais s'arrestent & visent du tout à l'Eglise Romaine seule, ainsi qu'au blanc de la foy, laquelle, à ce qu'ils disent, ne peut errer, & dont le chef est le Pape, & leur but le stile de la Cour de Rome. En sorte que la premiere & seule demande qu'ils font en leurs interrogats est, si l'on croit en l'Eglise Romaine. Ce que leur ayant accordé, ils bastissent là dessus leurs arguments : L'Eglise Romaine, disent ils, condamne telle & telle proposition pour heretique, ou scandaleuse, ou insupportable aux oreilles Chrestienens, ou dérogeante à la puissance & autorité de l'Eglise : & soudain il se faut dédire ou retracter par force. Et si celuy qui est par eux enquis essaye de soustenir son opinion, & la fortifier par témoignages tirez de la sainte Esriture, ou par autres raisons, ils l'in-

terrompent avec tumulte & parolés de cholere, disant qu'il n'est point en lieu où il faille débattre & disputer ainsi qu'aux escholes, & qu'il n'a point à faire à des Bacheliers, mais à des Juges, deuant lesquels il luy conuient simplement respondre s'il veut se soumettre aux Decrets de l'Eglise Romaine, & reuoquer son opinion: sinon les fagots & le feu sont appareillez, disant qu'il ne faut point disputer ny débattre contre les heretiques par raisons, arguments, ny escritures, mais par feu & fagots. Ainsi ils contraindront vn pauvre homme à se desdire & abiurer contre sa conscience, sans l'auoir conuaincu d'obstination, ny luy auoir faict connoistre sa faute, ny donné meilleur instruction. Que s'il ne se veut desdire, alors ainsi qu'un fagitif de l'Eglise il est liuré entre les mains des Juges seculiers, à fin d'estre bruslé, disans avec l'Apostre, *ostez le mal du milieu de vous.* Iadis si grande douceur & mansuetude estoit en l'Eglise, les Papes & euesques si benignes au rapport de Gratian en la quatriesme distinction, de consecrat qu'on ne punissoit point de mort ceux mesmes qui estoient retournez au iudayf-

me, ne les blasphemateurs. Berengaire
mesme, qui estoit tombé en vne abomi-
nable heresie, non seulement ne fut point
occis, mais fut maintenu en sa dignité
d'Archidiaque. Mais aujourd'huy pour la
moindre faute il y à peine plus que de la
vie, & est-on traîné au feu par ces Inqui-
siteurs pour le moindre crime qui soit.
Possible qu'à present l'Eglise a besoin de
cette rigueur: soit à la bonne heure,
pourueu que cependant la vraye pieté ne
demeure esteincte: car il y a des Inquisi-
teurs de l'heresie bien souuent tres-mes-
chans, & qui possible sont heretiques
eux mesmes. Ce qui a donné occasion à
la nouvelle constitution de Clement.
Parquoy le deuoir des Inquisiteurs est de
proceder enuers les heretiques, non par
arguments tenebreux & contentieux:
syllogismes, ains avec la parole de Dieu,
disputer de la foy Catholique, & con-
uaincre l'heretique par les saintes es-
critures. Apres, iouxte les enseigne-
ments & preceptes canoniques, & consti-
tutions des saints Conciles ordonner de
la cause, & reduire celuy qu'ils enque-
rent à la vraye foy & saine opinion, ou le
declarer heretique.

Or n'est point heretique celuy qui n'est remeraire & obstiné; ny fauteur des heretiques celuy qui defend l'innocent, lequel n'est conuaincu, pour empescher qu'il ne soit trainé en lieu mal asscuré à l'écorcherie & cruelle boucherie d'aucuns Inquisiteurs, ou plustost loups rauissans. Et nonobstant qu'il soit expressément pourueu par le droit & par les loix, que les Inquisiteurs n'ayent aucune puissance de connoistre ny iurisdiction sur ceux qui sont seulement soupçonnez d'heresie, ou qui se sont monstrez fauorables aux heretiques en les defendant, receuant ou logeant, s'il n'est euident & aueré qu'en eux soit heresie expresse & condamnée ouuertement, si est ce que ces vautours alterez de sang, outre les priuileges à eux permis en leurs charges d'Inquisiteurs, & contre le Droit & les Canons, s'ingerent en l'ordinaire, & vsurpent la iurisdiction des Euesques es choses qui ne sont nullement heresies, mais seulement scandales ou qui offensent les oreilles Chrestiennes, ou en quelque autre sorte erronnées, sans toutesfois qu'il y aye crime d'heresie: & exercent leur cruauté furieusement contre des pau-

pres femmes villageoises accusée ou dénoncées d'estre sorcieres ou mal faisantes, leur donnant des tourments grieus & énormes sans aucunes suffisantes preuves ny indices iuridiques, par lesquels ils leur font souvent confesser choses à quoy elles ne penserent oncques, pour auoir surquoy fonder leurs condamnations : & pensent en cela se monstrier vrais Inquisiteurs, c'est à sçauoir, de ne cesser de s'enquerir iusques à tant que la pauvre creature soit brulée, ou bien qu'elle aye doré la main à l'inquisiteur pour l'induire à misericorde, & luy faire dire qu'elle a esté suffisamment purgée & chastiee par la torture : Car les Inquisiteurs peuvent bien quelquefois changer la peine corporelle en pécuniaire, & l'appliquer à leur office d'Inquisiteur, de quoy ils tirent un profit qui n'est pas petit : & en plusieurs endroits leur sont payées des rentes annuelles par beaucoup de pauvres vieilles, de peur d'estre derechef tirées à l'inquisition. En outre, d'autant que les biens des heretiques sont acquis au fisque, il leur vient de ce costé là vne portion de butin qui n'est pas des moindres. Et d'autant que la seule accusation

ou denonciation, ou le moindre soupçon
d'heresie, pour legere qu'elle soit, ou de
forcellerie, voire le simple adiournement
ou citation de l'Inquisiteur porte quant
& soy infamie, à quoy on ne peut re-
medier ny estre remis en son entier sino-
en baillant argent à l'Inquisiteur, cel-
aussi est quelque chose. Par ces ruses &
cautelles plusieurs femmes honorable-
mesmes d'entre la Noblesse, furent for-
trauailées en la Duché de Milan par ces
Inquisiteurs moy estant en Italie, lesquel-
s tirerent secretement grandes sommes de
deniers des plus craintives; mais la trom-
perie & meschanceté ayant esté décou-
uerte, ils furent fort mal traictez par les
Gentils hommes, & eurent beaucoup à
faire à se sauuer du feu & de l'espée. Je
pourrois en cét endroit reciter la tres-
subtile & plus que scholastique inuention
pour rechercher & enquerir les Iuifs
d'Hocstrat, tant renommée, & de mes-
autres compagnons Theologiens de Co-
logne, & avec ce, la guerre qu'ils ont me-
née l'espace de dix ans contre Capnion
& toute cette tragedie, ou la reputation,
renom, & doctrine de nos maistres de
cette Vniuersité là firent vn merueilleux

& irreparable naufrage, n'estoit que ce
sont choses cognues d'un chacun, & que
l'Histoire en est & sera illustre à iamais,
cause de la victoire & triomphe de Cap-
tion. J'ay eu autres fois estant appelé
pour Presider au Conseil de Mets, un
grand debat avec un certain Inquisiteur,
lequel s'estoit saisi d'une pauvre femme
de village, & l'auoit fait mettre en lieu
indeu, pour la trainer meschamment en
sa boucherie, sur certains calomnies
legeres & iniques, voulant ce meschant
homme non tant l'enquerir, que la meur-
trir. M'estant doncques resolu de pren-
dre la cause en main pour la defense de
cette pauvre femme, & ayant remonstre
à l'Inquisiteur que es actes & infor-
mations il n'y auoit cause ny indice
qui tendist à la torture, luy me resista en
face, & dit, il y a un indice tres-suffisant
car sa mere a esté autresfois bruslee pour
mesme crime de forcellerie. A quoy ie
respondis, que cest article estoit imperti-
nent & du faict d'autrui, partant reiecta-
ble d'office par le Iuge, luy allegant sur
ce les loix. L'Inquisiteur au contraire re-
plique, & afin qu'il ne semblast auoir
parlé sans raison, tire des entrailles du li-

ure dit le Maillet des forcieres, & des fo-
dements de la Theologie peripareti qu'
vn tel argument: Qu'elle estoit comme
sa mere, tant pource que ces forcieres
ont accoustumé de sacrifier au diable
leurs enfans dès qu'ils sont nais, comme
aussi pour autant qu'elles les engendrent
le plus souuent par la compagnie qu'el-
les ont avec les esprits malins, dits incu-
bes, parquoy il aduiét qu'en leur race de-
meute enracinee ceste meschanceté ainsi
qu'une maladie hereditaire. Est ce don-
ques ainsi (dis-je lors) pere peruers, que
tu Theologises? Est ce ainsi que tu tires à
la torture les pauures femmes innocentes
par des fables: & que tu iuges heretiques
les autres avec tes sophismes, toy qui est
autant heretique en cest endroit que fut
onques Fauste ou Bonat: Quant ainsi se-
roit que tu dis, n'aneantis tu pas la grace
du Baptême? En vain donques diroit le
Prestre, sors esprit immonde, donne lieu
au saint Esprit, si à cause du sacrifice d'une
meschante mere l'enfant doit demeu-
rer au diable. Que si tu veux adherer &
soustenir l'opiniõ de ceux qui confessent
que les esprits incubes peuuent engen-
drer, si ne trouueras tu point qu'aucun

d'eux aye esté si hors du sens de croire que ces diables m'eussent ny ieurent hors rien de leur nature & substance, pour estre employé en ce qui est engédreé parmy la seméce desrobée. Mais ie te dis selon la foy & verité que de nostre propre naturel, nous sommes tous nais d'une masse de peché, & d'éternelle malediction, enfans de perdition, enfans du diable, enfans de l'ire de Dieu, & heritiers d'enfer: mais que par la grace du Baptême Satan est deschallé hors de nous, & sommes faiets nouvelles creatures en Iesus Christ, duquel aucun ne peut estre separé, sinon par sa propre coulpe, tant s'en faut que le fait d'autrui nous puisse nuire. Or aduise maintenant combien est ton indice que tu estimes tresluffisant nul de droit & vuide de raison & heretique à le vouloir soustenir. A ces paroles ce cruel hypocrite se mit en cholere, & commença à me menacer d'agir contre moy-mesme, comme celuy qui soustenoit les heretiques: ce neantmoins ie ne laissay de defédre cette pauvre miserable & par la force du droit, enfin l'arrachay & garentis sauue de la gueule de ce lyon, & fis demeurer ce sanglant moyne con-

fus deuant tout le monde, & perpetuelle-
ment infame comme cruel, & meſmes fi
condamner en vne groſſe amende les ca-
lomniateurs qui auoient diffamé cette
pauvre femme enuers le Chapitre de l'E-
gliſe de Mets, duquel ils eſtoient ſubjets.

De la Theologie Scholaſtique.

CHAP. XC VII.

NOus auons pour le dernier
à traicter de la Theologie.
Mais ie me paſſeray de fai-
re mention de celle des
Gentils, iadis deſcrite par
Muſee, Orphee, & Heſiode, laquel-
le vn chacun ſçait & confeſſe n'eſtre que
fables poëtiques, & auoir eſté ſuffiſam-
ment deboutée long-temps par les forts
& inuincibles arguments d'Euiſebe, La-
ctance, & autres auteurs Chreſtiens. Io
me tairay pareillement de la Theologie
de Plato, & des autres Philoſophes, les-
quels nous auons monſtré cy-deuant n'e-
ſtre tous que maiſtres d'erreurs. Par-
tant parlerons ſeulement de celle des
Chreſtiens.

Chrestiens. Or est il certain qu'icelle ne depend que de la foy que l'ô adiousté à ceux qui l'ont enseignee, attendu qu'elle ne peut estre comprise sous aucun art. Dillons doncques en premier lieu de la Theologie scolastique, ouvrage de la Sorbonne de Paris, composée par vn meslange des saintes Escriitures, avec les raisons de Philosophie & ensemble reduites en vne discipline de deux formes & especes, ainsi que les anciens Centaures, & avec ce escrete d'une façon nouuelle, & fort esloignée de la maniere d'enseigner & vsage des Anciens, à sçauoir par petites questios & syllogismes subtils & aigus, desnués de tout ornement & beauté de langage, estant au surplus neantmoins pleine de iugement & d'intelligence, & qui a apporté grand poids à l'Eglise de Dieu, pour s'opposer aux heretiques. Les Autheurs plus remarqués & excellents en icelle ont esté le Maistre des sentences, Thomas d'Aquin. Albert, surnomé le Grand, & plusieurs autres excellents personnages. Puis Iean l'escot le Docteur subtil, mais trop enclin à noise & debat. Parquoy est aduenu que par

laps de temps ceſte ſcholaſtique Theologie a eſté reduitte en vne faculté des ſophiſmes & cauillations, ne ſ'amuſans à autre choſe ces nouueaux Theoſophiſtes prophanateurs de la parole de Dieu: & qui ne ſont Theologiens qu'à raiſon du tiltre par eux achetée, ſinon à debatre. En ſorte que d'une faculté haute & ſublime, ils en ont faiet vne profeſſion de crieries & d'altercatiōs, tournoyans par les Vniuerſités, propoſans certaines petites queſtions friuoles, forgeans des opinions, forçans les eſcritures, & deſtournans le vray ſens d'icelles par paroles embreüillées, plus propres & prompts à Peſuenter qu'à l'éplucher & examiner. Et ont eu la hardieſſe d'inuenter & introduire des ſemences de noiſes & diſcordes, par leſquelles ample maniere eſt donnée aux ſophiſtes contentieux de battre tant qu'ils veulent. Ils ſeparent les formes, ils diſcutent ou diſſoluent les intellets, ils appellent les meſmes voix gentes & eſpeces, les vns l'attachent aux choſes, les autres aux ſeules paroles: ce qu'ils oſtent à l'une ils allignent à l'autre, & par aucuns autres ſont prinſes indiffe-

remment: & en somme vn chacun s'estudie en ce qui luy peut seruir à soutenir & confirmer son heresie. Tellement qu'ils ont exposée à mocquerie & renduë douteuse nostre foy tres-sainte & sacrée aux sages de ce siecle, ainsi que se plaint Thomas d'Aquin, laissant arriere la vraye reigle des Escritures dictée par le S. Esprit, pour s'amuser à plusieurs questions touchant les choses diuines, qui ne seruent qu'à debatre & quereller, esquelles exerçans leurs esprits, & consommans tout leur aage, ils ont mis & establi en icelles tout le sommaire de la Theologie. Et si quelqu'un se veut aider des Escritures saintes contre eux, incontinent ils luy disent que la lettre occit, qu'elle est pernicieuse, qu'elle est inutile: mais qu'il faut s'enquerir de ce qui est caché sous la lettres. Puis soudain viennent aux interpretations, expositions, glosses & syllogismes: tirent d'icelle des sens du tout contraires à la verité de la lettre, auxquels si l'on resiste, & qu'on les presse depres, l'on reçoit des outrages: on sera appelle, asne: qui ne scait entendre ce qui est caché sous la lettre, mais ne vit que de tex.

re ainsi que les couleuvres. Bref nul
n'est entre eux tenu pour Theologien
sinon ceux qui sçauent bien debattre &
crier, & à tout propos donner instance,
promptement desguiser, trouuer nou-
uelles interpretations, tirer nouveaux
sens, & faire tant de bruit avec des vo-
cables estranges & monstrueux, qu'ils
ne soyent nullement entendus, non tant
pour la difficulté de la chose, qu'à cause
de la nouveauté de leurs mots. A raison
dequoy on les appelle Docteurs sub-
tils, angeliques, seraphiques, & diuins,
quand ils ont sceu si bien disputer que
personne ne les a peu entendre. Alors
la multitude des auditeurs bruit à Pen-
tour d'eux, & cuide que tout ce qu'ils
entendēt & reçoient d'iceux soit tiré
des plus profonds secrets de la Theolo-
gie, dependent du tout de leur autorité
& doctrine, croyans que ce que ces
maistres ne sçauent soyent choses que
l'on ne peut sçauoir en aucune maniere.
Et sont tellement addonnées & assub-
ietis a leurs opinions, qu'ils ne se laissent
vaincre à aucunes raisons contrites, n'ac-
quiescent à nulles escritures, mais se
trouuant pressés taschant tousiours de

restaurer leurs forces au sein de la mere qui les a engendrées, ainsi que faisoit Antee, & recourent à l'aide de leurs Docteurs. Ainsi.

Le Vautour ayant pris sa part d'une iument, Quittant le reste aux chiens la porte vitement Aux fiens: du grand vautour tout tel est le mager Se passant & tiffant son nid pour s'y loger.
De là est aduënu que la sublime faculté des Vniuersités de Theologie scholastique ne s'est peu exempter d'erreur & de meschaceté, tant de sectes & d'heresies ont introduit ces temeraires sophistes & pernicioeux hypocrites, lesquels, selon que dit Saint Paul: ne preschent point Iesus Christ à bonne fin, ny de bonne volonté, mais pour auoir occasion de debatre en sorte que l'on trouuera plus d'accord & conuenence entre les Philosophes qu'entre ces Theologiens, lesquels ont estraincte toute la gloire & l'honneur de l'ancienne Theologie par humaines opinions & nouvelles erreurs, faisans estat & profession d'une doctrine detestable paree de tiltres feincts & desguisés, pleine d'inuentions & manieres d'interpreter nouuelles & destournées.

Ff iij

368. *De la Theologie scholastique.*
ainsi que labyrinthes : & cependant
vsurpans par lerccein & rapine le tiltre
de la sacrée Theologie : & en abusant
des noms & professions des saints Do-
cteurs ont introduit des sectes ainsy
que iadis en l'Eglise, quand on disoit,
ie suis de Cephas, ie suis d'Apollo, &
moy de Paul : & se couurant de l'estude
de ceux par lesquels ils ont esté intro-
duits & dressés aux disciplines, & s'ad-
donnans du tout à iceux, mesprisent
tous les autres, ne se soucians point rât
de ce qui est dit : que par qui il est dit,
Partant auioird'huy nul Theologien
n'est estimé docte qui n'a faict le ser-
ment sous le nom de quelque secte,
qui ne l'ensuyue & tienne fermement,
ne la defende & soustienne opiniastre-
ment, n'aye continuellement en la bou-
che le nô d'icelle, n'en monstre à tout
propos les marques, & ne se sente bien
glorieux d'estre honoré & salué du
tiltre d'icelle, comme Tomiste, Alber-
tiste, Scotiste, Occaniste : car il ne seroit
pas seant ny honneste d'appeller nos
maistres tant renommés par le simple
nom de Chrestien, attendu que ceste
qualité conuient à tous les bouchers,

cuisiniers, boulangers, sautiers, barbiers, & cabaretiers : & surnomme on ainsi pareillement les simples femmes-lettres & le menu peuple ignorant : partant n'est pas raisonnable qu'ils ayent vn tiltre commun avec les autres. Or ces sectaires sont encor diuisés entre eux en plusieurs sectes : car ceux qui ont l'esprit haut & aigu, & qui veulent sembler d'estre plus sçauans que les Prophetes & Apostres, presument bien de pouuoir monstrier & enseigner par leur syllogismes ce que nous croyons par la seule foy : & vont philosophans par miserables & deplorées questions touchant les choses diuines, & debattent avec vne assurance prodigieuse quelquefois sur des opinions tres-absurdes & contre la nature des choses. Comme quand ils distinguent l'essence diuine selon les relations : autres distinguent la chose mesme, autres seulement selon la raison, intelligence, ou application : autres amènent infinies realités ainsi que Idees Platoniques : autres s'émocquent & les nient. Outre ce tant de choses estranges qu'ils mettent en auant de Dieu, tant de formes de noms

370 *De la Theologie scholastique.*
diuins, tant de phantomes & idoles
qu'ils forgent en leurs entendement de
la diuinite, deschirent, desmembrent, &
diuisent tellement par leurs meschan-
tes opinions nostre sauueur Iesus Christ,
& le masquent & desguisent en tant de
fortes, le tournent & destournent ainsi
ques'il estoit de cire en tant de facons,
le formans & reformans par leur absur-
des suppositiōs, qu'il faut dire que tou-
te leur doctrine resseble vne pure ido-
latrie. Je passe leurs autres contentions
& heresies touchant les sacrements, le
purgatoire, le primat, les ordonnances
& reigles des Papes, & l'obligation
que l'on a icelles, les indulgences, ce
qu'ils disent de l'entechrist futur, &
& autres en grand nombre, esquelles
ils monstrent leur forte sagesse, en
l'opiniō de laquelle vous les voyez en-
flēes & superbes, ainsi que les fabuleux
gens engendrans questions par que-
stions, & arguments d'arguments, &
ainsi dressans leurs sentences contre
Dieu: sur l'impiete desquels est annon-
cee & reuelee l'ire de Dieu. Mais les
autres qui n'ont l'esprit pour monter ou
penetrer à choses, si hautes, s'addonnēt

à escrire les vies des Saints, y mellant d'affection religieuse aucunes menfonges. Ils supposent des reliques, forgeant des miracles, controuuent des fables ou plaisantes ou terribles, lesquelles ils appellent exemples, comptent les oraisons & prieres, poisent les merites, fignent des ceremonies, font marchandises des indulgences, distribuēt les pardons, vendent les bonnes œuvres, & en mendiant deuorent les pechez du peuple les oyans en confession, prononcent ainsi que par loix certaines des apparitions, adiurations, & responses des trespasses, & ioüent des farces du purgatoire, comme ils sont enseignez par les liures de Tomdal, & Brandarius, ou du trou de S. Patrice, & font des comedies des Indulgences, criers & hurlas à haute & forte voix comme celle de Stentor (qui se faisoit ouyr autant que cinquante autres hommes) ces choses au menu peuple du haut d'une chaire, ainsi que de dessus vn eschaffaut, d'une audace & vanterie plus que de gendarme, avec regards fiers & arrogans, mines & contenance du visage diuerses & variables, estendans les bras, & se trais-

572 *De la Theologie scholastique.*

formans en plus de sortes que ne faisoit Protee descrit par les Poëtes. Ceux aussi qui sont plus ambitieux, veulent auoir l'honneur d'estre versés en toute espee de doctrine & pareillement eloquents. Partant ils preschent, ils chantent des poësies, racomptent des histoires, debattent des opinions, alleguent Homere, Virgile, Iuuenal, Perle, T. Liue, Strabo, Varro, Seneque, Ciceron, Aristote, & Platon: & au lieu de l'Euangile & de la parole de Dieu ils bruyent & font sonner des propos humains & pures bourdes, preschent vn Euangile tout nouueau, & corrompent la parole de Dieu, laquelle ils annoncent, non point pour enseigner la grace, mais pour gagner de l'argent, & estre bien payées, viuans non selon la verité de ce qu'ils preschent, mais en voluptueuse charnalité; & apres qu'ils ont bien presché le iour: & parlé par longs & diuers circuits de la vertu du haut d'vne chaire, la nuict ils s'employent à vn autre travail peu honneste dans leurs cachettes. Telle est doncques la voye qui conduit à Iesus Christ selon eux: Mais quand ce vient à repré-

dre les vices, c'est merueille comme il^s
s'eschauffent à mesdire par outrageuse
cholere, & se desgorgent avec conte-
nances enragees, quelles paroles & ter-
mes vilains & deshonestes ils vomis-
sent, avec quelle impudente forcenne-
rie ils exclament, comme si nostre Sei-
gneur Iesus Christ n'eut voulu ordon-
ner a droit les annonciateurs de sa pa-
role, cōme pescheurs attirans avec des
rets mols & delicats, & non à gauche
ainsi qu'archers & veneurs pourluyuās
par playes & bleceures: ou comme si
eux n'estoyent hommes aussi bien que
les autres, entachés & subiets aux mes-
mes vices & plus grands que ceux cō-
tre lesquels ils sont si aspres, y ayans
esté addonnés, ou ypouuans venir avec
le temps. Ainsi ces pescheurs d'hom-
mes, la langue desquels leur sert de rets
pour retirer les meschans & les ame-
ner à salut, sont faictz veneurs mesmes
des bons pour les tirer à perdition. Ils
ont la bouche ainsi qu'un art de men-
songe: leur langue est vne fiesche aigue
& dangereuse: mais cessons de parler
d'eux: car il ne fait pas seur de les re-
prendre trop librement, pource qu'ils

574 *De la Theologie Scholaſtique.*

ont de couſtume de conſpiter quand ont
les courrouce & mettēt ceux qui les re-
dargnent en iuſtice par deuant leurs in-
quiſiteurs, qui les contraignent à ſe retra-
cter, & quelquesfois les enuoyent au
feu, ou bien leur baillant ſecretement
le boucon les enuoyent hors du monde.
Car entr'autres ſecrets mots de guet de
leur religion, ils ont ceſtuy cy, que c'eſt
choſe licite & œuvre pie d'empoisonner
ſecretement ceux qui font ou cauſent
quelque ſcandale en leur religion, pour
ſauuer l'honneur de l'ordre, & empê-
cher qu'il ne ſoit diffamé ſi quelqu'un
d'entr'eux eſtoit puny publiquement.
Laiſſans donques là ces ſcholaſtiques,
diſons de la vraye Theologie, laquelle
eſt partie en deux manieres, dont l'une
eſt prophetique l'autre interpretatiue.
Mais nous parlerons premierement de
ceſte derniere.

De la Theologie interpretatiue.

CHAP. XCVIII.

LEs Theologiens interpretes penſent
que ainſi que par la liberté de nature
les raiſins, oliues, bleds, lin, & autres tels
fruits croiſſent & meuriffent, des-
quels puis apres par humaine induſtrie

& ay de sont faiçts & façonnez le vin, l'huyle, le pain, la toile, & ainsi des autres œuures de nature qui se reduisent à perfection par Partifice des hommes, qu'aussi les oracles & preceptes diuins, qui sont tres obscurs & cachez, ont esté laissez à expliquer moyennent nos interpretations, non toutesfois selon nos facultez & inuentions, dont les propheties, & diuines sentences n'ont besoyn, ainsi que les œuures de la nature, mais selon le S. Esprit, dont sont procedées les mesmes escritures, lequel distribué ses dons à tous selon qu'il luy plaist, & à qui il veut, faisant que les vns soyent Prophetes, les autres interpretes des Prophetes.

Partant ceste Theologie, laquelle interprete la parole de Dieu, ne procede point à la maniere des peripateticiens par definitions, diuisions, ou compositions, d'autant qu'aucune de ces voyes ne paruient nullement à Dieu, lequel ne se peut definir, diuiser, ny composer: mais elle tient vn autre chemin moyen outre cestuy-cy & la vision prophetique: c'est d'esgaler & approprier la verité à nostre entendement purgé & puri-

576 *De la Theologie interpretatine*
fié, ainsi qu'une clef la serreure, parce
qu'estât l'intellect tres-desireux de toute
verité, aussi est il capable de toutes
choses intelligibles: & partant est ap-
pellé intellect possible: par lequel encor
que nous ne puissions comprendre à
pleine veüe ce que les Prophetes, &
ceux qui ont eu les visions diuines, nous
ont mis au deuant néanmoins la porte
nous est ouuerte pour y estre instruits
au moyen de la conformité que la veri-
té apperceuë avec nostre entendement, &
de la lumiere qui raye sur nous du de-
dans au trauers de ceste ouuerture be-
aucoup plus clairement, que par les ap-
parentes demonstrations, definitions,
diuisions, & compositions des Philo-
sophes: Et nous est donnée la faculté
de lire & d'entendre: non avec les yeux
ny par les oreilles exterieures, mais de
comprendre avec meilleurs sens & suc-
cer la verité issant des mouëles de la
Ste. Escriture tout voile osté & abba-
ru, & à face descouuerte, nous ayans
esté laissées les pleines visions & manife-
stations Prophetiques sous vne cou-
uerture qui rebouche la poincte de
l'esprit & de la congnoissance des

Sages & des Philosophes de ce monde,
& leur cache ceste verité, laquelle
nous apprehendons par si certain iuge-
ment qu'il n'y reste aucune difficulté.
Et comme ainsi soit que la verité es-
Stes. Escritures s'espanse en plusieurs
clefs, & y aye plusieurs addresse ca-
chées; au si les SS. personnages &
spirituels ont procedé à l'interpreta-
tion d'icelles par plusieurs & diuerses
voyes. Car aucuns suyans l'ecorce de
la lettre discourans doucement sur icel-
le ont remarqué l'accord & conuenan-
ce des escritures, & exposât la lettre, par
la lettre, & les passages par autres passa-
ges, se sôt essayés d'en tirer la verité par
les sens qu'ils ont peu decouurir, ob-
seruans l'ordre & les etymologies,
propriétés, & force des paroles: laquel-
le maniere d'exposition est à ceste cause
appellée literale. Autres rapportans
tout ce qui a esté écrit à l'ame & aux
œures de iustice, ont donné nom
à la maniere d'interpretation que l'on
appelle morale. Aucuns la rangent
aux mysteres cachés de l'Eglise sous
diuerses figures, conuertures & de-
stoars, le sens & exposition desquels est

578 *De la Theologie interpretatiue:*
pour ce dit Tropologique ou allegori-
que. Autres du tout esleués à la contem-
plation de la vie celeste raportent tout
ce qui est escrit à la gloire immortelle,
& aux secrets d'icelle: & partant les in-
terpretations d'iceux sont appelez ana-
gogiques, c'est à dire hautes & plei-
nes de doctrine profonde. Ce sont les
quatre manieres d'interpretations plus
vsitees en l'Eglise par les Theologiens:
outre lesquelles Pon en trouue encor de
deux autres sortes: Dont l'une a esgard
aux tours & retours des temps, change-
mets d'estats & de regnes, & aux restau-
rations des siecles, appellée à cette cause
typique, en laquelle Cyrille, Metho-
dius, & l'abbé Ioachim, ont esté excel-
lents, & des plus prochains de nostre
aage Hierosime Sauonarole Ferrarois.
L'autre recherché és saintes Escritures
la force & vertu de cét vniuers visible &
sensible, & de toute la nature & fabrique
de ce monde: partant est appellée expo-
sition physique, ou naturelle, trai-
ctée excellemment par Rabi Simeon
Ben Ioachim, lequel a escrit sur le Le-
uitique vn tres-ample volume, auquel
discutant presque la nature de toutes

choses, il montre comme Moyse selon la conuenance & bon rapport du monde triple, & de la nature des choses, ordonna l'arche, le tabernacle, les vaisseaux, les vestemens, sacrifices, ceremonies, & autres mysteres pour appaiser & nous rendre favorable Dieu & les vertus celestes, & pour purifier son image, à sçauoir l'homme: laquelle exposition est ensuiue par plusieurs Cabalistes, cōme ceux qui ont escrit de Bresith, c'est à dire des choses crées: car ceux qui discourent de Mercana, c'est à dire du tribunal de la Maiesté de Dieu, par nombres, figures, reuolutions, & raisons figurées & couuertes, & qui reduisent tout au premier exemple, ceux là tiennent la maniere & sens anagogique. Voy a en somme les six renommées façons d'interpreter & tirer sens de l'Escripture sainte, tous les auteurs, expositeurs, & interpretes desquels sont appelez d'un commun nom Theologiens: tels que ont esté en nostre Eglise Denys, Origene, Polycarpe, Eusebe, Tertullien, Irenée, Nazianzene, Chrysostome, Athanase, Basile, Damascene, Lactance, Cyprien, Hieros-

56.) De la Theologie interpretatiue
me, Augustin, Ambroise, Gregoire, Rufin,
fin, Leon, Cassien, Bernard, Anselme, &
plusieurs autres saints peres que les sie-
cles anciens ont produits. Et depuis
eux quelques autres, comme Thomas,
Albert, Bonaventure, Gilles, Henry de
Gand, Gerson, & plusieurs autres, mais
de beaucoup inferieurs aux premiers.
Mais comme ainsi soit que tous ces in-
terpretes Theologiens soyent hommes,
il leur est aduenu ainsi qu'il est de cou-
stume aduenir aux hommes: car ils er-
rent en certains endroits, en autres ils se
contredisent à eux mesmes, ailleurs ils
escriuent choses diuerses & contraires,
en plusieurs endroits ils s'abusent, & si
tous n'ont peu voir toutes choses: Car
le S. Esprit seul à plaine cognoissance
des choses diuines, lequel departit ses
graces à chacun par certaine mesure, re-
seruant plusieurs secrets à soy, à fin de
nous tenir tousiours en sa discipline.
Nous ne cognoissons tous, dit S. Paul,
qu'en partie, & ne prophetisons qu'en
partie. Partât toute ceste Theologie in-
terpretatiue gist en la liberte de l'escri-
ture, en laquelle à vn chacun est don-
nee adresse & abondance selon son

De la Theologie interpretatiue. 561
iugemēt par les diuerſes manieres d'ex-
poſitions que nous auons cy deſſus mē-
tionnees, leſquelles S. Paul comprend
toutes ſous ce mot de myſteres ou pa-
roles de myſteres, quand il dit que l'eſ-
prit parle des myſteres: à raiſon de quoy
Denys appelle ceſte Theologie ſignifi-
catiuē & myſtique, dont les ſainſ Do-
cteurs ſuſdits ont eſcrit tāt de volumes:
mais non ſans pluſieurs erreurs. Ne
ſoyez donques arreſtés tant à leur ſain-
teté, & authorité que vous demeuriez
deceuz, croyons à iceux en toutes cho-
ſes: car pluſieurs d'entr'eux ont perſe-
ueré en beaucoup d'opinions erronées
en la foy, qui ſōt depuis eſté reprouuées
en l'Egliſe comme heresies. Ainſi qu'il
eſt euident de Papias Eueſque de Hie-
ropolide Victor Eueſque de Poictiers,
d'Irenée Eueſque de Lyon, de S. Cy-
priē, d'Origine, de Tertullien, & de plu-
ſieurs autres, qui ont ſans doute erré en
la foy, & dōt les opinions ont eſté cō-
damnées pour heretiques, nonobſtant
qu'ils ſoyēt tenus au rang des SS. Il eſt
toutesfois de beſoin en ceſt édroit d'é-
tre accōpagné plus haut & eſleué pour
iuger & diſcerner lequel ne viēc point

381 *De la Theologie interpretatiue.*
de la chair ny du sang, mais soit donné
d'en haut du pere des lumieres. Car si
Dieu n'esclaire és choses qui sôt de luy,
aucun n'en peut parler pertinemment.
Or cette lumiere est la parole de Dieu,
par laquelle toutes choses ont esté fai-
ctes, illuminant tout homme qui vient
au monde, donnant puissance d'estre
faicts enfans de Dieu à tous ceux qui le
reçoient, & croient en luy. Et n'y a
personne qui puisse racompter les cho-
ses qui sôt de Dieu que la propre parole
d'iceluy. Qui sont les autres qui ayent
cognu l'intention du Seigneur? ou, qui a
esté son conseiller? sinon le Fils, la paro-
le, dis ie, de Dieu le Pere. Adicelle nous
parlerons cy apres ayant premierement
traicté de la Theologie Prophetique.

De la Theologie Prophetique.

CHAP. XCVIII.

Tout ainsi que la prophetie est la
parole des Prophetes, aussi la
Theologie n'est autre chose que
les traditions des Theologiens, c'est à
dire de ceux qui parlent avec Dieu. Et

ne s'entuit pas que cil qui scaura reciter quelque prophetie, & mesme l'interpreter, pourtant du nombre des Prophetes: mais quiconque est pourueu de religieuse science es choses diuines, & de vertu & sainteté de vie. quiconque parle avec Dieu, & pense en sa loy iour & nuict, cestuy là est Prophete & Theologien, pour lesquels dons & graces saint Iean, qui a escrit l'Apocalipse est appelé par Denis le Theologien, à raison du colloque avec Dieu. A ceux là dit, la verité ainsi. Qui vous oit m'oit aussi, & quiconque vous mesprise me mesprise. Ce n'est pas à nos maistres, à nos contentieux sophistes, à ces reuëdeurs d'indulgences & pardons que cela s'adresse: mais aux vrais Theologiens, aux Apostres, aux Euāgelistes, aux annonciateurs de la parole de Dieu, lesquels disent, Je n'ose proferer aucune parole qui ne me soit donnée par Iesus Christ. Or les saintes traditions de la foy & pieté venue des Theologiens de cette sorte s'appellent vraiment Theologie. Aux escrits & paroles d'iceux foy est adionstée, comme estans fondés non point en contentions de syllogismes ou opinions humai-

594 *Dela Theologie Prophetique.*
nes mais, comme dit S. Paul, en saine
doctrine diuinement inspiree, acquise,
non point par definition, diuision, com-
position, ou speculation, mais par vn
effectuel attouchement de la diuinité,
par claire vision comprise moyennant
la lumiere diuine. Desquelles visions
nous apperceuons plusieurs especes en
l'Escripture Ste. selon que les Prophetes
ont esté diuersement disposés à les re-
cevoir: Car nous lisons qu'aucuns d'en-
tre eux ont veu Dieu ou bien ses Anges
sous forme humaine, autres en façon
de feu, autres cōme vn air ou vent, au-
tres ainsi qu'vne riuiera, à autres il est
apparu cōme oiseau, à autres en forme
de pierres precieuses & metaux, certains
l'ōt veu ainsi que lettres ou caracteres,
ou cōme la main d'vn escriuāt: aucuns
l'ont ouy cōme le son d'vne voix, à au-
tres il s'est manifesté par songes, autres
l'on senti comme vn esprit habitant au
dedans d'eux, autres comme vne vertu
cachée en leur entendement: à raison
dequoy la Ste. Escripture apelle tous les
Prophetes voyās: & nous lisons la visio
d'Isaye, la vision de Ieremie, la vision
d'Ezechiel, & ainsi des autres. Et au

nouveau Testament S. Iean dit, i'ay esté
en ceste iournee du Seign. en laquel-
le esleué i'ay veu le throsne de Dieu. Et
S. Paul dit, qu'il a veu choses qu'il n'est
licite à l'homme de dire. Ce regard
ou vision est appelée par plusieurs ra-
uissement, ou extase, ou mort spiriuel-
le: car il se fait alors vne certaine sepa-
ration de l'ame d'auec le corps, mais nō
pas du corps d'auec l'ame. De ceste
mort est dit, L'homme ne peut voir Dieu
& viure: & ailleurs. La mort des SS. est
precieuse deuant la face du S. & encor
plus clairement est elle exprimee par
l'Apostre disāt, Vous estes morts, & vo-
stre vie est cachée auec Christ en Dieu.
Il faut doncques que celuy qui veut
penetrer aux secrets de la Theologie
prophetique meure de ceste mort. Or il
y a deux especes de telles visions: l'vne
par laquelle on void Dieu cōme à des-
couuert face à face, alors les Prophetes
voyent en la sorte que S. Paul dit à sça-
uoir choses qu'il n'est loisible à l'homme
de dire, voire qui ne peuent estre expri-
mées par lāgues, manifestees ny escrites
par aucune plume: car c'est vne certaine
maniered'aprocher ou vn attouchemēt

de la diuine essence, ou bien vne vni-
mesme à icelle, & vn esclaircissement
de l'entendement pur & réparé de toutes
choses sans aucune couuerture d'ima-
ge, figure, ny similitude. Et partât est
interprétée ceste maniere de vision par
les Theologiens meridionale, à raisõ de
sa pleine clairté, ainsi que amplemen-
d'icelle saint Augustin sur le Genese &
Origene contre Celse ont discouru.
L'autre espee est quand les parties de
derriere de Dieu, comme l'escriture
parle, sont veuës, & que l'on void clai-
rement ce qui concerne les créatures
qui sont les parties posterieures de Dieu
& ses effects, par la connoissance des-
quelles l'on paruiet au Createur, à ce-
luy qui les a faites, & à la premiere cau-
se agissante, ainsi que dit le Sage : Que
par la grandeur de leur beauté le Crea-
teur peut estre cognu. Et Paul dit d'ice-
luy mesme, Les choses Inuisibles de
Dieu sont cognuës par celles qui sont
faites & entédues: Et entre les Philoso-
phes peripateticus on dit communemēt
que ceux qui argumentent des effects
aux causes, argumētēt par le posterieur.
Or de l'une & de l'autre de ces visions
ioüissoit

iouyſſoit Moyſe, ſelon que teſmoignent
les ſainctes Eſcritures: car de la premiere
nous liſons que Moyſe a vëu le Seigneur
face à face, & de l'autre que Dieu luy dit,
Tu verras mes parties de derriere: & ſelon
ceſte derniere maniere de viſion Moyſe
ordonna la loy, institua les ſacrifices &
ceremonies, & edifia l'arche, & les autres
myſteres ſelon l'exemplaire accompli de
l'vniuers, & comprit en iceux tous les ſe-
crets des œuvres de Dieu & de nature.
Ceſte derniere eſpece de viſion ſe cōſidere
encor en deux ſortes: car ou l'on contēple
les creatures en Dieu, & lors elle eſt ap-
pellee viſion du matin, ou l'on comprend
Dieu en ſes creatures, ainſi elle eſt dite vi-
ſion du ſoir. Il y a outre ce vne ſorte de
viſion qui ſe preſente par ſonges,
ainſi que nous liſons en ſainct Mat-
thieu, que l'Ange du Seigneur apparut en
ſonge à Joſeph. Et ailleurs que les Ma-
ges ayans adoré Ieſus Chriſt furent ad-
uertis par ſonge qu'ils retournaſſent en
leurs païs par autre voye. D'icelle l'ō trou-
ue pluſieurs exēples en l'ancien teſtamēt
& Iob enſeigne quelle eſt ceſte viſion, là
où il dit : Et l'horreur des viſions noctur-

G g

nes quand le sommeil tombe sur les hommes, & qu'ils dorment en leurs lits, alors il ouvre les oreilles d'iceux, & les enseigne par discipline, Et est ceste maniere de vision comptee pour la quatriesme espece, & appellee vision nocturne. Il y a d'avantage deux autres sortes de propheties: L'une que l'on reçoit de vive voix, en laquelle ont esté enseignés & illustrés Moïse au mont de Sinay, Abraham, Iacob Samuel, & plusieurs autres Prophetes de l'ancien Testament, & au nouveau les Apostres & Disciples de nostre Seigneur Iesus Christ tous endoctrinés par luy de parole expresse. L'autre sorte de Prophetie se faict par mouvement & agitation de l'esprit, à sçavoir quand l'ame estant saisie par la divinité & iointe à icelle, separee de la chair & de la partie animale de l'homme, est remplie de science & cognoissance outre & par dessus tout entendement, force, & facultés humaines. Lequel saisissement se faict non seulement par l'esprit angelique, mais aussi quelquefois par l'esprit du Seigneur, ainsi que l'on lit de Saül, dans lequel faillit l'esprit du Seigneur, & Prophetisa, & devint vn

autre homme, & fut tenu au rang des Prophetes. Et aux actes des Apostres il est dit que le Sainct Esprit faillit en ceux qui auoyent esté baptisées, ainsi que flamme de feu. Et quelques fois aduient que cest esprit saisit aussi bien ceux qui sont hommes pecheurs, comme nous lisons de plusieurs Prophetes d'entre les Gentils, tels que furent Cassandre, Helenus, Calchas, Amphiraë, Tiresias, Mopsus, Amphilochus, Polybe Corinthien: plus Calanus Indien: Socrates, Diotime, Anaximander, Epimentides Cretois: Item les Mages de Perse les Brachmanes d'Asie, les Gymnosophistes de l'Ethiopie, les Prophetes de Memphis, les Druides Gaulois, & les Sibylles, qui ont esté excellentes & renommées à raison de ses esprits Prophetiques. A ce saisissement d'esprit seruent quelquefois certaines preallables ceremonies, l'office, la charge, & autorité ou quelcun est constitué, & le maniement & communication des choses saintes, ainsi que nous lisons de Balaam, que l'escriture baille pour exemple. Et ailleurs de l'application de l'ephod ou habillement sacerdotal, & ce que l'euangeliste tesmoigne

Gg ij

590 *De la Theologie Prophetique*
de Cayphas, lequel prophetisa d'autant
qu'il estoit Pontife ou souuerain Sacrifi-
cateur de ceste année là. Et partant les
Mecubales Hebrieux à ceste raison ont
presumé de controuuer vn artifice de
Prophetiser. Je passe ce que les Theolo-
giens Hebrieux disent en ce regard des
trente deux sentiers d'intelligence par
haute & profonde contemplation, & ce
que S. Augustin a touché de la grace, &
Albert de la reception des formes, des-
quelles il raconte sept manieres qui se fôt
en iceux qui songent, & autant d'appari-
tions aux veillans, Surquoy nous mettrôs
seulement ceste consideration en auant,
Que les esprits diuins n'apparoissēt point
touiours exterieurement aux Prophetes
pour le faire voir ny pour parler à eux,
mais le plus souuent sont comme causes
interieures à iceux de Prophetiser, à sça-
uoir lors que l'entendement du Prophe-
te cōçoit la lumiere diuine, la clarté de la-
quelle rayāt à trauers de chacun moyē ou
entre deux paruiēt iusques à ce corps gros-
sier, & red mêmes les sēs d'iceluy partici-
pans de sa felicité en sorte que ayant saisi
l'intellet elle passe à la raison, & de la rai-
son à l'imagination, & successiuemēt pene-

tre par toutes les parties de l'ame iusques
aux instruments sensuels interieurement
& d'une façon cachée & secrette , ainsi
qu'une voix, lumiere, ou parole ayant fa-
culté d'esmouvoir respectivement cha-
cun le sens dont elle est obiect. Ce qui est
advenu de ceste façon à plusieurs Pro-
phetes, à aucuns en veillant , à autres en
songe. Ainsi lisons nos escrits de Plato
& de Poculus touchant Socrates , qui
estoit inspiré non seulement par une in-
fluxion intelligible mais par la voix & en
deuisant: toutesfois cela se fait plus facile-
ment es songes. Mais c'est assez dit, de ces
choses, partant retournons à nostre pro-
pos. La Theologie Prophetique est
doncques celle qui enseigne par inspi-
ration comme visible la parole de Dieu
ferme qui ne peut estre esbranlée. Les
arguments & autorité de laquelle ser-
uans à corroborer sa verité ne sont point
raisons ny opinions humaines, ny coustu-
mes de longue main ou usage, ny les dis-
cours imaginaires des sages , ny les ma-
gnifiques decretz des sectes, ny les syllo-
gismes, inductions , ny autres manieres
d'arguments, ny obligations , ny con-
sequen ces indissolubles : mais son ora-

cles diuines accordans les vns aux autres, receus en l'Eglise vniuerselle d'un commun aduis & ferme consentemēt, tesmoignés & prouués par miracles & prodiges, par saincteté de vie par labeurs & dangers, & par l'effusion mesme du propre sang. Les Docteurs de ceste Prophetique Theologie approuuées par nous sont, Moyse, Iob Dauid, Salomon, & autres Prophetes & auteurs des liures canoniques du vieil testament. Et quant au nouveau, nous recongnoissons les Apostres & Euangelistes, tous lesquels, ores qu'ils ayent esté remplis du Sainct Esprit, ont esté neantmoins hommes, & se trouue qu'en certains endroits ils se sont despartis de la verité, & aucunement tumbés en mensonge, non que cela soit aduenü par malice, ny a leurs escient: car qui le voudroit dire soutiendrait vn erreur pire que celuy d'Arrius, & plus dangereux que celuy de Sabelius, & tendroit à renuerser toute l'autorité de la saincte Esriture canonique, nonobstant que ce grand & sainct personnage Sainct Hierosime soit iadis tumbé en ceste enorme faute, disputant contre S. Augustin de la reprehension de S. Pierre. Car sainct

Hierosme auoit dit que S. Pierre auoit
sciemment menty. A quoy S. Augustin
respondit, que cela estoit accordé, &
qu'un tel mensonge fust admis en la sain-
cte Escriture, toute l'autorité & certitude
d'icelle ruyneroit incontinent. En fin, a-
pres plusieurs contredits S. Hierosme ceda
aux admonnestemens de Saint Augustin
& reconnut sa faute. Partant ce que ie
dis que ceux qui ont escrit des saincts
liures sont tombés quelques fois en men-
songe selon certain regard, doit estre
entendu qu'il ne leur est aduenü derrer de
propos deliberé, mais sont trespuchés hu-
mainement, ou se sont trouués courts,
le iugement de Dieu estant changé. Ainsi
aduint à Moïse de defaillir en ce qu'il
auoit promis aux enfans d'Israël de les
tirer hors de la terre d'Egypte, & de les
introduire en la terre promise. Il les tira
à la verité d'Egypte, mais il ne les mena
nullement en ceste terre promise. Ionas
defaillit en ce qu'il auoit annoncé à ceux
de Ninie leur destruction dans la qua-
rantaine, laquelle neantmoins fut differée,
Helie defaillit predisant les malheurs qui
deuoient aduenir es iours d'Achab, lesquels
toutesfois furent dilayés iusques au decez

d'iceluy. Isaye pareillement se trouua court en ce qu'il predist la mort dans le iour suyuant à Ezechias, auquel furent prolongés ses iours de quinze ans. Autres Prophetes ont mesmement de failli, & se trouue que leurs predictions ont esté souuent ou aneanties ou suspenduës. Le semblable est aduenu aux Apostres & Euangelistes. Pierre faillit, dont il fut repris par S. Paul. Mathieu defaillit, escriuant que Iesus Christ n'estoit encor mort quand on luy ouurit le costé du coup de lance. Mais ce defaillement ne doit pas estre attribué au S. Esprit, ains au Prophete: lequel n'a pas bien sceu appercevoir ce qui luy estoit suggeré par l'Esprit de Dieu, ou monstre par la vision, ou bien par quelque changement faict és choses desquelles il prophetisoit, au moyen dequoy il feroit aduenu que le iugement de Dieu auroit esté chargé ou differé, c'est donques pourquoy semble que tous les Prophetes, & ceux qui ont escrit semblablement menteurs en aucunes choses pour verifiser ce qui est escrit, que tout homme est menteur, excepté nostre Seigneur Iesus Christ seul, qui est homme & Dieu tout ensemble, & n'a iamais esté trouué en mensonge, ny ne

fera , & si ne seront changées ny defail-
lantes ses paroles : ains seront fermes &
stables à iamais , selon qu'il a dit , Le ciel
& la terre passeront , mais mes paroles
ne passeront point. Et d'autant que tou-
te verité vient du saint Esprit , Iesus-
Christ seul possède assurement cét es-
prit, sans qu'il puisse estre separé ny aban-
donné par luy , mais en luy se repose. Il
n'en est pas ainsi des autres : car l'esprit
de Dieu vint sur Moyse , mais il se retira
de luy quand il frappa la pierre. Il s'es-
pandit sur Aaron , mais il le laissa lors
qu'il forgea le veau. Il vint sur Marie leur
sœur , mais il se retira quand elle murmu-
ra. Il vint sur Saül , Daud , Salomon,
Isaye , & les autres , mais il ne reposa
point en iceux. Les Prophetes ne sont
continuellement Prophetes , voyans , ou
predisans , & n'est point la Prophetie
vne habitude perpetuelle , mais vn don,
vne affection , vn esprit passager : d'autant
qu'il n'y a celuy qui ne soit pecheur , aussi
n'y a il aucun qui ne soit quelquesfois
& pour quelque temps abandonné de
l'esprit , fors que Iesus-Christ seul fils de
Dieu , duquel ont esté prononcées par
S. Iean ces paroles : Celuy sur lequel

vous verrez descendre l'esprit, & s'arrester en iceluy là est le fils de Dieu, qui baptise du saint Esprit, & a puissance de departir d'iceluy aux autres. Parquoy le seul Dieu a cest honneur priuatiuement à tous autres, dit Simonides, d'estre metaphysicien, ou supernaturel: & par mesme raison nous pouuons dire que Iesus Christ à cest honneur qu'il est seul Theologien. Toutefois il ne faut pas penser que pour estre l'Euangile de Iesus Christ issu par diuin enfantement des escritures du vieil Testament, que pourtant les Propheties enciennes soyent steriles, mortes, ny sans fruct: car elles viuent tousiours en tresgrande autorité: par icelles les Apostres ont prouée & verifiees leurs Doctrines, & n'on rien dit sans se seruir du tesmoignage d'icelles à elles nous renuoye nostre Seigneur Iesus Christ, pour les lire & feuilleter, l'Euangile duquel n'a point aboli ces Escritures là, mais les a accomplies iusques à vn iota ou vn seul point. Mais nous parlerons plus amplement de cecy cy apres. Au surplus il est à noter que plusieurs liures de la sainte Escriture nous defaillent: ce que nous recueillons

d'elle-mesme. Car Moysse allegue les li-
ures des guerres du Seigneur, Iosué le li-
ure des iustes. Hester le liure des choses
memorables, & au liure des Machabées
est faicte mention des saincts liures des
Spartiates, aux Croniques sont alleguez
les liures des Lamentations, les liures du
voyant Samuël, les liures de Nathan,
Gad, Semias, Haddo, Ahias Silonite,
& de Iesus fils de Hammon Prophetes:
S. Iude en son Epistre catholique alle-
gue le liure de Henoc: autres auteurs di-
gnes de la foy font mention du liure d'A-
braham patriarche, qui sont tous perdus
& ne se trouuent plus. Ceux-là mesme
qui nous sont demeurés, ne sont point de
mesme poids ny également receus: Car
plusieurs chapitres des vns & des autres,
& toute l'Histoire des Machabées, sont
tenus entre les liures apocryphes. Ce
qui est aduenu de mesme pour le regard
des Euangiles & Epistres. Car Denys ci-
te l'Euangile de S. Barthelemy, S. Hie-
rosme faict mention de celuy selon les
Nazariens, & S. Luc en la preface de
son Euangile, dit que plusieurs s'estoient
mis à escrire de l'Euangile, lesquels
sont pareillement tous perdus, & n'en

G.g. vj

398 *De la Theologie Prophetique.*

est plus de nouvelle: & plusieurs d'entre ces liures pour auoir esté deprauez & corrompus par les heretiques, ou mis en lumieres par auteurs incertains, n'ont esté receus ny approuuez en l'Eglise. Je passe plusieurs faux Prophetes qui se sont fourrés parmy les bons poussez de veine gloire, prophetisans ce qui ne leur estoit dicté ou suggeré par le S. Esprit, mais des mensonges estranges qui ne tenoient rien de la verité de l'Escripture, & ont introduit des sectes contre l'unité de l'Esprit & la paix de l'Eglise, osans par temerité effrontée entreprendre ainsi que s'ils estoient conseillers de Dieu, de publier le Testament du seigneur de leur bouche, escrire des propheties & des Euangiles qui se trouuent puis ou du tout heretiques ou non receuables & reiectez du canon & reigle des saints escrits comme il est evident & hors de doute de ceux que l'on appelle les canons des Apostres. Les cantiques mesmes de Salomon ne furent point inferez entre les saints Liure canoniques des Hebreux, sinon apres que Isaye les eust corrigez & approuuez. Il appert donques par ce que dit est que mesmes la vraye Theologie, à sçauoir la

saincte Escriture defaillante de plusieurs volumes pourroit sembler aucunement imparfaicte, & qu'il nous reste peu de liures d'un grand nombre qu'il y en a eu, lesquels soyent recognus pour veritables & certains, & constituent la reigle & formulaire sacré ainsi que liures de vie,

De la Parole de Dieu.

C H A P. C.

VOus auez peu entendre maintenant combien sont toutes les disciplines pleines d'ambiguité, incertaines, dangereuses, & fourcheuës, en sorte que en tant que nous pouuons esperer d'elles nous sommes contraints d'ignorer en quelle part la verité gist & repose, voire mesmes en la Theologie, sinon que quelqu'un aye la clef de science & cognoissance (car le cabinet de verité est clos & couuert de diuers mysteres, fermé mesmes aux saincts & aux sages) par laquelle clef ouuerture nous soit faicte à un si grand & incomprehensible thresor. Or ceste clef est la seule parole de Dieu (& n'y en a point d'autre) laquelle seule discerne toute espee & force de paroles, &

descouure celles qui procedent d'artifice
sophistique, & ne contiennent point ve-
rité, mais seulement quelque apparence
d'icelle, en somme iuge quel langage
contient en soy verité essentielle & non
desguisee ou fardee. Par ceste seule pa-
role tout artifice meschant & mensonger
est renuersé, & ne peuent durer contre
icelles aucunes argumentations, syllogis-
mes ny cautelles & ruses de sophistes,
Qui n'acquiesce & ne se soumet à icelle,
mais y contredit, est (comme dit Saint
Paul) superbe, & ne sçait rien, partant il
nous conuient examiner & esprouuer
toutes & chaqu'vnes sciences & discipli-
nes, à cette parole, ainsi que l'or à la
pierre de touche, & en toutes occasions
& auenement auoir là nostre recours &
refuge, comme à vn ferme rocher, puiser
de là la pure & asseurée verité en tou-
tes choses, & par icelle iuger de toutes
disciplines & inuentions, sans nous obli-
ger à aucuns preceptes, enseignements,
gloses, commentaires, ny autres dictz ou
escrits des Docteurs, quelques saincts &
doctes personnages qu'ils soyent, qui
sortent tant soit peu hors la ligne &
reigle de l'autorité de la parole diuine.

Car tout ce qui ne prend autorité & preuve d'icelle, dit Saint Gregoire, peut estre mesprisé aussi facilement qu'allégué. La science de ceste parole ne nous a point esté enseignée par aucune eschole de Philosophes ny par la Sorbone des Theologiens, ny és colleges des Scholastiques quels qu'ils soient, mais l'apprenons de Dieu seul & nostre seigneur Iesus-Christ par le Sainct Esprit aux liures qui sont appellés, canoniques, ausquels par expres & diuin commandement il n'est licite d'adionster ny diminuer chose quelconque: & qui attenteroit de ce faire, fust ce vn Ange du Ciel: est maudit par La loy de Dieu. Telle est la force & maiesté de ceste esriture, qu'elle ne peut souffrir aucune interpretation ny glose estrangere, soit humaine ou angelique; & n'est nullement ployable ainsi que cire selon les opinions des hommes, & ne peut estre tirée en diuers sens ainsi que les comptes fabuleux & fictions humaines, ou comme le Protee des Poëtes estre transformée en diuerses manieres, mais ayant suffisance en elle mesmes de s'es & de sagesse elle s'interprete & explique, & iugeant de tout n'est iugée de nul. Son

autorité, dit S. Augustin, est trop plus grande que toute subtilité d'humain entendement: car elle a vn sens simple & assuré, par lequel seul on doit disputer & vaincre. Quant aux autres interpretations externes, soyent morales, mystiques, cosmologiques, typiques, anagogiques, tropologiques, ou allegoriques, par lesquelles plusieurs la peignent ainsi que de couleurs diuerses & estrangeres, elles peuuent à la verité persuader aucunement quelque verité à l'edification du peuple de la parole de Dieu, prouuer ou reprouuer & impugner quelque chose en icelle, elle n'ont vertu aucune. Car que l'on mette en auant quelqu'une des expositions susnommées, que l'on allegue quelqu'un des auteurs d'icelles, pour docte & grand personnage qu'il soit, que l'on amene les interpretations, glosses, & commentaires de qui que ce soit d'entre les saincts Peres & Docteurs, tout cela ne nous scauroit tant astraindre, qu'il ne nous soit permis de faire force contre, & eschapper: Mais du texte de l'escriture & de l'ordre & conduite d'icelle sont faicts des liens qui ne peuuent estre brisez ny rompus, & desquels nul ne peut es-

chapper qu'il ne soit contraint de dire & confesser que c'est le doigt de Dieu, que l'homme n'a jamais parlé ainsi, que ce n'est point le langage des Scribes & Pharisiens, mais vne parole accompagnée de vertu & puissance, Or les auteurs de ces escriptures inspirés de Dieu nous ont ordonné vn Canon ou formulaire avec salutaire autorité, la grandeur duquel est, qu'il faut que nous y adions pleine foy, & tenions pour ferme resolu, & saint tout ce qu'il prononce & enseigne sans contredit. Comme S. Augustin en parle, disant qu'il attribue tant d'honneur aux liures seuls que l'on appelle Canoniques, qu'il croit fermement qu'aucun des auteurs d'iceux n'a failli, mais qu'il ne veut point croire aux autres quelque doctrine ou sainteté qu'ils ayent, s'ils ne prouuent leur dire & ne le luy persuadent par raisons euidentes, prises de l'Escripture sainte, & qui ne repugnent à la verité. A ces escriptures sommes nous renuoyez par Iesus-Christ, disant que nous nous enquerions des escriptures. Par icelle l'Apostre veut que nous esprouions toutes choses, à fin de nous tenir à icelles qui sont bonnes, &

que nous scachions discerner les esprits
s'ils sont de Dieu, & que nous puissions
rendre raison de toutes choses, & redan-
guer ceux qui contredisent, en sorte qu'e-
stans par ce moyen rendus spirituels
nous iugions de toutes choses, & ne
voyons iugez par personne. La verité
doncques de ces escriptures canoniques
& leur intelligence depend de la seule
autorité de Dieu qui la nous reuele, &
ne peut estre comprinse par aucun iuge-
mēt sensuel, par aucun discours de nostre
raison par aucun syllogisme de monstra-
tion, par nulle science, speculation ou
contemplation, en somme par nulle facul-
té ny vertu humaine, ains seulement par
la foy en Iesus Christ que, Dieu le pere a
mise en nous par le S. Esprit: laquelle est
d'autant plus ferme & asseuree, que aucu-
ne autre creance & persuasion des
sciences humaines, que Dieu est plus haut
& plus veritable que ne sont les hom-
mes. Mais que dis je plus veritable?
Dieu seul est veritable, & tout homme
menteur, partant tout ce qui n'est de ceste
verité est erreur, tout ainsi que ce qui
n'est de la foy est peché. Car seul est la
fontaine de verité, de laquelle il faut que

celuy qui cherche bonne doctrine boy-
ue, attendu que nous ne pouuons auoir
cognoissance : aussi n'y a il nulle science
des secrets de nature, des substances sepa-
rées ny de Dieu leur auteur, sinon qu'el-
le nous soit reuelee diuinement : pour au-
tant que les choses diuines ne sont
attaintes par les forces de l'esprit humain,
& les choses naturelles nous eschappent
à tout propos, & ne sont par nous
apperceuës : Dont il aduiant que ce
que nous pensons estre science en ces
choses n'est qu'erreur & fausseté : ce que
Isaie reproche aux Philosophes & sages
Chaldeens, en telles paroles : Ta sagesse
& ta science, dit-il, t'a deceu, tu as defailli
en la multitude de tes inuentions. Le
grammairien prend soigneusement garde
de ne faillir point au langage, ou de ne
proferer parole qui ne soit barbare ou ru-
stique : cependant ne se soucie guiere des
souilleures de la vie, ny des pechez. Le
poëte ayme mieux clocher en sa vie, qu'en
ses vers : l'historien met par escrit les
faicts & les prouesses des Rois & des
peuples, & ce qui est passé de temps en
temps pour en conseruer la memoire,
mais de sa propre façon de viure il n'en a

cure, & s'il en a aucune, il ne veut ou
honte de confesser ses erreurs. Le Rhé-
toricien a en plus grande horreur la ru-
desse & l'ardent d'une oraison, que celui
de sa vie. Le Dialecticien aymera mieu
nier la vérité toute évidente, que de céder
à son aduersaire en vne petite conclusion
de syllogisme. Les Arithmeticiens &
Geometriens nombrent & mesurent
toutes choses, mais l'ame pour leur re-
gard demeure sans nombre ny mesure.
Les Musiciens traittent des sons & des
chants, cependant n'entendent les dis-
sonances qui sont en leurs mœurs & en
leurs esprits: ainsi que ceux dont Dioge-
nes Sinope en faisoit mention, lesquels
sçauoyent fort bien rendre les cordes des
instruments par bonne harmonie, mais
estoyent esgarez & discordans & desor-
donnez à merueilles en leurs mœurs &
entendements. Les Astrologues recher-
chent les Astres & discourent par les
Cieux, & presument de deuiner ce qui ad-
uiert parmy le monde à autrui, mais ne
se donnent garde de ce qui est pres d'eux,
& leur est present chacun iour. Les Cos-
mimetres ont la cognoissance des terres
& des mers, de la forme des monta-

ignes, des cours de riuieres, enseignent les
termes & limites de chascue pais, toutes-
fois ils ne rendent pourtant l'homme
meilleur ny plus sage par ces choses. Les
Philosophes avec grand parade & vante-
rie recherchent les princes & causes des
choses, mais ignorent ou font peu de cas
de Dieu auteur de tout. Entre les Prin-
ces & Magistrats il n'y a paix ny con-
corde : & sont poussez à la destruction
l'un de l'autre pour bien peu de proffit.
Les Medecins pensent les corps malades,
mais mesprisent leurs propres ames.
Les Iuristes tres diligents obseruateurs
des Loix humaines transgressent à
tous propos celles de Dieu: Parquoy on
dit communément que l'on ne void point
de Medecin bien viuant, ny de Legiste
bien mourant, attendu que les Medecins
sont les plus intemperans, & les Iuristes
les plus meschans hommes du monde, &
voyons le plus souuent qu'ils sont sur-
pris de mort soudaine: ce qu'un de leur
troupe & des mieux renommez, à sça-
uoir Balde, grand Iurifconsulte, tesmoi-
gne. Les Theologiens nous preschent
avec grand cris les commandemens &
sacrez preceptes de Dieu, desquels ils

s'esloignent tant qu'ils peuuent en leur
façon de viure, & ayment mieux mon-
strer de congnoistre Dieu que de l'ay-
mer: & à la mienne volonté que plusieurs
d'entr'eux souz pretexte de la Theologie
ne deffendissent point la doctrine de Sa-
than, foulans aux pieds la verité de la pa-
role de Dieu, & condannans icelle. Or
quand l'homme aura appris & sçeu tou-
tes autres choses, qu'il sçaura la maniere
de bien dire & coucher par escript, qu'il
sera adroit à composer plus proprement
des vers, versé es discours des temps & de
leurs mutations & changemens, subtil
en argumentations, riche en figures & or-
nements d'oraison: qu'il aura l'heur de
memoire en beaucoup de choses, sera
prompt à nombrer, entendu aux propor-
tions & hazards, beau chanteur & balleur
en toute espee, qu'il aura compris toutes
les qualitez & mesures: les radiations
& reflections, l'assiette des terres & des
mers, les grandeurs des edifices & l'artifi-
ce de toutes les machines, qu'il sera sa-
ge & aduisé aux guerres & combats,
expert en tout ce qui appartient à l'agri-
culture, aux chasses des animaux, aux pa-
sturages & nourriture d'iceux, & en tout

qui concerne la diligence de la vie rui-
tique, qu'il soit industrieux es arts me-
chaniques, & en toute sorte d'ouurage,
qu'il soit excellent en la peinture, scul-
pture, fonte, & forges, rusé en la marchan-
dise & trafiques, hazardeux en nauigatiõ,
diligent obseruateur des cours des astres
de leurs influxions, & des predictions,
des destinees & des euenements en ces
choies basses par icelles, & scauant en tou-
te espeece de diuinatiõs des choses cachees
à venir, & de monstres inexpugnables de
magies, & des plus que magnifiques se-
crets de la cabale, & en toutes causes na-
turelles, voire qu'il passe iusques aux plus
hauts sieges qui sont dessus nature, qu'il
puisse censurer toutes les mœurs: admi-
nistrer tous les diuerses manieres de re-
publique, soit entendu en toute discipline
domestique & de mesnage, qu'il sache &
cognoisse les remedes à toutes maladies,
la force & vertu de tous medicaments,
& de leurs mixtions, & les condi-
nents, sauces, & apprests toutes
viandes & artifice delieieux de cuisi-
ne, & avec cela changer & transmuier
toutes choses, & extraire l'esprit & l'ame
du monde. En outre qu'il oit scauant en

tous les droits, exercé en toutes les tragédies forenses des Aduocats, és contentiō & débats Sorboniques, és hypocrisie monachales, en toutes les pies & religieuses traditions des SS. Peres. Quand, disie, l'homme aura sçeu & cognu toutes les choses susdites, & autres si aucunes restēt à sçauoir, il est certain qu'il ne sçaura riē s'il ne sçait la volonté de la parole de Dieu, & s'il ne l'accōplit. Celuy qui a pris toutes choses, & n'a appris ceste cy, en vain a appris tout ce qu'il a appris. Car en la parole de Dieu est la voye, la reigle, le but & le blanc où il faut viser, à qui ne veut errer, ains desirer atteinre a la verité. Toutes les autres sciences sōt subiectes au tēps & à l'obliuion, & perissables: car toutes ces sciences & arts, mêmes ces lettres, caracteres, & langages, desquels nous vsōs à present, periront, & autres viendront en vsage: & peut estre qu'elles ont esté perdues desia plus d'une fois & retrouuees ou resuscitees. La maniere de l'orthographe n'a esté tousiours de même, ains diuerse en toutes nations, & n'a esté sēblable en tous aages. La vraye & naturelle prononciation de la langue Latine à present n'est
en

en lieu aucun: les anciens caracteres He-
brieux sont perdus, & n'y en a plus de
memoire, mais vse l'on de ceux qui furēt
rouuez par Esdrats, & leur langue fut
corrompue & abastardie par les Chal-
leens ce qui est commun à toutes les lan-
gues, tellement que nous n'en auons au-
une auourd'huy où l'on puisse remar-
quer l'antiquité d'icelle, ny l'entendre,
ou siours naissans de nouveaux vocables
qui font perdre les vieux, & iceux estans
à lerechef restituez & renouvellez, tant
ont toutes choses peu fermes & non du-
rables, Bref, comme dit Terence, l'on ne
sait rien maintenant qu'il n'aye esté dit au-
trefois: rien ne se fait que l'on n'aye faict
par cy deuant. Comme de l'artillerie, la-
quelle l'on pense auoir esté inuention
moderne des Allemans, Volateran & au-
tres croyent que anciennement elle a esté
en vsage, & s'effayent de la tirer des vers
de Virgile:

*J'ay veu au fonds de ces places terribles
Salmonée estres en peines trop horribles,
Pour auoir feinct de Iupiter l'esclair,
Et du treshaut olympe le son clair.
Cil que ie dy esbranflant le brandon,
Et de cheuaux porté à l'abandon,*

H h

Quatre de rang alloit en brave arroy
 Par les Citez Grecques sur son charroy,
 Et au milieu de la Ville d'Elide
 S'attribuant des Dieux l'honneur solide,
 Homme insensé qui la nue à resoudre
 Et de la sus l'inimitable foudre
 Contrefaisoit au bruit d'erain, qui corne,
 Et de cheuaux courant aux pieds de corne.

Ne trouue Pon pas tesmoignage de ce
 dans l'Ecclesiaste, disant, Qu'est ce qui a
 esté? ce qui sera. Qu'est ce qui a esté fait?
 Ce qui se fera : & n'y a rien de nouveau
 sous le Soleil. Et il quelque chose de
 quoy Pon puisse dire, cela est nouveau? Il
 auoit desia esté és siecles qui nous ont
 precedez. Il n'est memoire de ce qui a
 precedé : aussi ne sera-il de ce qui sera cy
 apres, il n'en sera point, dis-je, de memoire
 vers ceux qui seront en apres. Et peu
 apres il dit, Celuy qui est sçauant, & pa-
 reillement celuy qui est ignorant, meu-
 rent. Que pourrons nous doncques dire
 autre chose, sinon que toutes les sciences
 & les arts sont souz la Loy de mort &
 d'oubliance, & ne demeurent point tous-
 jours en l'esprit, mais passeront, & mour-
 ront avec la mort mesme, veu que Iesus-
 Christ dit que toute plante qui n'a esté

plantée par le Pere Celeste sera arrachée
& mise au feu eternal: tant s'en faut que
la science conduise l'homme à l'immorta-
lité: mais la parole de Dieu demeure eter-
nellement, la cognoissance de laquelle
nous est pour certain si necessaire, que ce-
luy qui l'aura mesprisée, ou ne l'aura es-
coutée (par le tesmoignage de la mesme
parole es escritures) receura sur luy male-
diction, perdition, & condamnation eter-
nelle. Parquoy il ne faut point qu'aucun se
persuade que ceste parole doye estre es-
couchée par les seuls Theologiens: car el-
le appartient & inuite vn chacun: L'hom-
me, la femme, les vieils, les ieunes, &
infans estrangers, ou naturels, tous sont
obligez & tenus de l'apprendre, & ne se
departir d'icelle de la grosseur d'un che-
veu. C'est pourquoy il est ainsi comman-
dé en l'ancienne loy: Ces paroles seront
en ton cœur tous les iours de ta vie, tu les
acompteras bailleras de main en main
tes enfans & neveux, à fin qu'ils les
observent & fassent, tu t'y exerceras, &
contempleras icelles, estant assis en ta
maison, & cheminant par pays, en te cou-
chant, en te levant, & les porteras pour
memoire liez en ta main, & se presente-

H h ij

ront tousiours à tes yeux, tu les escriras sur l'entrée des portes de ta maison, Ainsi Iosué leut toutes les paroles & tout ce qui estoit contenu au Liure de la Loy deuant tout le peuple, les femmes, enfans, & estrangers. Esdras apporta pareillemēt le Liure de la Loy deuant toute l'assemblée du peuple, hommes, & fēmes, & tous ceux qui pouuoient entendre, & leut en iceluy en la place publiquement. Iesus-Christ aussi commande que son Euangile soit presché à toute creature par toute la terre Vniuerselle, & ce non point en tenebres ny à l'oreille, ny à cachettées es cabinets, ny à certains maistres Pharisiens ou separés, ou Scribes: mais ouuertement haut & clair en plein iour, sur les toicts, à tout le peuple, & aux fourbes: car voila ce qu'il dit à les Apostres,

Ce que ie vous dis, ie le dis à tous: ce que ie vous dis à l'obscur, dites le en plein iour & ce que vous escoutez à l'oreille, preschez sur les toicts. Et Sainct Pierre aux Actes dit, Il nous a commandé de prescher au peuple. Sainct Paul veut que l'on nourrisse les enfans en discipline & admonitiō Chrestienne: & Iesus Christ mesme reprint les Disciples de ce qu'ils

empeschoyent les petits de s'approcher de
luy. La simplicité & humilité desquels,
comme de ceux qui n'ont l'esprit preoc-
cupé d'aucunes mauuaises opinions, ny
enflé d'aucune science humaine, il ensei-
gne estre tant necessaire aux auditeurs de
la parole Dieu, que celuy est estimé du
tout mal propre ou inhabile au Royaume
de Dieu qui ne deuient ainsi qu'un de ces
petits. Parrant S. Chrysostome en certain
sermon veut que les enfans principalemēt
s'addonnent aux Saintes Lettres & que
les maris & les femmes en leurs priuées
deuisent & discourent d'icelles entr'eux
& avec leurs enfans, disent, demandent, &
s'interroguent les vns les autres du sens &
interpretation d'icelles.

Le Concile de Nicée ordonna par
ses decrets que chacun qui estoit du nom-
bre des Chrestiens fust pourueu d'un Li-
ure de la Sainte Bible. Scachez oncques
qu'en toute la Sainte Escripiture il n'y a
chose si haute, difficile, cachée, ny tāt sain-
cte, qui ne doyue estre sceuë de tous
Chrestiens, & qu'il n'y a rien qui aye esté
baillé en telle garde à nos gros maistres,
qu'ils le puissent ny doyuent celer au
peuple Chrestien. Ains que toute la

Hh iij

Theologie doit estre entierement commune à tous fideles pour en prendre chacun selon la capacité & mesure de la grace octroyée par le Sainct Esprit. C'est bien l'Office d'un bon Docteur de la distribuer à chacun selon ce qu'il est capable, & qui luy fait besoin, aux vns le laiçt, à autres la viande ferme, mais il ne faut defrauder ny fustrer aucun de la palture necessaire de verité.

Des Maistres des Sciences.

C H A P. C I

OR pour reuenir à nous, & prendre quelque conclusion à ce propos, vous auez ouy par ce qui dessus a esté deduit depuis le commencement iusques à ce lieu, que les arts & sciences ne sont autre chose que traditions humaines, par nous receuës moyennant vne sorte creance, & qu'elles ne sont appuyées sinon en incertitude de choses & d'opinions que l'on donne à entendre par demonstratiōs apparentes, & qu'il y a encor plus de tromperie que d'incertitude, voire sont avec ce contraires à Dieu & à toute reli-

gion. Partant c'est chose irreligieuse de croire que par icelles nous puissions acquerir aucune diuinité ny beatitude. C'estoit iadis vne superstition des Gentils, lesquels honnoroyent ainsi que Dieux ceux qui auoyent esté inuenteurs de quelque chose, ou qu'ils voyoient estre plus adroits & excellents en quelque art ou science que les autres hommes, & leur dedioyent Temples, Autels, & simulachres, les colloquans par tels moyens au nombre de leurs Dieux, & les adorans souz diuerses figures. Ainsi que Vulcan, lequel entre les Egyptiens estoit vn grand Philosophe, & le plus renommé, & raportoit toutes choses au feu, comme à leur principe naturel, dont il fut adoré souz la figure du feu: & Esculape (ainsi que dit Celse) pour ce qu'il exerça la Medecine vn peu plus subtilement que l'on n'auoit fait auant luy, fut pareillement à raison de ce receu au rang des Dieux: partant voyla toute la deyfication que peuent conferer les sciences, sans qu'il y en aye aucune autre, & laquelle le vieil serpent, qui est Pourrier de tels Dieux que ceux-là, promettoit à nos premiers peres, leur disant, Vous ferez ainsi que Dieux, scachans

Hh iiij

le bien & le mal : & pource celuy qui se vouldra glorifier à cause de la science, se glorifie en ce serpent : Car aucun ne peut posseder telles sciences si ce n'est par la faueur de ce serpent, les enseignements & preceptes duquel ne sont qu'enchantemens esblouyssemens, & en est l'issuë tousiours mauuaise : parquoy on dit vulgairement en proverbe, que tous les sçauans deuiennent fols : à quoy s'accorde Aristote disant qu'il n'y a aucun exquis sçauoir sans quelque meflange de folie. S. Augustin pareillement tesmoigne que plusieurs par desir de beaucoup sçauoir ont perdu le sens.

Il n'y a chose à la verité plus repugnante à la foy & Religion Chrestienne que la science, ny qui compatisse moins avec elle : Car nous sçauons par les Histoires Ecclesiastiques, & somme apprins par l'experience, comme à mesure que la foy est creuë & venuë en auant, les sciences sont tombées, tellement que la plus grande & meilleure partie d'icelle s'est tout esuanouye, tous ces arts magiques si puissans sont tellement disparus qu'il ne s'en void plus marque ny trace : & de tant de sectes de Philosophes à peine en est il

demeuré vne, qui est la peripatetique, encore est elle point en son entier: Et ne fut oncques l'Eglise en meilleur estat, ny plus en repos, que lors que toutes ces sciences se trouuoient à l'estroict serrées & reduites en peu de lieu: lors, dis-je, que pour la grammaire l'on n'auoit qu'un Alexandre François, pour la dialectique n'apparoissoit que Pierre l'Espagnol, à la Rethorique suffisoit Laurens d'Aquilée, par toute Histoire l'on n'auoit que le paquet des temps, pour les disciplines Mathematiques le compte Ecclesiastique, & pour tout le reste vn seul Isidoire estoit à suffisance.

Mais à present que la cognoissance des langues, & l'ornement des paroles, & le grand nombre des Autheurs sont resuscitez, & que les sciences reprennent force, la tranquillité de l'Eglise est troublée, & nouvelles heresies s'esleuent: car il n'y a maniere de gens plus mal propres à recevoir doctrine Chrestienne que ceux qui ont l'esprit desia embeu des opinions des sciences d'autant que tels sont tant obstinez & entiers en leurs opinions, qu'il ne donne prise ny lieu aucun au S. Esprit: sont tellement arrestez & attachez, & se

H h v

fient tant à leur propre sens & entendement, qu'ils ne cedent en façon aucune à la verité, & ne la veulent recevoir, si elle n'est prouuée par demonstrations & ratiocinations dialectiques, & se moquent ou mesprisent tout ce qu'ils ne peuvent comprendre, trouver, ou entendre par leur propre industrie & faculté.

Parquoy Iesus-Christ a caché sa doctrine aux sages & aux prudents, & l'a reuélée aux petits, à ceux, dis-je, qui sont pures en esprit, desnuez de tous thresors des sciences, qui sont purs en cœur, nets de toute ordure des sciences, & l'esprit desquels est ainsi qu'un beau papier blanc, auquel n'a esté encor escrit aucune chose des traditions humaines: ceux, dis-je, qui sont paisibles, non partiaux, nullement contentieux: qui ne combattent la verité par rioteux syllogismes, bref qui souffrent persecution à cause de la verité & iustice, & sont moquez & mesprizez par ces querelleux Sophistes, comme pures bestes, ou asniers, & sont diffamez aux escholes, interdits des chaires, deschassez des Vniuersitez, calomniez comme heretiques, quelquesfois poursuyuis à la mort, & iuez à cruels supplices. Ainsi iadis à Athe-

Des Maistres des Sciences. 711

nes Socrates fut estaint par venin Anaxagoras condamné à la mort, Diagoras accusé de crime capital, mais il se sauua du danger, où il estoit prest à tomber, promptement à la fuite.

Entre les Hebreux le Prophete Isaye fut scié en deux pieces, Ieremie lapidé, Ezeziel tué, Daniel liuré aux bestes, Amos occis, Michee precipité, Zacharie massacré pres l'Autel, Helie persecuté par Iesabel, laquelle fit mourir plusieurs autres Prophetes. Mesmes le S. Patriarche Abraham fut ietté en vne fournaise par les Chaldéens. Les Apostres semblablement & Disciples de nostre Seigneur Iesus Christ, & infinis Martyrs, tesmoins de la diuinité de Iesus-Christ, ont esté mis à mort par diuerses especes de tourments. Tous lesquels n'ont esté persecutez pour autre raison, sinon pource qu'ils sçauoient & croyoient mieux que c'estoit que de Dieu que les sages du monde. Ceux cy doncques, qui sont ainsi humbles en pauureté d'esprit, & en paix de conscience, prest à espandre leur propre sang pour la verité, sont ceux auxquels seuls est donnee la vraie & desifiante Sapience, qui nous transporte en l'Assemblée des Dieux bien

H h v j

heureux, à sçauoir des Anges, & nous trās-
forme en semblables Dieux bien heureux
qu'iceux, ainsi que nous sommes claire-
ment enseigne par nostre Seigneur Iesus
Christ, disant, Bien-heureux sont les pou-
res en esprit: car le Royaume des Cieux est
à eux. Bien-heureux ceux qui procurent
la paix: car ils seront appelez enfans de
Dieu. Bien-heureux sont ceux qui sont
persecutez pour iustice: car le Royaume
des Cieux est à eux. Il est donques meil-
leur & plus profitable estre idiots & ne
sçauoir rien du tout, & croire par foy & a-
uec charité, & estre approchez de Dieu,
qu'estans enfléz par subtilité des sciences
& enorgueilliz, tomber en la puissance du
Serpent. Aussi nous lisons es Euangiles
que Iesus-Christ a esté receu par les idiots
par le menu peuple grossier & simple, es-
tant cependant reietté par les principaux
Sacrificateurs, par les Docteurs de la Loy,
par les Scribes, par les maistres & rabbins,
& par iceux méprisé, voire persecuté ius-
ques à la mort. Iesus-Christ pareillement
n'a point choisi pour ses Disciples &
Apostres les Rabbins, les Scribes, les Mai-
stres & Sacrificateurs, mais des plus idiots
d'entre le lourd populaire, despourueus

de toutes lettres, ignares, & asnes.

Digression sur la louange de l'Asne.

CHAP. CII.

MAis afin que personne ne me calomnie si j'ay appellé les Apostres Asnes, ie veux expliquer briefuement les mysteres & secrets de cet Animal, sans sortir que bien peu de mon propos. Les Docteurs Hebreux ont figuré par iceluy la patience, & vne grande force, l'influence duquel dépend, disent-ils, de Sephirot, qui est dit hocma, c'est à dire Sapience. Car aux Disciples de la Sapience les conditions & mœurs de l'Asne sont tres-necessaires. Il vit en premier lieu de petite pasture, & se contente de toute mangaille qu'on luy presente : il est trespatient en la disette & faute de viures, en la faim, au travail, & aux coups, & endure doucement si l'on ne tient compte de luy, & quelque persecution qu'on luy face il est tres-pauvre & tres-simple en esprit, tellement qu'à peine cognoist-il les Laictuës d'entre les chardons : innocent

& pur de cœur, & sans fiel, n'a guerre ny discord avec animal quelconque, & supporte toutes charges également qu'on luy veut mettre sur le dos, en recompense de quoy il est exempt de poux, n'est guieres souvent malade, & vit plus long temps qu'autre animal des grands troupeaux. Les commodités & œuvres necessaire, que nous tirons de l'Asne dit Columella, sont plusieurs, & plus que pour sa portée: car il rompt la terre legere & facile à labourer, & traîne des charrois assez lourds & pesans: mais l'œuvre commune & ordinaire travail de cette beste, est de tourner les meules pour moudre le bled: toute metairie & maison rustique a besoin d'un Asne, comme d'un instrument & meuble necessaire pour porter & rapporter, ou traîner en la Ville plusieurs vtenfiles & denrées.

L'asne aussi a quelque iugement & faculté diuatrice au raport de Valere parlant de C. Marius, lequel ayant dompté le Midy, & le Septentrion, enfin estant déclaré ennemy de sa patrie, & persecuté par Sylla, eschappa le danger dont il estoit menassé par l'aduertissement qu'il print d'un Asne, & eut un Asne pour Autheur de sa fuite.

& de son salut. Et ne fut peu prisé cét animal en l'Ancien Testament: car ayāt Dieu commandé de luy sacrifier tous les premiers nais des animaux, il pardonna aux Hommes & aux Asnes seuls, permettant à l'homme d'estre racheté par prix d'argēt, & de bailler vne brebis en eschange de l'Asnon. Et n'est dit possible en mauuais sens par ancien prouerbe, que l'Asne porte les mysteres: parquoy ie veux bien aduertir ces Asnes de Cumes ces braues Professeurs des sciences, dis- ie que s'ils ne se deschargent de ces fardeaux des sciences humaines, & ne se despouillent de cette peau de Lyon empruntée, (non du Lyon de la lignée de Iuda, mais de celuy qui tournoye rugissant, cherchant proye pour deuorer, & ne sont reduits en purs & simples Asnes, qu'ils demeureront du tout inutiles à porter les mysteres de la Sapien- ce diuine.

Nous lisons beaucoup de miracles de diuers animaux. Plutarque recite qu'un Elephant escriuoit les Caracteres Grecs, & que cestuy là mesme deuint amoureux d'une fille de la Ville de Stephanopolis, & fut corruial d'Aristophanes le Gram- mairien. Le mesme Autheur dit, qu'un

Dragon aimoit vne fille Etolienne, & ont
crû plusieurs que cestuy-là mesme garen-
tit celui qui l'auoit nourry, & accourut à
sa voix. Nous lisons és œures de Plin
qu'un Aspic auoit accoustumé de venir
chacun iour à la table d'un certain hom-
me, & qu'une fois s'estant apperceu qu'un
de ses petits aspideaux auoit tué un des en-
fans de son hôte, il le fit mourir en hayne
de l'iniure qu'il auoit faicte à celui qui
les recueilloit, & depuis par honte n'osa
reuenir leans. Le mesme Plutarque racô-
pte qu'une Panthere rendit la pareille à
un homme qui auoit tiré ses petits du de-
dās d'une fosse, & l'ayant rencontré égaré
à trauers les bois le ramena au grand che-
min passant. Plus on dit que Cyrus fut
nourry par une chienne, & les premiers
fondateurs de Rome par une louue, com-
me ils eussent esté exposez à l'aduenture.
Je passe les miracles des Dauphins, & les
reconoissances des Lyons enuers ceux
qui leur auoient bien faict. Je me tais de
l'ourse Calabroise, & du beuf Tarentin
appriuoilez par Pythagoras, & plusieurs
autres de cette sorte.

Mais ce qui passe toutes les merueilles
est l'Asne que nous lisons auoir esté audi-

leur & condisciple avec Origene & Por-
phire du Philofophe Amonius Alexan-
drin, le p'us renommé de fon temps. L'af-
ne à veu l'Ange du Seigneur quand Balaã
le Prophete partit pour aller maudire le
peuple de Dieu, lequel fon Maiftre ne
fçeut apercevoir, pour monftrer que sou-
uent vn fimple & groffier idiot void les
choses qui ne peuvent eſtre veuës ny com-
prifes par le Docteur Scholaſtique ayant
l'eſprit corrompu & depraué par ſciences
humaines. Samſon avec vne maſchoire
d'Asnon frappa & mit à mort les gendar-
mes Philiftins, & ayant ſoif pria le Sei-
gneur, lequel ouurit vne dent moliere en
cette maſchoire, & d'icelle fit ſaillir de
Peau viue par laquelle il reprint vigueur,
& l'eſprit reuint.

Ainſi Jeſus Chriſt par la bouche de ſes
Asnes, ſimples, rudes, & groſſiers Diſci-
ples, & Apoſtres, à frappé & vaincu tous
les Philoſophes des Gentils, les Do-
cteurs de la Loy des Iuiſs, abbatu & ren-
uerſé toute la Sapiance humaine, & nous
a baillé à boire par les maſchoires de ſes
Aines des eaux viuifiantes en Sapience
Eternelle. Par ce que dit eſt vous pouuez
comprendre plus qu'en pleine clarié du

Soleil que l'Asne est la marque, deuise, & enseigne de l'esprit capable de diuinité, és mœurs duquel si vous n'estes changés vous ne pouuez estre bons ny habiles à porter les secrets de la Sapience diuine. Les Chrestiens anciennement estoient appellés asniers par les Romains, lesquels par mespris paignoient l'Image de Iesus Christ avec des aureilles d'Asne, comme tesmoigne Tertullien. Partant que nos Euesques & Abbés ne se faschèt point, & ne tiennent point pour reproche si à l'endroit de ces corpulents Elephans remplis de sciences ils sont appellés & estimés asnes, & que le peuple Chrestien ne trouue point estrange si ceux qui sont les plus sçauans sont les moins prisés entre ces Prelats & Recteurs des Eglises, & qui ont charge des choses sacrées entre nous: car le chant des rossignols n'est nullement plaisant aux aureilles des Asnes, & dit-on en commun prouerbe, que le cry des Asnes ne s'accorde ny conuient point au son de la lyre. Neantmoins des os de l'Asne la mouëlle ostée ou en fait de tres bonnes fleures, lesquelles bien embouchées & entonnées d'un bon vent rendēt vne me-

lodie & chant plus plaissant & deliceux
que ne fait lyre: luth, ny harpe quelcon-
que. Ainsi ces Religieux idiots par leur
chant asnier surpassent tous les plus ba-
billards Sophistes. Surquoy nous trouuôs
par escrit qu'aucuns Philosophes Payens
estans venus visiter S. Anthoine pour dis-
courir avec luy furent pressés de si pres
par ses responses, qu'ils s'en retournerent
avec leur honte. Nous lisons pareillemēt
qu'un certain personnage rude & ignorēt
fit avec peu de paroles demeurer muet un
grand Heretique docte & sçauant, & biē
versé aux lettres, & le reduist à la foy: ce
que n'auoyent peu obtenir tant d'Eues-
ques tres-sçauans qui estoient assemblés
au Concile de Nice avec longues & diffi-
ciles disputes. Iceluy estant aupres enquis
par ses amis, pourquoy il auoit cédé à cēt
idiot, apres auoir fait teste à tāt de doctes
Euesques, respondit qu'il luy auoit esté
aisé de rendre aux Euesques paroles pour
paroles, mais qu'à cest ignorant là, lequel
auoit parlé par l'esprit, & non par humai-
ne Sapience: il n'auoit sçeu que repliquer.

Conclusion de l'œuvre.

CHAP. CIII.

Maintenant doncques, ô asnes, lesquels avec vous asnons par la volonté de Iesus-Christ publiée par ses Apostres vrais messagers & prelecteurs de la vraye Sapience, estes desliés & deliurés des tenebres de la chair, & du sang, si vous desirez d'obtenir la Sapiencede l'arbre de vie, & non celle de l'arbre de science de bien & de mal, reiectans toutes les sciences humaines, & toute la curiosité & les discours de la chair & du sang & quels qu'il puissent estre, soit qu'ils regardent aux raisons & manieres de bien parler, soit qu'ils recherchent les causes, soit qu'ils s'adressent aux œuvres & effects sans aller aux Escholes de Philosophes & Colleges des Sophistes, entrez en vous mesmes, & là vous cognoistrez toutes choses: car la cognoissance de tout vous est dediée: ce que les Academiques confessent, & les Sainctes Escriptures tesmoignent. Car Dieu a créés toutes choses fort bonnes: c'est à dire au meil-

leur estat qu'elles peussent estre : Iceluy doncques ayant créé les arbres pleins de fruiçts, aussi crea les ames qui sont autres arbres raisonnables, pliens de formes & cognoissances : mais par le peché de nostre premier pere toutes ont esté couuertes, & y est entrée l'oubliâce mere d'ignorance. Descouurés doncques vostre entendement en ostant ce voile d'ignorance qui l'enueloppe. Rejetés vomissés ce breuuage infernal, vous qui vous estes enyurés d'oubliance. Veillés à la vraye lumiere, qui estes amignardez au sommeil de brutalité, & soudain à face ouuverte, vous passerez de clairté en clairté, car, cōme dit S. Iean, vous estes oingts par le sainct, & sçaués toutes choses. Et derechef : vous n'avez besoin qu'aucun vous enseigne : car l'unction d'iceluy vous enseigne tout : d'autant, que c'est luy seul qui dōne bouche & sagesse. Daud, Esaye, Ezechiel. Ieremie, Daniel, Iean Baptiste, & plusieurs autres Prophetes & Apostres, n'auoyent point estudié aux lettres, lesquels toutesfois de Pasteurs & rustiques deuindrent tres-sçauans en toutes choses : Salomon par le songe d'une nuit fut remply de Sapience en toutes choses

Celestes & terrestres, & prudent au maniment des affaires: tellement qu'il n'eust n'eust oncques son pareil. Et toutesfois tous ces hommes ont esté mortels comme vous, voire pecheurs. Vous direz possible, que cela est aduenu à peu de personnes. Il est vray.

*Bien peu de gents en la terre habitable,
Qu'aymer voulut Iupit requitable,
Ou qui d'ardeur de vertu vire espris.
Sont esleuez aux celestes pourpris.
Faire l'ont peu, qui sont enfans des Dieux.*

Mais ne perdes point esperance, la main du Seigneur n'est point accourcie à tous ceux qui l'inuoquent & le seruent fidellement. Sainct Anthoine & Barbare ce seruiteur Chrestien, moyennant la priere continuelle de trois iours, ont obtenu pleine cognoissance des choses diuines, ainsi que Sainct Augustin tesmoigne. Et si vous ne pouuez par claire & descouuerte intelligence, ainsi que les Saints Prophetes & Apostres, appercevoir icelles, cherchez d'en auoir la cognoissance par le moyen de ceux qui les ont regardées d'un vray & assuré regard. C'est le chemin qu'il faut tenir, dit S. Hierosme à Rufin, que vous cherchiez par l'estude

des lettres d'apprendre ce que le Saint Esprit a suggeré aux Apostres. Des lettres, dis ie. qui ont recueilly les diuins oracles, & sont receües du commun contentemēt de l'Eglise, & non de celles qui traittent les inuentions des cerueaux humains: car telles n'esclaircissent point l'intellect: mais le rendent plus obscur & tenebreux. Il faut doncques auoir recours à Moÿse, aux Prophetes, à Solomon, aux Euangelistes, aux Apostres: lesquels en toute espee de doctrine, sagesse, mœurs, langues, propheties, oracles, miracles, & sainteté de vie ont esté reluifans, & ont parlé de Dieu & choses diuines, comme instruits par luy, & des choses inferieures mieux que tous les hommes, & nous ont laissé tous les secrets de Dieu & de nature plus clairs que le Soleil, Car tous les secrets de Dieu & de nature, la raison & fondement de toutes les Loix & coustumes, la cognoissance de tous choses presentes, passées, aduenir, est contenuëe en Saintes Escritures de la Bible. Où est ce doncques que vous courez si precipiteusement, vous qui cherchez d'apprendre science de ceux qui ont consommé tout le temps de leur vie, & perdu leur

Industrie, sans auoir peu trouuer la verité?
O fols & meschâs, qui delaissans les dons
du Sainct Esprit trauaillé pour apprendre
des perfides Philosophes & Maistres d'er-
reurs ce que vous deuriez receuoir de Je-
sus Christ, pensez - vous que nous
peussions puiser de l'ignorance de Socra-
crates la science? des tenebres d'Anaxo-
goras la lumiere? du puits de Democri-
te la vertu? de la folie d'Empedocles la
prudence? ou la pieté du tonneau de
Diogenes? ou iugement de la stupidité
de Carneades & Arcefilaus? ou d'Aristo-
te & d'Auerrois impiteux & infidelles la
Sapience? ou la Foy de la superstition
Plantonique? Vous errez pour certain
grandement, & serez trompez par ceux
qui l'ont esté deuant vous. Retirez vous
donc en vous mesmes, vous qui estes desir-
eux de Sapience, departez vous des
brouillards des traditions humaines: &
vous joignez à la vraye lumiere.

Voyla la voix du Ciel, la voix d'en-
haut, enseignant & monstrant plus clair
que le Soleil. Pourquoi vous faites vous
ce tort à vous mesmes, de differer à rece-
uoir la Sapience? Escoutez l'oracle de
Baruch, c'est nostre Dieu, & nul ne sera
estimé

estimé au prix de lui. C'est lui qui a trouvé toute la voye de science, & l'a baillée à Iacob son seruiteur, & à Israël son bien aymé a baillé la Loy & les preceptes, & ordonné les sacrifices. Apres cela il a esté veu en la terre, & a conuersé avec les hommes: C'est à sçauoir qu'il a esté faict chair, & ouuertement enseignant ce qui est contenu sous figure en la Loy & és Prophetes. Et n'estimez point que cecy s'entende seulement des choses diuines & non des naturelles: mais entendez ce que le Sage tesmoigne de soy mesme: Il m'a, dit-il, donné la vraye science des choses qui sont: afin que ie sçache la disposition de toute la terre, & les vertus des Elements, le commencement, la consommation, & le milieu, & les changemens des temps, le cours & reuolution de l'année, les dispositions des Estoilles, les natures des animaux, les courroux des bestes, la force des vents, & les cogitations des hommes, les differences des plantes, & les vertus des racines: & ay congnu toutes choses secretes & non apparentes: car l'ouurier de toutes choses m'a enseigné par Sapience. Pour certain la science diuine n'a point de fin,

& ne faut iamaïs, elle ne s'escoule point,
& riē ne luy est adiousté: mais elle com-
prend toutes choses. Scachez doncques
maintenant que grād labeur n'est requis
à apprehender icelle, il ne faut que la
Foy & la priere. Elle n'a besoing de lon-
gue estude, mais d'humilité spirituelle:
grande quantité de Liures ne luy sont
necessaires, ains seulement entendement
purifié & proportionné ou approprié à
la verité, ainsi que la clef à la serrure:
car la grande qualité des Liures charge
celuy qui apprend plustost qu'elle ne
l'instruit: & qui s'amuse apres plusieurs
Auteurs, erre avec plusieurs. Au seul
Liure de la Bible toutes choses sont com-
prises & enseignées: à telle condition
toutesfois qu'elles ne sont entendues si-
non par ceux qui sont illustrez & illumi-
nez: car aux autres ce ne sont que para-
boles, enigmes, & choses closes & ca-
chetées de plusieurs Sceaux ou Figures.
Priez doncques le Seigneur sans douter
ny varier en la Foy, afin que l'Agneau
de la lignée de Iuda vienne, qui ouure le
Liure Seellé, lequel Agneau est seul,
saint & veritable, lequel seul a la clef de
science & de discretion qui ouure, & nul

Conclusion de L'œuvre. 737

ne ferme, lequel clost, & aucun ne peut
ouvrir. C'est Iesus-Christ, la parole &
le fils de Dieu le Pere, & la Sapien-
ce deïfante, vray precepteur faiet homme
tel que nous sommes, afin de nous ren-
dre Enfans de Dieu ainsi qu'il est, lequel
est benit en tous siecles. Mais pour n'e-
stendre mon oraison outre l'heure com-
me l'on dit, ie fais fin à icelle.

F I N.

